


Gift of
James W. Kenney



T. MACCI PLAVTI
C O M O E D I A E.

EX RECOGNITIONE
ALFREDI FLECKEISENI.

TOMVS I.

**AMPHITRVONEM CAPTIVOS MILITEM GLORIOSVM
RVDENTEM TRINVMVM COMPLECTENS.**

PRAEMISSA EST
EPISTVLA CRITICA AD FRIDERICVM RITSCHELIVM.



BOSTON COLLEGE LIBRARY
CHESTNUT HILL, MASS.

LIPSIAE
SVMPTEBVS ET TYPIS B. G. TEVBNERI.
MDCCCLXIX.

PA6104

. P5

(1859) 2

171026

ALFREDVS FLECKEISENVS FRIDERICO RITSCHLIO S. Quod **TIBI** potissimum, vir summe idemque animo meo carissime, hanc comoediarum Plautinarum recognitionem sive ex parte recensionem dicere mavis inscripsi neminem puto fore qui miretur, quoniam diu inter eruditos constat **TE** opera **TVA** iam per plus tria lustra Plauto emendando atque inlustrando impensa hunc poetam ita quasi **TVVM TIBI** vindicasse ut quidquid a sanioris quidem doctrinae rationibus profectum ad instauranda poetae verba excogitatum sit ad **TE** potissimum auctorem referendum iure videatur. illud contra cum quibusdam aliis tum **TIBI** mirum videri possit quod ego, dum **TV** Plautum **TVVM** pridem enixissime hominum doctorum votis ecflagitatum nuper in lucem edere coepisti et in absolvendo isto ingenii **TVI** ac nominis sempiterno monumentum naviter elaboras, eiusdem poetae fabulas ad artis normam correctas in publicum emittere institui. itaque ne temeritatis a prudentibus vel inhonestae lucri cupiditatis a malevolis arguar, narrandum mihi esse intellego qui factum sit ut hanc ego editionem nunc parare animum inducerem. detulit enim librarius honestissimus ultro mihi munus recognoscendi Plautinas comoedias quas in bibliotheca sua scriptorum Graecorum et Latinorum desiderari nefas esset: dubius primo haerebam nec dubitationes meas dissimulabam: sed cum edoctus essem viri honestissimi firmum ac stabile consilium esse ut hae comoediae in illa quam dixi bibliotheca foras emitterentur antequam **TVA** recensio ad finem esset perducta, quo in negotio nisi ego operam pollicerer alteri cuilibet homini docto eandem conditionem oblatum iri, tum omnibus remotis scrupulis et mihi et huic poetae debere visus sum ut provinciam illam ne recusarem: pro sua enim cuique parte acriter enitendum esse arbitrabar ut exempla harum fabularum eaque parvo parabilia in communem usum venirent quae ita essent comparata ut homines literarum Latinarum amantes tandem aliquando falsissimam illam sed plurimorum etiam mentibus insitam de infinitis licentiis metricis ac prosodiacis quibus numeri Plautini repleti essent opinionem abicere et summam eorum elegantiam perspicere atque admirari possent. ratio autem qua munere suscepto in hoc quidem primo tomo (quem ut secundus paucorum mensium intervallo excipiat curabo) perfungi studui necessario diversa fuit in eis fabulis quarum **TVAS** in manibus habebam recensiones, quae sunt Miles gloriosus et Trinummus, atque in eis in quibus meo periculo res erat gerenda, quae sunt tres reliquae. atque in illis quidem me tantum non in omnibus rebus. a **TVO**

missae sunt. haec eadem res in causa fuit cur et CAR. FRID. HERMANNI correcturas versuum Trinummi 191 sqq. et 679 TVAMQUE versus 425 quas in praefatione Stichii p. xix nuperrime prodidisti et MAVR. HAVPTII emendationes eiusdem fabulae quas, dum nuper incundissimo TVO hospitio Bonnensi utor, manu eius scriptas inspicere licuit, in eorum versuum quos recte correxisse videretur perpetuitatem recipiendi copia esset. doleo quod idem fieri non potuit emendationibus TVIS Militis gloriosi quas in eadem praefatione p. xvii sq. palam fecisti, quarum me aliquot occupasse non sine magna laetitia intellexi, paucas fabulae literis iam descriptae postea inserendas curavi, reliquas quas quidem veras esse mihi persuasisti infra adieci.

Duae autem potissimum res sunt quibus verba poetae ut in hac editione leguntur ab eo habitu quo a TB aut induta sunt aut ex proposito TVO olim induentur differunt: quarum una haec est quod omnia ea vocabula quae in libris scriptis non extant uncis inclusi *), altera quod orthographicum genus ad certam quandam normam dirigere studui. et illud quidem faciendum putavi non quo eos qui hac editione uterentur quasi admonerem ut eis quae sive ego sive alii supplevimus probabiliora substituerent (quamquam si hoc factum videro magno opere laetabor): nam qui artem criticam in his fabulis rite exercere volet plena supellectile critica carere non poterit: sed ut uno quasi oculorum obtutu conspici posset quam multae in libris casu elapsae essent voces ac voculae quae sine maximo aut sententiae aut sermonis aut exploratarum atque indubitatarum legum metricarum damno desiderari non possent, et hinc simul intellexeretur quam rationi convenienter ei facerent qui etiam ob subtiliores leges metricas sed eas artificiose indagatas singulas voces supplere non vererentur: quae quidem artis criticae pars eo minus dubitationis habet quo certius illud est quod TV ex excussis membranis Ambrosianis effecisti 'omnium uberrimum in Plautinis fabulis cor-

*) venia mihi petenda est quod hanc legem mea sponte mihi impositam per Amphitruonem non constanter servarim: illic quae praetermisi infra addenda curavi, nam haec voculae uncis includendae erant: arg. I v. 9 *illa*, ipsius fabulae v. 54 *ego*, 59 *haec*, 69 *Nam*, 81 *ille*, 89 *id*, 105 *et*, 114 *cum*, 125 *una*, 143 *hic*, 149 *huc*, 161 *huc*, 162 *ego*, 164 *med*, 166 *magis*, 170 *te*, 171 *ei*, 172 *id*, 180 *nam*, 193 *Qui*, 230 *tum*, 231 *prius et*, 242 *meus*, 245 *ruont*, 253 *ui*, 269 *his*, 284 *tu*, 321 *mihi*, 344 *tu*, 347 *mei*, 374 *At*, 384 *illut*, 404 *huc*, 408 *mi*, 420 *Est*, 520 *pol*, 523 *ego*, 524 *prius ut*, 533 *est*, 555 *tu*, 575 *Tu ea*, 577 *Et*, 578 *ego*, 584 *ex*, 588 *ea*, 593 *prius et*, 623 *te*, 651 *Et*, 675 *me*, 729 *tu*, 770 *i*, 838 *Ain?*, 841 *prius et*, 876 *ut*, 924 *Te*, 948 *ut*, 965 *At*, 968 *is*, 976 *mi*, 1003 *id*, 1015 *mea*, 1032 *in*, 1034 *nunc*, 1040 *ago*, 1075 *alterum est*, 1131 *ego*. item in Captivis aliquotiens in hac re erratum est: nam v. 449 non solum *tu*, sed *Iam tu* includere debebam (quod tamen supplementum inconsiderate a me additum esse infra monui), v. 469 *in*, 489 *de*, 847 *in*, 896 *ego*, 985 *iam*.

ruptelarum fontem non fuisse alium nisi quod, cum in familiari sermone plurimae voces vel abesse vel accedere vel vario sese ordine excipere nullo sententiae atque adeo elegantiae detrimento possent, horum nihil non librariorum quoque levitate imprudenter admitteretur saepissime. quod autem versuum quibus uncis circumdedi alios ut reliquos omnes apicibus insignivi alios non insignivi, hoc ea de causa factum esse scito ut illos me antiquae dittographiae reliquias, hos aut pannos a sciolis explicandi causa consutos aut versus Plautinos quidem sed aliunde petitos et in margine primum adpositos post autem in versuum genuinorum continuitatem casu inlapsos iudicare significarem. et in hoc genere sero vidi me Rud. 56 (cll. v. 541) non recte apicibus insignivisse quos deletos velim ut recte eos delevi Capt. 324 (cll. Aul. II 1 44) et Rud. 594 (cll. Merc. II 1 2 et in universum eis quae **tv** in Philologi tom. I p. 306 sqq. exposuisti): item apices Capt. 48 deletos velim. praeterea ne alii in errorem impellantur hic indicandum arbitror Militis versum 1181 uncis inclusum ad nullum horum generum pertinere sed supplementum esse a **te** confictum (cf. Mus. philol. VII p. 317 sq.) quod, cum alibi totos versus a **te** ad explendas lacunas factos, quamvis ingeniose et Plautinae consuetudini convenienter procusi essent, nusquam recipere fas habuissem, illo tamen loco temperare mihi non potui quin inter versus Plautinos asciscerem.

In genere orthographico ad certam constantiam revocando ultro easdem fere rationes secutus eram quas **tv** in praefatione Stichi p. xvi eis qui post **te** Plautum edituri essent commendavisti. debere autem visus sum eis qui hac opera usuri essent ut potiores eas res quibus orthographia in hac editione ex optimis libris et grammaticorum veterum testimoniis revocata a vulgari recederet hic summam complecterer, quo in negotio ea quae **tv** Prolegomenon Trinummi capite nono egregie exposuisti stamina esse volui quibus quae et **tv** ipse in reliquis fabulis post Trinumnum instauratis ad hoc genus spectantia nova protulisti et quae alii probabiliter investigarunt et quae ipse observavi ita subtexerem ut nihil reconditus quidem praetermissum putem quod non in hoc conspectu explanatum reperiatur. praeterea subiunxi quae dum plagulas harum fabularum retracto me invito non recte scripta animadverti et correcta velim. ut a vocalibus ordiar, pro *a* suasu BERGKII scripsi *e* in *anteperta* Trin. 643 quod ab *antepariendo* dictum est ut *anteceptus* ab *antecapiendo*, eandemque antistoechiam amplexus sum in *dispenno* et *dispassus* Mil. 1407 et 360 pro *dispando* et *dispassus* et in *aequipero* et *defetigo* verbis quorum vicarias scripturas *aequiparo* et *defatigo* vix usquam boni libri sine discrepantia agnoscunt: *o* autem pro *a* posui in *uociuos* Trin. 11 pro *uacuos* de qua forma post eundem BERGKIVM plura alibi dixi: *i* pro *e* in *opstitrix* Capt. 629 et Mil. 695 pro

obstetrix suadente illo versu V. C. auctoritate et analogia *restitrix* et *institor* nominum, et in *dilectus* Rud. 1279 pro *delectus* (cf. Fest. Pauli p. 73 cum MVBLLERI adnotatione): o pro e praecedente u consonante in *uorro uorto uoster uoto* cum sna subole ut *euorro conuorro auorto reuortor aduorsum peruorse uniuorsus* et quae sunt similia, quo in genere sero animadverti levem inconstantiam quam **TE** praecedente admisi: nam Trin. 707 **uorsus** pro *uersus* etiam sine libris scribendum fuisse mihi concedes si relegeris Quinctil. I 7 25 *): praeterea **controuorsias** mihi reponendum erat Rud. 826, Amph. 326 **interuolli**: oe scripsi pro e in *oboe-dio*: contra *faenus* pro *fenus* vel *foenus*: at iniuria *praelium* scripsi pro **proclium** quod restitutum velim Amph. 225 255 415 744 Capt. 60 Rud. 1154: u pro e constanter servavi in omnibus gerundiis et gerundivis tertiae quam vocant et quartae coniugationis ut *agundae edundi dicundum quaerundum fugiundi conueniundus* (minime autem gentium in *uidundi* quam formam ab oseitanti librario Amph. 638 fictam fuit qui non aspernaretur: ceterum Mil. 34 **perhauriundumst** scribendum erat et Trin. 867 **sistundae**: contra non ausim Mil. 1276 *metuondus* restituere): e pro i in *intellego* et *neglego* quae formae non tantum apud Plantum sed apud omnes Latinos scriptores solae fidem habent, in *Aleus* pro *Alius* (quod ex Ἀλεῖος fictum est ut *Philippeus* ex Φιλίππειος, *platea* ex πλατεῖα, *gynaeceum* ex γυναικεῖον, *balineum* ex βαλανεῖον, *chorea* ex χορεία), in *semul* pro *simul* (notanda etiam scriptura V. C. *adsemulabo* Stich. 84), denique in *labeae* pro *labiae* Stich. 721 (cf. Non. p. 210, unde fortasse Mil. 93 *labeis* restituendum est, praesertim cum Charisius I p. 79 *labris* in hoc versu legerit quod metro respuitur): u pro i in superlativis et numeralibus ut *decumus uicensumus centensumus* et similibus ut *legitumus maritumus lacruma uictuma aestumo existumus* omnibus (at non in *exumius* quam formam Stich. 381 errori librorum tribuendam puto), praeterea in *lubet* eum *conlubitum* et *lubido* et reliqua progenie, in *clupeus cluens* et *cluenta* (unde etiam **cluentelam** scribendum erat Rud. arg. 4) *mancupium* (me invito Rud. 930 *mancipia* relictum est) *carnufex* eum *carnuficina manifestus sacrufico magnuficus* (unde *pontufex* Rud. 1377, *fumuficem* Mil. 412, *opuficina* Mil. 880, *spurfuficum* Trin. 826, *munufica* Amph. 842, *signuficem* Rud. 896, *pacuficari* Stich. 517 et quod sescentiens legitur *luduficare* reponenda videntur) *subrupio* vel *surrupio occupio insulio prosulio desulio* (quas scripturas ra-

*) eadem scriptura *uorsus* num etiam Amph. 55 et Capt. 56 reponenda sit dubitare licet propter tempus quo hos prologos compositos esse TV edocuisti Parergon vol. I p. 232 sq.: sed ego illic quoque praetulerim.

tione non carere alibi probavi et suspicatus sum hoc genus etiam
 latius patere), item in *surpiculis* Capt. 816 pro *sirpiculis* (cf.
 Lucil. ap. Non. p. 490): *u* pro *o* in *adulescens* et *epistula* (quae
 formae itidem apud ceteros scriptores illa sola haec praeter vi-
 cariam fidem habent), in *triobulum glaucuma Acheruns*: *au* pro
o in *ausculum* et *ausculari* (cf. Fest. Pauli p. 28 et Priscian. I
 p. 562): *o* pro *u* semper post alteram *u* sive consonantem sive
 vocalem, ut scripserim non solum *uolt uoltis uoltus uolgus uolpes*
Volcanus seruos nouom uiuont sed etiam *mortuos mutuom miluom*
ingenuom praecipuos triduom fluctuom ruont abnuont et quae sunt
 similia exceptis *tuus tuum suus suum*, item praecedente *qu* ut in
quouis quoi quor quom (ubi coniunctio est) *quaequomque utquom-*
que (non *quomplures* sed *conplures* quoniam in hoc vocabulo
 praepositio est) *aequom* et *iniquom*, nisi *cu* posui ut in *mendaci-*
locus falsilocus uanilocus conlocuntur pedisecus execuntur: anti-
 quitus videlicet utrumque genus eodem modo scriptum esse vi-
 detur **QVIVS QVM ABQVM PEDISEQVS** sicut **PEQVNIA QVRA** et quae
 sunt similia: denique *oe* pro *u* in *moenia inmoenis moenio admoe-*
nio conmoenio (sed non ausus sum *conmoenis* scribere pro *conmu-*
nis) *circummoenio* (quare etiam Mil. 223 **moeni** scribendum erat):
 sero intellexi Rud. 998 et 1000 **poeniceo** et **poeniceum** resti-
 tuendum fuisse cll. Pseud. I 2 92. de Graeca vocali *y* ex Plautinis
 fabulis prorsus expellenda in eiusque locum ubique *u* reponenda **tv**
 in Proleg. Trin. p. xcvi nimis caute indicasse videre, confidentius
 ibid. p. cccxxv: ego in quattuor primis comoediis hoc tomo com-
 prehensis nisi in *Amphitruo* et *sucophanta* et *magudaris* Rud. 633
 et *trugonus* Capt. 851 (qui Graece dicitur *τρυνγών* quo de para-
 schematismo cf. **LOBECKII** Paralip. gramm. Gr. p. 138) submo-
 vere non eram ausus, sed in Trinummo hac in re constans esse
 coepi, scripsi igitur *Lusiteles nuropola Olumpichus Surus Illuricus*
 (v. 852 scripturam Ambrosiani **Hilurica** intactam debebamus
 relinquere cll. Men. II 1 10), neque in relicuis fabulis literam illam
 tolerabo quam ne Ennium quidem et Attium adhibuisse Ciceronem
 et Marium Victorinum testes habemus. *cena* et *paenitet* et *ne*
 adfirmandi particulam me sic semper scripsisse pro *coena* et *poe-*
nitet et *nae* silentio praeterirem nisi multos homines doctos vi-
 derem novicias illas ne dicam barbaras formas etiamnunc am-
 plecti. simplici *i* duce Ambrosiano (Trin. 17) scriptus est nomi-
 nativus ille pronominis pro *ii*: 'geminatum enim *i*' ut **tvA** verba
 faciam mea in pronomine non maiorem fidem habet quam in *dii*
diis pro quibus aut *di dis* ut *i is* aut *dei deis* ut *ei eis* veteres
 probarunt: item semper scripsi *obicio incio conicio deicio adicio*
 cum similibus in quibus geminum *i* in nullo bono libro reperitur,
 contra Trin. 644 non *obex* quod **tv** coniectura alioqui praeclara
 adsecutus es sed *obicx* de qua scriptura alio loco accuratius dis-

serui. extritas vocales invenies in *conquistor* Amph. 65 et 82 pro *conquisitor*, in *fenstra* Mil. 379 et Rud. 88 pro *fenestra*, in *uitor* Rud. 990 pro *uietor*, in *sorsus* Rud. 1314 et *sorsum* Capt. 710 pro *seorsus* et *seorsum* (unde nescio an Amph. 1108 et Rud. 179 *dorsum* pro *deorsum* restituendum sit). aspiratio aut interaspiratio addita est *holus* et *holitor* et *harundo* (Bacch. 51 non dubito quin **TE** ipsum paeniteat spretae V. C. auctoritatis, cf. Stich. 289 347 Rud. 122 294) et *cantherius* vocibus, dempta *erus* et *elleborus* et *aruspex* et *ariolus* et *tus* nominibus et pro exclamationi (demenda ni fallor etiam *ah* et *oh* et *uah* exclamationibus): non iusto loco interaspirationem insertam esse Amph. 868 et Trin. 132 in *inchoatam* vocabulo sero intellexi quod **incohatam** scribendum esse post WAGNERI disputationem in Orthogr. Vergil. p. 440 et OSANNI adnotationem ad Cie. de re p. p. 111 sq. eertum videtur, praesertim eum in Amph. versu V. C. *incoatam* exhibeat. ut ad consonantes progrediar, ante *s* et *t* nusquam toleravi *b* sed ubique *p* reduxi velut in *aps* *apsum* *apsoluo* *apscedo* *apstuli* *apstineo* *opsecro* *opsero* *opsequor* *opseruo* *opsigno* *opsisto* *opsonium* *opstrictus* *supsequor* *supsulso* *urps*, *optempero* *optestor* *optineo* *optigit* *optusus* *optrunco* *supterduco* *supterfugio*, et semper scripsi *puplicus* et *puplicitus*, item *set* *aput* *illut* *istut* *aliut*: contra molliorem cum durior sono mutare quod librorum auctoritas fere exigebat non ausus sum in *ad id quid quod* quas scripturas propter usum cui haec editio destinata est populo concessi, scientiam mihi reservavi: *haut* dedi ante vocales et *h* literam et consonantes gutturales, ante labiales et dentales ubique *hau* (itaque etiam *hauscio* et hoc quidem *ὅφ' ἔν* ut *nescio*), de quo discrimine artificeiose investigato alibi dixi: pro *quatrیدuo* Asin. III I 19 ex V. C. scripsi *quadrیدuo* quae scriptura rationi sola conveniens ubique revocanda est (cf. TREGDERI praef. Cic. Tuse. p. xxii): illud autem me nunc paenitet quod Trin. 1016 **TE** praeunte eum libris *gurgulios* scripsi pro **curculios**, illa enim recentior est forma apud Vergilium quoque Georg. I 186 in multis libris extans sed neque in Romano neque in Mediceo, haec Varronis auctoritate stabilita apud Servium in versum illum Vergilianum, quo accedit quod Rud. 1325 uterque liber Palatinus tuetur *curculiunculos*, ut taceam nomen *Curculionis* in fabula cognomine. geminatas consonantes **TE** duce probavi in *muccidus* (at *sucidus*) *futtilis mustella*, item in *essum* et *comessum* et *essurio* cum similibus (me invito Capt. 912 *esuriens*, ibid. 468 *esurialis* relictum est *): praeterea semper

*) huc pertinet etiam quod nunc intellexi scriptura librorum *uisse* Mil. 302 pro *uisse* et Ambrosiani *ussurae* Trin. 181, eodem scripturae *cassus* et *diuisiones* apud Quinctil. I 7 20, in quibus omnibus sicut in *essum* aut *t* aut *d* litera est quae ut extrita compensaretur videtur *s* geminatum esse.

scripsi *redduco* (at *redux*, cf. SCHNEIDERVS de elem. ling. Lat. p. 587 sqq. cuius de duobus versibus Capt. 923 et Rud. 909 iudicio non sum obsecutus) *repperi rettuli*: Mil. 26 27 30 1180 sero intellexi non fuisse sollicitandam scripturam optimorum librorum **bracchium** (cf. WAGNERI Orthogr. Verg. p. 419), item Rud. 547 et 1313 **marsuppium** sive **marsippium** quod in libris Plautinis eadem inconstantia scriptum reperitur qua in libris Graecis *μαρσίπιον μαρσούπιον μαρσίππιον*: contra improbandum arbitror *nollo* quod TV nuper in Sticho ubi libri praebebant in continui- tatem verborum recepisti et in praefatione p. xv sq. ita defendisti ut quam scripturam antiquos auctores habere ex Diomede grammatico disceremus eam ab editore Plauti obscurari par non esse contenderes. cui sententiae lubenter subscriberem si rationem istius antiquorum doctrinae perspicerem: TV quidem 'satis ἀνα- λόγως *nonuolo* transire in *nollo* potuisse' profiteris, sed antequam quae fuerit ista analogia argumentis eviceris non possum non doctrinam illam pravam iudicare ortam fortasse ut SCHNEIDERVS l. s. s. p. 418 scite suspicatur inde quod *malo* a μάλλον descen- dere opinabantur: itaque me ipse reprehendo quod praepostero usus iudicio et TVA ipsius spreta admonitione per totam Trinum- mum vitiosas scripturas *nollo* et *mallo* induxi: restitutum igitur velim v. 634 685 688 945 979 1060 1157 1170 **nolo**, 762 **malim**: ceterum idem SCHNEIDERVS docet cum Diomede etiam Cornutum apud Cassiod. p. 2283 sq. Papirianum apud eundem p. 2290 Bedam p. 2339 in damnandis scripturis *mallo* et *nollo* conspirare. dixi de geminatis consonantibus. in compluribus vo- cabulis suadentibus libris eae consonantes quas posterior aetas extriverat restitutae sunt, velut in *quinctus* pro *quintus*, *nactus* pro *nactus* (non autem *percunctor* vel *perconctor* scripsi sed *per- contor*), *corruptus* et *corruptor* pro *corruptus* et *corruptor*, *tempto pedetemptim contempno* pro *tento pedetentim contemno*: item *deciens centiens totiens quotiens* cum similibus et *centensu- mus uicensumus* et *thensaurus* quod etiam neutro genere *then- saurum* a Plauto dictum est (velut per totam Trinumnum) pro *thesaurus*, *gnatus* pro *natus* ut tamen hanc scripturam non om- nino repudiarem sed id discrimen servarem quod NAEKIVS in Opusc. philol. vol. I p. 187 sqq. 'sine libris ipsorum locorum inter se comparatione' effecit, constanter autem *ignatus* pro *innatus* scriberem. simplices consonantes TV restituisti in his vocabulis quae vulgo geminatis scribi solent: *hice huice hicine hucine sicine* cum similibus, *ilico* 'pro reiectaneo *illico*', *ocultus* ubi numeri primam syllabam brevem flagitant pro *occultus*, *sario* pro *surrio*: addidi *litera* quam scripturam altera potiolem esse alibi demon- stravi, *pelex* Rud. 1047 pro *pellex*, *pinula* Amph. 143, ut priore manu in V. C. exaratum est, hoc enim ad *pinnam* eandem

rationem habet quam *anulus* ad *annum*, *uileus* ad *uillam*, *nilia* ad *mille*, quod genus etiam latius patere arbitror: *rusum* *susum* *prosum* quas formas TV Plautino sermoni evidenter vindicasti constanter reduxi, nisi quod Amph. 1112 *rursum* reliqui propter iuxta positum *uorsum*, qua de causa etiam Capt. 656 *sursum* *uorsum* intactum debebam relinquere. *ti* pro *ci* servavi in *indutiae* *infitor* et *infittias* *nuntius* *contio* *conditio* *suspicio* *conuitium* vocabulis quorum de plurimis alio loco accuratius disserui, item in *setius* cuius vicariam formam *sectius* Varronis testimonio firmatam TV palmari emendatione Trin. 130 restitisti. pro *qu* scriptum est *c* in *cotidie* et *cotidianus* et *relicuos* de quibus scripturis in vulgus constat, et in *casso* pro *quasso*. *s* pro *x* reposui in *sescenti*, reponendum fuisse sero vidi in *pausillum* et *perpausillum* Capt. 176 et 177, in *pausillulam* et *pausilluli* Rud. 729 et 997, in *pausillatim* Rud. 929: pro *c* scriptum est in *suscenseo*. pronominum formas *quicque* et *quicquam* scripsi per *c*, *quidquid* per *d*, sed constanter *nequiquam* postulante ratione et consentientibus libris tantum non omnibus. *dispenno* formae Mil. 1407 pro *dispendo* iam supra mentio facta est: eodem versu *distennite* scriptum est pro *distendite*. formae pleniores quam quas politior aetas probavit sunt *iuenia* Mil. 304 pro *iunia* et *praehibeo* pro *praebeo*: semel (Trin. 426) libri testantur *dehibeo* pro *debeo*, sed quia constantem scribendi rationem exequi volebam, hoc autem ubique reponere mihi nimiae audaciae videbatur (qua in re nunc TB adsentientem habeo in praefatione Stich. p. xvii), illo versu vulgarem formam restitui: quod fortasse facere non debui sed potius ubique *dehibeo* ponere, ut nunc me fere paenitet quod non ubique *duellum* *duellator* *Duellona* *duelligero* restitui pro *bellum* *bellator* *Bellona* *belligero*. sed diligentius toto hoc loco peruestigato multa etiam vitia et inelegantiae aperientur quas aequi lectores facile excusabunt, praesertim eum, ut verissime TV nuper docuisti, 'suapte natura non tam certis finibus hic locus universus circumscriptus sit quin semper quaedam vagatura sint liberius quae unius normae severitate exaequari aut ratio vetet aut dissuadeat commoditas'. sed non mitto hunc locum antequam de altera litera Graeca α quam septimo demum a. u. e. saeculo eoque exeunte relicuis denuo adiectam esse scimus sententiam meam TIBI proposuero, cum aliquot in hoc genere peccata admisisse videar quae correctione indigeant. illam igitur literam ab ipso Plauto non esse adhibitam certum est: extat autem in nostris libris in *zona* eum *zonarius* *zamia* *Zeuxis* *Zacynthus* *badizo* *trapezita* vocabulis quae quidem, cum Priscianus I p. 561 referat 'veteres pro ξ *s* vel *d* posuisse *Sagunthum* [an *Sacanthus*, ut grammaticus ipsos versus Mercatoris Plantinae III 4 62 V 2 99 102 in mente habuerit?] *massa* pro $\Sigma\alpha\upsilon\nu\nu\theta\omicron\varsigma$

μᾶζα, odor quoque ἀπὸ τοῦ ὄζειν, *Sethus* pro Ζῆθος [spectat hoc ni fallor ad Pacuvii Antiopam] dicentes et *Medentius* pro *Mezentius*, non dubito quin ita scribenda sint ut omnia exceptis duobus quae ultimo loco posui ab s litera incipiant, quae mea sententia eo non mediocriter confirmatur quod Merc. V 2 84 uterque liber Palatinus *sonam* exhibet pro *zonam* (corrigendum igitur Trin. 862 **sonarius**): *badizas* autem Asin. III 3 116 mutandum est in *badissas* ad similitudinem verborum Plautinorum *malacisso Atticisso comissor cuathisso* aliorum: *trapezita* denique nomini utrum *trapedita* an *trapessita* (nam *Mezentium* antiquitus etiam *Messentium* dictum esse tradunt Diomedes et Velius Longus aliorumque nubem exemplorum geminati s pro ζ positi conguessit SCHNEIDERVS l. s. s. p. 384 sq.) substituendum sit ex prosodia huius nominis recte definita pendet: atque hac in re TE, vir doctissime, opinio graviter fefellisse videtur qui Proleg. Trin. p. cxxxvii confisus integritate scripturae librorum in versu Trin. 425 adseveraris ‘z literam in *trapezita* vi positionis exutam esse’, quo ego dicto bona fide usus de duobus versibus Captivorum prave iudicavi. evolve enim quaeso hos versus Plautinos quorum vulgata scriptura recte se habet: Asin. II 4 32 Curc. III 50 III 4 3 V 2 20 Pseud. II 4 67 et adde Capt. 449 qui versus restincto meo supplemento (illud ‘mea interpolatione’ volui dicere) ita restituendus est **Séquere me uiáticum ut dem á trapessitá tibi** et eiusdem fabulae v. 193 qui in hunc modum apicibus consignandus est **Quantillum argenti mi áput trapessitám siet** et Curc. V 3 43 cui ope V. C. haec forma reddenda est **Tú me sequere: Quó sequar te? Ád trapessitám meum** et eiusdem fabulae II 3 66 cuius correcturam in Proleg. Trin. p. cxxvi propositam TV mihi probasti praeter apices sic potius dispertiendos [Íbi] ‘**dedistin tu árgentum?**’ inquam: ‘**immo áput trapessitám situmst**’ (nisi fortasse sic instaurandus est ‘**Dëdistin tu árgentum?**’ inquam: ‘**immo**’ [inquit] ‘**áput trapessitám situmst**’): illos inquam versus si consideraveris, ne TV opinor mihi astipulabere non solum Trin. 425 in quo versu me TVAM correcturam nuper propositam recepissem supra professus sum nunc sic corrigenti **Trapéssitae drachumárum mille Olímpicho** vel **Olímpico** sed etiam hos versus Curc. II 3 62 III 36 V 3 34 Epid. I 2 40 lenibus transpositionibus in hunc modum redintegranti

Écquem in Epidauró trapessitám Luconem nóuerim.

Trapéssitam [hic] Lucónem quaero: Díc mihi.

Me ípso praesente ét trapessitá Lucone: Nón taces?

Díc modo, unde auférre uis me? a quó trapessitá
petam?

toto enim eaelo a vero aberravit KAMPMANNVS qui de praep. in usu Plant. p. 11 sq. primam huius vocabuli syllabam produci posse opinatur. sed redeo unde abripi me passus sum longius et verbo dico de adsimilatione praepositionum eum verbis et nominibus compositarum. in quo quidem genere idem ego institutum tenui (certe tenere volui) quod PHIL. WAGNERVS in Vergilio suo ad pristinam orthographiam revocato se tenuisse professus est Orthogr. Vergil. p. 406 sq.: libros igitur bonos, Ambrosianum potissimum et Veterem Codicem, duces ita secutus sum ut in eis verbis in quibus constanter inflexa esset praepositio retinuerim adsimilationem, respuerim eandem in eis in quibus praepositiones integras a Plauto servatas esse vel pluribus exemplis vel etiam uno satis probabili declaratum videretur. non opus est ut omnia nomina ac verba eum praepositionibus composita hic enumerem, nam si totus hic locus ad liquidum perduei omnino umquam potest, hoc tum demum fieri poterit cum omnes comoediae a TE supellectile critica instructae in publicum prodierint: sed pauca quaedam quae hic pertinent promissum attingo. *ad* praepositio semper mutata est ante *t* et *r* literas velut in *attineo attondeo arrideo arrigo arripio* (Rud. tamen 1332 duobus libris scripsi *adroget*), item in *accedo accipio accuso appello*: non debebam autem *appareo* servare Amph. 793 794 Capt. 457, quia Trin. 218 in Ambrosiano teste SCHWARZMANNO scriptum extat *ADPAREAT*, neque *accumbo* vel *accubo* Amph. 802 804 Mil. 653 753 Trin. 473, quia idem liber antiquissimus Stich. 488 *ADCUMBERE* tuctur: eandem voelam constanter truneavi ante *s* literam ubi hanc una vel duae consonantes exeipiunt, ut in *asto ascendo aspicio* et *aspetto aspernor astringo*: *con* praepositionem semper integram servavi praeter *commodus* et *corrumpo* et *conecto conitor coniveo* cum similibus de quibus TV nuper disseruisti in Mus. philol. VII p. 318 sq.: *ex* ante *f* ubique mutavi in *ec*: eadem praepositio ubi cum verbo ab *s* litera ineipienti composita est, hanc extrivi velut in *exequor exigno exoluo exurgo exupero excrabo expecto*: *in* semper integra relieta est praeter *impero imperium impetro* (sed in his quoque, ut sero vidi, integra servanda erat): *ab* et *ob* et *sub* praepositiones ut ante *f* consonantem constanter inflecterem sedulo curavi propter rationem Philologi tom. III p. 322 a me significatam: scripsi igitur Amph. 322 *afuit* (ubi V. C. *affuit* habet), 646 *offirmato*, 893 *offuit*, 1002 *sufferet*, Capt. 755 *offrenatum* (V. C. *oferenatum*), Mil. 209 *suffigit*, Rud. 588 *suffudit*, 1013 *offlectam*, 1059 *suffringi* (V. C. *subfringi* raro exemplo), Trin. 1092 *offusam* et sic quidem semper nisi contrarium ascripsi conspirantibus optimis libris. absolvero hunc orthographiac in hac editione

receptae conspectum, si pauca addidero de eis verbis quae contra usum vulgarem divisim scribenda duxi: sunt potissimum haec *intro eo, intro mitto, intro specto, intro rumpo, in uicem, dum modo, ad modum et quem ad modum, quo modo, huius modi* cum similibus, *res publica, ius iurandum* (hinc corrigendus versus Rud. 46), *si quidem* (sic restituendum Mil. 520) et *quando quidem, iam dudum et quam dudum, prius quam, ubi ubi, ne utiquam, tam etsi*: quorum tantum de hoc quod postremo loco posui habeo quod dicam. recte TV in Proleg. Trin. p. cXLIII docuisti *tametsi* compositum esse ex *tam* vicaria forma *tamen* particulae, cuius cum TV adfirmasses praeter illud compositum nulla in Plautinis libris exempla superesse, nuper ipse TB correxisti in annotatione ad Stich. 44 in quo versu liber Ambrosianus illam ipsam formam *tam* pro *tamen* testatur. nunc vero quid tandem obstat quo minus non solum *tamen* particulae hanc breuiatam formam substituamus ubi numeri illam monosyllabam flagitant (quod feci Mil. 530 1355 Rud. 384 1347 1350, factum vellem Capt. 297 Mil. 585), sed etiam *tam etsi* sic divisim scribamus ubi disyllabum est (quod itidem Trin. 679 feci, neglexi Amph. 21 977 Capt. 321 Mil. 744)? ubi autem *tametsi* bacchium efficit ut Pseud. I 3 16 ὅφ' ἐν scribendum est ut *quamobrem* scripsi Amph. 552 Mil. 360, *quemadmodum* fortasse cum libris scribere debebam Trin. 236 pro *quemnam ad modum* quod de coniectura dedi. contra atque in illis factum est ὅφ' ἐν scripsi *numquis nequis siquis* (peccatum est hoc in genere Mil. 190) cum similibus et *enumquam*.

De numerorum notatione qualem TVO exemplo institui TVIS ipsius verbis utens hoc addo 'singulari nota velut in **tũo mālum** significari binarum syllabarum pronuntiationem monosyllabam, sive ea fit duarum vocalium sese excipientium synizesi sive unius vocalis ecthlipsi'.

Restat ut duobus perfungar muneribus quorum alterum aequitas exigit, alterum mea sponte mihi iniunxi: primum ut profitear quas emendationes in versuum seriem a me receptas quibus viris doctis privatim acceptas referam (nam quas publice ab aliis proditas recepi non est hic locus ut enumerentur), deinde ut quae curis secundis intellexerim in singulis fabulis corrigenda esse quam brevissime potuerim persequar. acceperam autem ab RVD. KREBSIO conlega meo doctissimo eas coniecturas quas FRID. VOLG. REIZIVS margini exempli sui editionis GRONOVIANAE in Captivis Milite glorioso Trinummo ascripserat, ab se anno MDCCCXXXIII dum Berolini in studia humanitatis incumbit ex exemplo illo quod tunc FRID. AVG. WOLFIVS possidebat diligentissime transcriptas. de quibus coniecturis REIZIANIS nosti quae GOD. HERMANNVS in praefatione Trinummi p. VIII sq. narravit, REIZIVM eas 'dum legeret Plautum ascripsisse ut aliquando retractaret, quare qui eas

omnes in lucem edere vellet iniuriam facturum esse manibus viri modestissimi: huius ego admonitionis memor (velim eiusdem memorem esse FRID. OSANNVM cum praestabit quod in commutatione sua de pron. IS BA ID formis p. 29 pollicitus est) infra fere eas tantum commemoravi quas ipse recepi exclusis etiam quas iam HERMANNVS aut in praefatione Trinummi aut alibi publici iuris fecerat, fas tamen esse putavi me eas non reticere (exceptis rebus minutissimis) quas ante alios ille occupaverat. praeterhac aliquot emendationes quas infra suis locis memoravi debeo amicitiae FRIDERICI mei OTTONIS, disciplinae TVAE alumni, quas dum proxima hieme has comoedias una legimus mecum communicavit aliquando ut spero uberiores fructus studiorum suorum Plautinorum editurus.

Amphitruonis igitur primum me paenitet versus 46 ita ut in hac editione legitur instaurati, quoniam ars Plautina, quod TV in Proleg. Trin. p. CCX verissime observasti, in fine senariorum iambicorum numquam tria sese iambica vocabula excipere passa est: in libris autem sic scriptus extat *Sed mos numquam illi fuit patri meo* (in libris LANGIANIS *meo patri*) in qua scriptura quam mancā esse adparet tantum abest ut mihi cum LINDEMANNO (qui cum aliis *illic* scripsit) dativus *illi* frigere videatur ut nunc nihil aptius iudicem: nam sicut *ille Iuppiter* saepe *δεικτικῶς* et a Plauto (velut Amph. 26 461 Curc. I 1 27 Most. II 1 51 Pseud. III 1 16) et ab aliis scriptoribus (velut Cic. in Catil. III 12 29 Corn. Nep. epist. Corn. §. 4) dicitur (add. *ille Diespiter* apud Liv. I 24 8, *illum solem* Plauti Bacch. 699), sic hoc versu dativus *illi* coniunctus cum *meo patri* qui ipse Iuppiter est optime se habet, quem dativum etiam si alius quis ac deorum summus significaretur non mutassem, si mihi opportune in mentem venisset versus huius fabulae 858 sq. his de causis hunc versum sic restituendum esse censeo **Set [ís] mos illi nūquam fuit mēo patri**, ut *fuit* mensuram spondei exaequet. — V. 69 constructionis ratio (cf. v. 74 *ambiuerit*) postulat ut scribatur **ambíssit**, quem eundem singularem v. 71 TV in Proleg. Trin. p. LXXXV ex vestigiis V. C. *ipse ambissent* verissime restituisti: ceterum v. 74 initium nunc malim sic transpositum **Magistrátum quasi**. — V. 111 revocanda est librorum scriptura **et éx uiro et ex summó Ioue** (quod arti prosodiacae Plautinae non repugnare alibi probabo): item v. 130 **Haut quisquam quaeret quí siem aut quid uénerim** (ell. Bacch. 762 Mil. 685): v. 333 **Hínc enim mihi dextrá uox auris**: v. 339 **Vérum certumst cónfidenter hómīnem contra cónloqui** (quem versum deceptus falso PAREI de V. C. testimonio mutaveram):

v. 374 **Quí** ego sum? **SO.** Perii: **ME.** Parum etiam: v. 506 **quí** quidem meus sit pater: v. 950 **quí** in mea nauí fuit: v. 1054 **Neque** ullast **confidéntia** iam in **córde**. — V. 269 additamento *his* facile careas verbis sic transpositis **Átque** **telo** **suo** sibi **hunc** **malítia** a **foribus** **péllere**. — V. 293 pro librorum scriptura *quom* (aut *quem*) *in mentem uenit* quod ineptum glossema esse mihi concedes reposui *quom recogito*: aptius fortasse **quom** **consídero** (cll. Trin. 404), nisi reconditius quid a poeta scriptum fuit quod posteaquam glossemati illi originem dedit expulsum est. — V. 332 rectius puto *quám certo* scribatur **cérte**. — V. 384 vides eam correctionem quam olim Philologi tom. II p. 94 proposueram me abiecissem et aliam temptasse quam nescio an ipsam itidem reicere et hanc **CAR. LACHMANNI** amplecti debeam quam **TV** quoque nuper adsensu **TVO** comprobasti **Nam** **‘Ámphitruonis Sósiai’** me **ésse**. — V. 395 non recte fecisse videor quod **OTTONIS** mei coniecturam **foédus** **ici** repudiavi. — V. 402 transponendum est **Mihi** **quod**, v. 446 scribendum **cicátricosumst**. — V. 462 recepi **LINGII** coniecturam in Quaest. Plaut. p. 52 propositam qua hiatum in *ut ego* admisi: sed nunc intellexi **TE** in Proleg. Trin. p. ccciii sq. hoc hiatuum genus iure condemnasse itaque hunc versum sic correctum malim **Út** **ego** **raso** **cápite** **caluos** **hódie** **capiam** **píleum**, cui correcturae certe non adversatur testimonium Servii in Verg. Aen. VIII 564 qui ex memoria ut adparet haec laudat *quod utinam ille faxit Iuppiter ut raso capite portem pileum*, unde tamen non dubitavi v. 461 *faxit* asciscere pro librorum Plautinorum *faciat*. eadem de causa Rud. 752 initium corruptum esse censeo, ubi aut transponendum videtur **Tuæ** **sunt** **istae?** aut cum **CAMERARIO** scribendum **Tuæne** **istae** **sunt?** quamquam etiam **BOTHIANVM** **Tua** **sunt** **istae**. habet quo se commendet. — De v. 487 non inuidebo ceteris qui hanc epistolam legent **TVAM** sententiam comiter mecum a **TE** communicatam. consultus enim de *fieret* vocabulo quo quid facerem nesciebam posteaquam sententia flagitante *curabit* restitui pro eo quod in libris est *curavit*, **TV** mihi rescripsisti **TE** quoque ipsum iam diu *curabit* correxisse, sed verba *uno ut fetu fieret* **TIBI** videri ab interprete addita (cll. v. 878) Plautinum hemistichium expulisse quod hoc fere fuisse posset *Iuppiter summus meus*. tum vero cum me monuisses ne versus quidem 489 et 490 ita ut in libris scripti essent a Plauto posse profectos esse unaque plura ad eos perpoliendos a **TE** temptata mecum ita communicasses ut certum iudicium non proloquerere, denuo pensitatis rationibus ego ne hodie quidem **BOTHII** sententiae accedere possum qui totum v. 489 eiecit: nam

quamquam eadem fere utroque versu exprimitur sententia, tamen id non satis causae esse arbitror ut alterum ex interpolatione irrepsisse statuamus praesertim in hac fabulae parte quae una est ex istis seenis de quibus TV Parergon vol. I p. 237 breviter egisti, quae aut prologi vice funguntur (ut Mil. II 1 Cist. I 3) aut ut haec (v. 463 ad 498) ea quae prologo enarrata sunt suppleant. in his autem scenis ut in ipsis prologis poeta sive Plautus fuit sive alius quis Plautinae quidem artis scientissimus proluxa quadam orationis verbositate utitur quae hoc quidem ambitu a relieuo sermone Plautino aliena est. sed illud TIBI quidem facile largior vitia tralaticiae horum versuum scripturae manifesta esse. ac versum quidem 490 qui in libris Plautinis sic scriptus est *Et clandestina ut celetur suspicio* corruptum esse ipsius antiquitatis testimonio docemur: a Donato enim in Ter. Adelph. III 5 32 sic scriptus in editione princeps adfertur *Vt clandestine et celetur consuetudo*, unde iam SCIOPPIVS arcessitis his verbis Pauli brevioris Festi p. 61 'consuetionem Plautus pro consuetudine dixit' eum ita restituit ut in hac editione dedi: sed artius etiam premendi erant ductus literarum in Donati editione princeps extantium, unde hunc versum non dubito sic corrigere *Vt clandestina haec (an ea?) celetur consuetio*. tum vero v. 490, quod TV quoque proposuisti, et TVO suasu paulo immutatus illi postponendus est. en igitur versus 487 ad 490 ut nunc scriptor velim

Patér curabit [Iúppiter summús meus]

Vno út labore apsóluat aerumnás duas,

Vt clándestina haec céletur consuétio,

Ne [illa] in suspitióne ponatúr stupri.

V. 507 ex coniunctis testimoniis librorum Plautinorum qui habent *Obseruatote quam blande mulieri palpabitur* et Donati in Ter. Adelph. prol. 2 *Obseruat orare ut blande palpetur mulieri* et Servii in Aen. XI 725 *Observato quam blande suppalpatur mulieri* sic reeconcinnandus est **Ópseruatote ĕum quam blande súppal-patur múlieri.** — V. 514 secundum ea quae TV nuper ad Stich. 516 de prosodia et scriptura *heri* adverbii docuisti verba sic esse transponenda videntur **Média nocte herí uenisti, núnc abis.** — V. 520 non persuasisti mihi correeturam TVAM in Proleg. Trin. p. CLXXII propositam sed praetuli quod CAMERARIUS posuerat: aegre enim *pol* particulam desiderarim quam non solum depravata scriptura V. C. *Quo lego* sed etiam consuetudo Plautina (cf. modo Amph. 1030 1043 Mil. 371: hinc etiam Men. V 5 5 sic redintegrandus videtur *Quém [pol] ego hominem..*) commendat: tamen nunc etiam propius optimi libri memoriae malim **Quoí [pol] ego hoc iam scípione..** (seil. *magnum malum dabo*)

cll. Pers. V 2 35). — V. 582 pro tertio bacchio palimbacchium (*sum saluos*) posui quem propter interpunctionem excusari posse putaveram: nunc vero vide num hic versus non incommode sic perpoliatur **Equidém ualeo récie atque sáluos sum, Amphítruo.** — V. 642 sq. cum ita ut p. 31 leguntur instauravi nondum investigaveram eam legem prosodiae Plautinae ex qua tertia singularis persona perfecti activi syllabam ultimam producit, ut *uicit* eodem iure spondeum efficiat quo *fuat* et *uelit* iambos, *audiet* creticum, *adflicat* molossum et quae sunt similia, quam quidem rem adhuc occultam TV primus in Proleg. Trin. p. CLXXXII sqq. aperuisti: sed ut de istius observationis veritate nemo sanus dubitabit, sic hoc quod ego observasse videor quodque in censura Plauti TVI de qua supra dixi rationibus stabiliviti idem certum est atque exploratum. propter hanc autem legem in eis quos dixi versibus librorum scriptura quam HERMANNVS quoque in Elem. doctr. metr. p. 298 sq. (sed dubitanter ille et ex interpunctione quae nulla est excusatione haud probabili petita) retinuit revocanda est

Set hóc me beát saltem, quóniam perdùellis

Vicít et domúm laudis cónpos reuénit.

V. 678 nunc non dubito quin quod Nonius p. 167 servavit **rumiferánt** praeferendum sit scripturae librorum Plautinorum *rumificant.* — V. 714 id quod priore manu in V. C. exaratum est *quidem* recepi pro *equidem* quod altera manus correxit, ut intentionem syllabae ultimae vocis palimbacchiacae *ecastor* refugerem, quam arti Plautinae repugnare TV in Proleg. Trin. p. CCXXIX evicisti: sed erravi quod *ecastor* vocem palimbacchiacam esse opinatus sum, est enim molossica, ut ex Mil. 1041 adparet (cf. Varro de ling. Lat. X 70 cum Proleg. Trin. p. CLXXIV sq.): cum vero sermoni Plautino (cf. v. 698 et 730) **Écastor equidém** magis conveniat, sine mora illud restituendum est. — V. 736 sero intellexi revocandum fuisse ordinem verborum quem libri exhibent **Véra dico. AM. Nón de hac quidem hercle ré: de aliis néscio.** alibi autem demonstrabo in hiatu *dě aliis* non esse offendendum. — V. 755 optimorum librorum scriptura **Quí nunc, mulier?** retinenda erat: cf. Pseud. I 2 22 Bacch. 563 Mil. 472 (ubi relicui libri praeter V. C. tuentur **Quí iam?** quod etiam eiusdem fabulae v. 834 et 1203 sententia flagitare videtur: praeterea Mil. 545 Palatinorum librorum scriptura *quis nunc* magis *qui* particulae favere videtur quam pronomini *quid*, sicut Mil. 431 ex librorum scriptura *quispiam* non *quidpiam* sed quod TV in adnotatione proposuisti *quipiam* confidenter recepi cll. Capt. 127). — V. 804 me invito scriptura aliquot librorum pessimorum *conce-*

nasti relicta est pro ea quae sola fidem habet **cénauisti**. — V. 91^r immerito id quod in libris est **uél hunc rogato** mutavi, nam quamquam *Sosia* in proscenio non adest tamen *hic Sosia* dici potest quia in aedibus est, qua significatione pronomen demonstrativum sescentiens a Plauto positum est: de prosodia autem vide quae supra ad v. 111 professus sum. — V. 924 nunc sic malim correctum **Hanc míhi da ueniam**: v. 926 autem sententia flagitare videtur ut scribatur **factis [fui] ínpudicis ápstinens**, nam quod libri habent *factis me ímpudicis abstines* non minus nihili est quam quae editores nugati sunt. — V. 930 ex emendatione HERMANNI dedi: cum vero in V. C. sic scriptus extet *Ibo egomet comitem mihi pudicitiam duxero*, nunc illud *ibo* ut glossema delere et relicua sic transponere malim **Pudícitiam egomet dúxero comitém mihi**, nisi praestat **Pudícitiam egomet mécum comitem dúxero**: quamquam ne sic quidem hunc locum persanatum esse mihi persuadeo, sed totum versum ante v. 930 excidisse puto. — V. 939 aegre fero quod relicta est accusativi forma *uoluptates* pro ea quam sermo Plautinus postulat *uoluptatis*: item Capt. 769 *opimitates* pro *opímitatis*. sic Mil. 12 32 655 1027 *re* praeunte *uirtutis* scripsi, itidem Mil. 93 non spernendam putavi *meretricis* quod libri exhibent et ad huius analogiam Mil. 722 *cervicis* vel sine libris restitui: contra repudiavi librorum *imbricis* Mil. 504 et *inopis* Rud. 257 quae non magis rationem habent quam v. c. *legionis* Mil. 17 et 224 aut *moris* ibid. 40 aut *hominis* ibid. 660 aut *piscatoris* ibid. 1183 aut *melioris* Trin. 707 et qui sunt similes librariorum errores. — V. 953 HERMANNI suasu scripsi *Dum ego*, sed defensione non caret quod libri habent **Quom ego**. — V. 960 cum V. C. *item ipse* habeat, forsitan haec sit vera scriptura **Pröinde eri ut sint, ítidem ipsus sit**. — V. 1020 et Capt. 830 (item Bacch. 582) corrigendum est **écqui hoc aperit óstium?** — V. 1128 et 1144 quam V. C. praebet forma **Teresiam** pro *Tiresiam* non videtur spernenda esse.

Captivorum versus 11 quem ex TVA emendatione (Parerg. I p. 222) dedi nescio an lenius sic instauretur **Negát hercle illic últumus**. — V. 28 *possit* pro librorum *posset* ab REIZIO sumpsit, ab eodem v. 34 *de praeda hosce* pro *hosce de praeda*. nec quod v. 31 dedi *equitem ex Alide* pro librorum hianti scriptura *equitem alium* (V. C. rectius *aleum* ut solet) menm est sed debetur OTTONI qui apte contulit huius fabulae v. 511. — V. 51 me graviter ipse reprehendo quod non significavi ex interpolatione foedissima irrepsisse: primum enim quid languidius ac

frigidius excogitari potest illa sententia et illo quidem loco? deinde numeri clamitant hunc versum non esse Plautina arte compositum: nam 'spondiacam' ut TVA verba (Proleg. Trin. p. CCXVIII) mea faciam 'pro iambica voce tertius pes (senarii iambici) non admisit': consutus autem est hic misellus versiculus ex eis verbis quae Rud. 155 aptissime leguntur et locutione in his fabulis usitatissima. — V. 71 transponendum est. **díctum apsurde.** — V. 208 sq. HERMANNVM (Elem. doct. metr. p. 210) secutus nisi quod pauca quaedam mutavi duos trochaicos octonarios dedi: sed nescio an RBIZIO potius obtemperandum fuerit (cf. idem HERMANNVS de metris poet. Gr. et Rom. p. 127) qui in quattuor versus anapaesticos eos diviserat, nisi quod primo versu, ut lex illa teneatur de variatione accentus eiusdem iterum positi vocabuli quam LACHMANNVS in Propertio suo p. 111 sqq. et HERMANNVS Opusc. n. p. 283 sqq. explanaverunt, quam quidem legem in omnibus vocabulis hyperdisyllabis exceptis unis amphimacris eisque longioribus quorum una omnino voculatio est religiosissime a poetis scenicis observatam esse contenderim, huius igitur legis gratia *Fugiamus nos?* conlocandum est pro librorum *Nos fugiamus?* et quod ultimo versu utique vocula addenda est, quia *occasio* ante *haut* hiare non potest, sed synizesin in hoc quidem genere metrorum admittit ut molossi mensuram exaequet, *dehortor* autem non disyllabum esse non potest, quibus de rebus adeantur TVA Proleg. Trin. p. CLX sq.:

CA. Fugiámus nos? quo fúgiamus?

LO. In pátriam. CA. Apage, hau nos id deceat

Fugitúos imitari. LO. Ímmo edepol,

Si erit óccasio, haut [id] dēhortor.

aut siquis ultimum horum versuum pro paroemiaco acatalectum malit

Si erit óccasio, haut [istúc] dehortor.

V. 246 transponendum est [mihi] quod. — V. 256 sero intellexi et ex analogia formae *fauitor* quae Amph. 67 78 79 ex bonis libris pridem restituta est quamque Nonius p. 110 ex Lucilii saturis adfert, et propter adliterationem vocabuli iuxta positi *captus* vel sine libris pro *cautor* scribendum fuisse **cauitor**, praesertim cum Paulus breviator Festi p. 61 haec habeat 'cautionem dicebant quod modo dicimus cautionem', unde nescio an etiam v. 253 et Trin. 416 *cautum* pro *cautum* reponendum sit. — V. 316 transposita velim verba **me méus pater**, v. 318 **fáteor esse**. — V. 359 ex scriptura librorum *dice demonstra* duce DISSALDEO potius **dóce demonstra** eruendum erat quam quod cum CAMERARIO posui *dice monstra*: vide infra ad Mil. 256. — V. 398 quod

posui poterit: in rem pro librorum poteris istuc in rem praeiverat RBIZIVS. — V. 413 hoc loco ubi in libris extat mirifice languet et tamquam claudicat, qua de causa vide num non incommode inter v. 407 et 408 conlocetur, ut personatus Philocrates ludat in locutionibus *emisisti e uinclis et manu emittat*. ceterum v. 408 verba sic conlocare debebam **quin manú te emittat grátiis**. — V. 418 adquiescere debebam in BOTHIANO **Ópsequiosus míhi fuisti sémper**, ut RBIZIVS quoque correxerat. — V. 594 corrigendum est **fune opus, Hégio, 'st**: v. 672 **Delácerauisti** (pro qua verissima librorum scriptura nescio quo errore *dilacerauisti* in hanc editionem irrepserit): v. 698 **Quid sit hoc negoti** (quod est in libris: cf. supra ad Amph. 111): v. 700 **Nec quisquamst mi [alius] aéque melius quói uelim**. — V. 729 sq. quotiens legi offendi in neglecta figura chiasmi, non tamen ausus sum corrigere: hic tamen non diffitebor (cf. Rud. 6 sq.) poetam sic mihi videri scripsisse

Nam nóctu neruo uíctus custodíbitur,

Sub térra lapides éximet intérdius.

V. 777 *ipsus* pro librorum *ipse* sumpsi a RBIZIO, item v. 783 *mi hodie* pro *hodie mihi*. — V. 798 mirum ni poeta scripserit **omnis mortalis fáciam ut quemque**, sicut *omnes (mulieres) ut quaeque* Mil. 1264, *omnia ut quicque* Bacch. 1097 et Pseud. V 2 15 libri testantur, hoc Rud. 1359 RBIZIVS restituit et Amph. 599 ego de coniectura dedi pro librorum *omne ut quicque*: quamquam Rud. 1139 sq. dictum est *omnia quidquid insit* (nisi ibi quoque *ut quicque* reponendum est): sed totus hic locus de pronominum *quisque* et *quisquis* usu Plautino accuratiore indiget perscrutatione. — V. 823 in scriptura V. C. quam PARBVS false testatus est ne litera quidem mutanda erat **Eúgepae: edíctiones aédilicias híc quidem habet**. nam hiatus exclamationis nullus est. — V. 831 sic malim transponi **Híc homo recipit se ad me ad cenam**: versu autem sequenti nollem Nonii scripturam *exitum dabo* in orationis ordinem recepissem, praestat enim librorum Plautinorum **exitum ádfero**. — V. 885, si vere TV in Proleg. Trin. p. CLXXXIX monosyllabas exclamations umquam elisas esse negasti, *uae aetati tuae* a poeta scriptum esse non potest: corrigendum igitur videtur **Vae uitaé tuae**, quam locutionem TV in adnotatione ad Stich. 594 quem versum palmari emendatione eodem mendo aliam etiam ob causam perpurgasti, cuius ipsius fortasse versus memor *ὦς ἐν παρόδῳ* commemorasti. — V. 891 et 897 propter adliterationem praestat scribere **uídeor, uera si aútumas et uíctum, uera si aútumas,**

ut illo versu in V. C. altera manu correctum est. — V. 975 restituenda est genetivi forma **Phílocrati**, qua sola Plautus usus est: cf. v. 528, Rud. 86 *Euripidi*, 822 *Herculi*, Bacch. 938 *Achilli*: eadem de causa Trin. 744 correxi *Charmidi* (Bacch. autem 284 nominativus *Archidemides* restituendus est). — V. 988 me dispudet ita ut in hac editione legitur non instaurati sed foede corrupti, quoniam omni caesura destitutus est: quem ilico sic corrigas velim **Quí mihimet pecúliaris dátus est? S'T. Huius filius.**

In Militis gloriosi prima parte ut plura habeam quae corrigenda esse senserim eo imprimis factum est quod et TVAE emendationes huius fabulae quarum supra mentionem feci et FRITZSCHII praefatio indicis scholarum Rostochiensium huius ipsius semestris aestivi in qua de aliquot locis eius fabulae disseruit serius in manus meas pervenerunt quam ut in usum meum convertere possem. V. 34 vellem GVYETI emendationem quam TV quoque in adnotatione commendavisti **Perhaúriunda** [haec] **súnt ne dentes déntiant** recepissem: FRITZSCHIO autem hunc versum temptanti parum feliciter meo iudicio res cessit. — V. 39 ex Ambrosiano **ánimum tuum** pro *tuum animum* scribere debebam. — V. 58 non fuisse sollicitandum ordinem verborum qui in omnibus obtinet libris **Amánt ted omnes múlieres neque iniúria** alibi probabo. — V. 69 non dubito quin FRITZSCHIVS vere emendaverit **órant ambae et ópsecrant** idemque v. 84 recte praefendam esse iudicaverit PYLADIS correcturam **quám nos acturí sumus.** — V. 87 TV verissime vidisti interpolationi deberi eiusque loco duos olim lectos esse ipsi nomen Latinae fabulae prodentes, velut tali exemplo *Ei Militi esse glórioso fdbulae || Nomén poeta uóluit uorsae bárbaré*. — V. 117 cum FRITZSCHIO nunc sic scribere malim **in áltum, fit quod dí uolunt:** nec possum non eidem astipulari v. 169 praeclare sic redintegranti **Ádgrediar hominem. PE. Éstne aduorsum hic qui áduenit [Palaéstrio]? nisi quod quí uenit** praestare arbitrator ut Plautinae consuetudini accommodatius. — Vberius idem disseruit de eis quae v. 185 excipiunt et ita quidem ut contra TVAM de hoc loco disputationem in praefatione Militis p. xxiv sqq. editam librorum memoriam in rebus tantum non omnibus sustentare conatus sit. mihi quidem vir doctissimus nec vindicias nec coniecturas suas probavit et ex his quidem unam omnium minime eam qua versui 191 sententiam obscenam supposuit de qua poeta hoc quidem loco ne in somnis quidem cogitavit: sed iterum iterumque pensitatis rationibus a TE et ab illo prolatis praeter duas res ad disputationis TVAE summam redii. quarum

duarum rerum altera haec est quod me non paenitet v. 187 ex Ambrosiani scriptura NEISTE et reliquorum librorum *ne esse effecisse ne is se* quod FRITZSCHVS quoque pervidit quodque verum esse ne TV quidem hodie opinor negabis: altera quod nunc mihi non recte fecisse videor quod eum versum qui in Ambrosiano inter v. 185 et 186 legitur TR praecedente deleui. est autem hic PROFECTO UT NE QUO QUAM DE INGENIO DEGREDIATUR MULIEBRI quem is qui nunc 186 est excipit in libris sic fere scriptus *Earumque artem et disciplinam optineat colerem* (aut *colorem*) *et quemadmodum.* de quibus duobus versibus TV ita sensisti 'pinguissimum interpretamentum in verba poetae irrepsisse idque tale *profecto ut ne quoquam de ingenio mulierum degrediat earumque...* una constructione conglutinata scriptoris et interpretis oratione', a poeta autem hunc unum versum profectum esse *Ne hercle usquam artem et disciplinam apstineat colere.* PE. *Quemadmodum?* at quamvis lubentissime TIBI largiar altera ex his duabus sententiis *ne de ingenio degrediat muliebri* et *ut mulierum artem et disciplinam obtineat colere* facile careri posse, tamen versus illius in solo Ambrosiano servati (modo recte emendatus sit) numeri tam boni sunt ut eum interpolatori quavis vetusto tribuendum esse vix adducar ut credam. tum vero aliquid inter utramque sententiam intercedere discriminis ipse non negabis. accedit quod in isto versu quem TV posuisti *artem et disciplinam* verba nimis nude posita videntur: servus enim ni fallor addere debebat cuius vel qualis ars et disciplina Philocomasio colenda esset, qua de causa illud *earum* i. e. *mulierum* initio huius versus necessarium puto. quaeritur igitur hoc solum quo modo versus ille ex Ambrosiano erutus aptissime et lenissime corrigatur. atqui bene nosti quam saepe in libris Plautinis adfirmandi particulae inter se permutatae sint (cf. Mil. 1270 Bacch. 595 Stich. 243): hinc nescio an huic versui idem adhibendum sit remedium quo huius fabulae versum 290 aliter ac TV et paulo propius puto a librorum scriptura instauravi, ut pro *profecto* scribatur *hercle*: quod si feceris nihil profecto desiderabis. altero autem versu nihil mutandum censeo nisi ut alterum *et*, quod iam pridem editores viderunt, deleatur et quod TV repperisti pro *colerem* aut *colorem* reponatur *colere*, quod utrumque fragminibus huius versus in Ambrosiano superstitionibus confirmatur. at 'ita' inquis 'optinere verbum constructionis ratio respuit'. non habeo quidem exemplum quo *optinere* infinitivo iunctum probetur, sed cum poeta Curc. I 3 24 non veritus sit dicere *mi apstineant invidere*, me non intellegere fateor cur eadem constructione non potuerit uti in *optinendi* verbo. illud autem *ut artem optineat colere* nihil aliud est quam *ut perseueret in colenda arte.* versus igitur 186 loco hos duos vellem in orationis continuitate dedissem

[Hércle] ut ne quoquám de ingenio dégre- diatur mû-
liebri

Ēarumque artem et dísciplinam optíneat colere.

PE. Quem ád modum?

unum est quod in his versibus iure offendere possit, dico eam syntaxin ex qua *earum* dictum est quasi non *muliebri* sed *mulierum* praecesserit, quod siquis revocare volet, ut FRITZSCHIVS fecit, non obstinate adversabor, quamquam necessarium esse mihi nondum persuadeo. — V. 255 sq. TV nunc ita scribi MAVIS — *intro abi ergo: ét sist isti, mûli^{er}em || Iûbe cito domûm transire ac bène ei haec monstra et praécipe* et si recte verba TVA intellexi ea potissimum de causa ut evitetur cito vocolae corréptio. at in hac re nimis mihi fuisse videris severus, de quo alibi ita disputabo ut totum hoc genus complectar, nec propter istam correptionem ab ea ratione qua hi versus in libris descripti sunt recedere ausim. est autem alia causa cur hos versus hic retractandos duxerim: non enim iam probo eam correcturam quam motus gemello ut mihi videbatur versu Capt. 359 receperam *dice monstra* quod non solum illo versu ut iam supra dixi sed etiam hoc reiciendum est. verum ne TVAS quidem horum verborum emendationes probare possum, nec priorem *atque haece bène ei monstra et praécipe* nec nuperam quam supra transcripsi, et hac quidem de causa quia *bene monstrare* in Plautino sermone longe aliam vim habet atque quae hic desideratur, vide modo Bacch. 133 Curc. I 3 43 et *recte monstrare* Stich. 146 Pseud. I 3 55 Curc. II 3 20. equidem hic idem desidero verbum quod illo Captivorum versu ex libris restitui iussi *demonstrare* et cum Ambrosianus habeat ~~HAECE~~BENEMONSTRA, relicui libri fere *haec ei monstra*, hanc genuinam huius versus formam fuisse conicio

Cito domum transire: atque haec ei bène demonstra,
praécipe

Ūt teneat consília nostra...

ceterum RBIZIVS hunc versum sic correxerat *Cito domum nostrám transire, atque haéc ei monstra, praécipe*, sed hoc non magis ad Plautinam consuetudinem quam quod TV v. 484 scripseras *nostrae domi*, quem versum TV nunc ipse aliter perpolivisti. eidem RBIZIO debetur quod v. 279 intexui *hic* quod cum et in antecedenti et in sequenti versu in libris abunde additum sit huc pertinuisse videtur: idem v. 429 ante BOTHIVM invenerat *ne nos nosmet*, v. 472 *qui hanc* quod iam Philol. II p. 88 indicavi. — Sequitur series emendationum TVARVM quam quod ex TVA praefatione Stichi transcripsi non feres moleste: v. 263 *sese uidísse*: v. 367 *Ac cum álieno*: v. 370 *uíderim*. PH. Ego móra moror mûltum (ab DANZIO): v. 406 *planumst íd quidem*:

v. 410 fóris uicini próxumi concrépuit: v. 425 quid negótist: v. 426 Mén rogas homo quí sim (ab ACIDALIO): v. 484 cubantem tám modo offendí domi'. — V. 441 ego nunc malim **Quíd hic in Epheso tibi negotist?** (nisi in scriptura librorum ne literula quidem mutanda est, vide supra ad Amph. 111). — V. 473 nescio an sic sit corrigendus **Mágis pol metuo [míhi]: set numquam** (coll. v. 526 Bacch. 595), quamquam non sum immemor versuum a TB in Proleg. Trin. p. ccxxv congestorum. — V. 481 scribendum est **néque pro nec.** — V. 485 TV propter caesurae defectum ordinem verborum quem libri prodiderunt **Certúmst nunc opseruátiōni ope-rám dare** ita mutasti ut ego edidi: at Rud. 525 habes versum plane eodem modo confictum, unde hos duos in vicem se tueri crediderim: nam hunc quoque ob eandem causam sic mutare *Ad uélitatiōnem me equidem exerceo* profecto audentius sit. — V. 502 verissime TV intellexisti insiticiū esse eiusque in locum substituendum v. 511, item v. 600 et 601 (quo versu non abs re videtur referre RBIZIVM prope afuisse a vera emendatione: correxit enim *aut caute locus*) a Plauto abiudicandos esse, servandū autem proximi initio **Nám** pro *Et*, denique v. 666 ad 668 transponendos esse post v. 653. — V. 508 vellem pro *Quin* quod TV de coniectura dedisti scripturam Decurtati **Quod** servassem. — V. 552 vide num Ambrosiani scriptura **Aqua aéque sumi** defendi possit talibus exemplis iunctae comparativo *aeque* vel *adaeque* vocis qualia sunt Capt. 700 828 Merc. II 3 1 (nam Bacch. 621 ubi HERMANNVS pereleganter *aeque* invexerat TV et ut videtur iure TVO libris obsecutus es). — V. 613 sq. RBIZIVS sic conformavit *Sí gerimus rem. PE. Mágis ad rem quam hoc útibile esse nōn potest. || Quíd tibi, Pleusidés? PL. Quod uobis pláceat, displiceát mihi?* v. 649 *Néque ego autem umquam aliénūm scortum* —: v. 752 initio *nam* particulam ante TB delevit: v. 865 ante BOTHIVM transposuit *partem infortuni meam*: v. 913 ante TE inseruit *porro* inter *Quem* et *ego*. — V. 627 vellem recepissem quod ex Nonii librorum corruptela LINDEMANNVS eruit (praeiverat tamen MERCERVS) **Quíd ais tu? tam tibi ego.** — V. 629 me male habet *praeter* praepositionis usus: quid si ea deleta ordinem verborum quem libri exhibent in hunc modum restituamus **Nám equidem hau sum nátus annos quínquaginta —?** — V. 774 puto corrigendum esse **Quem** institui scil. *dolum*, ut *instituire astutiam* legitur v. 237 et Epid. III 2 27: nam *instituire rationem doli* dubito num Plautus dixerit. — V. 800 ve-reor ne incuria librariorum infinitivus esse omissus sit (cf. v. 932

et Proleg. Trin. p. cxiii et cccxxv): malim igitur **Ad eum ibo:] a tua míhi [esse] uxore.** — V. 807 paenitet me V. C. scripturam **Quem nóminem?** sprevisse, item v. 1322 id quod ab uno Nonio servatum est **quemuis:** Plautus enim constanter *quis* forma et de maribus et de feminis usus esse videtur, cf. Mil. 925 967 Stich. 237 et alibi *quis* (unde non dubito quin Bacch. 473 pro *quae uocatur?* corrigendum sit *quis uocatur?* cll. Mil. 436), Rud. 1146 Cist. II 3 66 *quisquis*, Cist. I 1 68 *quisquam*, Mil. 1060 Rud. 406 *quemquam*, Rud. 813 *quempiam*, Pseud. I 2 52 *quemque* (ubi verba sic esse transponenda censeo *ut suo quemque appellem nomine*): add. Non. p. 197 sq. et RVHNKENIVM ad Rufinian. p. 268. — V. 985 nescio quo errore factum sit ut emendationem *aperitur foris* TECUM olim tamquam meum inventum communicarem (cf. praef. Bacch. p. xiii), quam non solum BOTHIVS occupavit sed ante hunc etiam RBIZIVS: idem v. 998 nescio an vere sic emendavit *Quaé amat hunc hominém nimis lepidum* —: tum ab eodem sumpsit quod v. 1005 scripsi *uidisti*, hoc enim non solum a librorum corrupta scriptura *tuis* propius abest sed etiam sententiae magis convenit quam quod TV posuisti *uideas*: v. 1008 priorem partem RBIZIVS eodem modo transposuerat ac TV: v. 1088 idem ante BOTHIVM scripserat *audin?* pro *audin tu?* v. 1124 *foras* pro *foris*, v. 1127 *ornamenta quae illi* pro *ornamentaque quae illi*, v. 1217 *sentiát uidere* pro *uidere sentiát*, v. 1252 *ignoscet animo* pro *animo ignoscet*. — V. 1176 transpositum **velim erit hoc:** eodem versu RBIZIVM correxisse *ut intro* quod recepi (nisi quod ille *intro ut* posuerat) pro librorum *ubi intro* TV iam in praefatione Stichi p. xix retulisti. — V. 1203 idem transposuit *fecit uerba, ut lenta*: v. 1221 sic constituit **Placide ipsa, dum lubitúmst mihi, otiose, meo arbitrátu** quod vellem ipse recepissem, cum verba *ut uolui* ab interprete ascripta esse veri sit simillimum. — V. 1222 nunc intellexi scribendum esse **quia te ádiit** et v. 1356 **Ét si ita senténtia esset**, qui hiatus eidem sunt atque ille quem supra ad Amph. 736 me alibi defensurum esse professus sum. — Denique v. 1389 concinnitas numerorum quam TV in Proleg. Trin. p. ccx et cccxxviii duce BENTLEIO commendavisti suadet ut transponatur **senex stat in statu.**

Rudentis versu 194 quod posui *insigne* pro librorum monstro *sibi igni* debeo OTTONI meo, quam coniecturam reicere poterit qui meliorem substituerit, ab eodemque sumpsit quod v. 456 dedi *scelus huc* pro librorum *huc scelestus*, cui praeclarae emendationi facile hanc cedere iussi quam ipse paulo audentius excogitavcram *ut confugiamus antequam* || *Scelésthus leno huc uéniat* —.

ac nequid celem quod in hac opera mea aliis privatim acceptum referam scito me huius fabulae v. 315 coniecturam praeceptoris mei pie colendi CHR. GVIL. MITSCHERLICHII quae numquam in publicum edita est in orationis continuitatem recepisse: cum enim ante hos novem vel decem annos in aima matre GEORGIA AVGVSTA sodalis seminarii philologici de versibus compluribus Rudentis in eis-que de v. 312 sqq. disputarem, senex ille venerabilis comiter me docuit v. 315 in scriptura 'nonnullorum ex libris veteribus' LAMBINI *qui treis semihomines duceret* nihil aliud latere quam *secum homines*, quod nunc non dubitavi recipere, cum in hac potissimum fabula libros illos LAMBINIANOS vel potius unum librum perbonum ex quo TVRNEBVVS et LAMBINVS hic illic scripturas discrepantes excerpterunt (de quo TV data opera egisti in Mus. Rhen. philol. tomo III (a. 1836) p. 529 sqq.) haud raro Palatinis praestare intellexissem. ceterum num totum hunc locum unum ex difficillimis aliqua cum probabilitate instauraverim TVVM expecto iudicium. quae autem ipse curis secundis in hac fabula corrigenda repperi haec sunt. V. 528 scribendum est *aps te* pro *a ted*: v. 608 *me* pro *med* (vide supra ad Amph. 736): v. 613 servare debebam librorum *hic* pro *hoc* (vide supra ad Amph. 111): v. 724 velim sic transponi *Nón licet: ita léx est aput nos*: v. 741 fortasse excidit *sum* post *natus*: v. 1019 non erat quod cum REIZIO *Ast* scriberem pro *At* forma quam libri tuentur (post *mari*? enim hiatus est): v. 1143 vellem sic scripsissem *Hóc habet: solútust. perii*: v. 1173 peccavi quod vocis dactylicae *filia* ultimam syllabam intendi passus sum, quod cum arti repugnet lenissime (praecedit enim *queo*) corrigendum arbitror [Ó] *mea filia, sáluc*: v. 1357 sic personis distribuendus videtur GR. *Sé- quere hac. DÆ. Vbi istic lénost? GR. Heus tu*: nisi integer versus excidit, nam aegre desidero responsum servi ad eri sui interrogatum, velut ad hoc exemplum

GR. Séquere hac. DÆ. Vbi istic lénost? GR. [Hic ante óstium reliqueram:

Sét eccillum, prope ástat:] heus tu, én tibi, habet hic uídulum.

De Trinummo hic primum eos indicandos duxi versus quos aliter ac TV instauravi ex eo exemplo harum fabularum cuius margini SCHWARZMANNVS, ut supra narraui, scripturas discrepantes libri Ambrosiani ascripserat. qui vir doctissimus quod in aliquot paginis illius libri aliquanto plura legit quam TV non mirabuntur qui reputaverint eum duobis annis ante TB membranas illas excussisse, quarum hodierna conditio quam TV accuratissime

in epistula TVA Mediolanensi ad HERMANNVM data descripsisti ea est ut facile partes quaedam membranarum aliquot annorum intervallo adeo situ corruptae esse potuerint ut quod anno huius saeculi xxxv legi potuerat idem anno xxxvii interisset: in ceteris autem rebus fere omnibus illius excerpta cum TVIS conspirant. V. 186 initio de quo TV 'non satis liquere' profiteris ille in Ambrosiano extare adnotavit HASCINMIPROPTER quod si cum scriptura relicuorum librorum *Hasoine me propter* comparaveris non negabis verissimum esse. — V. 351 idem haec excerpserit ETILLUCQUODNONHABES-HABEAS || UELIMMALUM et ita quidem ut ab UELIMMALUM nova pagina (7) incipiat, unde non dubitavi illud *uelim* asciscere, cum adpareat *malum* vetus glossema esse quod in relicuis libris omnibus genuinam vocem *uelim* expulit (cf. v. 361 ubi in Ambros. simili interpretandi genere MALAMULTA pro *multa* legitur, quo glossemate libri relicui manserunt liberi): ceterum quod in hoc versu *et nunc quod non habes* scripsi (quod ex Palatinorum scriptura *et illud quod nunc non habes* sumpsit) nunc nollem factum, postquam *illuc* multo aptius esse intellexi, quia id ipsum *quod non habes* quid sit non distinctius nominatur. — V. 442 SCHWARZMANNVS legit INTERTEATQ NOS quod itidem verissimum esse concedes cum relicui libri omnes habeant *inter se atque nos*, quod cum sensu careret MERVLA correxit *inter se atque uos*, quem omnes editores secuti sunt: sed illud longe urbanius est in ore Philtonis contra Lesbonicum. — V. 508 eadem auctoritate nixus delevi *hic* quod in relicuis libris post *sub urbe* scriptum extat. — Ad v. 860 et duos qui hunc excipiunt TV nihil ex Ambros. adnotasti, SCHWARZMANNVS haec: 860 IPSUMPLANBESSE pro *esse ipsum plane*, 861 QUOMAGIS pro *Quam magis* et MIHIBAHOMINIS pro *mihi haec hominis* (at V. C. *mihi hominis*: cf. v. 852), 862 HOMOESSET pro *homost*, quas libri Ambrosiani scripturas praeter ultimam qui merus est librarii error recipiendas duxi omnes (debebam fortasse v. 861 *specto [eo] minus* restituere). — Denique v. 1052 ille non id quod TV TIBI legere visus es COAPIASDUARUM excerpserit sed totidem literis id quod BERGIVS l. s. s. p. 1146 coniectura adsecutus est OCCIPIASDUARUM: sed utrumque reapse in libro illo scriptum extat ego non dubito quin verum sit quod scripsi *occupias duarum* quocum depravata scriptura Palatinorum *cupias duarum* unice convenit. ceterum quid de hoc versu sentiam explicatius alibi exposui. — Deinde infra eas emendationes REIZIANAS exprompsi quas praeter eas quae ab HERMANNO in praefatione Trinummi p. ix sq. editae sunt a KREBSIO transcriptas repperi: ipse quidem vir summus se 'alia multa praeterire' professus est 'in quibus REIZIVS veterum librorum lectionem coniectura adseeutus esset', sed multa etiam praeteriit quae ut plerumque certissima sunt ita in nullo veteri libro reperta sunt. sunt autem, nisi quae oculos meos fugerunt, haec emendationes

ARGVMENTVM I.

Amóre captus Álcúmenas Iúppiter
Mutáuit sese in éius formam cóniugis,
Pro pátria Amphitruo dúm decernit cum hóstibus:
Habitú Mercúrius éi supseruit Sósia:
Is áduenientis séruom ac dominum frústra habet. 5
Turbás uxori ciét Amphitruo: atque in uicem
Raptánt pro moechis. Blépharo captus árbiter
Vtér sit non quit Ámphi-truo decérnere.
Omném rem noscunt: géminos illa enítitur.

ARGVMENTVM II.

In fáciem uorsus Ámphi-truonis Iúppiter,
Quom béllum gereret cúm Telebois hóstibus,
Alcménam uxorem cépit usuráriam.
Mercúrius formam Sósia: seruú gerit
Abséntis: his Alcména decipitúr dolis. 5
Postquám rediere uéri Amphitruo et Sósia,
Vtérque deludúntur in mirúm modum.
Hinc iúrgium, tumúltus uxori ét uiro,
Donéc cum tonitru uóce missa ex aéthère
Adúlterum se Iúppiter conféssus est. 10

P E R S O N A E.

MERCVRIVS DEVS
SOSIA SERVOS
IVPPITER DEVS
ALCVMENA VXOR
AMPHITRVO DVX
THESSALA ANCILLA
BLEPHARO GVBERNATOR
BROMIA ANCILLA
CANTOR.

P R O L O G V S.

M E R C V R I V S.

Vt uós in uostris uóltis mercimóniis
Emúndis uendundísque me laetúm lucris
Adfícere atque adiuuáre in rebus ómnibus,
Et út res rationésque uostrorum ómnium
Bene éxpedire uóltis peregrique ét domi, 5
Bonóque atque amplo auctáre perpetuó lucro
Quasque íncepistis rés quasque inceptábitis,
Et utí bonis uos uóstrosque omnis núntiis
Me adfícere uoltis, ea ádferam, ea uti núntiem,
Quae máxume in rem uóstram comuném sient 10
(Nam uós quidem id iam scítis concessum ét datum
Mi esse áb dis aliis, núntiis praesim ét lucro):
Haec út me uoltis ádprobare, adnítier,
Lucrum út perenne uóbis semper súppetat:
Ita huíc facietis fábulae siléntium 15
Itaque aéqui et iusti hic éritis omnes árbitri.
Nunc quóius iussu uénio et quam ob rem uénerim,
Dicám semulque ipse éloquar nomén meum.
Iouis iússu uenio: nómen Mercurióst mihi.
Pater húc me misit ád uos oratúm meus, 20
Tametsí pro imperio uóbis quod dictúm foret
Scibát facturos, quíppe qui intelléxerat
Veréri uos se et métuere, ita ut aequómst louem:
Verúm profecto hoc pétere me precário

A uóbis iussit léniter dictís bonis. 25
 Etenim ille, quoius huc iússu uenio, Iúppiter
 Non mínus quam uostrum quíuis formidát malum :
 Humána matre nátus, humanó patre,
 Mirári non est aéquom, sibi si praétimet.
 Atque égo quoque etiam, qui Iouis sum fílius, 30
 Contágione mèi patris metuó malum.
 Proptérea pacem aduénio et ad uos ádfero.
 Iustám rem et facilem esse óratam a uobís uolo :
 Nam iústa ab iustis iústus sum oratór datus :
 Nam iniústa ab iustis ímpetrari nón decet, 35
 Iusta aútem ab iniustís petere insipiéntiast :
 Quippe illi iniqui iús ignorant néque tenent.
 Nunc húc animum omnes quaé loquar aduórtite.
 Debétis uelle quaé uelimus : méruimus
 Et ego ét pater de uóbis et re púplica. 40
 Nam quíd ego memorem, ut álios in tragoédiis
 Vidí, Neptunum, Vírtutem, Victóriam,
 Martém, Bellonam, cónmemorare quaé bona
 Vobís fecissent? quís benefactis méus pater,
 Deorúm regnator, árchitectust ómnibus. 45
 Set ille numquam mós fuit patrí meo,
 Vt éxprobraret quód bonis facerét boni :
 Gratum árbitratur ésse id a uobís sibi
 Meritóque uobis bóna se facere quaé facit.
 Nunc quám rem oratum huc uéni, primum próloquar : 50
 Post árgumentum huius éloquar tragoédiae.
 Quid cóntraxistis fróntem? quia tragoédiam
 Dixí futuram hanc? déus sum, conmutáuero.
 Eandem hánc, si uoltis, fáciam ego ex tragoédia
 Comoédia ut sit ómnibus isdem uérsibus. 55
 Vtrúm sit an non uóltis? set ego stúltior,

Quasi nesciam uos uelle, qui diuos siem:
 Teneo quid animi uostri super hac res siet.
 Faciam ut commixta sit haec tragicomoedia:
 Nam me perpetuo facere ut sit comoedia, 60
 Reges quo ueniant et di, non par arbitror.
 Quid igitur? quoniam hic seruos quoque partis habet,
 Faciam sit, proinde ut dixi, tragicomoedia.
 Nunc hoc me orare a uobis iussit Iuppiter,
 Ut conquistores singula in supsellia 65
 Eant per totam caueam spectatoribus:
 Siquoi fautores delegatos uiderint,
 Ut is in cauea pignus capiat in togae.
 Nam si qui palmam ambissent histrionibus: —
 Si quoquam artifice seu per scriptas literas 70
 Seu qui ipse ambisset seu per internuntium:
 Siue adeo aediles perfidiose quoi dunt: —
 Sirimpse legem iussit esse Iuppiter,
 Quasi magistratum sibi alteriue ambuerit.
 Virtute dixit uos uictores uiuere, 75
 Non ambitione neque perfidia: qui minus
 Eadem histrioni sit lex quae summo uiro?
 Virtute ambire oportet, non fautoribus.
 Sat habet fautorum semper qui recte facit,
 Si illis fides est, quibus est ea res in manu. 80
 Hoc quoque etiam mihi ille in mandatis dedit,
 Ut conquistores fierent histrionibus:
 Qui sibi mandasset delegati ut plauderent
 Quiue alter quo placeret fecisset minus,
 Eius ornamenta et corium uti conciderent. 85
 Mirari nolim uos, quapropter Iuppiter
 Nunc histriones curet. ne miremini:
 Ipse hanc acturum Iuppiter comoediam.

Quid id éstis admiráti? quasi ueró nouom
 Nunc próferatur, Iõuem facere histryóniam. 90
 Etiam hístriones áнно quom in proscénio hic
 Iouem ínuocarunt, uénit: auxilio ís fuit.
 Praetérea certo pródit in tragoédia.
 Hanc fábulam inquam Iúppiter hic hodie ípse aget
 Et égo cum illo una. núnc uos animum aduórtite, 95
 Dum argúmentum huius éloquar comoédiae.

Haec úrps est Thebae: in íllisce habitat aédibus
 Amphítruo, natus Árgis ex Argó patre,
 Quicum Álcumenast núpta, Electri fília.
 Is núnc Amphitruo praéfectust legiónibus: 100
 Nam cúm Telebois béllumst Thebanó poplo.
 Is prius quam hinc abiit ípsemet in exércitum,
 Grauidam Álcumenam fécit uxorém suam.
 Nam ego uós nouisse crédo iam ut sit méus pater,
 Quam liber harum rérum et multarúm siet 105
 Quantúsque amator, si éi quid conplacitúmst semel.
 Is amáre occepit Álcumenam clám uirum
 Vsúramque eius córporis cepít sibi
 Et gráuidam fecit ítidem conpressú suo.
 Nunc de Álcumena ut rém teneatis réctius, 110
 Vtrímquest grauida, et éx uiro et summo éx Ioue.
 Et méus pater nunc íntus hic cum illá cubat
 Et haéc ob eam rem nóx est facta lóngior,
 Dum cum illa quacum uólt uoluptatém capit.
 Set ita ádsimulauit sé quasi Amphitruó siet. 115
 Nunc ne hunc ornatum uós meum admirémini,
 Quod ego húc processí síc cum seruili schema:
 Veterem átque antiquam rém nouam ad uos próferam:
 Proptérea ornatus ín nouom incessí modum.
 Nam méus pater nunc íntus eccum Iúppiter 120

In Ámphitruonis uórtit sese imáginem,
 Omnésque cum esse cénsent serui quí uident:
 Ita uórsipellem sé facit, quandó lubet.
 Ego sérui sumpsi Sósiae mi imáginem,
 Qui cum Ámphitruone una ábiit hinc in exércitum, 125
 Vt praéseruire amánti meo possém patri
 Atque út ne qui essem fámiliares quaérent,
 Vorsári crebro hic quóm uiderent mé domi.
 Nunc quom ésse credent séruom et conseruóm suum,
 Haut quísqum qui sim quaéret aut quid uénerim. 130
 Patér nunc intus sío animo morém gerit:
 Cubát complexus, quóius cupiens máxumest.
 Quae illi ad legionem fácta sunt, memorát pater
 Meus Álcumenae: cénsent illa illúm uirum
 Suum ésse, quae cum moéchost. ibi nunc méus pater 135
 Memorát, legiones hóstium ut fugáuert,
 Quo pácto donis sít donatus plúrumis.
 Ea dóna, quae illic Ámphitruoni súnť data,
 Apstúlimus: facile méus pater quod uólt facit.
 Nunc hódie Amphitruo uéniet huc ab exércitu 140
 Et séruos, quoius égo fero hanc imáginem.
 Nunc ínternosse ut nós possitis fácilius,
 Ego hás habebó usque híc in petaso pínulas:
 Tum mēo patri autem tórulus inerit aúreus
 Sub pétaso: id Amphitruóni signum nóń erit. 145
 Ea sígna nemo horúnce familiárium
 Vidére poterit, uérum uos uidébitis.
 Set Ámphitruonis illic est seruos Sósia:
 A pórtu illic nunc cúm laterna huc áduenit.
 Abigám iam ego illunc áduenientem ab aédibus. 150
 Adéste: erit operae [uóbis] inspectántibus
 Iouem ét Mercurium fácere hic histrióniam.

ACTVS I.

S O S I A. M E R C V R I V S.

SO. Qui me álder est audácior homo áut qui confidéntior,

Iuuentútis mores quí sciam, qui hoc nóctis solus ámbulem?

Quid fáciam, si nunc tréssuiri me in cárcerem conpégerint? 155

Inde crás e promptuária cellá depromar ád flagrum,
Nec caúsam liceat dícere mihi néque in ero quicquam áuxili

Siét nec quisquam sít quin me omnes ésse dignum députent.

Ita quási incudem me míserum homines

Octó ualidi 160

Caedánt: ita peregre huc ádueniens

Puplícitus ego hospitio áccipiar.

Eri haéc inmodéstia me cõegit, qui hoc nóctis

A pórtu med íngratiís excitáuit:

Idém nonne mé mittere hóc luci pótuít? 165

Opulénto homini dúra hoc magís seruitús est,

[Hoc magis miser est diuitis seruos]

Quoi nóctis diésque adsiduó satis supérquest:

Facto áut dicto adést opus, quiétatus né sis.

Dominús diues óperis te et éxpers labóris 170

Quodquómque ei lubére accidít posse rétur:

Aequom ésse id putát, non reputát quid labórist.

Nec aequom anne iniquom imperét cogitábit.

Ergo in seruitute expetúnt multa iniqua:

Habéndum et ferúndum hoc onúst cum labóre. 175

ME. Satiúst me queri illo modó seruitútem:

Qui hodié fuerim líber,

Eúm nunc potúit patér seruitútis:

Hic qui uerna nátust conquéritur.

SO. Sum uéro uere uérbero: nam número mi in men-
tém fuit, 180

Dis aduenientem grátias pro méritis agere atque adloqui.

Ne illi édepol, si meritó meo reférre studeant grátias,

Aliquem hóminem adlegent, . qui mihi adueniénti os
occillét probe,

Quoniám bene quae in me fécerunt ingrátas ea habui
atque ínritas.

ME. Facit ille quod uolgo haú solent, ut quíd se sit
dignúm sciat. 185

SO. Quod núnquam opinatús fui neque álius quis-
quam ciuium

Sibi éuenturum, id cóntigit, ut sálui poteremúr domi:

Victóres uictis hóstibus legiónes reueniúnt domum

Extíncto duello máximo atque intérnecatis hóstibus.

Quod múlta Thebanó poplo acérba obiecit fúnera, 190

Id ui ét uirtute mílitum uictum átque expugnatum óp-
pidumst,

Império atque auspició mei eri Ámphitruonis máxume,

Qui praéda agroque adóreaque adfécit popularís suos

Regíque Thebanó Creoni régnum stabiliuít suum. 194

Me a pórtu praemisít domum, haec ut núnctiem uxori suae:

Vt gésserit rem púplicam ductu, ímperio, auspició suo.

Ea núnc meditabor quó modo illi dícam, quom illo
aduénero.

Si díxero mendácium, soléns meo more féccero:

Nam quóm pugnabant máxume, ego túm fugiebam
máxume.

Verúm quasi adfuerím tamen simulábo atque audita
éloquar. 200

Set quó modo et uerbís quibus me déceat fabulárier,
Prius ípse mecum etiám uolo hic meditári: sic haec
próloquar.

Princípio ut illo aduénimus, ubi primum terram téti-
gimus,

Contínuo Amphitruo délegit uirós primorum príncipes.
Eos légat: Teleboís iubet senténtiam ut dicánt suam: 205
Si sine uí et sine belló uelint rapta ét raptores trádere,
Si quae ásportassint réddere: se exércitum extempló
domum

Redúcturum, abiturós agro Argíuos, pacem atque ótium
Dare illis: sin alitér sient animáti neque dent quae petat.
Sese ígitur summa uí uirisque eorum óppidum oppu-
gnássere. 210

Haec úbi Teleboís órđine iterárunt quos praeféccerat
Amphítroo, magnanimí uiri fretí uirtute et uíribus
Supérbi nimis feróciter legátos nostros increpant,
Respóndent bello se ét suos tutári posse, pröinde uti
Properé de finibús suis exércitus dedúcerent. 215

Haec úbi legati pértulere, Amphítroo e castris ílico
Prodúcit omnem exércitum: contrá Teleboae ex óppido
Legiónes educúnt suas nimis púlcris armis praéditas.

Póstquam utrimque éxitumst máxuma cópia,
Díspertití uiri, díspertití órđines: 220

[Nos nostras more nostro et modo instruximus le-
giones:

Item hostes contra legiones suas instruunt]

Dèinde uterque ímperatór in medium éxeunt,
Éxtra turbam órđinum cónlocuntúr semul.

Cónuenit, uícti utri sánt eo praélio, 225

Ųrbem, agrum, arás, focos séque uti déderent.

Póstquam id actúmst, tubae utrímque contrá canunt:

Cónsonat térra: clamórem utrimque écferunt.

Ímperatór uterque hínc et illínc loui

Vóta suscípere, tum exércitum hortárier. 230

Pró se quisque íd quod quisque ét potest ét ualet

Édit, ferró ferit: téla frangúnt: boat

Caélum fremitú uirum: ex spírítu atque anhélitu

Nébula conflát: cadunt uólvere uirí uirum.

Dénique ut uólúimus, nóstra superát manus: 235

Hóstes crebrí cadunt: nóstri contra íngruont:

+ Vicimus ui feroces.

Ín fugam sét tamen némo conuórtitur

Néc recedit loco quín statim rém gerat:

Ánimam omittúnt prius quám loco démigrent: 240

Quisque, ut steterát, iacet óptinetque órđinem.

Hóc ubi Amphítruo erus cónspicatúst meus,

Ílico equités iubet délixtera inuádere.

Équites parént citi, ab délixtera máxumo

Cúm clamore ínuolant, ínpetu alacrí ruont: 245

Foédant et próterunt hóstium cópias

+ Iure iniustas.

ME. Numquam étiam quicquam adhúc uerborumst
prólocutus pérperam.

Namque égo fui illi in ré praesenti et méus quom pu-
gnatúmst pater.

SO. Perdűelles penetrant se ín fugam: ibi nóstris
animus ádditust. 250

Vorténtibus Telébois telis cónplebantur córpora,

Ipsúsque Amphitruo régem Pterelam sùapte optruncauit
manu.

Haec illi ui pugnáta pugnast úsque a mane ad uésperum:
Hoc ádeo hoc conmeminí magis, quia illo die inpran-
sús fui.

Set praélium id tandém diremit nóx interuentú suo. 255
Postrídie in castra éx urbe ad nos uéniant flentes prin-
cipes,

Velátis manibus órant, ignoscámus peccatúm suum:
Dedúntque se, diuína humanaque ómnia, urbem et
liberos 258

In ditionem atque in árbitratum cúnti Thebanó poplo.
Post ób uirtutem ero Ámphitruoni pátera donata aúreast,
Qui Ptérela potitáre rex est sólitus. haec sic dícam erae.
Nunc pérgam eri imperium éxequi et mé domum capés-
sere.

ME. Áttat, illic húc iturust: íbo ego illic óbuíam:
Néque ego hunc hominem hasce hódie ad aedis [hínc]
sinam umquam accédere. 264

Quándo imagost húiús in me, cértumst hominem elúdere.
Ét enimuero quóniam formam húiús cepi in me ét statum,
Décet et facta móresque huius habére me similís item.
Ítaque me malum ésse oportet, cállidum, astutum ád
modum

Átque hunc telo sũo sibi, malitia, hís a foribus péllere.
Sét quid illuc est? caélum aspectat. ópseruabo quám
rem agat. 270

SO. Cérte edepol, si quícquamst aliut quód credam
aut certó sciam,

Crédo ego hac noctú Nocturnum óbdomiuisse ébrium.
Nám neque se septéntriones quóquam in caelo cón-
mouent,

Néque se luna quóquam mutat átque uti exortást semel,
Néc iugulae neque uésperugo néque uergiliae óccidunt.
Ita statim stant sígna neque nox quóquam concedít die. 276

ME. Pérge, nox, ut ócepesti: gére patri morém meo:
Óptumo optume óptumam operam dás, datam pulcré
locas.

SO. Néque ego hac nocte lóngiorem mé uidisse cénseo
Nísi itidem unam, uérberatus quám pependi pérpetem:
Ėam quoque edepol étiam multo haec uícit longitúdine.
Crédo edepol equidém dormire Sólem, atque adpotúm
probe: 282

Míra sunt nisi ínuitauit sése in cena plúsculum.

ME. Āin tu uero, uérbero? deos ésse tui similís
putas?

Égo pol te istis tũis pro dictis ét malefactis, fúrcifer, 285
Áccipiam: modo sís ueni huc, inuénies infortúnium.

SO. Vbi sunt isti scórtatores, quí soli inuití cubant?

Haéc nox scitast éxercendo scórto conductó male.

ME. Méus pater nunc pro huius uerbis récte et sa-
pientér facit,

Quí complexus cum Álcumena cúbat amans, animo óp-
sequens. 290

SO. Íbo ut erus quod ímperauit Álcumenae núntiem.

Sét quis hic est homó, quem ante aedis uídeo hoc no-
ctis? nón placet.

ME. Núllust hoc metículosus aéque. SO. Quom
[recógito,]

Íllic homo hoc [meum] dénuo uolt pállium detéxere.

ME. Tímet homo: delúdam ego illum. SO. Péríi,
dentes prúriunt: 295

Cérte aduenientem híc me hospitio púgneo acce-
ptúrus est.

Crédo misericórs est: nunc proptérea quod me méus
erus

Fécit ut uigilárem, hic pugnis fáciet hodie ut dórmiam.
Óppido interii: ópsecro hercle quántus et quam uáli-
dus est.

ME. Cláre aduorsum fábulabor, híc auscultet quae
loquar: 300

Ígitur demum mágis maiorem in sése concipiét metum.
Ágite pugni: iám diast quom uéntri uictum nón datis.
Iám pridem uidétur factum, herí quod homines quáttuor
In soporem cónlocastis núdos. SO. Formidó male
Né ego hic nomen mēum conmutem et Quíctus fiam e
Sósia. 305

Quáttuor uirós sopori sé dedisse hic aúumat:
Métuo ne numerum aúgeam illum. ME. Hem, núnc
iam ergo: sic uolo.

SO. Cíngitur: certe éxpedit se. ME. Nón feret quin
uápulet.

SO. Quís homo? ME. Quisquis homo húc profecto
uénerit, pugnós edet.

SO. Ápage, non placét me hoc noctis ésse: cenauí
modo: 310

Pröin tu istam cenám largire, sí sapis, essuriéntibus.

ME. Haú malum huic est póndus pugno. SO. Péríi,
pugnos pónderat.

ME. Quíd, si ego illum tráctim tangam, ut dórmiat?
SO. Seruáuëris:

Nám continuas hás tris noctis péruiглаui péssume.

ME. † Facimus nequit ferire malam male discit manus.
Ália forma opórtet esse quém tu pugnis íceris. 316

SO. Íllic homo me intéropolabit mēumque os finget
dénuo.

ME. Éxossatum os ésse oportet, quem probe percússeris.

SO. Mírum ni hic me quási muraenam éxossare cógitat. 319

Últro istunc qui exóssat homines. péríi, si me aspéxerit.

ME. Ólet homo quidám malo suo. SO. Heí mihi, numnam ego óbolui?

ME. Átque hau longe abesse oportet, uérum longe hinc áfuit.

SO. Íllic homo supérstitiosust. ME. Géstiunt pugní mihi.

SO. Si ín me exercitúru's, quaeso in párietem ut primúm domes.

ME. Vóx mi ad auris áduolauit. SO. Né ego homo infelíx fui, 325

Quí non alas ínteruellí: uólucrem uocem géstito.

ME. Íllic homo a me síbi malam rem arcéssit iumentó suo.

SO. Nón equidem ullum habeó iumentum. ME. Óne-randust pugníis probe.

SO. Lássus sum hercle e náui, ut uectus húc sum: etiam nunc naúseo.

Víx incedo inánis, ne ire pósse cum onere exístumes. 330

ME. Cérte enim hic nescío quis loquitur. SO. Sáluos sum, non mé uidet:

‘Nescío quem’ loqui aúumat: mihi cérto nomen Sósiaest.

ME. Hínc enim dextra míhi uox auris, út uidetur, uérberat.

SO. Métno uocis né uicem hodie hic uápulem, quae hunc uérberat.

ME. Óptume eccum incédit ad me. SO. Tímeo, totus tórpeo. 335

Nón edepol nunc úbi terrarum sím scio, siquís roget,
Néque miser me cónmouere póssum prae formídine.

Ílicet: mandáta eri períerunt una et Sósia.

Vérum certumst cónfidenter [húnc] hominem contra ád-
loqui, 339

Quí possim uidéri huic fortis, á me ut apstineát manum.

ME. Quo ámbulas tu, quí Volcanum in córnu con-
clusúm geris?

SO. Quíd id exquiris tú, qui pugnis ós exossas hómi-
nibus?

ME. Séruosne es an líber? SO. Vtquomque ánimo
conlubitúmst meo.

ME. Āin tu uero? SO. Áio enimuero. ME. Vérbero.
SO. Mentíre nunc.

ME. Át iam faciam ut uérum dicas dícere. SO. Quid
eóst opus? 344

ME. Póssum scire, quó profectus, quõius sis aut quid
uéneris?

SO. Húc eo, mei erí sum seruos. núnquid nunc es
cértior?

ME. Égo tibi istam hodié scelestam cónprimam lin-
guam. SO. Haú potes:

Béne pudiceque ádseruatur. ME. Périgin argutárier?

Quíd aput hasce aedís [nunc] tibi negótist? SO. Immo
quíd tibist? 350

ME. Réx Creo uigilés nocturnos síngulos sempér locat.

SO. Béne facit: quia nós eramus péregri, tutatúst
domi.

Át nunc abi sane, áduenisse fámiliaris dícito.

ME. Néscio quam tu fámiliaris sís: nisi actutum hínc
abis,

Fámiliaris áccipiere fáxo hau familiáriter. 355

SO. Híc inquam habito ego átque horunc sum séruos.

ME. At scin quó modo?

Fáciam ego hodie té superbum, ni hínc abis. SO. Quonám modo?

ME. Aúferere, nón abibis, sí ego fustem sumpsero.

SO. Quín me esse huius fámiliai fámiliarem praédico.

ME. Víde sis, quam mox uápulare uís, nisi actutum hínc abis. 360

SO. Tún domo prohibére peregre me áduenientem póstulas?

ME. Haécine tua domúst? SO. Ita inquam. ME. Quís erus est igitúr tibi?

SO. Ámphitruo, qui núnc Thebanis praéfectust legiónibus,

Quícum nuptast Álcumena. ME. Quid ais? quid nomén tibist? 364

SO. Sósiam uocánt Thebani, Dáuo prognatúm patre.

ME. Né tu istic hodié malo tuo cónpositis mendáciis Áduenisti, audáciai cólumen, consutís dolis.

SO. Ímmo equidem tunicís consutis húc aduenio, nón dolis.

ME. Át mentiris étiam: certo pédibus, non tunicís uenis.

SO. Íta profecto. ME. Núnc profecto uápula ob mendácium. 370

SO. Nón edepol uoló profecto. ME. At pól profecto ingrátis:

Hóc quidem profecto certumst, nón est arbitrárium.

SO. Tùam fidem opsecró. ME. Tun te audes Sósiam esse dícere,

Qui égo sum? SO. Perii. ME. Át parum etiam, praèut futurumst, praédicas. 374

Quóius nunc es? SO. Túus: nam pugnis úsu fecistí tuum.
 Pró fidem, Thebáni ciues. ME. Étiam clamas, cárnufex?
 Lóquere, quid uenísti? SO. Vt esset, quém tu pugnis
 caéderes.

ME. Quòius es? SO. Amphitruónis inquam Sósia.

ME. Ergo istóc magis,

Quía uanilocu's, uápulabis: égo sum, non tu, Sósia.

SO. Íta di faciant, út tu potius sís atque ego te ut
 uérberem. 380

ME. Étiam muttis? SO. Iám tacebo. ME. Quís tibi
 erust? SO. Quem tú uoles.

ME. Quíd igitur? qui núnc uocare? SO. Némo nisi
 quem iússeris.

ME. Ámphitruonis te ésse aiebas Sósiam. SO. Pec-
 cáueram:

Nám illut 'Amphitruónis socium' me ésse uolui dícere.

ME. Scíbam equidem nullum ésse nobis nísi me seruom
 Sósiam. 385

Fúgit ratio té. SO. Vtinam istuc púgni fecissént tui.

ME. Égo sum Sosia ille, quem tu dúdum esse aiebás
 mihi.

SO. Ópsecro ut per pácem liceat te ádloqui, ut ne
 uápulem.

ME. Ímmo indutiaé parumper fíant, siquid uís loqui.

SO. Nón loquar nisi páce facta, quándo pugnis plús
 uales. 390

ME. Díc siquid uis: nón nocebo. SO. Túae fide
 credó? ME. Meae.

SO. Quíd, si falles? ME. Túm Mercurius Sósiae
 iratús siet.

SO. Ánimum aduerte: núnc licet mi líbere quiduís
 loqui.

Ámphitruonis égo sum seruos Sósia. ME. Etiam dénuo?

SO. Pácem feci, foédus feci, uéra dico. ME. Vápula.

SO. Vt lubet, quod tibi lubet fac, quóniam pugnis
plús uales. 396

Vérum utut factúru's, hoc quidem hércle haut reticebó
tamen.

ME. Tú me uiuos hódie numquam fácies quin sim
Sósia.

SO. Cérte edepol tu me álienabis númquam quin
nostér siem:

Néc nobis praetér me quisquamst álius seruos Sósia. 400

[Qui cum Ámphitruone hinc una ieram in exercitum.]

ME. Híc homo sanus nó n est. SO. Quod mihi praé-
dicas uitium, íd tibist.

Quíd, malum, non súm ego seruos Ámphitruonis Sósia

Nónne hac noctu nóstra nauis húc ex portu Pérsico

Vénit, quae me aduéxit? nonne me húc erus misít meus:

Nónne ego nunc sto ante aédis nostras? nó n mist laterna
ín mauu? 406

Nón loquor? non uígilo? non hic hómo me pugnis cón-
tudit?

Fécit hercle: nám mi misero étiam nunc malaé dolent.

Quíd igitur ego dúbito? aut quor non íntro eo in nostrám
domum?

ME. Quíd, domum uostram? SO. Íta enimuero.

ME. Quín quae dixistí modo

Ómnia ementítu's: equidem sum Ámphitruonis Sósia. 411

Nám noctu hac solútast nauis nóstra e portu Pérsico,

Ét ubi Pterela réx regnauit óppidum expugnáuimus,

Ét legiones Téleboarum uí pugnando cépimus,

Ét ipsus Ámphitruo óptruncauit régem Pterelam in
praélio. 415

SO. Égomét mihi non crédo, quom illaec aútmare
illum aúdio :

Híc quidem certe quae illi sunt res géstae memorat
mémoriter.

Sét quid ais? quid Ámphitruoni [dóno] a Teleboís
datumst?

ME. Ptérela rex qui pótitare sólitus est patera aúrea.

SO. Élocutust. ubi [ea] patera núnc est? ME. Est in
cístula, 420

Ámphitruonis ópsignata sígno. SO. Signi díe quid est?

ME. Cúm quadrigis Sól exoriens. quíd me captas,
cárnufex?

SO. Árgumentis uícit. aliut nómen quaerundúmst
mihi.

Néscio unde haec híe spectauit. iám ego hunc decipiám
probe :

Nám quod egomet sólus feci néc quisquam alius ádfuit 425

Ín tabernaclo, íd quidem hodie númquam poterit dícere.

Sí tu Sosiá's, legiones quóm pugnabant máxume,

Quíd in tabernacló fecisti? uíctus sum, si díxeris.

ME. Cádus erat uini: índé inpleui hírneam. SO. In-
gressúst uiam.

ME. Éam ego uini, ut mátre natum fúerat, eduxí meri. 430

SO. Míra sunt nisi látuit intus íllic in illac hírneam.

Fáctumst illut, út ego íllic uini hírneam ebiberím meri.

ME. Quíd? nunc uincone árgumentis, té non esse
Sósiam?

SO. Tún negas med ésse? ME. Quid ego ní negem,
qui egomét siem?

SO. Pér Iouem iuró med esse néque me falsum dícere.

ME. Át ego per Mercúrium iuro, tíbi Iouem non
crédere: 436

Nam iniurato scío plus credet míhi quam iurató tibi.

SO. Quís ego sum saltém, si non sum Sósia? te in-
térrogo.

ME. Vbi ego Sosia ésse nolim, tu ésto sane Sósia:

Núnc quando ego sum, uápulabis, ni hínc abis, ignóbilis.

SO. Cérte edepol, quom illúm contemplo et fórmam
cognoscó meam, 441

Quem ád modum ego sum (saépe in speculum inspéxi):
nimis similíst mei.

Ítidem habet petasum ác uestitum: tám consimilíst
átque ego.

Súra, pes, statúra, tonsus, óculi, nasum, uél labra,

Málae, mentum, bárba, collus: tótus. quid uerbís
opust? 445

Sí tergum cicátricosum, níhil hoc similíst símilius.

Sét quom cogito, équidem certo idém sum qui sempér
fui.

Nóui erum, noui aédis nostras: sáne sapio et séntio.

Nón ego illi optémpero quod lóquitur: pultabó foris.

ME. Quó agis te? SO. Domúm. ME. Quadrigas sí
nunc inscendás Iouis 450

Átque hinc fugias, íta uix poteris écfugere infortúnium.

SO. Nón erae meae núntiare, quód erus meus iussít,
licet?

ME. Tùac siquid uis núntiare: hanc nóstram adire
nón sinam.

Nám si me inritássis, hodie lúmbifragium hinc aúferes.

SO. Ábeo potius. di inmortales, ópsecro uostrám
fidem, 455

Vbi ego perii? ubi ínmutatus sum? úbi ego formam
pérdidi?

Án egomet me illic reliqui, sí forte oblitús fui?

Nam híc quidem omnem imáginem meam, quae ántehac
fuerat, póssidet.

Víuo fit, quod núnquam quisquam mórtuo faciét mihi.

Íbo ad portum atque haéc uti sunt fácta, ero dicám meo :

Nísi etiam is quoque me ígnorabit, quód ille faxit

Iúppiter, 461

Úti ego hodie ráso capite cáluos capiam píleum.

ME. Bene próspereque hoc óperis processít mihi :

Amóui a foribus máxumam moléstiam,

Patri út liceret túto illam amplexárier. 465

Iam ille illuc ad erum quom Ámphitruonem aduénerit,

Narrábit seruom hinc sése a foribus Sósiam

Amóuisse: ille adeo íllum mentirí sibi

Credét neque credet húc profectum, ut iússerat.

Erróris ambo ego illos et deméntiae 470

Conplébo atque Amphitruónis omnem fámiliam,

Adeo úsque satietátem dum capiét pater

Illíus quam amat: ígitur demum omnés scient,

Quae fácta. denique Álcumenam Iúppiter

Redigét antiquam in cóniugis concórdiam. 47

Nam Amphítruo actutum uxóri turbas cónciet,

Atque ínsimulabit ěam probri: tum méus pater

Eam séditionem illi ín tranquillum cónferet.

Nunc de Álcumena dúdum quod dixí minus,

Hodie illa pariet filios geminós duos: 480

Altér decumo post mēse nascetúr puer

Quam séminatust, álter mense séptumo.

Eorum Ámphitruonis álter est, altér Iouis.

Verúm minori púero maior ést pater,

Minór maiori. iámne hoc scitis quíd siet? 485

Set Álcumēnae honóris huius grátia .

Patér curabit úno ut fetu † fieret,

Vno út labore apsóluat aerumnás duas,
 Et ne ín suspitióne ponatúr stupri,
 Et clándestina ut céletur consuétio. 490

Quamquam, út iam dudum díxi, resciscét tamen
 Amphítruo rem omnem. quíd igitur? nemo íd probro
 Profécto ducet Álcumenae: nám deum
 Non pár uidetur fácere, delictúm suum
 Suámque ut culpam expétere in mortalém sinat. 495
 Orátionem cónprimam: crepuít foris.
 Amphítruo subditíuos eccum exít foras
 [Atque] Álcumena [una] úxor usurária.

I V P P I T E R. A L C U M E N A. M E R C U R I V S.

IV. Béne uale, Alcuménā, cura rém communem,
 quód facis, 499

Átque inperce quaéso: mensis iám tibi esse actós uides.
 Míhi necessest íre hinc: uerum quód erit natum tóllito.

AL. Quíd istuc est, mi uír, negoti, quód tu tam subitó
 domo

Ábeas? IV. Edepol haút quod tui me néque domi
 distaédeat:

Sét ubi summus ímperator nón adest ad exércitum, 504

Cítius quod non fáctost usus fít quam quod factóst opus.

ME. Nímis hic scitust súcophanta, quí quidem sit
 méus pater.

Ópseruatote ěum, quam blande múlieri palpábitur.

AL. Écastor te expérior quanti fácias uxorém tuam.

IV. Sátin habes, si féminarum núllast quam aequé
 díligam? 509

ME. Édepol ne illa si ístis rebus té sciat operám dare,
 Égo faxim ted Ámphitruonem mális esse quáam Iouem.

AL. Éxperiri istúc mauellem mé quam memorarí mihi.
Prius abis quam lécti ubi cubuísti concaluít locus.

Hére uenisti média nocte, núnc abis. hocín placet?

ME. Áccedam atque hanc áppellabo et súpparasitabór
patri. 515

Númquam edepol quemquám mortalem crédo ego uxórém
suam

Síc ecflíctim amáre, proinde ut híc te ecflíctim déperit.

IV. Cárnufex, non égo te noui? ábin e conspectú meo?

Quíd tibi hanc curátíost rem, uérbero, aut muttítio?

Quém pol ego hoc iam scípione . . . AL. Ah nóli.

IV. Muttitó modo. 520

ME. Néquiter paene éxpediuit príma parasitátio.

IV. Vérum quod tu dícis, mea uxor, nón te mi irascí
deceat.

Clánculum abii ego á legione: hanc óperam subrupuí tibi,

Éx me primo ut príma scires, rem út gessissem púplicam.

Éa tibi omnia énarraui. nísi te amarem plúrumum, 525

Nón facerem. ME. Facítne ut dixi? tímídam palpo
pérceutit.

IV. Núnc ne legio pérseutíscat, clám illuc redeun-
dúmst mihi,

Né me uxorem praéuortisse dícant prae re púplica.

AL. Lácrumantem ex abítú concínnas tú tuam uxórém.

IV. Tace:

Né corrumpe oculós: redibo actútum. AL. Id actutúm
diust. 530

IV. Nón ego te hic lubéns relínquo néque abeo aps te.

AL. Séntio:

Nám qua nocte ad mé uenisti, eádem abis. IV. Quor
mé tenes?

Témpus est: exíre ex urbe prius quam lucescát uolo.

Núnc tibi hanc paterám, quae dono mi illi ob uirtutém
datast,

Ptérela rex qui pótitaui, quem égo mea occidí manu, 535

Álcumena, tíbi condono. AL. Fácis ut alias rés soles:

Écastor condígnum donum, quálist qui donúm dedit.

ME. Ímmo sic condígnum donum, quálist quoi donó
datumst.

IV. Pérgin autem? nóne ego possum, fúrcifer, te
pérdere?

AL. Nóli amabo, Amphítruo, irasci Sósiae causá
mea. 540

IV. Fáciam ita ut uis. ME. Éx amore hic ád modum
quam saeuos est.

IV. Númquid uis? AL. Vt quom ápsim me ames, mé
tuam apsentém tamen.

ME. Ėamus, Amphitruó: lucescit hóc iam. IV. Abi
prae, Sósia.

Iam égo sequar. numquíd uis? AL. Etiam: ut áctutum
adueniás. IV. Licet:

Príus [enim] tua opínione hic ádero: [eo] bonum ánimum
habe. 545

Núnc te, nox, quae mé mansisti, mító ut concedás die,
Vt mortalis ínlucescas lúce clara et cándida.

Átque quanto, nóx, fuisti lóngior hac próxuma,

Táuto breuior díes ut fiat fáciam, dispar út dies

Aéque noctem accédát. ibo ét Mercurium súpsequar. 550

ACTVS II.

AMPHITRVO. SOSIA.

AM. Age í tu secúndum. SO. Sequór, supsequór te.

AM. Sceléstissumúm te arbitrór. SO. Nam quam-
óbrem?

AM. Quia íd quod neque ést neque fuít neque fu-
túrumst

Mihí praedicás. SO. Ecceré, iam tuátim

Facís tu, ut tuís nulla apút te fidés sit. 555

AM. Quid ést? quo modó? iam quidem hércle ege
tibi ístam

Sceléstam, scelús, linguam apscídam. SO. Tuús sum
Proinde út commodúmst et lubét, quicque fácias.

Tamén quin loquár haec utí facta súnť hic,
Numquam úllo modó me potés deterrére. 560

AM. Sceléstissime, aúdes mihí praedicáre íd,
Domí te esse núnc, qui hic adés. SO. Vera díco.

AM. Malúm quod tibi dí dabúnt atque ego hódie
Dabo. SO. Ístuc tibíst in manú: nam tuús sum.

AM. Tun mé, uerbero, aúdes erúm ludificári? 565

Tunc íd dicere aúdes, quod némo umquam homo
ántehac

Vidít nec potést fierí, tempore úno

Homo ídem duóbus locís ut semúl sit?

SO. Profécto, ut loquór, res itást. AM. Iuppitér te
Perdát. SO. Quid malí sum, ere, tua éx re proméritus?

AM. Rogásne, inprobe, étiam qui lúdos facís me? 571

SO. Meritó maledicás mi, si [nón] id ita fáctumst.

Verum haú mentiór resque utí factast díco.

AM. Homo híc ebriúst, ut [ego] opíno. SO. Egone?

AM. Tu ístic.

SO. Vtinam éssem ita. AM. Tu ea óptas quae fácta:

ubi bibísti? 575

SO. Nusquam équidem. AM. Quid hoc hóminist?

SO. Equidém deciens díxi:

Et dõmi [nunc]sum ego, ínquam, ecquid aúdis? et
ãput te

Adsúm Sosia ídem. satín plane ego hóc nunc,

Satín diserte ésse, ere, uideór tibi locútus? 579

AM. Vahá, apage te á me. SO. Quid [istúc] est negóti?

AM. Pestís te tenét. SO. Nam quor ístuc [mi] dicís?

Equidém ualeo récte et sum sáluos, Amphítro.

AM. Át ego faciam te hódie, proinde ut méritu's, ut
ualeás minus

Ét miser siés ex saluo iám, domum si rédiero.

Séquere, erum qui síc ludificas díctis delirántibus: 585

Quí quoniam erus quod ímperauit néglexisti pérsequi,

Núnc uenis etiam últro ínrisum dóminum: quae neque
fieri

Póssunt neque fando úmquam accepit quísquam, ea
profers, cárnufex:

Quõius ego hodie in térgum faxo ista éxpetant mendácia.

SO. Ámphitruo, misérruma istaec míseriast seruó bono,

Áput erum qui uéra loquitur, si id ui uerum uíncitur. 591

AM. Quo íd, malum, pactó potest nam (mécum ar-
gumentís puta)

Fieri, nunc utí tu et hic sis ét domi, id dicí uolo.

SO. Súm profecto et híc et illi: hoc quoíuis mirarí licet,

Néque tibi, [Amphitruo,] istuc mirum mágis uidetur
quám mihi. 595

AM. Quó modo? SO. Nihilo, inquam, mirumst mágis
tibi istuc quam mihi:

Néque, ita di me amént, credebam prímo mihimet
Sósiae,

Dónec Sosia égomet ille fécit sibi uti créderem.

Órdine omnia, út quicque actumst, quóm aput hostis
sédimus,

Édissertauít: tum formam una ápstulit cum nómine. 600
Néque lac lacti mágis est simile quam ille ego similis
ést mei.

Nam út dudum ante lúcem a portu mé praemisistí domum,

AM. Quíd igitur? SO. Prius múlto ante aedis stábam
quam illo aduéneram.

AM. Quás, malum, nugás? satin tu sánus es? SO. Sic
sum út uides.

AM. Huíc homini nescío quid est malí mala obiectúm
manu, 605

Póstquam a me abiit. SO. Fáteor: nam sum optúsus
pugnis péssume.

AM. Quís te uerberáuit? SO. Egomet mémet, qui
nunc súm domi.

AM. Cáue quicquam, nisi quód rogabo té, [iam] mihi
respónderis.

Ómnium primum iste qui sit Sósia, hoc dicí uolo.

SO. Túus est seruos. AM. Míhi quidem uno té plus
etiamst quam uolo, 610

Néque, postquam sum nátus, habui nísi te seruom Sósiam.

SO. Át ego nunc, Amphítro, dico: Sósiam seruóm tuum
Praéter me alterum, inquam, adueniens fáciam ut of-
fendás domi,

Dáuo prognatúm patre eodem quo égo sum, forma, actáte
item,

Qua égo sum. quid opust uérbis? geminus Sósia hic
factúst tibi. 615

AM. Nímia memoras míra. set uidístine uxorém meam?

SO. Quín intro ire in aédís numquam licitumst.

AM. Quis te próhibuit?

SO. Sósia ille, quém iam dudum díco, is qui me
cóntudit.

AM. Quís istic Sosiást? SO. Ego, inquam. quótiens
dicundúmst tibi?

AM. Sét quid ais? num obdórmiuisti dúdum?

SO. Nusquam géntium. 620

AM. Íbi forte istum sí uidisses quéndam in somnis
Sósiam.

SO. Nón soleo ego somniculose erí [mei] imperia pér-
sequi.

Vígilans uidi, uígilans nunc te uídeo, uígilans fábulor,
Vígílantem ille mé iam dudum uígilans pugnis cóntudit.

AM. Quís homo? SO. Sosia, inquam, ego ille.
quaéso, non intéllegis? 625

AM. Quí, malum, intellégere quisquam pótis est?
ita nugás blatis.

SO. Vérum actutum nósces. AM. Quem? SO. Illum
nósces seruom Sósiam.

AM. Séquere hac me igitur: nám mihi istuc prímum
exquisitóst opus.

Sét uide ex naui écferantur quae ímperaui iam ómnia.

SO. Ét memor sum et díligens, ut quae ímperes con-
páreant: 630

Nón ego cum uinó simitu ébibí imperiúm tuum.

AM. V́tinam di faxínt, infecta dícta re eueniánt tua.

ALCVMENA. (THESSALA.) AMPHITRVO. SOSIA.

AL. Satín parua rés est uolúptatum in uíta atque in
aétate agúnda,

Praequám quod moléstumst? ita quoíquest in aétate
hominúm conparátum:

Ita díis est conplácitum, uolúptatem ut maéror comés
consequátur: 635

Quin íncommodi plus malíque ilico ádsit, boní si optigít
quid.

Nam ego id nunc expérior domo átque ipsa dé me sció,
quoi uolúptas

Parúmper datást, dum uirí mei fuít mi potéstas uidéndi
Noctem únam modo: átque is repénite abiit á me [nunc]
hínc ante lúcem.

Sola híc mi nunc uídeor, quia ille hínc abést, quem ego
amó praeter ómnis. 640

Plus aégri ex abítu [mei] uirí quam ex aduéntu uolúptatis
cépi.

Set héc me beát saltem, quóniam [ille] uícit

Perdùellis et dòmum laudis cónpos reuénit.

Apsít, dum modó laude pártá domúm se

Recípiat. feram ét perferam úsque abítum eius
ánimo 645

Forti átque offirmáto: id modó si mercédis

Datúr mi, ut meús uictor uír belli clúeat,

Satís mi esse dícam. optumúmst praemium uírtus:

Virtús omnibús rebus ánteit profécto:

Libértas, salús, uíta, rés et paréntes 650

Et pátria et prognáti tutántur, seruántur:

Virtús omnia ín sese habét: omnia ádsunt

Bona, quém penes est uírtus.

AM. Édepol me uxori éxoptatum crédo aduenturúm
domum,

Quaé me amat, quam cóntra amo: praesértim re gestá
bene, 655

Víctis hostibús, quos nemo pósse superarí ratust:

Ėos auspicio meo átque ductu primo coetu uícimus.

Cérte enim me illi éxpectatum optáto uenturúm scio.

SO. Quíd? me non rere éxpectatum amícae uenturúm
meae?

AL. Méus uir hic quidemst. AM. Séquere hac tu me.

AL. Nám quid ille reuórtitur,

Quí dudum properáre se aibat? án ille me temptát
sciens 661

Átque id se uolt éxperiri, súum abitum ut desíderem?

Ėcastor med haút inuita sé domum recipít suam.

SO. Ámphitrúo, redíre ad nauem méliust nos.

AM. Qua grátia?

SO. Quía domi datúrus nemost prándium adueniénti-
tibus. 665

AM. Quí tibi nunc istúc in mentemst? SO. Quía
enim sero aduénimus.

AM. Quí? SO. Quia Alcuménam ante aedis stáre
saturam intéllego.

AM. Gráuidam ego illanc híc reliqui, quom ábeo.

SO. Hei, perii miser.

AM. Quíd tibist? SO. Ad aquám praehibendam cóm-
modum aduení domum,

Décumo post mense, út rationem té ductare intéllego. 670

AM. Bóno animo es. SO. Scin quám bono animo sím?
si situlam cépero,

Núnquam edepol tu míhi diuini créduis post hunc diem,
Ní ego illi puteó, si occepso, ánimam omnem intertráxero.

AM. Séquere hac me modo. álium ego isti rei ádle-
gabo: né time.

AL. Mágis nunc me meum offícium facere, si huíc
eam aduorsum, árbitor. 675

AM. Ámphitruo uxorém salutat laétus speratám suam,
Quam ómnium Thebís uir unam esse óptumam diiúdicat,
Quámque adeo ciués Thebani uéro rumificánt probam.

Váluistine usque? éxpectatun áduenio? SO. Hau uidí
magis:

[Nam haéc maritum sũum] salutat mágis haut quiquam
quám canem 680

AM. Ét quom grauidam et quóm te pulcre plénam
aspicio, gaúdeo.

AL. Ópsecro ecastór, quid tu me déríduli grátia
Síc salutas átque appellas, quási dudum non uíderis,
Quási qui nunc primúm recipias té domum huc ex hósti-
bus?

[Atque me nunc proinde appellas, quasi multo post
uideris.] 685

AM. Ímmo equidem te nísi nunc hodie núsquam uidí
géntium.

AL. Quór negas? AM. Quia uéra didici dícere.

AL. Haut aequóm facit,

Quí quod didicit íd dediscit. án periclitámini

Quíd animi habeam? sét quid huc uos cónuortimini tám
cito?

Án te auspiciu cónmoratumst án tempestas cóntinet, 690
Quí non abiisti ád legiones, íta uti dudum díxeras?

AM. Dúdum? quam dudum ístuc factumst? AL. Tém-
ptas: iam dudúm, modo.

AM. Quí istuc potis est fíeri, quaeso, ut dícis: iam
dudúm, modo?

AL. Quid enim censes? te ut deludam contra, luserem
meum,

Qui nunc primum te aduenisse dicas, modo qui hinc
abieris? 695

AM. Haec quidem deliramenta loquitur. SO. Pau-
lisper mane,

Dum edormiscat unum somnum. AM. Quae ne uigilans
somnia?

AL. Equidem ecastor uigilo et uigilans id quod fa-
ctumst fabulor:

Nam dudum ante lucem et istunc et te uidi. AM. Quo
in loco?

AL. Hic in aedibus, ubi tute habitas. AM. Numquam
factumst. SO. Non taces? 700

Quid, si e portu nauis huc nos dormientis detulit?

AM. Etiam tu quoque adsentaris huic? SO. Quid uis
fieri?

Non tu scis, Bacchaec bacchanti si uis aduersarius,

Ex insana insaniorum facies, feriet saepius:

Si opsequare, una resolvas plaga? AM. At pol qui
certa res 705

Hanc est obiurgare, quae me hodie aduenientem domum

Noluerit salutare. SO. Inritabis crabrones. AM. Tace

Alcumena, unum rogare te uolo. AL. Quid uis roga.

AM. Num tibi aut stultitia accessit aut superat super-
bia?

AL. Qui istuc in mentemst tibi ex me, mi uir, percon-
tarius? 710

AM. Quia salutare aduenientem me solebas antidhac,

Appellare itidem ut pudicae suos uiros, quae sunt,
solent.

Eo more expertem te factam adueniens offendit domi.

AL. Écastor quidém te certo áduenientem heri ílico
Ét salútaui ét ualuissesne úsque exquisiui semul, 715
Mí uir, et manúm prehendi et aúsculum tetulí tibi.

SO. Túne heri hunc salútauisti? AL. Et té quoque
etiam, Sósia.

SO. Ámphitruo, speráui ego istam tíbi parturam fí-
lium:

Vérum non est púero grauida. AM. Quid igitur?

SO. Insánia.

AL. Équidem sana sum ét deos quaeso, ut sálua paríam
fílium: 720

Vérum tu malum mágnum habebis, si híc suum officiúm
facit:

Ób istuc omen, óminator, cápies quod te cóndecet.

SO. Ěnimuero praegnáti oportet [múlieri] malúm dari,
Út quod obrodát sit, animo sí male esse occéperit.

AM. Tún me heri híc uidísti? AL. Ego, inquam, sí uis
deciens dícier. 725

AM. Ín somnis fortássis? AL. Immo uígilans uigilan-
tem. AM. Heí mihi.

SO. Quid tibist? AM. Delírat uxor. SO. Átra bili
pércitast:

Núlla res tam délirantis hómines concinnát cito.

AM. Vbi tu primum tíbi sensisti, múlter, implicíscier?

AL. Équidem ecastor sána et salua súm. AM. Quor
igitur praédicas, 730

Té heri me uidísse, qui hac noctu ín portum aduectí
sumus?

Íbi cenauí atque íbi quieui in náui noctem pérpetem

Néque pedem meum huc íntuli etiam in aédis, ut cum
exércitu

Hínc profectus sum ad Teleboas hóstis eosque ut uícimus.

AL. Ímno mecum cénausti et mécum cubuisti.

AM. Quid est? 735

AL. Véra dico. AM. Nón quidem hercle de hác re:
de aliis néscio.

AL. Prímulo dilúculo abiisti ad legiones. AM. Quó
modo?

SO. Récte dicit, út commeminit: sómnum narrát
tibi.

Sét, mulier, postquam éxperrecta's, té prodigialí Ioui
Aút mola salsa hódie aut ture cóuprecatam opóruit. 740

AL. Vaé capiti tuó. SO. Tua istuc réfert, si curá-
ueris.

AL. Íterum iam hic in me inclementer dicit, atque id
sine malo.

AM. Táce tu. tu dic: égone aps te abii hinc hódie cum
dilúculo?

AL. Quis igitur nisi uós narravit mi illi ut fuerit praé-
lium?

AM. An etiam id tu scís? AL. Quippe ex te audíui, ut
urbem máxumam 745

Éxpugnaissés regemque Ptérelam tute occíderis.

AM. Égone istuc dixí? AL. Tute istic, étiam astante
hoc Sósia.

AM. Aúdiuistin tú me narrare hódie haec? SO. Vbi
ego audíuerim?

AM. Hanc roga. SO. Me quídem praesente núnquam
factumst quód sciam.

AL. Mírum quin te aduórsus dicat. AM. Sósia, age me
huc áspice. 750

SO. Spécto. AM. Vera uólo loqui te, nólo adsentari
mihi.

Aúdiuistin tu hódie me illi dicere ea quae illa aúumat?

SO. Quaéso edepol, num tú quoque etiam insánis,
quom id me intérrogas,

Qui ípsus equidem núnc primum istanc técum conspició
semul?

AM. Quíd nunc, mulier? aúdin illum? AL. Ego
uéro, ac falsum dícere. 755

AM. Néque tu illi neque míhi uiro ipsi crédis?
AL. Eo fit, quía mihi

Plúrumum credo ét scio istaec fácta proinde ut próloquor.

AM. Túu me heri aduenísse dicis? AL. Túu te
abisse hodie hínc negas?

AM. Négo enimuero et me áduenire núnc primum aio
ad té domum.

AL. Ópsecro, etiamne hóc negabis, te aúream pate-
rám mihi 760

Dēdisse dono hodié, qua te illi dónatum esse díxeras?

AM. Néque edepol dedí neque dixi: uérum ita anima-
tús fui

Ítaque nunc sum, ut ěa te patera dónem. set quis istúc
tibi

Díxit? AL. Equidem ego éx te audiui et éx tua accepí
mauu

Páteram. AM. Mane, mane, ópsecro te. nímis de-
miror, Sósia, 765

Quí illaec illi mé donatum esse aúrea paterá sciat,
Nísi tu dudum hanc cónuenisti et nárrauisti haec ómnia.

SO. Néque edepol ego díxi neque istam uídi nisi tecúm
semul.

AM. Quíd hoc est hominis? AL. Vín proferri páte-
ram? AM. Proferrí uolo.

AL. Fíat. i tu, Théssala, intus páteram profertó fo-
ras, 770

Qua hódie meus uir mé donauit. AM. Sécede huc tu,
Sósia.

Ēnimuero illut praéter alia míra miror máxume,
Si haéc habet pateram íllam. SO. An etiam id crédis,
quae in hac cístula

Tũo signo opsignáta fertur? AM. Sáluom signumst?
SO. Ínspice.

AM. Récte: itast ut ópsignauí. SO. Quaéso, quin tu
istánc iubes 775

Pró cerrita círcumferri? AM. Édepol qui factóst opus:
Nam haéc quidem edepol láruarum plénast. AL. Quid
uerbís opust?

Ēn pateram tibi: éccam. AM. Cedo mi. AL. Age
áspice huc sis núnc iam

Tú, qui quae facta ínfitiare, quem égo iam hic conuin-
cám palam.

Éstne haec patera, quá donatu's illi? AM. Summe
Iúppiter, 780

Quíd ego uideo? haec éast profecto pátera. perii, Sósia
SO. Aút pol haec praestígíatrix múlto mulier má-
xumast

Aút hic pateram inéssce oportet. AM. Ágedum, eam
solue cístulam.

SO. Quíd ego istam exoluam? ópsignatast récte. res
gestást bene:

Tu [álium] peperisti Ámphitruonem, ego álium peperi
Sósiam: 785

Núnc si pateram pátera peperit, ómnes congemináuimus.

AM. Cértumst aperire átque inspicere. SO. Víde sis
signi quíd siet,

Né posterius ín me culpam cónferas. AM. Aperí modo.
Nam haéc quidem nos délirantis fácere dictis póstulat.

AL. Vnde haec igitur est nisi aps te, quae mihi ist donó
data? 790

AM. Ópus mist istuc exquisito. SO. Iúppiter, pro
Iúppiter.

AM. Quid tibist? SO. Hic pátera nulla in cístulast.
AM. Quid ego aúdio?

SO. Íd quod uerumst. AM. Át cruciatu iám, nisi
apparét, tuo.

AL. Haec quidem apparét. AM. Quis igitur tibi de-
dit? AL. Qui mé rogat.

SO. Mé captas, quia túte ab nauí clánculum huc aliá
uia 795

Praécucurrísti átque hinc pateram túte exemísti átque
eam

Huíc dedísti, pósthac rusum opsígnauísti clánculum.

AM. Heí mihi, etiam tú quoque huius ádiuuas insá-
niam?

Áin heri nos áduenísse huc? AL. Áio, adueniensque
ílico

Mé salutauísti et ego te et aúsculum tetulí tibi. 800

SO. Iám illuc non placét principium de aúsculo

AM. Perge éxequi.

AL. Láuísti. AM. Quid, póstquam laui? AL. Áccu-
buísti. SO. Euge, óptume.

Núnc exquire. AM. Ne ínterpella. pérge porro
dícere.

AL. Céna adpositast: cóncenastí mécum: ego accubuí
semul.

AM. Ín eodemne lécto? AL. In eodem. SO. Hei, nón
placet conuíuium. 805

AM. Síne modo arguménta dicat. quíd, postquam
cenáuimus?

AL. Té dormire àibas : mensa ablást : cubitum hinc ábiimus.

AM. Vbi tu cubuisti ? AL. In eodem tecum una lecto in cúbiculo.

AM. Pérdidisti. SO. Quid tibist ? AM. Haec mé modo ad mortém dedit.

AL. Quid iam, amabo ? AM. Né me appella. SO. Quid tibist ? AM. Perii miser, 810

Quia pudicitiae huius uitium me hinc apsentest ádditum.

AL. Ópsecro ecastór, quor istuc, mí uir, ex ted aúdio ?

AM. Vir ego tuus sim ? né me appella, falsa, falso nómine.

SO. Haeret haec res, si quidem haec iam múlter fáctast éx uiro.

AL. Quid ego feci, quá istaec propter dícta dicantúr míhi ? 815

AM. Túte edictas fácta tua : ex me quaéris, quid delíqueris ?

AL. Quid ego tibi delíqui, si quoi núpta sum tecúm fui ?

AM. Tún mecum fuerís ? quid illac ínpudenti audáciust ?

Sáltem, tuipte si pudoris égeas, sumas mútuom.

AL. Ístuc facinus, quód tu insimulas, nóstro generi nón decet. 820

Tú si me ínpudíctiai cáptas, capere nón potes.

AM. Di ímortales : cógnoscisne tú me saltem, Sósia ?

SO. Própemodum. AM. Cenáuine ego heri in náui in portu Pérsico ?

AL. Míhi quoque adsunt téstes, qui illut quód ego dicam adséntiant.

SO. Nésco quid istúc negoti dícam, nisi si quís-
píamst 825

Ámphitruo alius, [qui forte te hic absente tamen
Tuam rem curet] té qui apsente hic múnus fungatúr tuum.
Námque de illo súbdituo Sósia mirúmst nimis.

Cérte de istoc Ámphitruone iam álterum mirúmst magis.
AM. Nésco quis praestígíator hánc frustratur mú-
lierem. 830

AL. Pér supremi régis regnum iúro et matrem fámílias
Iúnonem, quam mé uereri et métuerest par máxume,
Vt mi extra unum té mortalis némo corpus córpore
Cóntigit, quo me ínpudícam fáceret. AM. Vera istaéc
uelim.

AL. Véra dico, sét nequiquam, quóniam non uis cré-
dere. 835

AM. Múlier es, audácter iuras. AL. Quae non de-
liquít, decet

Aúdacem esse, cónfidenter pró se et proterué loqui.

AM. Sátis audacter. AL. Vt decet pudícam. AM. Ain?
tu uerbís probas.

AL. Nón ego illam míhi dotem esse dúco, quae dos
dícitur,

Sét pudicitiam ét pudorem et sédatum cupídinem, 840
Dèum metum et paréntum amorem et cógnatum con-
córdiam,

Tíbi morígera atque út munífica sím bonis, prosím probis.

SO. Ne ísta edepol, si uéra haec loquitur, éxamussimst
óptuma.

AM. Délenitus súm profecto ita, út me qui sim né-
sciam.

SO. Ámphitruo's profecto: caue sis né tu te usu
pérduis: 845

Íta nunc homines ínmutantur, póstquam peregre ad-
uénimus.

AM. Múlier, istanc rem ínquisitam cértumst non amít-
tere.

AL. Édepol me lubénte facies. AM. Quid ais? re-
spondé mihi:

Quíd, si adduco túum cognatum húc ab nauí Naúcratem,
Quí mecum una uéctust una náui: atque is si dénégat 850
Fácta, quae tu fácta dicis, quíd tibi aequomst fieri?

Númquid causam dícis, quin te hoc múltem matrimónio?

AL. Sí deliqui, núlla causast. AM. Cónuenit. tu,
Sósia,

Dúc hos intro. ego húc ab nauí mécum adducam Naú-
cratem.

SO. Núnc quidem praetér nos nemost: díc mihi uerum
sério, 855

Écquis alius Sósia íntust, quí mei similís siet?

AL. Ábin hinc a me, dígnus domino séruos? SO. Abeo,
sí iubes.

AL. Nímis ecastor fácinus mirumst, quí illi conlubitúm
siet

Méo uiro, sic me ínsimulare fálso facinus tám malum. 859
Quídquid est, iam ex Naúcrate id cognáto cognoscám meo.

A C T V S III.

I V P P I T E R.

Ego sum ille Amphitruo, quòius est seruos Sósia,
Idém Mercurius quí fit quando cómmodumst,
In súperiore quí habito cenáculo,
Qui intérdum fio Iúppiter, quandó lubet. 864
Huc aútem quom extemplo áduentum adporto, ílico
Amphítroo fio et uéstitum inmutó meum.
Nunc húc honoris uóstri uenio grátia,
Ne hanc ínchoatam tránsigam comoédiam.
Semul Álcumenae, quám uir insontém probri
Amphítroo accusat, uéni ut auxiliúm feram: 870
Nam méa sit culpa, quód egomet contráxerim,
Si id ínnocenti [inmérito damnosum] éxpetat.
Nunc mémet Amphitruónem, ut occepí semel,
[Iterum] ésse adsimulabo átque in horunc fámiliam
Hodié frustratiónem iniciam máxumam. 875
Post ígitur demum fáciam ut res fiát palam
Atque Álcumenae in témpore auxiliúm feram
Faciámque ut uno fétu et quod grauidást uiro
Et mé quod grauidast páriat sine dolóribus.
Mercúrium iussi mé continuo cónsequi,
Siquíd uellem imperáre. nunc hanc ádloquar.

ALCVMENA. IVPITER.

- AL. Duráre nequeo in aédibus. ita mé probri,
 Stuprí, dedecoris á uiro argutám meo:
 Ea quae sunt facta infécta re esse occlámitat: 884
 Quae néque sunt facta néque ego in me admisi, árguit
 Atque id me susque déque esse habiturám putat.
 Non édepol faciam néque me perpetiár probri
 Falso ínsimulatam, quín ego illum aut déseram
 Aut fáciat satis ille átque adiuret ínsuper,
 Nolle ésse dicta quae ín me ínsontem prótulit. 890
 IV. Faciúndumst mi illut, fíeri quod illacc póstulat,
 Si me íllam amantem ad sése studeam récipere:
 Quando égo quod feci id fáctum Amphitruoni óffuit
 Atque illi dudum méus amor negótium
 Insónti exhibuit: núnc autem ísontí mihi 895
 Illíus ira in hánc et maledicta éxpètent.
 AL. Et éccum uideo, [módo] me miseram qui árguit
 Stuprí, dedecoris. IV. Té uolo, uxor, cónloqui.
 Quor téd auortisti? AL. Ést ita ingeniúm meum:
 Inimícos semper ósa sum optuériet. 900
 IV. Heia aútem inimicos? AL. Síc est, uera praé-
 dico:
 Nisi étiam hoc falso díci ínsimulatúrus es.
 IV. Nimis íracunda's. AL. Pótin ut apstineás ma-
 num?
 Nam cértó si sis sánus aut sapiás satis,
 Quam tu ínpudicam esse árbitrere et praédices, 905
 Cum ea tú sermonem néc ioco nec sério
 Tibi hábeas, nisi sis stúltior stultíssumo.
 IV. Si díxi, nihilo mágis es neque ego esse árbitror,
 Et id húc reuorti utí me purgarém tibi.

Nam núnquam quicquam méo animo fuit aégrius 910

Quam póstquam audiui, téd esse iratám mihi.

Quor díxisti? inquier. ego expediám tibi.

Non édepol quo te esse ínpudicam créderem:

Verúm periclitátus sum animúm tuum,

Quid fáceres et quo pácto id ferre indúceres. 915

Equidém ioco illa díxeram dudúm tibi,

Ridículi causa. uél hoc rogato Sósiam.

AL. Quin húc adducis mèum cognatum Naúcratem,

Testém quem dudum te ádducturum díxeras, 919

Te huc nón uenisse? IV. Síquid dictumst pér iocum,

Non aéquomst id te sério praeuórtier.

AL. Ego illum scio quam dóluerit cordí meo.

IV. Per délixteram tuam te, Álcumena, oro, ópsecro

Te, dá mi hanc ueniam, ignósce, irata né sies.

AL. Ego ístaec feci uérba uirtute ínrita. 925

Nunc quándo factis sum ínpudicis ápstinens,

Ab ínpudicis díctis auortí uolo.

Valeás, tibi habeas rés tuas, reddás meas.

Iubén mihi comites? IV. Sánan' es? AL. Si nón
iubes,

Sinitó: Pudicitiam égomet comitem dúxero. 930

IV. Mane, árbitratu túo ius iurandúm dabo,

Me měam pudicam esse úxorem arbitrárię.

Id égo si fallo, túm te, summe Iúppiter,

Quaeso Ámphitruoni ut sémper iratús sies.

AL. Ah, própítius sit pótius. IV. Confidó fore: 935

Nam iús iurandum uérum te aduorsúm dedi.

Iam núnc irata nón es? AL. Non sum. IV. Béne
facis.

Nam in hóminum aetate múlta eueniunt hũius modi:

Capiúnt uoluptates, cápiunt rusum míserias:

Irae interueniunt, rédeunt rusum in grátiam. 940

Verum írae siquae fórte eueniunt hũius modi

Intér eos : rusum sí reuentum in grátiamst,

Bis tánto amici sũnt inter se quám prius.

AL. Primúm cauisse opórtuit ne díceres : 944

Verum éadem si idem míhi purgas, patiúnda sunt.

IV. Iube uéro uasa púra adornarí mihi,

Vt quae áput legionem uóta uoui, sí domum

Redíssem saluos, éa ego ut exoluam ómnia.

AL. Ego istúc curabo. IV. Éuocate huc Sósiam :

Gubérnatorem, quí mea in nauí fuit, 950

Blepharónem arcessat, quí nobiscum prándeat.

Is ádeo inpransus [hódie] ludificábitur,

Dum ego Ámphitruonem cóllo hinc opstrictó traham.

AL. Mirúm quid solus sécum secreto ille agat.

Atque áperiuntur aédes : exit Sósia. 955

S O S I A. I V P P I T E R. A L C Y M E N A.

SO. Ámphitruo, adsum : síquid opus est ímpera, ímpe-
rium éxequar.

IV. Óptume aduenís. SO. Iam pax est [fácta] uos inté-
duos ?

Nám quia uos tranquillos uideo, gaúdeo et uolup ést
míhi.

Átque ita seruom pár uidetur frúgi sese instítuere :

Pròinde eri ut sint, ípse ítem sit : uóltum e uoltu cón-
paret : 960

Trístis sit, si erí sint tristes : hílarus sit, si gaúdeant.

Sét age respondé : iam uos redístis in concórdiam ?

IV. Dérides, qui scís haec dudum mé dixisse pér iocum.

SO. Án illut ioculo díxisti? equidem sério ac ueró
ratus.

IV. Át habui expurgátionem: fácta pax est. SO.
Óptumest. 965

IV. Égo rem diuinam íntus faciam, uóta quae sunt.
SO. Cénseo.

IV. Tú gubernatórem ab nauí huc éuoca uerbís meis
Blépharonem, is uti ré diuina fácta mecum prándeat.

SO. Iam híc ero, quom illí censebis ésse me. IV.
Actutum húc redi.

AL. Númquid uis, quin ábeam iam intro, ut ádparen-
tur quíbus opust? 970

IV. Í sane et quantúm potest paráta fac sint ómnia.

AL. Quín uenis quandó uis intro: fáxo haut quicquam
sít morae.

IV. Récte loquere et próinde diligéntem ut uxorém de-
cet.

Iam hisce ámbo, et seruos ét era, frustra súnt duo, 974

Qui me Ámphitruonem réntur esse: erránt probe.

Nunc tú diuine mi húc fac adsis Sósia.

Audís quae dico, tǎmetsi praesens nón ades.

Fac Ámphitruonem iam áduenientem ab aédibus

Vt ábigas quouis pácto conmentús sies.

Volo déludi illum, dúm cum hac usurária 980

Vxóre mihi nunc mórigeró. haec curáta sint

Fac sís, proinde adeo ut uélle med intéllegis,

Atque út ministres míhi, quom sacrificém mihi.

M E R C V R I V S.

Concéдите atque apscédite omnes, dé uia decédite.

Nec quísq(uam) [nunc] tam audáx fuat homo qui óbuiam
opsistát mihi. 985

Nam míhi quidem hercle quí minus liceát deo minitárier
Populó, ni decedát mihi, quam séruolo in comoédiis?

Ille náuem saluam núntiat aut írati aduentúm senis:

Ego súm Ioui dicto aúdiens, eius iússu nunc huc me
ádféro.

Quam ob rém mihi magis par ést uia decédere et con-
cédere. 990

Patér uocat me, eúm sequor, eius dicto imperio sum
aúdiens.

Vt filium bonúm patri esse opórtet, item ego súm patri.

Amánti supparasítor, hortor, ásto, admoneo, gaúdeo.

Siquíd patri uolup ést, uoluptas éa mi multo máxumast.

Amát? sapit: recté facit, animó quando opsequitúr
suo: 995

Quod ómnis homines fácere oportet, dúm modo id fiát
bono.

Nunc Ámphi(truonem) uólt deludi méus pater: faxó probe
Iam hic déludetur, spéctatores, uóbis inspectántibus.

Capiám coronam mi ín caput, adsímulabo me esse
ébrium.

Atque illuc susum escéndero: inde óptume aspellám
uirum 1000

De súpero, quom huc accésserit: faciam út sit madidus
sóbrius.

Deinde illi actutum súfferet suus séruos poenas Sósia:

Eum fécis(e) ille hodie árguet, quae ego féce(ro) hic: quid
íd mea?

Meo me aéquomst morigerúm patri [esse]: eius stúdio
servire áddecet.

Set éccum Amphitruonem: áduenit. iam ille híc delu-
detúr probe, 1005

Si quĩdem uos uoltis aúscultando operám dare.

Ibo íntro, ornatum cápiam qui potís decet:

Dein súsum escendam in téctum, ut illum hinc pró-
hibeam.

A M P H I T R V O.

Naúcratem quem cónuenire uólui in nauí nón erat,
Néque domi neque in úrbe inuenio quémquam qui illum
uiderit: 1010

Nam ómnis plateas pérreptauí, gýmnasia et myropólia,
Áput emporium atque ín macello, ín palaestra atque ín
foro,

Ín medicinis, ín tonstrinis, áput omnis aedís sacras.

Súm defessus quaéritando, núsquam inuenio Naúcratem.

Núnc domum ibo atque éx uxore mea hánc rem pergam
exquírere, 1015

Quís fuerit, quem própter corpus súum stupri con-
pléuerit.

Nám me quam illam quaéstionem inquisitam hodie
amíttre

Mórtuom satiúst. set aedis óccluserunt. eúgepae:

Páriter hoc fit átque ut alia fácta sunt: feríám foris.

Áperite hoc: heus, écquis hic est? écquis hoc aperit
óstium? 1020

MERCVRIVS. AMPHITRVO.

ME. Quíst ad foris? AM. Ego súm. ME. Quis 'ego sum'?

AM. Íta loquor. ME. Tibi Iúppiter Díque omnes iráti certo súnť, qui sic frangás foris.

AM. Quó modo? ME. Eo modo, út profecto uíuas aetatém miser.

AM. Sósia. ME. Ita: sum Sósia, nisi [mei] mé esse oblitum exístumas.

Quíd nunc uis? AM. Sceléste, at etiam quíd uelim, id tu mé rogas? 1025

ME. Íta rogo: paene écfregisti, fátue, foribus cárdines.

Án foris censébas nobis púplicitus praehibérier?

Quíd me aspectas, stólide? quíd nunc uís tibi aut quis tú's homo?

AM. Vérbero, etiam quis ego sim me rógitas, ulmorum Ácheruns?

Quém pol ego hodie ob ístaec dicta fáciám feruentém flagris. 1030

ME. Pródigum te fuisse oportet ólim in adulescéntia.

AM. Quídum? ME. Quia senécta in aetate á me mendicás malum.

AM. Cúm cruciatu tuo ístaec hodie, uérna, uerba fúnditas.

ME. Sácrufico ego nunc tibi. AM. Qui? ME. Quia enim té macto infortúnio.

.
* * * * *
* * * * *
* * * * *

A C T V S III.

* * * * *

* * * * *

* * * * *

BLEPHARO. AMPHITRVO. IUPPITER.

.

BL. Vós [ista] inter uós partite: ego ábeo, mihi negotiumst: 1035

Néque ego umquam usquam tánta mira mé uidisse cénseo.

AM. Blépharo, quaeso ut áduocatus mi ádsis neue abeás. BL. Vale.

Quíd opus est med áduocato, quí me utri sim néscio?

IV. Íntro ego hinc eo: Álcumena párturit. AM. Períi miser:

Nám quíd ego ago, quem áduocati iam átque amici déserunt? 1040

Númquam edepol me inúltus istic lúdificabit, quí quis est.

Iám me ad regem récta ducam résque ut factast éloquar.

Égo pol illum ulcíscaz hodie Théssalum uenéficum,

Quí peruorse pérturbauit fámiliae mentém meae.

Sét ubi illest? intro édepol abiit, crédo ad uxorém meam. 1045

Quí me Thebis álter uiuit míserior? quíd núnc agam?

Quem ómnes mortalés ignorant ét ludificant út lubet.

Cértumst, intro rúmpam in aedis: úbi quemque homi-
nem aspéxero,

Síue ancillam, síue seruom, si úxorem, si adúlterum,

Sí patrem, si auóm uidebo, [eum] óptruncabo in
aédibus: 1050

Néque me Iuppitér neque di omnes íd prohibebunt, si
uolent,

Quín sic faciam utí constitui: pérgam in aedis núnc iam.

A C T V S V.

BROMIA. AMPHITRVO.

BR. Spes átque opes uitaé meae iacént sepultae in
péctore

Neque úllast confidéntia in meo córde, quin amiserim.
Ita míhi uidentur ómnia, mare, térra, caelum cónsequi,
Iam ut ópprimar, ut énicer. me míseram: quid agam
néscio. 1056

Ita tánta mira in aédibus sunt fácta: uae míseraé mihi.
Animó malest, aquám uelim: corrúmppta sum atque ap-
súmppta sum.

Capút dolet neque aúdio neque óculis prospició satis.
Nec mé miserior féminast neque úlla uideatúr magis.
Ita eraé meae hodie cóntigit: nam ubi pártuis deos sibi
ínuocat, 1061

Strepitús, crepitus, sonitús, tonitrus: subito út pro-
pere, ut ualidé tonuit.

Vbi quísque institerat, cóncidit crepitu: íbi nescio quis
máxuma

Vóce exclamat: ‘Álcumena, adést auxilium, né
time:

Ét tibi et tuís propitius caéli cultor áduenit. 1065

Exúrgite’ inquit ‘quí terrore meo óccidistis praé
metu’.

Vt iácui, exurgo: ardére censui aedis: ita tum cón-
fulgebant.

Íbi me inclamat Álcumena: iam éa res me horrore
ádficit.

Erilis praeuortit metus: adcúrro ut sciscam quíd uelit:
Atque íllam geminos filios puerós peperisse cónspicor:
Neque nóstrum quisquam sénsimus, quom péperit, neque
prouídimus. 1071

Sét quid hoc? quis hic ést senex,
Qui ante aédís nostras síc iacet? numnam húncc percus-
sit Iúppiter?

Credo édepol: nam pro Iúppiter, sepúltust quasi sit
mórtuos.

Ibo út cognoscam, quisquis est. est Ámphitruo hic
quidem érus meus. 1075

Amphítroo. AM. Perii. BR. Súrge. AM. Interii.

BR. Cédo manum. AM. Quis mé tenet?

BR. Tua Brómia ancilla. AM. Tíneo totus, íta me
increpuit Iúppiter.

Nec sécus est quasi si ab Ácherunte uéniam. set quid
tú foras

Egréssa's? BR. Eadem nós formido tímidas terrore
ínpulit: 1079

In aédibus, ubi tute hábitas, nimia míra uidi. uaé mihi,
Amphítroo: íta animus [méus] mihi etiam núnc abest.

AM. Agedum éxpedi:

Scin mé tuum esse erum Ámphitruonem? BR. Scío.

AM. Vide etiam núnc. BR. Scío.

AM. Haec sóla sanam méntem gestat mēorum familiá-
rium.

BR. Immo ómnes sani súnť profecto. AM. At me
úxor insanúm facit

Suis foédis factis. BR. Át ego faciam tu ídem ut aliter
praédices, 1085

Ámphitruo : piam ét pudicam túam esse uxorem utí
scias,

De ěa re signa atque árgumenta paúcis uerbis
éloquar.

Ómnium primum Álcumena géminos peperit fílios.

AM. Āin tu, geminos? BR. Géminos. AM. Di
me séruant. BR. Sine me dícere,

Út scias tibi túaeque uxori děos esse omnis pró-
pitios. 1090

AM. Lóquere. BR. Postquam párturire hodie
úxor occepít tua,

Úbi utero exortí dolores, út solent puérperae :

Ínuocat deos ínmortalis, út sibi auxiliúm ferant,

Mánibus puris, cápite operto. íbi continuo cón-
tonat 1094

Sónitu maxumo. aédís primo rúere rebamúr tuas :

Aédes totae cónfulgebant túae, quasi essent
aúreae.

AM. Quaéso, apsoluito hínc me extemplo, quándo
satis delúseris.

Quíd fit deinde? BR. Dum haéc aguntur, ínterea
uxorém tuam

Néque gementem néque plorantem nóstrum quis-
quam audíuimus :

Íta profecto síne dolore péperit. AM. Iam istuc
gaúdeo, 1100

Útut erga me méritast. BR. Mitte ista átque haec
quae dicam áccipe.

Póstquam peperit, púeros lauere iússit nos. oc-
cépimus.

Sét puer ille quém ego laui, ut mágnust, ut multúm
ualet.

Néque eum quisquam cónligare quíuit incunábulis.

AM. Nímia mira mémoras: si istaec uéra sunt,
diuínitus 1105

Nón metuo meae quín uxori látae suppetiaé sient.

BR. Mágis iam faxo míra dices. póstquam in
cunas cónditust,

Déuolant angués iubati dēorsum in inpluiiúm duo
Máxumi: contínuo extollunt ámbo capita. AM. Hei
mihi.

BR. Né paue. set ángues oculis ómnis circum-
uísere. 1110

Póstquam pueros cónspicati, pérɡunt ad cunás citi:
Égo cunas recéssim rursum uórsum trahere et
dúcere

Métuens pueris, míhi formidans, tántoque angues
ácrius

Pérsequi. postquám conspexit ánguis ille altér
puer, 1114

Cítus e cunis éxilit, facít recta in [eos] ínpetum:
Álterum alteráprehendit èos manu perníciter.

AM. Míra memoras: nímis formidolósum facinus
praédicas:

Nám mihi horror mémbra misero pércepit dictís
tuis.

Quíd fit deinde? pórro loquere. BR. Púer ambo
anguis énicat.

Dum haéc aguntur, uóce clara inclámat uxorém
tuam 1120

AM. Quís homo? BR. Summus ímperator díuom
atque hominum Iúppiter:

Ís se dixit cum Álcumena clám consuetum cúbi-
tibus,

Œumque filiúm suum esse , quí illos anguis uícerit:
Álterum tuum ésse dixit púerum. AM. Pol me
. hau paénitet, 1124

Sí licet boní dimidium mihi diuidere cùm Ioue.
 Ábi domum, iube uása pura actútum adornarí
 mihi,

Vt Iouis suprémi multis hóstiis pacem éxpetam.
Égo Tiresiam cóniectorem áduocabo et cónsulam,
Quíd faciundum cénsent, semul hánc rem ut factast
éloquar.

Sét quid hoc? quam uálide tonuit. di, ópsecro
uostrám fidem. 1130

JUPITER. AMPHITRYO.

IV. Bono ánimo es: adsum ego auxílio, Amphitruó,
tibi:

Nihil ést quod timeas: áriolos, arúspices
Mitte ómnis: quae futúra et quae facta éloquar,
Multo ádeo melius quam illi, quom sum Iúppiter.
Primum ómnium Alcuménæ usuram córporis 1135

Cepi ét concubitu gráuidam feci filio.
 Tu gráuidam item fecísti, quom in exércitum
 Proféctu's: uno pártu duos peperít semul.
 Eorum álter, nostro quíst susceptus sémine,
 Suis fáctis te inmortalí adficiet glória. 1140

Tu cum Álcumena uxóre antiquam in grátiam

Redi: haú promeruit quam ób rem uitio uórteres:

Mea uí subactast fácere. ego in caelúm migro.

AM. Fáciam ita ut iubés et te oro prómissa ut serués tua.

Íbo ad uxorem íntro: missum fácio Tiresiám senem.

CANTOR. Spéctatores, núnc Iouis summi caúsa
clare plaúdite. 1145

METRA HVIVS FABVLAE HAEC SVNT

V. 1 ad 152 iambici senarii

- 153 ad 158 iambici octonarii
- 159 anapaesticus dimeter acatalectus
- 160 anapaesticus monometer acatalectus
- 161 et 162 anapaestici dimetri acatalecti
- 163 ad 176 bacchiaci tetrametri acatalecti (167 insiticius)
- 177 bacchiacus dimeter acatalectus
- 178 bacchiacus tetrameter acatalectus
- 179 bacchiacus trimeter acatalectus
- 180 ad 218 iambici octonarii
- 219 ad 236 cretici tetrametri acatalecti
- 237 ut videtur corruptus
- 238 ad 246 cretici tetrametri acatalecti
- 247 ut videtur corruptus
- 248 ad 262 iambici octonarii
- 263 ad 462 trochaici septenarii
- 463 ad 498 iambici senarii
- 499 ad 550 trochaici septenarii
- 551 ad 582 bacchiaci tetrametri acatalecti
- 583 ad 632 trochaici septenarii
- 633 ad 641 bacchiaci hexametri acatalecti
- 642 ad 652 bacchiaci tetrametri acatalecti
- 653 bacchiacus dimeter acatalectus
- 654 ad 860 trochaici septenarii
- 861 ad 955 iambici senarii
- 956 ad 973 trochaici septenarii
- 974 ad 983 iambici senarii
- 984 ad 1005 iambici octonarii

- V. 1006 ad 1008 iambici senarii
- 1009 ad 1052 trochaici septenarii
- 1053 ad 1061 iambici octonarii
- 1062 anapaesticus octonarius
- 1063 iambicus octonarius
- 1064 et 1065 trochaici septenarii
- 1066 iambicus octonarius
- 1067 iambicus octonarius hypermeter
- 1068 trochaicus septenarius
- 1069 ad 1071 iambici octonarii
- 1072 trochaicus dimeter catalecticus
- 1073 ad 1085 iambici octonarii
- 1086 ad 1130 trochaici septenarii
- 1131 ad 1142 iambici senarii
- 1143 ad 1145 trochaici septenarii.
-

T. MACCI PLAVTI

C A P T I V I.

GRAECA [ANAXANDRIDI].

ARGVMENTVM.

Captúst in pugna Hégionis filius.
Aliúm quadrimum fúgiens seruos uéndidit.
Patér captiuos cónmercatur Áleos
Tantúm studens ut gnátum recuperét [suum],
Et ín ibus emit ólim amissum filium. 5
Is sũo cum domino uéste uorsa ac nómine
Vt [is] ámittatur fécit: ipso pléctitur.
Et ís reduxit cáptum et fugitiuóm semul,
Indício quoius álium agnoscit filium.

P E R S O N A E.

ERGASILVS PARASITVS
HEGIO SENEX
LORARI
PHILOCRATES CAPTIVOS
TYNDARVS CAPTIVOS
ARISTOPHONTES CAPTIVOS
PVER
PHILOPOLEMVS ADVLESCENS
STALAGMVS SERVOS
CATERVA.

P R O L O G V S.

Hos quós uidetis stáre hic captiuós duos,
 Vinctí quia astant, hí stant ambo, nón sedent.
 Hoc uós mihi testes éstis me uerúm loqui.
 Senéx qui hic habitat, Hégio, 'st huiús pater.
 Set ís quo pacto séruiat suo síbi patri, 5
 Id ego híc aput uos próloquar, si operám datis.
 Seni huíc fuerunt fílii natí duo :

Aliúm quadrimum púerum seruos súrpuít
 Eumque hínc profugiens uéndidit in Álide
 [Dominó] patri huiusce. iam hóc tenetis? óptu-
 mumst. 10

Negat hércle [uero] ille últimus. accédito.
 Si nón ubi sedeas lócus est, est ubi ámbules,
 Quando hístrionem cógis mendicárier.
 Ego mé tua causa, ne érres, non ruptúrus sum.
 Vos quí potestis ópe uostra censérier 15
 Accípíte relicuom: álieno uti níl moror.
 Fugitíuos ille, ut díxeram ante, huiús patri
 Domo quém profugiens dóminum apstulerat, uén-
 didit.

Is póstquam hunc emit, dédit eum huíc gnató suo
 Pecúliarem, quía quasi una aetás erat. 20
 Hic núnc domi seruit sũo patri nec scít pater :
 Enimuéro di nos quási pilas hominés habent.
 Ratióne[m] habetis, quó modo unum amiserit.

Postquám belligerant [aútem] Aetoli cum Áleis,
 Vt fít in bello, cápitur alter fílius. 25
 Medicús Menarchus émit ibidem in Álide.
 Coepít captiuos cónmercari hic Áleos,
 Siquém reperire póssit, qui mutét suum:
 [Illum captiuom: hunc suum esse nescit qui domist]
 Et quóniam heri indaudíuit, de summó loco 30
 Summóque genere cáptum esse equitem ex Álide,
 Nil prétio parsit, fílio dum párceret:
 Recónciliare ut fácilius possét domum,
 Emít de praeda hosce ámbos a quaestóribus.
 Hisce aútem inter sese húnec confinxerúnt dolum, 35
 Quopácto hic seruos súum erum hinc amittát domum.
 Itaque ínter se commútant uestem et nómina:
 Illíc uocatur Philocrates, hic Týndarus:
 Huius ille, hic illius hódie fert imáginem.
 Et hic hódie docte expédiet hanc falláciam = 40
 Et súum erum faciet libertatis cónpotem:
 Eodémque pacto frátrem seruabít suum
 Reducémque faciet liberum in patriam ad patrem
 Inprúdens: itidem ut saépe iam in multís locis
 Plus ínsciens quis fécit quam prudéns boni. 45
 Set ínscientes [hí] sua sibi fallácia
 Ita cómpararunt ét confinxerúnt dolum,
 [Itaque hí conmenti dé sua senténtia]
 Vt in séruitute hic àput suum maneát patrem:
 Ita núnc ignorans [dòmi] suo sibi seruí patri. 50
 Homúnculi quantí sunt, quom recógito.
 Haec rés agetur nóbis, uobis fábula.
 Set étiamst paucis uós quod monitos uóluerim.
 Profécto expédiet fábulae huic operám dare:
 Non pértractate fáctast neque item ut céterac, 55

Neque spúrcidici insunt uérsus inmemorábiles:
Hic néque periurus lénost nec meretríx mala
Neque míles gloriósus. ne uereámini,
Quia béllum Aetolis ésse dixi cum Áleis:
Foris íllic extra scénam fient praélia. 60
Nam hoc paéne iniquomst, cómico chorágio
Conári desubito ágere nos tragoédiam.
Proin síquis pugnam expéctat, litis cóntrahat:
Valéntiorem náctus aduorsárium
Si erít, ego faciam ut púgnam inspectet nón bonam,
Adeo út spectare póstea omnis óderit. 66
Abeó. ualete, iúdice*s* iustíssumi,
Domí duellique dñellatores óptumi.

A C T V S I.

ERGASILVS.

Iuuentus nomen indidit Scortó mihi,
 Quia ínuocatus sóleo esse in conuíuio. 70
 Scio apsúrde dictum hoc dérisiones dícere,
 At ego áio recte. nam in conuiuió sibi
 Amátor, talos quóm iacit, scortum ínuocat.
 Estne ínuocatum an nón [est? est] planíssume.
 Verum hércle uero nós parasi plánius, 75
 Quos númquam quisquam néque uocat neque ín-
 uocat:
 Quasi múres semper édimus alienúm cibum.
 Vbi rés prolatae súnt, quom rus hominés eunt:
 Semúl prolatae rés sunt nostris déntibus.
 Quasi quóm caletur cóchleae in occultó latent, 80
 Suó sibi suco úuont, ros si nón cadit:
 Ítém parasi rébus prolátis latent
 In ocúlto, míseri uíctitant sucó suo,
 Dum rúri rurant hómines quos ligúrriant.
 Prolátis rebus páraresi uenátici 85
 Canés sumus: quando rédierunt, Molóssici
 Odiósicique et múltum incommodéstici.
 Et híc quidem hércle, nísi qui colaphos pérpeti
 Potís parasi frángique aulas in caput,
 Vel éxtra portam trígeminam ad saccum ílicet. 90
 Quod míhi ne eueniat nón nullumst pérículum

Nam póstquam meus est réx potitus hóstium,
 (Ita [ením] belligerant núnc Aetoli cum Áleis:
 Nam Aetólia haec est: illist captus in Álide
 Philopólemus huius Hégionis fílius 95
 Senís qui hic habitat: quae aédes lamentáariae
 Mihi súnť, quas quotiensquómque conspició, fleo)
 Nunc híc occepit quaéstum hunc fili grátia
 Inhonéstum, maxume álienum ingenió suo:
 Hominés captiuos cónmercatur, sí queat 100
 Aliquem ínuenire, sũum qui mutet fílium.
 Quod quídem ego nimis quam cúpio [senex] ut ím-
 petret:
 Nam ní illum recipit, níhil est quo me récipiam.
 Nullá iuuentutis spés est: sese omnés amant.
 Ille démum antiquis ést adulescens móribus, 105
 Quoius númquam uoltum tránquillauí grátiis.
 Condígne pater est ěius moratus móribus.
 Nunc ád eum pergam. sét aperitur óstium,
 Vnde sáturitate saépe ego exiui ébrius.

HEGIO. LORARIVS. ERGASILVS.

HE. Aduórte animum huc sis: ístos captiuós duos
 Herí quos emi dé praeda a quaestóribus, 111
 His indito caténas singulárias,
 Istás maiores quíbus sunt uincti démito.
 Sinito ámbulare, sí foris, si.intús uolent:
 Set uti ádseruentur mágna diligéntia. 115
 Libér captiuos áuis ferae consímilis est:

Semél fugiundi sí datast occasio,

Satis ést: post illam númquam possis préndere.

LO. ‘mnés profecto líberi lubéntius

Sumus quám seruimus. HE. Nón uidere ita tú
quidem. 120

LO. Si nón est quod dem, méne uis dem ipse ín
pedes?

HE. Si déderis, erit extémplo mihi quod dém tibi.

LO. Auis mé ferae consímilem faciam, ut praédicas.

HE. Ita ut dícis: nam si fáxis, te in caueám dabo.

Set sátis uerborumst: cúra quae iussi átque abi. 125

Ego íbo ad fratrem ad álios captiuós meos:

Visám ne nocte hac quípiam turbáuerint.

Inde mé continuo récipiam rusúm domum.

ER. Aegrést mi hunc facere quaéstum carcerárium

Proptér sui gnati míseriam miserúm senem. 130

Set si úllo pacto ille húc conciliari potest,

Vel cárnificinam hunc fácere possum pérpeti.

HE. Qui hic lóquitur? ER. Ego, qui tũo maerore
máceror,

Macésco, consenésco et tabescó miser.

Ossa átque pellis súm miser aegritúdine. 135

Neque úmquam quicquam mé iuuat quod edó domi:

Forís aliquantillum étiam quod gusto íd beat.

HE. Ergásile, salue. ER. Dí te bene ament, Hégio.

HE. Ne flé. ER. Egone illum nón fleam? ego non
défleam

Talem ádulescentem? HE. Sémper sensi fílio 140

Meo té esse amicum et illum intellexí tibi.

ER. Tum dénique homines nóstra intellegimús bona,

Quom quae ín potestate hábuimus ea amísimus.

Ego, póstquam gnatus túus potitust hóstium,

Expértus quanti fúerit, nunc desídero. 145

HE. Aliénus quom eius incómodum tam aegré
feras,

Quid mé patrem par fácerest, quoi illest únicus?

ER. Ego álienus? aliénus ille? ah, Hégio,

Numquam ístuc dixis néque animum induxís tuum:

Tibi ille únicus, mihi etiam único magis únicast. 150

HE. Laudó, malum quom amíci tuum ducís malum.

Nunc hábe bonum animum. ER. Oíei: huic illút
dolet,

Quia núnc remissus ést edundi exércitus.

HE. Nullúmne interea náctu's, qui possét tibi

Remíssum quem dixti ímperare exércitum? 155

ER. Quid crédis? fugitant ómnes hanc prouínciam,

Quoi optígerat, post Philopólemus quam captúst
tuus.

HE. Non pól mirandumst fúgitare hanc prouínciam.

Multís et multigénerebus opus ést tibi

Milítibus: primumdum ópus Pistoriénsibust: 160

Eorum áliquot genera súnť Pistoriénsium:

Paníceis opus est, ópus Placentinís quoque,

Opus Túrdetanis, ópus est Ficedulénsibus:

Tum márítumi omnes mílites opus súnť tibi.

ER. Vt saépe summa ingénia in occultó latent: 165

Hic quális imperátor nunc priuátus est.

HE. Habe módo bonum animum. nam íllum confidó
domum

In híis diebus mé reconciliássere.

Nam eccúm captiuom hunc ádulescentem [emi]

Áleum

Prognátum genere súmmo et summis dítiis: 170

Hoc íllum me mutáre confidó fore.

ER. Ita dí deaeque fáxint. HE. Set numquó foras
Vocátus[es]ad cénam? ER. Nusquam, quód sciam.
Set quíd tu id quaeris? HE. Quía mist natalís dies:
Proptérea te uocári [ad me] ad cenám uolo. 175

ER. Facéte dictum. HE. Sét si pauxillúm potes
Conténtus esse. ER. Ne perpauxillúm modo:
Nam istóc me adsiduo uíctu delectó domi.

HE. Age sís roga. ER. Emptum, nísi qui meliorem
ádferet

Quae mi átque amicis pláceat conditió magis: 180

Quasi fúndum uendam, mēis me addicam légibus.

HE. Profúndum uendis tú quidem, hau fundúm mihi.

Set sí uenturu's, témperi. ER. Hem, uel iam
ótiumst.

HE. I módo, uenare léporem: nunc ictím tenes.

Nam méus scruposam uíctus conmetát uiam. 185

ER. Numquam ístoc uinces me, Hégio: ne póstules
Cum cálceatis déntibus ueniám tamen.

HE. Aspér meus uíctus sánest. ER. Sentisne éssitas?

HE. Terréstris cenast. ER. Sús terrestris béstias.

HE. Multís holeribus. ER. Cúrato aegrotós domi.

Numquíd uis? HE. Venias témperi. ER. Memorén
mones. 191

HE. Ibo íntro atque intus súbducam ratiúnculam,

Quantíllum argenti míhi aput trapezitám siet.

Ad frátrem, quo ire díxeram, mox íuero.

ACT V S II.

LORARI. CAPTIVI (PHILOCRATES. TYNDARVS).

LO. Si di ínmortales íd uoluere, uós hanc aerumnam
éxequi, 195

Decét pati animo id aéquò: si id faciétis, leuior lábor
erit.

Domi fũistis credo líberi:

Nunc séruitus si euénit, ei uos mórigerari mós bonust
Eamque étiam erili império ingeniis uóstris lenem
réddere.

Indígna digna habénda sunt, erus quae facit. 201

CA. Oh. LO. Éiulatione haut opus est: oculis
† multa miraculis.

In ré mala animo sí bono utare, ádiuuat.

CA. At nós pudet quia cūm catenis sūmus. LO. At
pigeat póstea

Nóstrum erum, [núnc] si uos éximat uínculis

Aút solutós sinat quós argento émerit. 205

CA. Quid [ille] a nobis méruit? scimus nós nostrum
officiúm quod est.

LO. Át fugam fíngitis: séntiö quam rém agitis.

CA. Fúgiamus nos? quó fugiamus? LO. In patriam.

CA. Apage, hau nós id deceat

Fúgitiuos imitári. LO. Immo edepol, si érit occasio,
haút [id] dehortor.

CA. Vnum exorare uos sinite nos. LO. Quidnam
id est? 210

CA. Vt sine hisce árbitris átque uobís locum
Détis nobís loqui.

LO. Fíat. apscédite hinc. nós concedámus huc.
Sét breuem orátionem íncipisse. PH. Hém mi
istuc

Cértum erat: cóncede huc. LO. Ábi tu istim.
TY. Obnóxii 215

Ámbo uobís sumus própter hanc rém, quom
quae

Vólumus nos cópiae fácitis nos cónpotes.

PH. Sécede huc núnc iam, sí uidetúr, procul,
Ne árbitri dícta nostra árbitrarí queant

Neú permanét palam haec nóstra fallácia. 220

Nám doli nón doli súnt, nisi astú colas,
Sét malum máximum, si íd palam próuenit.

Nám si erus tú mihi's átque ego esse mé tuum

Séruom adsimuló, tamen uíso opust, caúto
opust,

Vt sóbrie hoc sineque árbitris 225

Adcúrate agátur, docte ét diligénter.

Tanta íncepta rés est: hau sómniculóse hoc

Agúndumst. TY. Ero út me uolés esse. PH.
Spéro.

TY. Nam tú nunc uidés pro tuó caro cápíte

Carum ófferre [mé] meum capút uilitáti. 230

PH. Scio. TY. Át memento scíre, quando id quód
uoles habébis.

Nám maxuma párs fere mórem hunc hominés
habent:

Quód uolunt, dum ímpetrant

Síbi, boni súnt: set ubi iam penes sése habent,

Éx bonis péssumi et fraúduléntíssumi 235

Fíunt. nunc út mihi té uolo esse aútumo.

* * * * *

* * * * *

* * * * *

Quód tibi suádeam, suádeam mēo patri.

PH. Pól ego te, si aúdeam, mēum patrem
nóminem:

Nám secundúm patrem tú's pater próxumus.

TY. Aúdio. PH. Et proptérea saepiús ted ut memí-
neris moneo: 240

Nón ego erus, set tíbi conseruos súm. nunc opsecró te
hoc unum:

Quóniam nobis di ínmortales ánimum ostenderúnt
suum,

Út qui erum me tíbi fuisse atque ésse nunc conseruóm
uelint:

Quom ántehac pro iure ímperitabam mēo, nunc te oro
pér precem,

Pér fortunam incértam et per mei te érga bonitatém
patris 245

Pérque conseruítium, quod [mihi] hóstica euenít manu,
Né me secus honóre honestes, quám quom seruibás
mihi,

Átque ut qui fuerís et qui nunc sís meminísse ut mé-
mineris.

TY. Scío quidem me té esse nunc et té esse me.

PH. Hem istuc sí potes 249

Mémoriter meminísse, est nobis spés in hac astútia.

HEGIO. PHILOCRATES. TYNDARVS.

HE. Iam égo reuortar întro, si ex his quae uolo exquisiuero.

Vbi sunt isti, quos ante aedis iussi huc produci foras?

PH. Édepol tibi ne in quaestione essemus cautum intéllego:

Íta uinclis custodiisque circummoeniti sumus.

HE. Qui cauet ne decipiat, uix cauet, quom etiam cauet. 255

Étiam quom cauisse ratus est, saepe is cautor captus est.

An uero non iusta causast ut uos seruem sedulo,

Quos tam grandi sim mercatus praesenti pecunia?

PH. Néque pol tibi nos, quia nos seruas, aequomst uitio uortere,

Néque te nobis, si hinc abeamus, si fuit occasio. 260

HE. Ut uos hic, itidem illi aput uos meus seruatur filius.

PH. Captust? HE. Ita. PH. Non igitur soli nos ignaui fuimus.

HE. Sécede huc: nam sunt quae [ego] ex te solo scitari uolo,

Quarum rerum te falsilocum mihi esse nolo. PH. Non ero, 264

Quod sciam: siquid nescibo, id nescium tradam tibi.

TY. Nunc senex est in tonstrina: nunc iam cultrum attinet.

Ne id quidem inuolucris inicere uoluit, uestem ut ne inquinet.

Sét utrum strictimne attonsurum dicam esse an per pectinem

Néscio: uerúm si frugist, úsque admutilabít probe.

HE. Quíd tu? seruosne ésse an liber máuelis, me-
morá mihi. 270

PH. Próximum quod sít bono quodque á malo longís-
sume,

Íd uolo: quamquám non multum fùit molesta séruitus
Néc mihi secus erát quam si essem fámiliaris fílius.

TY. Eúgepae: Thalém talento nón emam Milésium:
Nám [pol] ad sapiéntiam huius nímius nugatór fuit. 275
Út facete orátionem ad séruitutem cóntulit.

HE. Quó de genere gnátust illi Philocrates? PH.
Polyplúsio,

Quód genus illist únum pollens átque honoratíssimum.

HE. Quíd ipse hic? quo honórest illi? PH. Súmmo
atque ab summís uiris.

HE. Tum ígitur ei quom in Áleis est grátia tanta, ut
praédicas, 280

Quíd diuitiae, súnne opimae? PH. Vnde éxcoquat
sebúm senex.

HE. Quíd pater? uiuítne? PH. Viuom, quom índe
abimus, líquimus:

Núnc uiuatne nécne, id Orcum scíre oportet scílicet.

TY. Sálua res est: philosophatur quóque iam, non
mendáx modost.

HE. Quíd erat ei nomén? PH. Thensaurochrýsoni-
cochrýsides. 285

HE. Vídelicet proptér diuitias índitum id nomén
quasist?

PH. Ímmo edepol proptér auaritiam ipsíus atque au-
dáciam.

[Nam illic quidem Theodoromedes fuit germano no-
mine.]

HE. Quid tu ais? tenaxne pater est eius? PH. Immo
edepol pertinax:

Quin etiam ut magis noscas, genio suo sibi quando
sacrificat, 290

Ad rem diuinam quibus opus est Samiis uasis utitur,
Ne ipse genius subrupiat: proinde aliis ut credat uide.

HE. Sequere hac me igitur. eadem ego ex hoc quae
uolo exquisiuero.

Philocrates, hic fecit hominem frangi ut facere
oportuit.

Nam ego ex hoc quo genere gnatus sis scio: hic fassus est
mihi. 295

Haec tu eadem si confiteri uis, tua [e] re feceris,
Quae tamen scito scire me ex hoc. TY. Fecit officium
hic suum,

Quom tibist confessus uerum, quamquam uolui sedulo
Meam nobilitatem occultare et genus et diuitias meas,
Hegio: nunc quando patriam et libertatem perdidi, 300
Non ego me istunc potius quam te metuere aequom
censeo.

Vis hostilis cum istoc fecit meas opes aequabilis.
Memini quom dicto haud audebat: facto nunc laedat
licet.

Sed uidem? fortuna humana fingit artatque ut lubet.
Me qui liber fueram seruom fecit, e summo infumum:
Qui imperare insueram, nunc alterius imperio
opsequor. 306

Et quidem si proinde ut ipse fui imperator familiae
Habeam dominum, non uerear ne iniuste aut grauiter
mi imperet.

Hegio, hoc te monitum, nisi forte ipse non uis, uolueram.

HE. Lóquere audacter. TY. Tam égo fui ante líber
quam gnatús tuus. 310

Tám mihi quam illi líbertatem hostílis eripuíť manus.
Tám ille aput nos séruit, quam ego núnc hic aput te
séruio.

Ést profecto déus, qui quae nos gérimus auditque ét
uidet.

Ís, uti tu me hic hábueris, proinde illum illi curáuerit.
Béne merenti béne profuerit, mále merenti pár crit.
Quám tu filiúm tuum, tam patér me meus desíderat. 316

IIE. Mémini ego istaec. sét faterin éadem quae hic
fassúst mihi?

TY. Égo patri meo ésse fateor súmmas diuitiás domi
Méque summo génere gnatum. sét te optestor, Hégio,
Né tuum animum auáriorem fáxint diuitiaé meae, 320
Né, tametsi unicús sum, magis decére uideatúr
patri,

Mé saturum seruíre aput te súmptu et uestitú tuo
Pótius quam illi, ubi mínime honestumst, méndican
tem uíuere.

HE. [Ego uirtute deum et maiorum nostrum diues
sum satis.]

Nón ego omninó lucrum omne esse útile homini
exístumo. 325

Scío ego, multos iám lucrum homines lúculentos
réddidit:

Ést etiam ubi profécto dāmnum praéstet facere quám
lucrum.

Ódi ego aurum: múlta multis saépe suasit pérperam.
Núnc hoc animum aduórte, ut ea quae séntio paritér
scias.

Fílius meus illi aput uos séruit captus [in] Álide: 330

Ĕum si reddis mīhi, praeterea [tu] únum nummum né
duis:

Ĕt te et hunc amíttam hīnc. alio pácto abire nón potes.

TY. Óptimum atque aequíssimum oras óptimusque
hominum és homo.

Sét is priuatam séruitutem séruit illi an púplicam?

HE. Priuatam medicí Menarchi. TY. Pól is quidem
huius ést cluens: 33½

Tam hóc quidem tibi ín procliuist, quam ímber est,
quandó pluit.

HE. Fác is homo ut redimátur. TY. Faciam. sét ted
oro [hoc], Hégio,

HE. Quíd uis faciam? dum áb re nequid óres. TY.
Auscultá, scies.

Égo me amitti, dónicum ille huc rédierit, non póstulo:
Vérum, te quaeso, aéstumatum hunc mīhi des, quem
mittam ád patrem, 340

Ųt is homo redimátur illi. HE. Immo álium potius
mísero

Hīnc, ubi erunt indútiae, illuc, tũm qui conueniát
patrem,

Quí tua quae iussís mandata ita út uelis [ei] pérferat.

TY. Át nihil est ignótum ad illum mittere: operam
lúseris.

Hūnc mitte, hic transáctum reddet ómne, si illuc
uénerit. 345

Néc quemquam fidéliorem néque quoi plus credát potes

Mittere ad eum, néc qui magis sit séruos ex senténtia,

Néque adeo quoi tũm concredat fílium hodie audácius.

Né uereare: mēo periclo ego húius experiár fidem

Frétus ingenio èius, quod me esse scít erga se bene-
uolum. 350

HE. Míttam equidem istunc aéstumatum túa fide, si
uís. TY. Volo:

Quám citissumé potest, tam hoc cédere ad factúm
uolo.

HE. Númquae causast quín, si ille huc non rédeat,
uigintí minas

Míhi des pro illo? TY. Óptuma immo. HE. Sóluite
istum núnc iam,

Átque utrumque. TY. Dí tibi omnes ómnia optata
ófferant, 355

Quóm me tanto honóre honestas quómque ex uinclis
éximis.

Hóc quidem hau moléstumst iam, quod cóllus collarí
caret.

HE. Quód bonis benefít beneficium, grátia ea gra-
uidást bonis.

Núnc tu illum si illó's missurus, díce, monstra,
praécipe,

Quae ád patrem uis núntiari. uín uocem huc ad té?
TY. Voca. 360

HE. Quae rés bene uortat míhi meoque fílio

Vobísque: uolt te nóuos erus operám dare

'Tuo uéteri domino, quód is uelit, fidéliter.

Nam ego aéstumatum huic dédi te uigintí minis:

Hic aútem te ait mittere hinc uelle ád patrem, 365

Meum ut illi redimat filium, mutátio

Intér me atque illum ut nóstris fiat fíliis.

PH. Vtróqueuorsum réctumst ingeniúm meum,

Ad te átque [ad] illum: pró rota me utí licet.

Vel ego húc uel illuc uórtar, quo imperábitis. 370

HE. Tu tibi tuopte ingénio prodes plúrumum,

Quom séruitutem férs ita ut ferrí decet.

Sequere: én tibi hominem. TY. Hábeo gratiám tibi,
Quom cópiam istam mi ét potestatém facis,
Vt ego ád parentis hunc remittam núnctium, 375
Qui mé quid rerum hic ágitem et quid fierí uelim,
Patrí meo ordine ómnem rem illuc pérferat.

Nunc íta conuenit ínter me atque hunc, Týndare,
Vt te aéstumatum in Álidem mittam ád patrem:
Si nón rebitas, huic ut uigintí minas 380

Dem pró te. PH. Recte cónuenisse séntio.

Nam páter expectat aút me aut aliquem núnctium,
Qui hinc ád se ueniat. TY. Érgo animum aduortás
uolo,

Quae núnctiare hinc té uolo in patriam ád patrem.

PH. Phílocrates, ut adhúic locorum féci, faciam
sédulo, 385

Út potissumúm quod in rem récte conducát tuam
Íd petessam id pérsequarque córde atque animo et
uíribus.

TY. Fácis ita ut te fácere oportet: núnc animum
aduortás uolo.

Ómnium primúm salutem dícito matri ét patri
Ét cognatis ét siquem alium béneuolentem uíderis: 390
Me híc ualere et séruitutem séruire huic homini
óptumo,

Quí me honore honéstiosem sémper fecit ét facit.

PH. Ístuc ne praecípías, facile mémoria meminí
tamen.

TY. Nam équidem nisi quod cústodem habeo liberum
me esse árbitror. 394

Dícito patrí, quo pacto míhi [nunc] cum hoc conuénerit
De húius filiό. PH. Quae meminí, móra merast
monérier.

TY. Vt cum redimat ét remittat nóstrum huc ainborúm
uicem.

PH. Méminero. HE. At quam primum poterit: in
rem utriquest máxume.

PH. Nón tuum tu mágis uidere quam ille suum gnatúm
cupit.

HE. Méus mihi, suus quoíquest carus. PH. Númquid
aliut uís patri 400

Núntiari? TY. [Me hic ualere et tute audacter dicito,
Tyndare, inter] Nós fuisse ingénio hau discordábili,
Néque te conmeruisse culpam néque me aduorsatúm
tibi,

Béneque ero gessísse morem in tántis aerumnís tamen,
Néque med umquam déservisse té neque factis néque
fide 405

Rébus in dubiís, egenis. haéc pater quandó sciet,
Tyndare, ut fuerís animatus érga suum gnatum
átque se,

Númquam erit tam auárus, quin te emíttat gratiís
manu.

Ét mea opera, si hínc rebito, fáciam ut faciat fácilis:
Nám tua opera et cómitate et uirtute et sapiéntia 410
Fécisti ut redíre liceat ád parentis dénuo,
Quóm aput hunc conféssus es et génus et diuitiás
meas:

Quó pacto emisísti e uinclis túum erum tua sapiéntia.

PH. Féci ego ita ut conmémoras, et te méminisse id
gratúmst mihi.

Mérito [tuo] tibi ea éuenerunt á me. nam nunc, Philo-
crates, 415

Sí ego item memorém quae me erga múlta fecistí
bene,

Nóx diem adimat: nám quasi seruos méus sis, nihilo
sétius

Ópsequiosus [tú] mihi semper fũisti. HE. Di uostrám
fidem,

Hóminum ingenium liberale. ut lácrumas excutiún^t
mihi.

Videas corde amáre inter se: quántis [hic modo]
laúdibus 420

Súum erum seruos cónlaudauit. TY. Pól istic me
haut centénsumam

Pártem laudat, quam ípse meritust út laudetur laú-
dibus.

HE. Érgo quom optumé fecisti, núnc adest occasio
Bénefacta cumuláre, ut erga hunc rém geras fidéliter.

PH. Mágis non factum póssum uelle quam ópera
experiar pérsequi: 425

Íd uti scias, Iouém supremum téstem do [tibi], Hégio,
Me infidelem nóñ futurum Phílocrati. HE. Probus
és homo.

PH. Néc me secus umquam òi facturum quícquam
quam memét mihi.

TY. Ístaec dicta te éxpédire et óperis et factís uolo,
Ét quom minus dixí quam uolui dé te, animum ad-
uortás uolo 430

Átque horunc uerbórum causa cáue tu mi iratús
fuas.

Sét, te quaeso, cógitato hinc mēa fide mittí domum
Te aéstumatum et méam esse uitam hic pró te positam
pígneri,

Né tu me ignorés, quom extemplo meo é conspectu
apscésserís,

[Quom me seruom in seruitute pro te hic reliqueris]

Túque te pro líbero esse dúcas, pignus déseras, 436
Néque des operam pró me ut huius réducem facias
fílium.

Scíto te hinc mínis uiginti aéstumatum míttier.

Fác fidele síis fidelis, cáue fidem fluxám geras.

Nám pater, scio, fáciet quae illum fácere oportet
ómnia. 440

Sérua tibi in perpétuom amicum me átque hunc in-
uentum ínueni.

Haéc per dexterám tuam te délixera retinéns manu

Ópsecro, infidélior mi né fuas quam ego súm tibi.

Hóc age [sis]: tu míhi nunc erus es, tú patronus, tú
pater:

Tíbi conmendo spés opesque mēas. PH. Mandauistí
satis. 445

Sátin habes, mandáta quae sunt fácta si referó?
TY. Satis.

PH. Ét tua et tua húc ornatus réueniam ex sen-
téntia.

Númquid aliut? TY. Vt quam primum póssis redeas.
PH. Rés monet.

HE. Iám [tu] sequere mé, uiaticum út dem a trapezitá
tibi:

Éadem opera a praetóre sumam sýngraphum. TY.
Quem sýngraphum? 450

HE. Quem híc ferat secum ád legionem, hinc íre huic
ut liceát domum.

Tu íntro abi. TY. Bene ámbulato. PH. Béne uale.

HE. Edepol rém meam

Cónstabiliui, quom íllos emi dé praeda a quaestó-
ribus.

Éxpediui ex séruitute fílium, si díis placet.

Át etiam dubitáui hos homines émerem an non
emerém diu. 455

Séruate istum súltis intus, sérui, ne quoquám
pedem

Écferat sine cústodela. [iám] ego apparebó domi,

Ád fratrem modo [ád] captiuos álios inuisó meos.

Ěadem percontábor, ecqui hunc ádulescentem nóuerit.

Séquare tu: te ut ámittam, ei rei prímum prauortí
uolo. 460

ACTVS III.

ERGASILVS.

Miser homost, qui ipsús sibi quod edit quaérit et id
aegre ínuenit.

Sét illest miseríór, qui et aegre quaérit et nihil ín-
uenit.

Ílle miserrumus ést, qui, quom esse cúpiit, quod edit
nón habet.

Nam hércle ego huic dié, si liceat, óculos ecfodiám
lubens:

Íta malignitáte oneravit ómnis mortalís mihi. 465

Néque ieiuniósíorem néc magis ecfertúm fame

Vídi nec quoi mínus procedat quídquid facere oc-
céperit:

Íta uenter guttúrque resident ésurialis férias.

Ílicet parasíticæ arti máxumam in malám crucem:

Íta iuuentus iám ridiculos ínopes ab se ségregat. 470

Níl morantur iám Lacones'ími supsellí uiros,

Plágipatidas, quíbus sunt uerba síne penu et pecúnia.

Ėos requirunt, quí, lubenter quom éderint, reddánt
domi.

Ėpsi opsonant, quæé parasitorum ánte erat prouíncia.

Ėpsi de foró tam aperto cápíte ad lenonés eunt, 475

Quam ín tribu sontís aperto cápíte condemnuánt reos,

Néque ridiculos iám terunci fáciunt. sese omnés
amant.

Nám uti dudum hinc ábii, accessi ad ádulescentis ín
foro :

‘Sáluete’ inquam: ‘quo ímus una ad prándium?’
atque illí tacent.

‘Quís ait “hoc” aut quís profitetur?’ inquam: quasi
mutí silent, 480

Néque me rident. ‘úbi cenamus [hódie]?’ inquam
atque illi ábnuont.

Díco unum ridículum dictum dé dictis melióribus,

Quíbus solebam ménstrualis épulas ante apíscier:

Némo ridet. sciúi extemplo rém de conpectó geri.

Né canem quidem ínritatam uóluit quisquam imitárier,
Sáltem, si non árriderent, déntis ut restríngerent. 486

Ábeo ab illis, póstquam uideo mé sic ludificárier.

Pérgo ad alios, uénio ad alios, déinde ad alios: úna
rest.

Ómnes de conpécto rem agunt, quási in Velabro
oleárii.

[Nunc redeo inde, quoniam me ibi uideo ludificarier.]

Ítem alii parasíti frustra obámbulabant ín foro. 491

Núnc barbarica lége certumst iús meum omne pér-
sequi.

Cónsilium qui iniére, quo nos uíctu et uita próhibeant,

Ís diem dicam, ínrogabo múltam, ut mihi cenás decem

Meo árbitratu dént, quom cara annóna sit. sic égero.

Núnc ibo ad portum hínc. est illi mi úna spes ce-
nática: 496

Si éa decolabít, redibo huc ád senem ad cenam ásperam.

HEGIO. (ARISTOPHONTES.)

Quid ést suauíus quam

Bene rém gerere bõno puplicó, sicut féci

Ego herí, quom emi hosce hómines. ubi quíque
uident [me hódie], 500

Eúnt obuiám gratulánturque eám rem.

Ita [núnc] me miserúm restitádo, retinédo

Lassúm reddidérunt:

Vix éx gratuládo misér iam eminébam.

Tandem ábii ad praetorem. íbi uix requieuí, rogo

Mihi sýngraphum: datur: ílico 506

Dedi Týndaro: ille abiít domum:

Inde ílico praeuórtor

Domúm, postquam id áctumst.

Eo prótinus ad fratrém, mei ubi álii sunt captíui: 510

Rogó Philocratem ex Álide ecquis hóminum norit:
[átque] hic

Exclámat, esse eum síbi sodalem: díco eum esse
apút me.

Hic éxtemplo orat ópsecratque, eum síbi uidere ut
líceat.

Iussi ílico hunc exóluier. inde ábii. nunc tu séquere,

Vt quód me orauisti ímpetres, eum hóminem uti
conuénias. 515

T Y N D A R V S.

Nunc illut est, quom mé fuisse quam ésse nimio má-
uelim:

Nunc spés opes auxíliaque a me ségregant spernúnt-
que se.

[Hic ille est dies, quom nŭlla uitae mēae salus sperābilis:
Neque aŭxilium mist néque adeo spes, quae mi hunc
aspellát metum: 519

Nec súbdolis mendáciis mihi úsquam mantellúmst meis.]
Nec súcophantiis nec fucis úllum mantellum óbuiaſt.
Neque déprecatió perfidiis mēis nec malefactis fugast.
[Nec cófidentiae úsquam hospitiumst nec deuorticulúm
dolis.]

Opérta quae fuére aperta sŭnt, patent praestígiae.

Omnis palamst res: néque de hac re negótiumst, 525
Quín male occidam óppetamque péstem eri uicém malam.
Pérdidit me Arístophontes híc, qui intro aduenít
modo:

Ís me nouit, ís sodalis Philocrati et cognátus est.

Néque Salus seruáre, si uolt, mé potest: nec cópiast
[Me expediundi], nísi si astutiam áliquam corde
máchinor.

Quám, malum? quid máchiner, quid cónminiscar,
haéreo: 531

[Nísi] nugas inéptiasque iam íncipisso máxumas.

HEGIO. ARISTOPHONTES. TYNDARVS. LORARI.

HE. Quo illúm nunc hominem próripiuisse fōras se dicam
ex aédibus?

TY. Enimuéro nunc ego óccidi: eúnt ad te hostes,
Týndare.

Quid fábulabor? quíd negabo? aut quíd fatebor? [nám]
mihi 535

Res ómnis in incertó sitast: quid rébus confidám meis?
Vtinám te di prius pérderent, quam périisti e patriá tua,

Arístophontes, qui éx parata re ímparitam omném facis.
Occísast haec res, nísi reperio atrócem mi aliquam
astútiam.

HE. Sequere: én tibi hominem, adi átque adloquere.

TY. Quís homost me hominum míserior?

AR. Quid istuc est, quod mēos te dicam fúgitare
oculos, Týndare, 541

Próque ignoto me ásperrari, quási me nunquam
nóueris?

Équidem tam sum séruos quam tu, etsi égo domi libér
fui,

Tu úsque a puero séruitutem séruisti in Álide.

HE. Édepol minime míror, si te fúgitat aut oculós
tuos 545

Aút si te odit, qui ístum appelles Týndarum pro
Philocrate.

TY. Hégio, hic homó rabiosus hábitus est in Álide:

Né tu quod istic fábuletur aúris inmittás tuas.

Nám istic hastis ínsectatus ést domi matrem ét patrem,

Ét illic isti quí sputatur mórbus interdúm uenit. 550

Pröin tu ab istoc prócul apscedas. HE. Vltro istum a
me. AR. Ain, uérbero,

Mé rabiosum atque ínsectatum esse hástis meum me-
morás patrem?

Ét eum mihi esse mórbum, ut qui med ópus sit in-
sputárier?

HE. Né uerere, múlto iste mórbus homines mácerat,
Quíbus insputarí saluti fúit atque is prófuit. 555

AR. Quid, tu autem etiam huic crédis? HE. Quid ego
crédam huic? AR. Insanum ésse me.

TY. Viden tu hunc, quam inimíco uoltu intúitur?
concedi óptimumst,

Hégio : fit quód ego dixi : glíscit rabies : cáue tibi.

HE. Crédidi esse insánum extemplo , ubi te áppel-
lauit 'Týndarum.

TY. Quín suum ipse intérdum ignorat nómen neque
scit quí siet. 560

HE. Át etiam te sùum sodalem esse áibat. TY. Hau
uidí magis :

Ét quidemAlcmaeus átque Orestes ét Lycurgus póstea
Vna opera mihi sùnt sodales qua íste. AR. At etiam,
fúrcifer,

Mále loqui mi audés ? non ego te nóui ? HE. Pol
planum íd quidemst :

[Non nouisse, qui istum appelles Tyndarum pro
Philocrate.] 565

Quém uides, eum ignóras : illum nóminas, quem nón
uides.

AR. Ímmo iste eum sese áit qui non est ésse et qui
ueróst negat.

TY. Tu ěnim repertu's, Philocratem qui súperes
ueriuérbio.

AR. Pól, ego ut rem uideó, tu inuentu's, uéra uani-
túdice

Quí conuincas. sét quaeso hercle agedum áspice ad me.

TY. En. AR. Díe modo, 570

'Tén negas 'Tyndárum esse ? TY. Nego ego. AR. 'Tún
te Philocratem ésse ais ?

TY. Égo [uero] inquam. AR. Túne huic credis ? HE.
Plús quidem quam tibi aút mihi :

Nam ille quidem, quem tú esse hunc memoras, hódie
hinc abiit Álidem

Ád patrem huius. AR. Quém patrem, qui séruos est ?

TY. Et tú quidem

Séruos es, libér fuisti: et égo me confidó fore, 575
Si húius huc recónciliasso in líbertatem fílium.

AR. Quid ais, furcifér? tun natum té esse memoras
líberum?

TY. Nón equidem me Líberum, set Phílocratem esse
aió. AR. Quid est?

Vt scelestus, Hégio, nunc íste [te] ludós facit.

Nám is est seruos ípse neque praetér se umquam ei
seruós fuit. 580

TY. Quía tute ípse egés in patria néc tibi qui uiuás
domist,

Ómnis inueníri similis tui uis: non mirúm facis:

Ést miserorum, ut máleuolentes sint atque inuideánt
bonis.

AR. Hégio, uide sís nequid tu huic témere insistas
crédere:

Átque ut perspició, profecto iám aliquid pugnaé
dedit: 585

Fílium tuum quód redimere se ait, id ne utiquam míhi
placet.

TY. Scío te id nolle fíeri: ecfíciam támen ego id, si
di ádiuant.

Íllum restituam huíc, hic autem in Álidem me mēo
patri:

Própterea ad patrem hínc amisi Týndarum. AR. Quin
túte is es:

Néque praeter te in Álide ullus séruos istoc nó-
minest. 590

TY. Pérgin seruom me éxprobrare esse, id quod ui
hostili óptigit?

AR. Ěnim iam nequeo cóntineri. TY. Heus, aúdin
quid ait? quín fugis?

Iám illic hic nos insectabit lápidibus, nisi illúnc iubes
Cónprehendi. AR. Crúcior. TY. Ardent óculi:

fune opust, Hégio:

Víden tu illi maculári corpus tótum maculis lúridis?

Átra bilis ágitat hominem. AR. At pól te, si hic

sapiát senex, 596

Pix atra agitet àput carnificem tũoque capiti inlúceat.

TY. Iám deliraménta loquitur, láruae stimulánt

uírum.

HE. Quíd, si [ego] hunc [nunc] cónprehendi iússerim?

TY. Sapiás magis.

AR. Crúcior lapidem nón habere mé, ut illi mastígiae

Cérebrum excutiam, quí me insanum uérbis concinnát

suis. 601

TY. Aúdin lapidem quaéritare? AR. Sólus te

solúm uolo,

Hégio. HE. Istinc lóquere, siquid uís, procul:

tamen aúdiam.

TY. Námque edepol si adbíte propius, ós denasabít

tibi

Mórdicus. AR. Neque pól me insanum, Hégio, esse

créduis 605

Néque fuisse umquám neque esse mórbum, quem istic

aúumat.

Vérum siquid métuis a me, iúbe me uíncirí: uolo,

Dúm istic itidem uínciatur. TY. Ímmo enimuero,

Hégio,

Istic qui uolt uínciatur. AR. Táce modo: ego te,

Phílocrates

Fálse, faciam ut uérus hodie réperiare Tyndarus. 610

Quíd mi abnutas? TY. Tíbi ego abnuto? * * * * *

* * * * * quíd agat, si aphis lóngius?

HE. Quid ais? quid, si adeam hunc insanum? TY.

Nugas: ludificabitur,

Garruet quoi neque pes umquam neque caput con-
pareat.

Ornamenta apsunt: Aiace, hunc quom uides, ipsum
uides. 615

HE. Nihili facio, tamen adibo. TY. Nunc ego om-
nino occidi,

Nunc ego inter sacrum saxumque sto nec quid faciam
scio.

HE. Dó tibi operam, Aristophontes, siquid est quod
me uelis

AR. Ex me audibis uera quae nunc falsa opinare,
Hegio.

Sed primum hoc me expurgare tibi uolo, me in-
saniam 620

Neque tenere neque mi esse ullum morbum nisi quod
seruio.

At ita me rex deorum atque hominum faxit patriae
conpotem,

Ut istic Philocrates non magis est quam aut ego aut
tu. HE. Eho, dic mihi,

Quis illic igitur est? AR. Quem dudum dixi a prin-
cipio tibi.

Hoc si secus repéris, nullam causam dico quin mihi
Et parentum et libertatis aput te deliquio siet. 626

HE. Quid tu ais? TY. Me tuum esse seruom et te meum
erum. HE. Haut istuc rogo.

Fuisti liber? TY. Fui. AR. Enimuero non fuit,
nugas agit.

TY. Qui tu scis? an tu fortasse fuisti meae matri
opstitrix,

Qui id tam audacter dicere audes? AR. Puerum
te uidí puer. 630

TY. Át ego te maiórem uideo máior: en rusúm tibi.
Mèam rem non curés, si recte fácias: num ego curó
tuam?

HE. Fúitne huic patér Thensaurochrýsonicochrý-
sides?

AR. Nón fuit: neque ego istuc nomen úmquam au-
diui ante hunc diem.

Phílocrati Theodóromedes fúit pater. TY. Pereó
probe. 635

Quín quiescis? [í]diirectum, cór meum, ac suspénde te:
Tú supsultas, égo miser uix ásto prae formídine.

HE. Sátin istuc mihi éxquisitumst fuisse hunc ser-
uom in Álide

Néque esse hunc Philocratém? AR. Tam satis quam
númquam hoc inueniés secus.

Sét ubi is nunc est? HE. Vbi ego minime atque ípsus
se uolt máxime. 640

Tum igitur ego derúncinatus, dèartuatus súm miser
Húius scelesti téchnis, quí me ut líbitumst ductauit
dolis.

Sét uide sis. AR. Quin éploratum dico et proui-
sum hóc tibi.

HE. Cértón? AR. Quin nihil, ínquam, inuenies má-
gis hoc certo cértius:

Phílocrates iam inde úsque amicus fúit mihi a pueró
puer. 645

HE. Sét qua faciest túus sodalis Phílocrates? AR.
Dicám tibi:

Mácilento ore, náso acuto, córpore albo, oculís
nigris,

Súbrufust, aliquántum crispus, cíncinnatus. HE.
Cónuenit.

TY. Vt quidem hercle in médium ego hodie péssume
procésserim:

Vaé illis uirgis míseris, quae hodie in térgo morien-
túr meo. 650

HE. Vérba mihi data ésse uideo. TY. Quid cessa-
tis, cónpedes,

Cúrrere ad me méaque amplecti crúra, ut uos cu-
stódiam?

HE. Sátin illi me hodié scelesti cápti ceperúnt dolo?
Íllic seruom se ádsimulabat, híc sese autem líberum.
Núculeum amisí, retinui pígnéri putámina. 655

Íta mi stolido súsum uorsum os súbleuere offúciis.
Híc quidem me numquam ínridebit. Cólaphe, Corda-
lió, Corax,

Íte istinc, ecférte lora. LO. Núm lignatum míttimur?

HE. Inícite manicas [áctutum] huic mastígiae.

TY. Quid hoc ést negoti? quíd ego deliquí? HE.
Rogas? 660

Satór sartorque scélerum et messor máxume.

TY. Non óccatorem prius audebas dícere?

Nam sémper occant prius quam sariunt rústici.

HE. Atát, ut confidénter mihi contra ástitit.

TY. Decet ínnocentem séruom [hominem] atque
innóxium 665

Confidentem esse, suum áput erum potíssimum.

HE. Astríngite isti súltis uehementér manus.

TY. Tuús sum, tu has quidem [míhi] uel prae-
cidí iube.

Set quíd negotist quam ób rem suscensés mihi?

HE. Quia mé meamque rém, quod in te unó fuit, 670

Tuis scelestis fálsidicis falláciis
 Dilácerauisti dèartuauistíque opes,
 Confécisti omnis rés ac rationés meas.
 Ita mi éxemisti Phílocratem falláciis.

Illum ésse seruom crédidi, te líberum: 675

Ita uósmet aiebátis itaque nómina
 Intér uos permutástis. TY. Fateor ómnia
 Facta ésse ita ut tu dícis et falláciis

Abísse eum aps te méa opera atque astútia:
 An, ópsecro hercle te, id nunc suscensés mihi? 680
 HE. At cúm cruciatu máxumo id factúmst tuo.

TY. Dum ne ób malefacta, péream: parui [id]
 aéstumo.

Si ego híc peribo, ast ille, ut dixit, nón redit:
 At erít mi hoc factum mórtuo memorábile,
 [Me] méum erum captum ex séruitute atque hó-
 stibus 685

Reducém fecisse líberum in patriam ád patrem,
 Meúmque potius mé caput perículo

[Hic] praëoptauisse quam is periret pónere.

HE. Facito érgo ut Acherúnti clueas glória.

TY. Qui pér uirtutem périt, at non [is] ínterit. 690

HE. Quando égo te exemplis péssumis cruciáuero

Atque ób sutelas tñas te morti mísero,

Vel te ínterisse uél perisse praédicent,

Dum péreas, nihil intérdúo aiant uíuere.

TY. Pol si ístuc faxis, haú sine poena féceris, 695
 Si ille húc rebitet, sícúť confido ádfóre.

AR. Pro di ínmortales: núnc ego teneo, núnc scio

Quid hóc negotist. méus sodalis Phílocrates

In líbertatest àput patrem in patriá. benest:

Nec ést mihi quisquam, mélius aeque quóí uelim. 700

Set hóc mihi aegrest, me huíc dedisse operám
malam,

Qui núnc propter me méaque uerba uíctus est.

HE. Votuín te quicquam mi hódie falsum próloqui?

TY. Votuísti. HE. Quor es aúsus mentirí mihi?

TY. Quia uéra obessent illi, quoi operám da-
bam: 705

Nunc fálsa prosunt. HE. Át tibi oberunt. TY.

Óptumest:

At erúm seruauí, quém seruatum gaúdeo,

Quoi mé custodem addíderat erus maiór meus.

Set málene id factum [tu] árbitrare? HE. Pés-
sume.

TY. At ego áio recte, qui áps te sorsum séntio: 710

Nam cógitato, síquis hoc gnató tuo

Tuus séruos faxet, quálem haberes grátiam?

Emíttresne nécne eum seruóm manu?

Essétne aput te is séruos acceptíssimus?

Respónde. HE. Opinor. TY. Quór ergo iratús
mihi's? 715

HE. Quia illí fuisti [tú] quam mihi fidélior.

TY. Quid? tu úna nocte póstulauisti ét die

Recéns captum hominem, núperum et nouícium,

Te pérdocere, ut mélius consulerém tibi

Quam illí quicum una [a] púero aetatem exé-
geram? 720

HE. Ergo áb eo petito grátiam istam. dúcite

Vbi pónderosas, crássas capiat cónpedis:

Inde íbis porro in látomias lapidárias.

Ibi quom álii octonos lápidés ecfodiúnt, nisi

Cotídiano sésquiopus conféceris, 725

Sescéntoplago nómen indetúr tibi.

AR. Per deos atque homines ego te optestor,
Hegio,

Ne tu istunc hominem perdis. HE. Curabitur:

Nam noctu neruo uinctus custodibitur,

Interdus sub terra lapides eximet. 730

Diu ego hunc cruciabo, non uno absolvam die.

AR. Certumnest tibi istuc? HE. Non moriri
certiust.

Abducite istum actutum ad Hippolytum fabrum,

Iube huic crassas conpedis impingier.

Inde extra portam ad meum libertum Cordalum 735

In lapidinas facite deductus siet:

Atque hunc me uelle dicite ita curarier,

Nequi deterius huic sit quam quod pessumest.

TY. Quor ego te inuito me esse saluom postulem?

Periculum uitae meae tuo stat periculo. 740

Post mortem in morte nihil est quod metuam mali.

Etsi peruiuo usque ad summam aetatem, tamen

Breue spatiumst perferendi quae minitas mihi.

Vale atque salue, etsi aliter ut dicam meres.

Tu, Aristophontes, de me ut meruisti ita uale: 745

Nam mihi propter te hoc optigit. HE. Abducite.

TY. At unum hoc quaeso, si huc rebitet Philo-
crates,

Vt mi eius facias conueniundi copiam.

HE. Peristis, nisi iam hunc e conspectu abducitis.

TY. Vis haec quidem herclest, et trahi et trudi
semul. 750

HE. Ill'est abductus recta in phylacam, ut dignus est.

Ego illis captiuis aliis documentum dabo,

Ne tale quisquam facinus incipere audeat.

Quod ap'sque hoc esset, qui mihi hoc fecit palam,

Vsque óffrenatum suis me ductarént dolis. 755
Nunc cértumst nulli pósthac quicquam crédere.
Satís sum semel decéptus: speraui miser
Ex séruitute me éxemisse fílium.
Ea spés elapsast. pérdidi unum fílium,
Puerúm quadrimum quém mihi seruos súrpuít, 760
Neque eúm seruom umquam répperi neque fílium:
Maiór potitus hóstiumst. quod hoc ést scelus:
Quasi in órbitatem líberos prodúxerim.
Sequere hác: redducam te úbi fuisti. néminis
Miseréri certumst, quía mei miseret néminem. 765
AR. Exaúspicaui ex uínclis: nunc intéllego
Redaúspicandum esse ín catenas dénuo.

A C T V S III.

E R G A S I L V S.

Iúppiter supréme, seruas mé measque augés opes:

Máxumas opímitates ópiparasque offérs mihi:

Laudém, lucrum, ludúm, iocum, festíuitatem, férias, 770

Pompám, penum, potátiones, sáturitatem, gaúdium.

[Saluós sum] nec quoiquam hómini supplicáre nunc
certúmst mihi:

Nam uél prodesse amíco possum uél inimicum pérdere.

Ita híc me amoenitáte amoena amoénus onerauít dies:

[Ita] síne sacris heréditatem sum áptus ecfertíssumam.

Nunc ád senem cursúm capessam hunc Hégionem, quóí
boni 776

Tantum ádfero, quantum ípsus a dis óptat, atque etiam
ámplius.

Nunc cértá res est, èodem pacto ut cómici seruí solent,

Coníciam in collum pállium, primo éx me [ille] hanc ut
rem aúdiat:

Speróque me ob hunc núntium [esse] aetérnum adep-
turúm cibum. 780

H E G I O. E R G A S I L V S.

HE. Quanto in pectore hánc rem meó magis
uolúto,

Tantó mi aegritúdo auctiór est in ánimo,

Ad illum modum sublitum os esse mi hodie:

Neque id perspicere quivi.

Quod quom scibitur, [tum] per urbem inri-
debor. 785

Quom exemplo ad forum aduenero, omnes lo-
quentur:

‘Hic ille est senex doctus, quod uerba data sunt.’

Set Ergasilus estne hic, procum quem [ire] uideo?

Conlecto quidemst pallio: quidnam acturust?

ER. Moue apud te moram [nunc], Ergasile, atque
age hanc rem. 790

Minor interminorque, nequis mi [hodie] opstiterit
obuiam,

Nisi qui satis diu uixisse sese homo arbitrabitur:

Nam qui opstiterit ore sistet. HE. Hic homo pugi-
latum incipit.

ER. Facere certumst. proinde ita omnes itinera in-
sistant sua,

Nequis in hac platea negoti conferat quicquam sui: 795

Nam meus est ballista pugnus, cubitus catapultast mihi,

Humerus aries: tum genu ut quemque icero, ad ter-
ram dabo.

Dentilegos omnis mortalis faciam, quemque offendero.

HE. Quae illaec est minatio? nam nequeo mirari satis.

ER. Faciam ut huius die locique meique semper me-
minerit: 800

Qui mi in cursu opstiterit, faxo uitae is opstiterit suae.

HE. Quid hic homo tantum incipissit facere cum tan-
tis minis?

ER. Prius edico, nequis propter culpam capiatur
suam:

Continete uos domi, prohibete a uobis uim meam.

HE. Míra edepol sunt nī hīc in uentrem sumpsit
confidentiam. 805

Vae misero illi, quòius cibo iste factust imperiósior.

ER. Tūm pīstores scrófipasci, quí alunt furfurí sues,
Quárum odore praéterire nēmo pistrinúm potest:

Ēorum si quoiúsquam scrofam in púplico conspéxero,
Éx ipsis dominís meis pugnis éxculcabo fúrfures. 810

HE. Básilicas edictiones átque imperiosás habet.

Sátur homost, habét profecto in uentre confidentiam.

ER. Tūm piscatorés, qui praehibent pópulo piscis
foétidos,

Qui áduehuntur quádrupedanti crúcianti canthério,

Quórum odos subbásilicanos ómnis abigit ín forum: 815

Ēis ego ora uérberabo súrpiculis piscáriis,

Ūt sciant, aliéno naso quam éxhibeant moléstiam.

Tūm lanii autem, quí concinnant líberis orbás ouis,

Quí locant caedúndos agnos ét dupla aguinám danunt,

Quí petroni nómen indunt uérueci sectáριο: 820

Éum ego si in uia petronem púplica conspéxero,

Ét petronem et dóminum reddam mórtalis misér-
rums.

HE. Eúge: edictiones aedilícias [pol] habet hīc
quidem:

Mírumque adeost nī hūnc Aetoli síbi fecere agorá-
nomum.

ER. Nón ego nunc parasítus sum, set régum rex re-
gálior: 825

Tántus uentri cónmeatus méo adest in portú cibus.

Sét ego cesso hunc Hégionem oneráre laetitiá senem?

Quí homine [hominum] adaéque nemo uíuit fortunátior.

HE. Quae illaec est laetitia, quam illic laétus largi-
túr mihi?

ER. [Púltabo aedis:] heús, ubi estis? écquis hoc
aperit óstium? 830

HE. Híc homo ad cenam récipit se ad me. ER. Ápe-
rite hasce ambás foris

Príus quam pultando ássulatim fóribus exitiúm dabo.

HE. Pérlubet hunc cónloqui hominem: Ergásile.

ER. Qui Ergasilúm uocat?

HE. Réspice [me]. ER. Fortúna tibi quod néc faciet
nec [núnc] facit,

Hóc me iubes. set quíst? HE. Respicedum ad me:
Hégio sum. ER. Óh mihi: 835

Quántumst hominum [tu] óptume optumórum, in tem-
pore áduenis.

HE. Néscio quem ad pórtum nactu's, úbi cenes:
eo † fastidis.

ER. Cédo manum. HE. Manúm? ER. Manum, inquam,
cédo tuam actutúm. HE. Tene.

ER. Gaúde. HE. Quid ego gaúdeam? ER. Quia ego
ímpero. age gaudé modo.

HE. Pól macrores mi ánteuortunt gaúdiis. ER. * * * *
Iám ego ex corpore éxigam omnis máculas maerorúm
tibi: 841

Gaúde audacter. HE. Gaúdeo, etsi níl scio quod
gaúdeam.

ER. Béne facis: iubé. HE. Quid iubeam? ER. Ígnem
ingentem fieri.

HE. Ígnem ingentem? ER. Íta dico, ut sit mágnus.

HE. Quid? me, uólturi,

Túan causa aedis incensurum cénset? ER. Noli
iráscier. 845

Iúben an non iubés astitui aúlas, patinas élui,
Láridum atque epulás foueri fóculis in feruéntibus,

Álium piscis praéstinatum abíre? HE. Hic uigilans
sómniat.

ER. Álium porcinam átque agninam et púllos galli-
náceos?

HE. Scís bene esse, sí sit unde. ER. Múraenam at-
que ophthálmiam, 850
Hóraeum, scombrum ét trugonum et cétum et mollem
cáseum?

HE. Nóminandi istórum tibi erit mágis quam edundi
cópia

Híc aput me, Ergásile. ER. Mean me caúsa hoc cen-
ses dícere?

HE. Néc nihil hodie néc multo plus tu híc edes, ne
frústra sis:

Pròin tu tui cotídiani uícti uentrem ad me ádferas. 855

ER. Quín ita faciam ut túte cupias fácere sumptum,
etsi égo uotem.

HE. Égone? ER. Tu ne. HE. Túm tu mi igitur érus
es. ER. Immo béneuolens.

Vín te faciam fórtunatum? HE. Málin quam mise-
rúm quidem.

ER. Cédo manum. HE. En manúm. ER. Di te om-
nes ádiuant. HE. Nil séntio.

ER. Nón enim es in sénticeto, eó non sentis. sét
iube 860

Vása tibi pura ádparari ád rem diuinám cito

Átque agnum [huc] adférrí propere pínguem. HE.
Quor? ER. Vt sácrufices.

HE. Quóí deum? ER. Mihi [quidem] hércle: nam ego
nunc tibi sum summus Iúppiter:
Ídem ego sum Salús, Fortuna, Lúx, Laetitia, Gaú-
dium.

Pròinde tu deum hunc sáuritatem fácias tranquillúm
tibi. 865

HE. Éssurire míhi uidere. ER. Míhi quidem essurio,
nón tibi.

HE. Tuo árbitratu: fáciie patior. ER. Crédo: con-
suetú's puer.

HE. Iúppiter te díque perdant. ER. Te hércle mi
aequomst grátias

Ágere ob nuntiúm: tantum ego nunc pórtó a portu
tíbi boni.

Núnc tu mihi placés. HE. Abi stultus, séro post
tempús uenis. 870

ER. Ígitur olim si áduenissem, mágis tu tum istuc
díceres.

Núnc hanc laetitiam áccipe a me quám fero: nam
fílium

Tũum modo in portú Philopolemum uíuom, saluom
et sóspitem

Vídi in puplicá celoce ibidémque illum adulescén-
tulum

Áleum una et tũum Stalagmum séruom, qui aufugít
domo, 875

Quí tibi subrupuít quadrimum púerum filiolum tuum.

HE. Ábi in malam rem, lúdis me. ER. Ita me amábit
sancta Sátoritas,

Hégio, itaque sũo me semper cóndecoret cognómine,
Vt ego uidi. HE. Mẽumne gnatum? ER. Tũum gna-
tum et geniúm meum. 879

HE. Ét captiuom illum Álidensem? ER. *Μὰ τὸν*
Ἀπόλλω. HE. Et séruolum

Mẽum Stalagmum, mẽum qui gnatum súbrupuit? ER
Νὴ τὰν Κόραν.

HE. † Iam diu? ER. *Νὴ τὰν Ἡραινέστην.* HE. Vénit? ER. *Νὴ τὰν Σιγνίαν.*

HE. Cértion? ER. *Νὴ τὰν Φρουσινῶνα.* HE. Videsis. ER. *Νὴ τὰν Ἀλάτριον.*

HE. Quid tu per barbáricas urbis iúras? ER. Quia enim item ásperae

Sínt, ut tuum uictum aútumabas ésse. HE. Vae aetati tuae. 885

ER. Quíppe quando míhi nil credis, quód ego dico sédulo.

Sét Stalagmus quóius erat tunc nátionis, quom hínc abít?

HE. Sículus. ER. At nunc Sículus non est: Bóius est: boiám terit:

Líberorum quaérundorum caúsa ei credo uxór datast.

HE. Díc, bonan fidé tu mi istaec uérba dixistí? ER. Bona. 890

HE. Di ínmortales, íterum natus uídeor, si uera aú-
tumas.

ER. Áin tu? dubium habébis etiam, sáncte quom ego iurém tibi?

Póstremo, Hegió, si parua iúri iurandóst fides,

Víse ad portum. HE. Fácere certumst: tu íntus cura quód opus est:

Súme, posce, próme quiduis: té facio cellárium. 895

ER. Nam hércle, nisi ego mánticinatus próbe ero, fusti pécrito.

HE. Aéternum tibi dápinabo uíctum, si uera aú-
tumas.

ER. Vnde id? HE. A me mēoque gnato. ER. Spón-
den tu istut? HE. Spóndeo.

ER. Át ego tuum tibi áduenisse fílium respódeo.

HE. Cúra quam optumé potes. ER. Bene ámbula et
redámbula. 900

Íllic hinc abiit: míhi rem summam crédidit cibárium.
Di ímortales, iam út ego collos praétruncabo tégo-
ribus.

Quánta pernis péstis ueniet, quánta labes lárido,
Quánta sumini ápsumedo, quánta callo cálamitas,
Quánta laniis lássitudo, quánta porcináriis: 905
Nam ália si memorém, quae ad uentris uíctum condu-
cúnt, morast.

Núnc ibo [in meam] praéfecturam, út ius dicam lárido
Ét quae pendent indemnatae pérnae, eis auxilium út
feram.

P V E R.

Diéspiter te díque, Ergasile, pérdant et uentrém tuum
Parasítosque omnis ét qui posthac cénam parasítis
dabit. 910

Cladés calamitasque, íntemperies módo in nostram ad-
uenít domum.

Quasi [sí sit] lupus esúriens, metuí ne in me faceret ín-
petum.

Nimisq[ue] hércle ego illum mále formidabam: íta fren-
debat déntibus.

Aduéniens deturbáuit totum cúm carni carnárium.

Arrípuit gladium, détruncauit tríbus tegoribus glán-
dia. 915

Aulás calicesque omnis confregit, nísi quae modialés
erant:

Cocúm percontabátur, possent sériae feruércere.

Cellás refregit ómnis intus reclúsitque [omne] armárium.
Adséruate istunc súltis, serui: ego íbo ut conueniám
senēm:

Dicam [ílli] ut sibi penum áliut ornet, sí quidem sese utí
uolet: 920

Nam [ín hóc], ut hic quidem adórnat, aut iam níhil est
aut iam níhil erit.

ACTVS V.

HEGIO. PHILOPOLEMVS. PHILOCRADES. STALAGMVS.

HE. Iouí disque agó gratiás merito mágnas,
 Quom té reducem [núnc] tuo patrí reddidérunt
 Quomque éx miseriis plurumís me exemérunt,
 Quas, dúm te caréndum hic fuít, sustentábam, 925
 Quomque hunc [ego] conspicio in potéstate nóstra
 Quomque huius repértast fidés firma nóbis.

PHILOP. Sátis iam dolui ex ánimo et cura sátis me et
 lacrumis máceraui:

Sátis iam audiui túas aerumnas, ád portum mihi quas
 memorasti.

Hóc agamus. PHILOC. Quid nunc, quoniam técum
 seruauí fidem 930

Tíbique hunc reducem in libertatem féci? HE. Fe-
 cisti út tibi,

Philocrates, numquám referre grátiam possím satis,
 Pröinde ut tu proméritu's de me et filio. PHILOP.

Immó potes,

Páter, et poteris ét ego potero et dí potestatém
 dabunt, 934

Út beneficium béne merenti nóstro merito múnere,
 Sicut tu huic potés, pater mi, fácere merito máxume.

HE. Quid opust uerbis? língua nullast quá negem
 quidquíd roges.

PHILOCR. Póstulo aps te ut mi illum reddas séruom,
quem hic relíqueram

Pígnus pro me, míhi qui melior quám sibimet sempér
fuit,

Pró benefactis éius ut ei prétium possim réddere. 940

HE. Quóm bene fecistí, referetur grátia id quod
póstulas:

Èt id et aliut quód me orabis ímpetrabis. átque te
Nólim suscensére, quod ego irátus ei fecí male.

PHILOCR. Quíd fecisti? HE. In lápicidinas cónpedi-
tum cóndidi,

Ýbi rescui míhi data esse uérba. PHILOCR. Vae mi-
seró mihi: 945

Própter meum capút labores hómimi euenisse óp-
tumo.

HE. Át ob eam rem míhi libellam pró eo argenti né-
duis:

Grátiis a me, út sit liber, dúcito. PHILOCR. Edepol,
Hégio,

Fácis benigne: sét quaeso hominem ut iúbeas ar-
cessí. HE. Licet.

Ýbi uos estis? íte actutum, Týndarum huc ar-
césseite. 950

Vós ite intro: intéribi ego ex hac státua uerbereá
uolo

Érogitare, mēo minore quíd sit factum filio.

Vós lauate intéribi. PHILOP. Sequere hac, Philocrates,
me intró. PHILOCR. Sequor.

HE. Áge tu illuc procéde, bone uir, lépidum mancu-
piúm meum.

ST. Quíd me facere opórtet, ubi tu tális uir falsum
aútimas? 955

Fúi ego bellus, lépidus, bonus uir númquam neque
frugí bonae

Néque ero umquam: ne [tu ín] spem ponas mé bonae
frugí fore.

HE. Própemodum ubi locí fortunae túae sint facile
intéllegis.

[Si eris uerax, tua ex re facies, ex mala meli-
usculam.]

Récta et uera lóquere: set neque uére [tu] neque récte
adhuc 960

Fécisti umquam. ST. Quód ego fatear, crédin pudeat
quom aútumes?

HE. Át ego faciam ut púdeat: nam in rubórem te
totúm dabo.

ST. Éia, credo ego, ínperito plágas minitarís mihi:
Tándem ista aufer. díce quid fers, út feras hinc quód
petis.

HE. Sátis facundu's: sét iam fieri dícta compendi
uolo. 965

ST. Vt uis fiat. HE. Béne morigerus fuit puer: nunc
nón decet.

Hóc agamus. iam ánimum aduerte ac míhi quae dicam
edíssere.

Sí eris uerax, ex tuis rebus féceris meliúsculas.

ST. Núgae istaec sunt: nón me censes scíre quid
dignús siem?

HE. Át ea supterfúgere potis es paúca, si non
ómnia. 970

ST. Paúca ecfugiam, scío: nam multa euénient, et
meritó meo,

Quía [ego] et fugi et tíbi subrupui fílium et eum uén-
didi.

HE. Quoi homini? ST. Polyplúsio 'Theodóromedi
in Álide

Séx-minis. HE. Pro di ínmortales: ís quidem huius
ést pater

Philocratis. ST. Quin mélius noui quám te et uidi
saépius. 975

HE. Sérua, Iuppitér supreme, et méd et meum gna-
túm mihi.

Philocrates, per tŭum te genium ópsecro, exi: té
uolo.

PHILOCRATES. HEGIO. STALAGMVS.

PH. Hégio, adsum: síquid me uis, ímpera. HE. Hic
gnatúm meum

Tŭo patri ait se uéndidisse séx minis in Álide.

PH. Quám diu id factúmst? ST. Hic annus íncipit
uicénsumus. 980

PH. Fálssa memorat. ST. Aút ego aut tu: nám qua-
drimulúm tibi

Túus pater pecúliarem páruolo pueró dedit.

PH. Quid erat ei nomén? si uera dícis, memoradúm
mihi.

ST. Paégnium uocitátust: post uos índidistis Tŷn-
daro.

PH. Quór ego te non nóui? ST. Quia iam mós est
obliuisci hóminibus 985

Néque nouisse, quóius nihili sít faciunda grátia.

PH. Díc mihi, ísne istíc fuit quem uéndidisti mèò
patri,

Quí mihi [puero] dátus peculiárist? ST. Huius fílius.

HE. Víuitne is homo? ST. Argéntum accepi, níl curaui céterum.

HE. Quid tu ais? PH. Quin ístic ipsust Týndarus tuus filius, 990

Vt quidem hic arguménta loquitur. nam is mecum a pueró puer

Béne pudiceque éducatust úsque ad adulescéntiam.

HE. Ét miser sum et fórtunatus, sí uos uera dícitís.

Ēo miser sum, quía male illi féci, si gnatús meust.

Éheu, quom ego plús minusque féci [illi] quam aequóm fuit. 995

Quód male feci, crúciór: modo si inféctum fieri póssiet.

Sét eccum incedit húc ornatus haút ex suis uirtútibus.

TYNDARVS. HEGIO. PHILOCRATES. STALAGMVS.

TY. Vídi ego multa saépe picta quae Ácherunti fierent

Crúciaménta: uérum enimuero núlla adaequest Ácheruns

Átque ubi ego fui in lápicidinís. illic ibi demúmst locus, 1000

Vbi labore lássitudost éxigunda ex córpore.

Nam úbi illo adueni, quási patriciis púeris aut monédulae

Aút anates aut cóturnices dántur quicum lúsitent:

Ítidem mi adueniénti haec upupa quí me delectém datast.

Sét erus eccum ante óstium, et erus álter eccum ex Álide 1005

Rédiit. HE. Salueto, éxoptate gnáte mi. TY. Hem:
quid, gnáte mi?

Áttat, scio quor té patrem esse adsímules et me
fílium:

Quía mi item ut paréntes lucis dás tuendi cópíam.

PH. Sálua, Tyndare. TY. Ét tu, quoius caúsa hanc
aerumnam éxigo.

PH. Át nunc liber ín diuitias fáxo uenies: nám
tibi 1010

Páter hic est: hic séruost qui te huic hínc quadri-
mum súrpuít,

Véndidit patrí meo te séx minis. is té mihi

Páruolum pecúliarem páruolo pueró dedit.

Íllic indicium fécit: nam hunc ex Álide huc redúcimus
Quín huius fílium íntus eccum, frátrem germanúm
tuum. 1015

TY. Quid tu ais? addúxtine illum cáptiuom huius
fílium?

PH. Quín, inquam, íntus híc est. TY. Fecisti édepol
et recte ét bene.

PH. Núnc tibi pater hic ést: hic fur est túus, qui
paruom hinc te ápstulit.

TY. Át ego hunc grandis grándem nату ob fúrtum ad
carnuicém dabo.

PH. Méritus est. TY. Ergo édepol [merito] méritam
mercedém dabo. 1020

Sét dic, oro [té], pater meus tún' es? HE. Ego sum,
gnáte mi.

TY. Núnc demum in memóriam redeo, quóm mecum
recógito

[Nunc edepol demum in memoriam regredior au-
disse me]

Quási per nebulas Hégionem mēum patrem uocárier.

HE. Égo sum. PH. Conpedibús [te] quaeso ut tíbi sit
leuior fílius 1025

Atque hic grauior séruos. HE. Certumst princípium
id praeuórtier.

Éamus intro, ut árcessatur fáber, ut istas cónpedis
Tíbi adimam, huic dem. ST. Quoi peculi níhil est,
recte féceris.

C A T E R V A.

Spéctatores, ád pudicos móres facta haec fábulast.
Néque in hac subigitátiones súnť neque ulla
amátio 1030

Néc pueri suppósitio aut argénti circumdúctio,
Néque ubi amans aduléscens scortum líberet clam
sűum patrem.

Hűius modi paucás poetae réperiunt comoédias,
Vbi boni melióres fiant. nűnc uos, si uobís placet
Éť si placuiműs neque odio fűimus, signum hoc
mítťite: 1035

Quí pudicitiae ésse uoltis praémium, plausűm date.

METRA HVIVS FABVLAE HAEC SVNT

- V. 1 ad 194 iambici senarii
- 195 et 196 iambici octonarii
- 197 iambicus dimeter acatalectus
- 198 et 199 iambici octonarii
- 200 et 202 iambici senarii
- 201 et 203 iambici octonarii
- 204 et 205 creťici tetrametri acatalecti
- 206 iambicus octonarius
- 207 creťicus tetrameter acatalectus

- V. 208 et 209 trochaici octonarii
 - 210 et 211 cretici tetrametri acatalecti
 - 212 creticus dimeter acatalectus
 - 213 ad 224 cretici tetrametri acatalecti
 - 225 iambicus dimeter acatalectus
 - 226 ad 230 bacchiaci tetrametri acatalecti
 - 231 iambicus septenarius
 - 232 creticus tetrameter acatalectus
 - 233 creticus dimeter acatalectus
 - 234 ad 239 cretici tetrametri acatalecti
 - 240 et 241 trochaici octonarii
 - 242 ad 360 trochaici septenarii
 - 361 ad 384 iambici senarii
 - 385 ad 497 trochaici septenarii
 - 498 bacchiacus dimeter acatalectus
 - 499 ad 502 bacchiaci tetrametri acatalecti
 - 503 bacchiacus dimeter acatalectus
 - 504 bacchiacus tetrameter acatalectus
 - 505 iambicus senarius
 - 506 et 507 iambici dimetri acatalecti
 - 508 iambicus dimeter catalecticus
 - 509 bacchiacus dimeter acatalectus
 - 510 ad 515 iambici septenarii
 - 516 ad 524 iambici octonarii
 - 525 iambicus senarius
 - 526 ad 532 trochaici septenarii
 - 533 ad 540 iambici octonarii
 - 541 ad 658 trochaici septenarii
 - 659 ad 767 iambici senarii
 - 768 et 769 trochaici septenarii
 - 770 ad 780 iambici octonarii
 - 781 ad 783 bacchiaci tetrametri acatalecti
 - 784 iambicus dimeter catalecticus
 - 785 ad 790 bacchiaci tetrametri acatalecti
 - 791 ad 908 trochaici septenarii
 - 909 ad 921 iambici octonarii
 - 922 ad 927 bacchiaci tetrametri acatalecti
 - 928 et 929 trochaici octonarii
 - 930 ad 1036 trochaici septenarii.
-

T. MACCI PLAVTI

MILES GLORIOSVS.

GRÆCA ALAZON.

ARGUMENTVM I.

Meretrícem Athenis Éphesum miles áuehit.
 Id dúm ero amanti séruos nuntiáre uolt
 Legáto peregre, cáptust ipsus ín mari
 Et éidem illi míliti donó datust.
 Suum arcéssit [seruos dóminum] Athenis ét forat 5
 Geminís communem [scíte] parietem aédibus,
 Licéret ut clam cónuenire amántibus.
 Obérrans custos hós uidet de tégulis,
 Ridículis autem, quási sit alia, lúditur.
 Itémque inpellit mílitem Palaéstrio 10
 Omíssam faciat cóncubinam, quándo ei
 Senís uicini cúpiat uxor núbere.
 Vltro ábeat orat, dónat multa. ipse ín domo
 Senís prehensus poénas pro moechó luit.

ARGUMENTVM II.

Meretrícem ingenuam déperibat mútuo
 Athéniensis iúuenis. Naupactum ís domo
 Legátus abiit: miles in eandem incidit,
 Depórtat Ephesum inuítam. seruos Áttici
 Vt núntiaret dómino factum náuigat: 5
 Capitúr, donatur illi captus míliti.
 Ad erum út ueniret Éphesum scribit. áduolat
 Aduléscens atque in próxumo deuórtitur
 Aput hóspitem patérnum. medium párietem
 Perfódit seruos, cónmeatus clánculum 10

Qua fóret amantum: géminam fingit múlteris
 Sorórem adesse. móx ei dominus aédium
 Suám cluentam ad sóllicitandum mílitem
 Subórnat. capitur ille: sperat núptias,
 Dimíttit concubínam et moechus uápulat.

15

P E R S O N A E.

PYRGOPOLINICES MILES
 ARTOTROGVVS PARASITVS
 PALAESTRIO SERVOS
 PERIPLECOMENVS SENEX
 SCELEDRVVS SERVOS
 PHILOCOMASIVM MVLIER
 PLEVSICLES ADVLESCENS
 LVCRIO PVER
 MILPHIDIPPA ANCILLA
 ACROTELEVTVM MERETRIX
 SERVI
 PVER
 CARIO COCVS
 LORARI
 CANTOR.

ACTVS I.

PYRGOPOLINICES (CVM SATELLITIBVS). ARTOTROGVS.

PY. Curáte ut splendor mēo sit clupear clárior,
 Quam sólis radii esse ólim quom sudúmst solent:
 Vt, ubi úsus ueniat, cónta consertá manu
 Praestríngat oculorum áciem [acri] in acie hóstibus.
 Nam ego hánc machaeram míhi consolarí uolo, 5
 Ne lámentetur néue animum despóndeat,
 Quia sé iam pridem fériatam géstitem,
 Quae mísere gestit strágem facere ex hóstibus.
 Set ubi Ártotrogust? AR. Híc est, stat proptér
 uirum

Fortem átque fortunátum et forma régia. 10

Tam béllatorem Márs se haut ausit dícere
 Neque aéquiperare súas uirtutis ád tuas.

PY. Quemne égo seruauí in cámpis Gorgonidóniis,
 Vbi Búmbomachides Clútomestoridysárchides
 Erat ímperator súmmus, Neptuní nepos? 15

AR. Memíní: nempe illum dícis cum armis aúreis,
 Quoius tú legiones difflauísti spírítu
 Quasi uéntus folia aut pániculum tectórium.

PY. Istúc quidem edepol níhil est. AR. Nihil her-
 cle hóc quidemst,

Praeut ália dicam, tú quae numquam féceris. 20

Periúriorem hoc hóminem síquis uíderit
 Aut glóriarum pléniorém, [hercle ís quidem]

Me síbi habeto, ego me [ei] máncupio dabó: nisi
Vnum épityrum estur [insanum] insané bene.

PY. Vbi tú's? AR. Eccum. edepol uél elephanto
in Índia 25

Quo pácto pugno praéfregisti bráchium.

PY. Quid, bráchium? AR. Illut 'féminur' uolui
dicere.

PY. At indíligenter íceram. AR. Pol sí quidem
Conísus esses, pér corium, per uíspera

Perque ós elephanti tránstineret bráchium. 30

PY. Nolo ístaec hic nunc. AR. Ne hércle operae
pretiúm quidemst

Mihi té narrare, túas qui uirtutís sciam.

Ventér creat omnis hás aerumnas: aúribus

Perhaúriendumst, né [mihi] dentes déntiant,

Et ádsentandumst quídquid hic mentíbitur. 35

PY. Quid illúc quod dico? AR. Hem, scío iam
quid uis dicere:

Factum hérclest: memini fíeri. PY. Quid id est?

AR. Quídquid est.

PY. Habén tabellas? AR. Vís rogare? habeo, ét
stilum.

PY. Facéte aduortis túum animum ad animúm
meum.

AR. Nouísse mores túos me meditaté decet 40

Curámque adhibere ut praéolat mihi quod tú
uelis.

PY. Ecquíd meministi? AR. Mémini: centum in
Cílicia

Et quínquaginta, céntum in Cryphioláthronia,

Trigínta Sardi, séxaginta Mácedones

Sunt hómínes, quos tu occídisti [una] unó die. 45

PY. Quanta istaec hominum súmmast? AR. Septem
mília.

PY. Tantum ésse oportet: récte rationém tenes.

AR. At núllos habeo scríptos: sic meminí tamen.

PY. Edepól memoria's óptuma. AR. Offaé monent.

PY. Dum tále facies quále adhuc, adsíduo edes: 50
Commúnicabo sémper te mensá mea.

AR. Quid ín Cappadocia, úbi tu quingentós semul,
Ni hebés machaerá fóret, uno ictu occíderas?

PY. Satíetas belli quía erat, siui uíuerent.

AR. Quid tíbi ego dicam, quód omnes mortalés
sciunt, 55

Pyrgópolinice te únum in terra uíuere

Virtúte et forma et fáctis inuictíssimum?

Te omnés amant mulíeres, neque [id] iniúria,

Qui síis tam pulcer. uél illae quae heri pállio

Me réprehenderunt . . PY. Quíd eae dixerúnt
tibi? 60

AR. Rogitábant: 'hicine Achílles est?' inquit mihi.

'Immo éius frater' inquam 'est'. ibi illarum áltera

'Ergó mecastor púlcer est' inquit mihi

'Et líberalis: uíde caesaries quám decet:

Ne illaé sunt fortunátae quae cum istó cubant.' 65

PY. Itane aíbant tandem? AR. Quaé me ambae op-
secráuerint

Vt te hódie quasi pompam illa praeterdúcerem.

PY. Nimiást miseria nímis pulcrum esse hominém.

AR. [Mihi]

Moléstiae sunt: órant, ambiunt, ópsecrant

Vidére ut liceat: ád sese arcessí iubent: 70

Vt tño non liceat óperam dare negótio.

PY. Vidétur tempus ésse ut eamus ád forum:

Vt in tabellis quos consignavi [interim]

Latrones, his dinumerem stipendium.

Nam rex Seleucus me opere oravit maximo 75

Vt sibi latrones cogerem et conscriberem.

[Ei] rei hunc diem mihi operam decretumst dare.

AR. Age eamus ergo. PY. Sequimini, satellites.

A C T V S II.

PALAESTRIO.

Mihi ad énarrandum hoc árgumentumst cómitas,
 Si ad aúscultandum uóstra erit benígnitas. 80
 Qui autem aúscultare nólet, exurgát foras,
 Vt sít ubi sedeat ílle qui auscultáre uolt.
 Nunc qua ádsedistis caúsa in festiuó loco,
 Comoédiai quám modo acturí sumus
 Et árgumentum et nómen uobis éloquar. 85
 Alázon Graece huic nómen est comoédie :
 Id nós Latine glóriosum dícimur.
 Hoc óppidum Ephesust : índemíles méus erus,
 Qui hinc ád forum abiit, glóriosus, ínpudens,
 Stercóreus, plenus périuri atque adúlteri, 90
 Ait sése ultro omnis múlieres sectárier.
 Is déridiculost, quáqua incedit, ómnibus :
 Itaque híc meretricis, lábiis dum ductánt eum,
 Maiórem partem uídeas ualgis sáuiis.
 Id uólo uos scire, quó modo ad hunc deuénerim 95
 In séruitutem ab èo quói seruiuí prius :
 Nam ego haú diu aput hunc séruitutem séruio.
 Date óperam : nam nunc árgumentum exórdiar.
 Erat érus Athenis míhi adulescens óptimus.
 Is amábat meretricem [áltam] Athenis Átticis 100
 Et illa íllum contra : quíst amor cultu óptimus.

Vt is húc ueniret. is non spreuit nántium :
 Nam et uénit et hic in próxumo deuórtitur
 Apút paternum suum hóspitem, lepidúm senem. 135
 Atque [ís] illi amanti suo hóspiti morém gerit
 Nosque ópera consilióque adhortatúr, iuuat.
 Itaque égo parauí hic íntus magnas máchinas,
 Qui amántis una intér se facerem cónuenas :
 Nam unúm conclaue cóncubinae quód dedit 140
 Milés, quo nemo nísi eapse inferrét pedem,
 In eó conclaui ego pérfodiui párietem,
 Qua cónmeatus clam ésset hinc huc múlieri.
 Et sene sciente hoc féci : is consiliúm dedit.
 Nam méus conseruos ést homo hau magní preti, 145
 Quem cóncubinae míles custodem áddidit.
 Ei nós facetis fábricis et doctís dolis
 Glaucímam ob oculos óbiciemus ěumque ita
 Faciémus ut quod uíderit ne uíderit.
 Et móx ne erretis, haéc duarum hodie [ín] uicem 150
 Et híc et illic múlter feret imáginem
 Atque éadem erit, uerum ália esse adsimulábitur.
 Ita súblinetur ós custodi múlteris.
 Set fóris concrepuit hínc a uicinó sene.
 Ipse éxit : hic illest lépidus quem dixí senex. 155

PERIPLECOMENVS. PALAESTRIO.

PE. Ni hércle defregéritis talos pósthac, quemque in
 tégulis
 Víderitis aliénúm, ego uostra fáciam latera lórea.
 Mihi quidem iam arbitrí uicini súnt, meae quid fiát
 domi :

Íta per inpluuium íntro spectant. núnc adeo edico óm-
nibus:

Quemque a milite hóc uideritis hómínem in nostris té-
gulis, 160

Éxtra unum Palaéstrionem, huc déturbatote ín uiam.

Quód ille gallinam aút columbam sé sectari aut símíam
Dícat: disperístis, ní usque ad mórtem male mulcás-
sitis.

Átque adeo, ut ne légi fraudem fáciant aleáriæ,
Ádcuratote út sine talis dómi agitent conuíuium. 165

PA. Néscio quid malefáctum [a] nostra huic fámiliast,
quantum aúdio:

Íta hic senex talós elidi iússit conseruís meis.

Sét me exceptit: níhili facio quíd illis faciat céteris.

Ádgrediar hominem. PE. Ítne aduorsum hic qui ádue-
nit [rectá uia]?

PA. Quíd agis, Periplecómenec? PE. Hau multos hó-
mines, si optandúm foret, 170

Núnc uidere et cónuenire quám te mauellém. PA.
Quid est?

Quíd tumultuás cum nostra fámilia? PE. Occisí sumus.

PA. Quíd negotist? PE. Rés palamst. PA. Quæ rés pa-
lamst? PE. De tégulis

Módo nescio quis ínspectauit uóstrum familiárium

Pér nostrum inpluuium íntus aput nos Philocomasium
atque hóspitem 175

Aúsculantis. PA. Quís homo id uidit? PE. Túus conser-
uos. PA. Quís is homost?

PE. Néscio: ita abripuít repente sésc subito. PA.
Súspicor

Mé perísse. PE. Vbi abít, conclamo: ‘heus, quíd agis
tu’ inquam ‘in tégulis?’

Ille mihi abiens ita respondit, se sectari simiam.

PA. Vaé mihi misero quod pereundumst propter nihili
bestiam. 180

Sét Philocomasium hicine etiam nunc est? PE. Quom
exibam, hic erat.

PA. Síst, iube huc transire quantum possit, se ut ui-
deánt domi

Familiaries: nisi quidem illa nos uolt, qui serui sumus,
Propter amorem suum omnis crucibus contubernalis
dari.

PE. Dixi ego istuc: nisi quid aliud uis. PA. Volo. hoc
ei dicito: 185

[Ne hercle usquam] artem et disciplinam abstineat colere.
PE. Quem ad modum?

PA. Ut eum qui se hic uidit uerbis uincat ne is se
uiderit.

Qui arguat se, eum contra uincat iure iurando suo.

Si quidem centiens hic uisa sit, tamen infitiás eat.

Nám mulier holitori numquam supplicat, si quást
mala: 190

Dómi habet hortum et condimenta ad omnis + molis má-
leficas,

[Dómi] habet os, linguám, perfidiam, malitiam atque au-
dáciam,

[Confidentiam, confirmatatem, fraudulentiam]

Dómi dolos, domi decenifica facta, domi fallácias.

PE. Égo istaec, si erit hic, nuntiabo. sét quid est, Pa-
laestrio, 195

Quód uoluntas túte tecum in corde? PA. Paulispér tace,
Dúm ego mihi consília in animum conuoco et dum cón-
sulo

Quíd agam, quem dolúm doloso contra conseruó parem,

Ánteueni aliqua [atque] áliquo actutum cícumduce exércitum.

Cóge in opsidíum perduellis, nóstris praesidiúm para.
Ínterclude cónmeatum inimícis, tibi muní uiam,
Quá cibatus cónmeatusque ád te et legionés tuas
Túto possit péruenire. hanc rém age: res subitá-
riast. 225

Réperi, conminíscere, cedodum cálidum consiliúm cito.
Quae híc sunt uisa ut uísa ne sint, fácta infecta utí sient.
Mágnam illic, homo, rem íncipissis, mágna moenís
moénia.

Túte hoc si unus récipere ad te dícis, confidéntiast
Nós inimicos prófligare pósse. PA. Dico et récipio. 230
PE. Ét ego te impetráre dico id quód petis. PA. At te
Iúppiter

Béne amet. PE. At tu inpérti, amice, mé quod commen-
tú's. PA. Tace,

Dum ín regionem astútíarum mèarum te induco: út scias
Iúxta mecum méa consilia. PE. Sálua sumes índidem.

PA. Érus meus elephánti corio cícumtentust, nón
suo, 235

Néque habet plus sapiéntiae quam lápis. PE. Istuc ego-
mét scio.

PA. Núnc sic rationem íncipissam, hánc instituan
astútiam:

Ád Philocomasium húc sororem géminam germanam
áalteram

Dícam Athenis áduenisse cúm amatore aliquó suo,
Tám similem quam lácte lactist: áput te eos hic de-
uórtier 240

Dícam hospitio. PE. Euge, eúge, lepide: laúdo con-
mentúm tuum.

PA. Vt, si illanc concríminatus sít aduorsum mílitem
Méus conseruos, [sc] ěam uidisse hic cum álienno auscu-
láríer,

Árguam [hanc] uidísse aput te cóntro conseruóm meum
Cúm suo amatore ámplexantem atque aúsculantem. PE.
Immo óptume. 245

Ídem ego dicam, si [éx] me exquíret míles. PA. Set si-
míllumas

Dícito esse: et Phílocomasio id praécipiundumst út
sciat:

Né titubet, si exquíret ex ea míles. PE. Nimis doctúm
dolum.

Sét si ambas uidére in uno míles concilió uolet,
Quíd agimus? PA. Facilést. trecentae póssunt causae
cónligi: 250

‘Nón domist: abiit ámbulatum: dórmit: ornatúr: lauát:
Prándet: potat: óccupatast: óperae non est: nón
potest’.

Quántum uis prolátionumst: dúm modo hunc primá uia
Índucamus, uéra ut esse crédat quae mentíbimur.

PE. Plácet ut dicis. PA. Íntro abi ergo et si ístist mu-
lier, ěam iube 255

Cíto domum transíre atque haec ei [díce,] monstra,
praécipe,

Vt teneat consília nostra, quem ád modum exorsí sumus,
Dé gemina soróre. PE. Docte tíbi illam perdoctám
dabo.

Númquid aliut? PA. Íntro ut abeas. PE. Ábeo. PA. Et
quidem ego ibó domum

Átque homini inuestígando operam huic díssimulabo [mé
dare], 260

Quí fuerit conséruos, quí hodie sít sectatus símiam.

Nam ille non potuit quín sermone suo áliquem fami-
liárium

Párticipauerít de amica erí, uídisse sése eam

Híc in proxumo aúsculantem cum álienó adulescéntulo.

Nóui morem egomét: ‘tacere néqueo solus quód
scio’. 265

Si ínuenio qui uídit, ad eum uíneam pluteósque agam.

Rés paratast: uí pugnandoque hóminem caperest
cértá res.

Si íta non reperio, íbo odorans quási canis uenáticus

Vsque donec pérsecutus uólpem ero uestígiis.

Sét fores crepuérunt nostrae: ego uóci moderabór
meae: 270

Nam illic est Philocomásio custos, méus conseruos, qui
ít feras.

SCELED RV S. PALAESTRIO.

SC. Nísi quidem ego hodie ámbulaui dórmíens in té-
gulis,

Cérto edepol scio mé uidisse hic próxume uicíníae

Philocomasium erílem amicam síbi malam rem quaérere.

PA. Híc illam uidit aúsculantem, quántum hunc audiúi
loqui. 275

SC. Quís hic est? PA. Tuus consérúost. quid agis, Scé-
ledre? SC. Te, Palaéstrio,

Vólup est conuenísse. PA. Quid iam? aut quíd [hoc] ne-
gotist? fác sciam.

SC. Métuo . . PA. Quid metuís? SC. Ne hercle hodie,
quántumst familiárium,

Máximum in malúm cruciatum hic ínsuliamus. PA. Tú sali
Sólus: nam ego istam ínsulturam et désulturam níl
moror. 280

SC. Néscis tu fortásse, aput nos fácinus quod natúmst
nouom.

PA. Quód id est facinus? SC. Ínpudicum. PA. Túte
sci solí tibi:

Mihi ne dixis: scíre nolo. SC. Nón enim faciam quín
scias.

Símiam hodie súm sectatus nóstram in horum tégulis.

PA. Édepol, Sceledre, homó sectatu's níhili nequam
béstiam. 285

SC. Dí te perdant. PA. Té istuc aequomst, quóniam
occepisti éloqui.

SC. Fórte fortuná per inpluuium húc despexi in pró-
xumum:

Átque ego illi aspicio aúsculantem Philocomasium cum
áltero

Néscio quo adulescénte. PA. Quod ego, Scéledre, sce-
lus ex te aúdio?

SC. [Hércle] uidi. PA. Tútine? SC. Egomet, dùobus
his oculís meis. 290

PA. Ábi, non uerisímile dicis néque uidisti. SC. Núm
tibi

Líppus uideor? PA. Médicum istuc tibi méliust per-
contárier.

Vérum enim tu istam, sí te di ament, témere hau tollas
fábulam.

Túis nunc cruribús capitique fraudem capitalem hínc
creas:

Nám tibi iam ut pereás paratumst dúpliciter, nisi súp-
primis 295

Tuum stultiloquiúm. SC. Qui uero dúpliciter? PA. Dicám tibi.

Primumdum, si fálso insimulas Philocomasium, hoc périeris:

Iterum, si id est uérum, tu ei cústos additus pérrieris.

SC. Quíd fuat me néscio: hoc me uídisse ego certó scio.

PA. Périgin, infelíx? SC. Quid tibi uis dícam, nisi quod uíderim? 300

Quín etiám nunc íntus hic in próxumost. PA. Eho, nón domist?

SC. Víse, abi intro túte: nam ego iam míhi nil credi póstulo.

PA. Cértumst facere. SC. Híc te opperiar: ěadem illi insidiás dabo,

Quám mox horsum ad stábulum iuuenix récipiat se [a] pábulo. 304

Quíd ego nunc faciám? custodem mé illi miles áddidit: Núnc si indicium fácio, interií: sí taceo, [interií] tamen, Si hóc palam fuerít. quid peiust múliere aut audácius?

Dúm ego in tegulís sum, illa [ex suo] se hóspitio eduxít foras.

Édepol facinus fécit audax. hóc nunc si milés sciat, Crédo hercle hasce aedís sustollat tótas atque hunc ín crucem. 310

Hércle, quidquid est, mússitabo pótius quam intereám male.

Nón ego possum quae ípsa sese uénditat tutárier.

PA. Sceledre, Sceledre, quís homo in terris álter [test] audácior?

Quís magis dis inimícis natust quám tu atque iratís? SC. Quid est?

PA. Iúben tibi oculos écfodiri, quíbus id quod nus-
quámst uides? 315

SC. Quid, nusquam? PA. Non égo tuam empsim uítam
uitiosá nuce.

SC. Quid negotist? PA. Quid negoti sít rogas? SC.
Quor nón rogem?

PA. Nón tu tibi istam praétruncari língnam largiloquám
iubes?

SC. Quam ób rem iubeam? PA. Philocomasium éccam
domi, quam in próxumo

Vídisse aibas te aúsculantem atque ámplexantem cum
áltero. 320

SC. Mírumst lolio uíctitare té tam uili trítico.

PA. Quid iam? SC. Quia luscítiosu's. PA. Vérbero
edepol tú quidem

Caécu's, non luscítiosus: nam [éccillam] quidéu
domi.

SC. Quid, domi? PA. Domi hércle uero. SC. Abi,
lúdis me, Palaéstrió.

PA. Iám mihi sunt manus ínquinatae. SC. Quidum? PA.
Quia ludó luto. 325

SC. Vaé capiti tuó. PA. [Tuo]istuc, Scéledre, promittó
fore,

Nísi oculos orátionemque ália conmutás tibi.

Sét fores crepuérunt nostrae. SC. At égo illi opser-
uassó foris:

Nám nihil est qua hinc húc transire ea póssit nisi recto
óstio.

PA. Quín domi eccam: néscio quae te, Scéledre, sce-
lera súscitant. 330

SC. Míhi ego uideo, míhi ego sapio, [míhi] ego credo
plúrumum:

Mé homo nemo déterruerit quín ea sit in hisce aédibus.
Híc opsistam, ne ínprudenti huc éa se subrepsít mihi.

PA. Méus illic homost: déturbabo iam égo illum de
pugnáculis.

Vín iam faciam utí stultiuidum té [esse] fateare? SC. Áge
face. 335

PA. Néque te quicquam sápere corde néque oculis utí?
SC. Volo.

PA. Némpe tu istic ais ésse erilem cóncubinam? SC.
Atque árguo

Éam me uidisse aúsculantem hic íntus cum alienó uiro.

PA. Scín tu nullum cónmeatum [huc] hínc esse a nobís?
SC. Scio.

PA. Néque solariúm neque hortum nísi per inpluiiúm?
SC. Scio. 340

PA. Quid? nunc si ea domíst: si eam facio ut éxire hinc
uideás domo,

Dígnun es uerbéribus multis? SC. Dígnus. PA. Serua
istás foris,

Né tibi clam se súpterducat ístinc atque huc tránseat.

SC. Cónsiliumst ita fácere. PA. Pede ego iám illam huc
tibi sistam ín uiam.

SC. Ágedum ergo face. uólo scire, utrum egone íd quod
uidi uíderim 345

Án illic faciat quód facturum dícit, ut ea sít domi.

Nam égo quidem meos óculos habeo néc rogo utendós
foris.

Sét hic illi suppárasitatur sémper: hic eae próxumust:

Prímus ad cibúm uocatur, prímo [ei] pulmentúm datur.

Nám illic noster ést fortasse círciter triénnium: 350

Néc quoiquam [alii] quam illi in nostra méliust famulo
fámilia.

Sét ego hoc quod ago, id me ágere oportet: hóc opser-
uare óstium.

Si híc opsistam, hac quídem pol certo uérba mihi num-
quám dabunt.

PALAESTRIO. PHILOCOMASIVM. SCELEDRVS.

PA. Praecépta facito ut mémineris. PH. Totiéns
monere mírumst.

PA. At métuo ut satis sis súbdola. PH. Cedo uél de-
cem, édocebo 355

Minumé malas ut sint malae: mihi sólaest quod su-
pérfit.

Age núnc iam insiste ín dolos: ego [húc] procul re-
cédam.

PA. Quid aís tu, Sceledre? SC. Hanc rém gero: ha-
beo aúris, loquere quíduis.

PA. Credo égo istoc exempló tibi esse péreundum
extra pórtam,

Dispéssis manibus pátibulum quom habébis. SC. Nam
quamóbrem? 360

PA. Respícedum ad laeuam: illaéc quis est muliér?
SC. Pro di inmortáles,

Eri cóncubinast haéc quidem. PA. Mihi quóque pol
ita uidétur.

Age núnc iam, quandó lubet. SC. Quid agám? PA.
Peri praeprópere.

PH. Vbi istést bonus seruos, quí probri me máxumi
innocéntem

Falso insimulauit? PA. Én tibi, hic mi id díxit, [uti-
quest]. PH. Díxtin 365

Tu té uidisse in próximo hic, sceléste, me ausculántem?

PA. Atque cum álieno adulescéntulo dixít. SC. Dixi hercle uéro.

PH. Tun uidisti? SC. Atque his quídem oculis. PH. Oculís carebis crédo,

Qui plús uident quam quód uident. SC. Numquam hércle deterrébor

Quin uíderim id quod uíderim. PH. [Set súmne] ego mora múltum, 370

Quae cum hóc insano fábuler, quem pól ego capitis pérdam?

SC. Nolí minitari: scío crucem futúram mihi sepúlcrum:

Ibi mēi sunt maiorés siti, patér, auos, proauos, ábauos. Non póssunt tuis mináciis hisce óculi mi ecfo-díri.

Set paúcis uerbis té uolo: Palaéstrio, opsecró te, 375

Vnde éxit haec? PA. Vnde nísi domo? SC. Domó?

PA. Me uiden? SC. Te uídeo:

Nisi mírumst facinus quó modo haec hinc húc trans-ire pótuit.

Nam céрто neque soláriumst aput nós neque hortus úllus

Neque fénstra nisi clatráta. nam certe égo te hic in-tus uídi.

PA. Pergín, sceleste, inténdere hanc argúere? PH. Ecastor érgo 380

Mi hau fálsum euenit sómnum quod nóctu hac som-niáu.

PA. Quid sómniauisti? PH. Éloquar: set amábo ad-uortito ánimum.

Hac nócte in somnis méa soror geminást germana uísa
 Venísse Athenis ín Ephesum cum súdo amatore quódam.
 Ei ambo hóspitio huc in próximum deuórti mihi
 sunt uísi. 385

PA. Palaéstrionis sómniū narrátur. perge pórro.

PH. Ego laéta uisa, quía soror uenísset, propter
 èandem

Suspítionem máxumam sum uísa sustinére.

Nam argúere in somnis mé meus mihi fámiliaris uísust,
 Me cum álieno adulescéntulo, quasi núnc tu, esse
 ausculátam, 390

Quom illa aúsculata méa soror gemina éset suumpte
 amícum.

Ita me ínsimulatam pérperam [probri] ésse somniáu.

PA. Satin éadem in uigilanti éxpetunt, quae in sómniis
 uisa mémoras?

Eu, hércle praesens sómniūst: abi íntro et con-
 precáre.

Narrándum ego istuc míliti censébo. PH. Facere
 cértumst: 395

Neque mé quidem patiár probri ínpúne [esse] insimu-
 látam.

SC. Timeó quid rerum géssem: ita dórsus totus
 prúrit.

PA. Scin té perisse? SC. Núnc quidem domi cértost:
 certa rés est

Nunc nóstrum opseruare óstium, [ubi] ubíst. PA. At,
 Sceledre, quaéso,

Vt ád id exemplum sómniū consímile somniáu, 400
 Atque út tu suspicátus es [te] cam uídisse ausculántem.

..... qu egomet sam ... quod ui-
 disse po ..

SC. Mene èam non uidisse árbstras? PA. Ne tu hércle
sero, opínor,

Resipísces. si ad erum uénerit haec rés, peribis
púlcre.

SC. Nunc démum experior mi ób oculos caliginem
opstitísse. 405

PA. Dudum édepol planumst hóc quidem: quae hic
úsque fuerit íntus.

SC. Nihil hábeo certi quíd loquar: non uídi eam, etsi
uídi.

PA. Ne tu édepol stultitiá tua nos paéne perdidísti:
Dum té fidelem fácere ero uoluísti, apsumptu's paéne.
Set fôres uicini próximi crepuérunt: conticíscam. 410

PHILOCOMASIVM. PALAESTRIO. SCELEDREVS.

PH. Inde ígnem in aram, ut Éphesiae Diánae laeta
laúdes

Gratisque agam eique ut Árabio fumíficem odore
amoéne:

Quae me in locis Neptúniis templisque turbuléntis
Seruáuit, saeuis flúctibus ubi sum ádflictata múltum.

SC. Palaéstrio, eho Palaéstrio. PA. Eho Scéledre,
Sceledre, quíd uis? 415

SC. Haec múlter quae hinc exít modo estne erílis
concupína

Philocómasium an noń ést ea? PA. Hercle opínor, ea
uidétur.

Set fácinus mirumst, quó modo haec hinc húc transire
pótuit:

Si quídem east. SC. An dubium íd tibist eam ésse
hanc? PA. Ea uidétur.

SC. Adeámus, appellémus. heus, quid istúc est, Philo-
comásium? 420

Quid tíbi istic hisce in aédibus debétur? quid ne-
gótist?

Quid núnc taces? tecúm loquor. PA. Immo édepol
tute técum:

Nam haec níl respondet. SC. Te ádloquor, uítí pro-
brique pléna,

Quae círcum uicinós uagas. PH. Quicúm tu fabuláre?

SC. Quicúm nisi tecum? PH. Quís tu homo's? aut
mecum quid est negóti? 425

SC. Mén rogas, hem, quí sim? PH. Quin ego hóc ro-
gem quod nésciam?

PA. Quís ego sum igitur, si húnce ignoras? PH. Míhi
odiosu's, quisquis es,

Ét tu et hic. SC. Non nés nouisti? PH. Neútrum.
SC. Metuo máxime . .

PA. Quíd metuis? SC. Enim né [nos] nosmet pérdide-
rimus úspiam:

Nám nec te neque mé nouisse ait haéc. PA. Perscru-
tari hóc uolo, 430

Scéledre, nos nostri án alieni símus: ne clam quí-
píam

Nós uicinorum ínprudéntis áliquis inmutáuérít.

SC. Cérte equidem nostér sum. PA. Et pol ego. SC.
Quaéris tu, muliér, malum.

Tíbi ego dico: heus, Philocomasium. PH. Quaé te
intemperiaé tenent,

Quí me perperám perplexo nómine appellés? SC.
Eho, 435

Quís igitur uocáre? PH. Glycerae nómen est. SC.
Iniúria

- Fálsu[m] nomen p[ó]ssidere, Ph[il]ocomasium, p[ó]stulas.
 [Ábi scelesta: nam insigne] méo ero facis iniúriam.
 PH. Égone? SC. Tu [ne]. PH. Quaé heri Athenis Éphe-
 sum adueni uéperi
 Cúm meo amatore, ádulescente Athéniensi? SC. Díc
 mihi, 440
 Quíd tibi in Epheso hic ést negoti? PH. Géminam ger-
 manám meam
 Híc sororem esse índaudiui: eam uéni quaesitúm. SC.
 Mala's.
 PH. Ímmo ecastor stúlta multum, quaé uobiscum fá-
 bulem.
 Ábeo. SC. Abire nón sinam te. PH. Mítte. SC. Manu-
 festária's:
 Nón omitto. PH. At iám crepabunt míhi manus, malaé
 tibi, 445
 Nísi me omittis. SC. Quíd, malum, astas? quín retines
 altrínsecus?
 PA. Níl moror negótiosu[m] míhi esse tergum. qui
 scio
 Án ista non sit Ph[il]ocomasium atque ália similis éius
 siet?
 PH. Míttin me an non míttis? SC. Ímmo ui átque inui-
 tam ingrátis,
 Nísi uoluntate íbis, rapiam té domum. PH. Hosticum
 hóc mihi 450
 Dómiciliu[m]st, Athénis domus est. SC. Át erus [hic]. PH.
 Ego istám domum
 Néque moror neque uós qui sitis hómines noui né-
 que scio.
 SC. Lége agito: te núsquam mittam, nísi das firmatám
 fidem,

Te húc, si omisero, íntro ituram. PH. Ví me cogis,
quísquis es.

Dó fidem, si omíttis, isto me íntro ituram quó
iubes. 455

SC. Écce omitto. PH. At ego ábeo omissa. SC. Múlie-
bri fecít fide.

PA. Scéledre, [e] manibus ámisisti praédam: tam east
quám potis

Nóstra erilis cóncubina. uín tu facere hoc strénue?

SC. Quid faciam? PA. Ecfer míhi machaeram huc íntus.
SC. Quid faciés ea?

PA. Íntro rumpam récta in aedis: quémque hic íntus
uídero 460

Cúm Philocomasio aúsculátem, eum ego óptruncabo ex-
témculo.

SC. Vísanest ea ésse? PA. Immo edepol pláne east. SC.
Set quó modo

Díssimulabat. PA. Ábi, machaeram huc écfer. SC. Iam
faxo híc erit.

PA. Néque eques neque pedés profectost quísquam
tanta audácia,

Qui acque faciat cónfidenter quícquam quam [quae] mú-
lieres. 465

Vt utrobique orátionem dócte [atque astute] édedit:

Vt sublinitur ós custodi caúto, conseruó meo.

Nímis beat, quod cónmeatus tránstinet trans párietem.

SC. Heús, Palaestrió, machaera níhil opust. PA. Quid
iam? aút quid est?

SC. Dómi eccam erilem cóncubinam. PA. Quid, domi?
SC. In lectó cubat. 470

PA. Édepol ne tu tibi malam rem répperisti, ut praé-
dicas.

SC. Quid iam? PA. Qui hanc attingere ausu's mulierem
hinc e proximo.

SC. Magis hercle metuó. set numquam quisquam faciet
quin soror

Ista sit germana huius. PA. Eam pol tu ausculantem hic
uideras:

Et quidem palamst eam esse ut dicis. SC. Quid pro-
pius fuit 475

Quam ut perirem, si locutus essem ero? PA. Ergo si
sapis,

Mussitabis. plus oportet scire seruum quam loqui.

Ego abeo a te, nequid tecum consili commisceam,
Atque ad hunc [ibó] uicinum: tuae mihi turbae non
placent.

Erus si ueniet, si me quaeret, hic ero: hinc me arcés-
sito. 480

SC E L E D R V S. P E R I P L E C O M E N V S.

SC. Satin abiit ille nec erile [hic] negotium

Plus curat quasi non seruitutem seruiat?

Certo illa quidem hic nunc intus est in aedibus:

Nam egomet cubantem eam modo [nostrae] offendi
domi.

Certum opseruationist nunc operam dare. 485

PE. Non hercle hisce homines me marem, set fe-
minam

Vicini rentur esse serui militis:

Ita me ludificant. meamne hic in uia hospitam,

Quae heri huc Athenis cum hospite aduenit meo,

Tractatam et ludificatam, ingenuam et liberam? 490

SC. Perii hércle: hic ad me récta habet rectám
uiam.

Metuo íllaec mihi res né malo magnó fuat,
Quantum hunc audiui fácere uerborúm senem.

PE. Accédam ad hominem. tún Sceledre hic, sce-
lerúm caput,

Meam lúdificauisti hóspitam ante aedís modo? 495

SC. Vicíne, ausculta quaéso. PE. Ego auscultém
tibi?

SC. Volo me éxpurgare. PE. Túne te expurgés
mihi,

Qui fácinus tantum támque indignum féceris?

An quía latrocinámini, arbitrámini

Quiduí licere fácere uobis, uérbero? 500

SC. Licétne? PE. At ita me dí deaeque omnés
ament,

Nisi míhi supplicium uirgeum de té datur

Longúm diutinúmque a mane ad uésperum:

Quod mēas confregisti ímbrices et tégulas,

Ibi dúm condignam té sectaris símiam: 505

Quodque índé inspectauísti meum aput me hó-
spitem,

Ampléxam amicam quom aúsculabatúr suam:

[Quin] cóncubinam erílem insimulare aúsus es

Probrí pudicam méque summi flágiti:

Tum quód tractauísti hóspitam ante aedís meas: 510

Nisi míhi supplicium stímuleum de [té] datur,

Dedécoris pleniórem erum faciám tuum,

Quam mágno uento plénunst undarúm mare.

SC. Ita súm cóactus, Périplecomene, ut nésciam,

Vtrúm me expostuláre tecum aequómst prius, 515

An, si ístaec non est haéc neque haec uisást mihi,

Med éxpurgare tíbi uidetur aéquius:

Sicút etiam nunc néscio quid uiderim:

Ita ístast huius símilis nostraí tua,

Siquídem non eademst. PE. Víse ad me intro: iám
scies. 520

SC. Licétne? PE. Quin te iúbeo: i, placide
nóscita.

SC. Ita fácere certumst. PE. Heús, Philocoma-
síum, cito

Transcúrre curriculo ad nos: ita negótiumst.

Post, quándo exierit Scéledrus a nobís, cito

Transcúrrito ad uos rúsum curriculó domum. 525

Nunc pól ego metuo néquid infuscáuert.

Si hic nón uidebit múlierem * * *

* * * * * aperitúr foris.

SC. Pro di ínmortales, símiliorem múlierem

Magisque ěandem, [tam] quae nón sit eadem, nón
reor 530

Deos fácere posse. PE. Quid nunc? SC. Conme-
ruí malum.

PE. Quid ígitur? eanest? SC. Étsi east, non
ést ea.

PE. Vidístine istam? SC. Vídi et illam et hóspitem

Conpléxum atque ausculántem. PE. Eanest? SC.

Néscio.

PE. Vin scíre plane? SC. Cúpio. PE. Abi intro
ad uós domum 535

Contínuo: uide sitne ístaec uostra intús. SC. Licet:

Pulcre ádmонуisti. iám ego ad te exhibó foras.

PE. Numquam édepol hominem quémquam ludi-
ficárier

Magís facete uídi et magis mirís modis.

Set ecce egreditur. SC. Péríplecomene, te óp-
secre 540

Per deos atque homines pérque stultitiám meam
Perqué tua genua . . PE. Quid [iam]? SC. Meae [ut]
inscítiae

Et mēae stultitiae ignóscas. nunc demúm scio
Me fuisse excordem, caécum, incogitábilem:
Nam Phílocomasium eccam íntus. PE. Quid nunc,
fúrcifer? 545

Vidístine ambas? SC. Vídi. PE. Erum exhibeás
uolo.

SC. Meruísse me equidem máximum fateór malum
Et túae fecisse me hóspitae aio iniúriam.

Set méam esse erilem cóncubinam cénsui,
Quoi mé custodem erus áddidit milés meus. 550

Nam ex úno puteo símilior numquám potis
Aqua aquái sumi, quam haéc est atque ista hóspita.
Et mé despexe ad té per inpluiiúm tuum

Fatébor. PE. Quidni fáteare ego quod uíderim?

SC. Et ibi aúsculantem [me áput te hanc uidisse
hóspitam]. 555

PE. Vidísti? SC. Vidi: quór negem quod uíderim?

Set Phílocomasium mé uidisse cénsui.

PE. Ratú'sne esse hominem me ómnium minumí
preti,

Si ego mé sciente páterer uicinó meo
Eam fieri áput me tam ínsignite iniúriam? 560

SC. Nunc démum a me insipiénter factum esse ár-
bitror,

Quom rém cognosco. at nón malitiosé tamen
Feci. PE. Ímmo indigne: nám hominem seruóm
suos

Domitós habere opórtet oculos ét manus
 Orátionemque. SC. Égo nunc si post húncc diem 565
 Muttuero, etiam quód egómet certó sciam,
 Dato éxcruciandum me: égomet me dedám tibi.
 Nunc hóc mi ignosce quaéso. PE. Vincam animúm
 meum,

Ne málitiose fáctum id aps te esse árbitrer.
 Ignóscam tibi istuc. SC. Át tibi di faciánt bene. 570
 PE. Ne tu hércle, si te dí ament, linguam cónprimes
 Posthác: etiam illut quód scies nesciueris
 Nec uíderis quod uíderis. SC. Bene mé mones:
 Ita fácere certumst. sátin exoratú's? PE. Abi.
 SC. Numquíd nunc aliut mé uis? PE. Ne me
 nóueris. 575

SC. Dedit híc mihi uerba. quám benigne grátiam
 Fecít, ne iratus ésset. scio quam rém gerat:
 Vt míles, quom extemplo á foro adueniát domum,
 [Me] cónprehendat. úna hic et Palaéstrio
 Me habént uenalem: sénsi et iam dudúm scio. 580
 Numquam hércle ex ista nássa ego hodie escám
 petam.

Nam iam áliquo aufugiam et me óccultabo aliquót
 dies,

Dum haec cónsilescunt túrbæ atque iræ léniunt.
 Nam núnc satis pipulo ínprobo meruí mali.
 Verúm tamen, de me quídquid est, ibo hínc
 domum. 585

PE. Ille hínc apscessit. sát edepol certó scio
 Occísam saepe sápere plus multó suem:
 Qui adeo ádmutiletur ne íd quod uidit uíderit.
 Nam illíus oculi atque aúres atque opínio 589
 Transfúgere ad nos. úsque adhuc actúmst probe:

Nimiúm festiuam múlíer operam praéhíruit.

Redeo ín senatum rúsum. nam Palaéstrio

Domí nunc aput mest, Scéledrus nunc autémst
foris :

Frequéns senatus póterit nunc habérier.

Ibo íntro : ne, dum apsum, íllis sortitús fuat. 595

A C T V S III.

PALAESTRIO. PLEVSICLES. PERIPLECOMENVS.

PA. Cóhibete intra límen etiam uós parumper, Pleúsicles.

Sínite me prius próspectare, ne úspiam insidiaé sient,
Cónsilium quod habére uolumus. nam ópus est nunc
tutó loco,

Únde inimicus néquis nostri spólia capiat cónsili.

Nám bene [consultúm] consilium súbrupitur saepís-
sume, 600

Sí minus cum cura aút cautela lócus loquendi léctus est:
[Ét] bene consultum ínconsultumst, si íd inimicis úsuist,
Néque potest quin, sí inimicis úsuist, opsít tibi.

Quíppe si rescíuerint inimíci consiliúm tuum,
Tüopte tibi consílio occludunt línguam et constringúnt
manus, 605

Átque eadem quae illís uoluisti fácere [illi] faciúnt tibi.

Sét speculabor, néquis aut hinc á laeua aut a délixtera

Nóstro consilió uenator ádsit cum auritís plagis.

Stérilis hinc prospéctus usque ad últumam plateámst
probe.

Éuocabo. heus, Péríplecomene et Pleúsicles, progré-
dimini. 610

PE. Écce nos tibi oboédientis. PA. Fácilest imperium
ín bonos.

Sét uolo scire, eodém consilio quód intus meditátí
sumus

Sí gerimus rem. PE. [Ímmo] magis esse ád rem utibile
nón potest.

Ímmo quid tibi? PL. Quódne uobis pláceat, displiceát
mihi?

Quís homo sit magis méus quam tute's? PE. Lóquere
lepidè et cómmode. 615

PA. Pól ita decet hunc fácere. PL. At hoc me fácinus
misere mácerat

Mèumque cor corpúsque cruciat. PE. Quid id est quod
cruciát? cedo.

PL. Mé tibi istuc aetátis homini fácinora puerília
Óbicere [et] neque té decora néque tuis uirtútibus
Á te expetere: ex ópibus summis mèi [te] honoris
grátia 620

Míhique amanti ire ópitulatum atque éa te facere fá-
cinora,

Quaé istaec aetas fúgere facta mágis quam sectarí solet.

Ēam pudet me tíbi in senecta obícere sollicitúdinem.

PE. Nòuo modo tu amás. siquidem te quícquam quod
faxis pudet,

Níhil amas, umbrá's amantum mágis quam amator, Pleú-
sicles. 625

PL. Híncine aetatem éxercere [mèi] me amoris grátia?

PE. Quid ais tu? itane tíbi ego uideor óppido Ache-
rúnticus?

Tám capularis? támne tibi diu uideor uitam uíuere?

Nam équidem hau sum annos nátus praeter quínquaginta
et quáttuor:

Clàre oculis uideó, sum pernix mánibus, pedibus mó-
bilis. 630

PA. Si álbicapillus híc uidetur, ne útiquam ab ingenióst
senex:

Ínest in hoc amússitata súa sibi ingenua índoles.

PL. Pól id experior équidem ita esse ut praédicas, Pa-
laéstrio:

Nám benignitás quidem huius óppido adulescéntulist.

PE. Ímmo, hospes, magis quóm periculum fácies, magis
noscés meam 635

Cómitatem ergá te amantem. PL. Quíd opust nota
nóscere?

PE. Plús dabo quam praédicabo ex mé uenustatis tibi.

* * * * *

Út aput te exemplum éxperiundi hábeas neu rogés foris.
Nám nisi qui ipse amáuit, aegre amántis ingenium
ínspicit. 640

Sét ego amoris áliquantum habeo humórisque etiam in
córpoze

Néquedum exarui éx amoenis rébus et uoluptáriis.

Vél cauillatór facetus uél conuiua cómmodus

Ítidem ero: neque ego óblocutor sum álteri in con-
uíuio.

Íncommoditate ápstinere me áput conuiuas cómmo 645

Cónmemini: et meae orátionis iústam partem pérsequi

Ét meam partem itidém tacere, quom álienast orátio.

Mínime sputatór, screator sum, ítidem minime múc-
cidus:

Néque alienum ego úmquam scortum súbigito in con-
uíuio:

Néque praeripio púlpamentum néque praeuorto pó-
culum: 650

Néque per uinum umquam éx me exoritur díscidium in
conuíuio.

Síquis ibist odiósus, abeo dõmum, sermonem ségrego.
Vénerem, amorem amoénitatemque áccubans exérceo :
Póst, Ephesi sum nátus, non sum in Ápulis, non Áni-
mulae.

PL. Ó lepidissumúm senem, si quas mémorat uirtutís
habet: 655

Átque quidem [pol] pláne eductum in nútricatu Vénerio
PA. Át quidem illuc aetátis qui sit, nón inuenies ál-
terum

Lépidiorem ad omnis res nec qui amíco sit amicús
magis.

PL. Tui quidem edepol ómnes mores ád uenustatém
ualent.

Cédo tris mi homines aúrichalco cóntra cum istis mó-
ribus. 660

PE. Túte me ut fateáre faciam esse ádulescentem mó-
ribus:

Íta [ego] ad omnis cónparebo tibi res benefactís frequens.
Ópusne erit tibi áduocato trísti, iracundo? écce me.

Ópusne leni? léniozem díces quam mutúmst mare,
Líquidiusculúsque ero quam uéntus est fauónius. 665

Vél hilarissumúm conuiuam hinc índidem expromám
tibi

Vél primariúm parasitum atque ópsonatorem óptumum.
Tum ád saltandum nón cinaedus málacus aequést át-
que ego.

PA. Quíd ad illas artís optassis, si óptio eueniát tibi?

PL. Huíc pro meritis út referri páriter possit grátia 670
Tíbique, quibus nunc mé esse experior súmmae solli-
cítudini.

Át tibi tanto sump̄tui esse míhi molestumst. PE. Mó-
rus es.

Nam in mala uxore átque inimico síquid sumas, sump-
ptus est:

Ín bono hospite átque amico quaéstus est quod súmitur,
Vt quod in diuinis rebus sumpstumst sapientí lucrost. 675
Dèum uirtute [sátis] est unde accípiam [te] aput me có-
mitter.

És, bibe, animo opséquere mecum atque ónera te hilari-
túdine:

Líberae sunt aédes, liberum aútem [esse] egomet mé
uolo.

Nám mihi deum uirtúte dicam própter diuitiás meas
Lícuit uxorém dotatam génere summo dúcere: 680
Sét nolo mi oblátratricem in aédis intro mittere.

PL. Qúór non uis? nam prócreare líberos lepidúmst
opus.

PE. Hércle uero liberum esse, id [nímio] multost lé-
pidius.

Nám bona uxor, sí ea duci [pótis] est usquam géntium,
Vbi eam possiem ínuenire? uérum egone eam ducám
domum, 685

Quaé mihi numquam hoc dícat: 'eme, uír, lánam, tibi
unde pállium

Málacum et calidum cónciatur túnicaeque hibernaé
bonae,

Ne álgeas hac híeme': hoc numquam uérbum ex uxore
aúdias:

Vérum prius quam gállici cantent, quaé me [e] somno sú-
citet,

Dícat: 'da mihi, uír, kalendis mèam qui matrem mú-
nerem: 690

Dá qui faciam cóndimenta: dá quod dem quinquátribus
Praécantrici, cóniectrici, áriolae atque arúspicae:

Túm piatricém clementer nón potest quin múnarem:
 lám pridem, quia níhil apstulerit, súscenset torária: 694
 Tum ópstitrix expóstulauit mécum, parum missúm sibi:
 Quid? nutrici nón missuru's quícquam, quae uernás
 alit?

Flágitiumst si nil mittetur: quó supercilió spicit.'
 Haéc atque horum símilia alia dámna multa múlIERUM
 Mé prohibent uxóre, quae mi huius símilis sermonés
 serat.

PA. Dí tibi propitií sunt hercle: nám si istam amissís
 semel 700

Libertatem, hau fáCile eundem rúsum restitués locum.

PL. Tú homo et alterí sapienter pótis es consulere
 ét tibi:

Át illa laus est, mágno in genere et ín diuitiis máxumis
 Liberos hominem éduCare, géneri monumentum ét sibi.

PE. Quándo habeo multós cognatos, quid mihi opus est
 líberis? 705

Núnc bene uiuo et fórtunate atque út uolo atque animo
 út lubet.

[Nám] mea bona meis cognatis dícam, inter eos pártiam:
 [Ídeo ut liberí] me curant. uísunt quid agam, ecquíd
 uelim:

Príus quam lucet ádsunt, rogitant nóctu ut somnum
 céperim.

[Eos pro liberis habebo, qui mihi mittunt munera.] 710
 Sácrificant: dant índe partem míhi maiorem quám sibi,
 Ábducunt me ad éxta, me ad se ad prándium, ad cenám
 uocant.

Ílle miserrumúm se retur, mínumum qui misít mihi.
 Ílli inter se cértant donis: égomet mecum mússito: 714
 'Bóna mea inhiant: [át] certatim nútricant et múnérant.'

PA. Nímis bona ratióne nimiumque ád te et tua multúm uides,

Ét tibi sunt gemini ét trigemini, sí te bene habes, filii.

PE. Pól si habuissem, sátis cepissem míseriarum [e] líberis.

* * * * *
Cóntinuo excruciárer animi: sín forte [ei] fuissét febris, 720

Cénserem emorí: cecidissetue ébrius de equoue úspiam,

Métuerem ne ibi défregisset crúra aut ceruicís sibi.

PA. Huíc homini dignúmst diuitias ésse et diu uitám dari,

Qui ét rem scruat ét se bene habet sùisque amicis uólt [bene].

PL. Ó lepidum caput. íta me di deaéque ament, aequóm fuit 725

Déos parauisse, úno exemplo ne ómnes uitam uíuerent.

Sícut merci prétium statuit quíst probus agoránomus:

Quaé probast [aut lúculenta], pró uirtute ut uéneat,

Quae ínprobast, pro mércis uitio dóminum pretio paúperet:

Ítidem diuos díspertisse uítam humanam aequóm fuit: 730

Quí lepide ingeniátus esset, uítam ei longinquam [út] darent,

Qui ínprobi essent ét scelesti, is ádimerent animám cito.

Si hóc parauissént, [et] homines éssent minus multí mali

Ét minus audactér scelesta fácerent facta: et póstea,

Quí homines probi éssent, esset ís annona uílíor. 735

PE. Quí deorum consília culpet, stúltus inscitús-que sit.

* * * nunc iam istis rébus desistí decet:

Nám uolo [iam] opsonáre ut, hospes, tua te ex uirtute
ét mea

Mèae domi accipiám benigne, lépide et lepidis uíctibus.

PL. Níl me paenitét iam quanto sump̄tui fuerím tibi. 740

Nam hóspes nullus tám in amici hospítium deuortí
potest,

Quín, ubi triduom [íbi] continuom fúerit, iam odiosús
siet:

Vérum ubi dies decém continuos [réstans odio fámili-
liaest],

Támetsi dominus nón inuitus pátitur, serui múr-
murant.

PE. Séruientis séruitutem ego séruos instruxí mihi, 745

Hóspes, non qui mi imperarent quíbusue ego essem ob-
nóxius.

Si illis aegrest míhi quod uolup est, mēo rem remi-
gió gero:

Támen id quod odióst faciundumst cūm malo atque
ingrátiis.

Nunc quod occepi ópsonatum pérgam. PL. Si cer-
túmst tibi,

Cómmodulum opsoná, ne magno sump̄tu: mihi quiduís
sat est. 750

PE. Quín tu istanc orátionem hinc uéterem atque anti-
quam ámoues?

Próletarió sermone nunc quidem, hospes, útere.

Nam í solent, quando áccubuere, ubi céna adpositast,
dicere:

‘Quíd opus fuit ístoc sumptu tánto nostra grátia?

Ínsaniuisti hércle: nam idem hoc hóminibus sat erát
decem.’ 755

Quód eorum causa ópsonatumst, cúlpanť et comedúnt
tamen.

PA. Fít pol illuc ad illut exemplum: ut dócte et per-
specté sapit.

PE. Sét eidem homines núnquam dicunt, quámquam
adpositumst ámpliter:

‘Iúbe illut demi: tólle hanc patinam: rémoue pernam,
níl moror:

Aúfer illam offám porcínám: próbus hic conger frí-
gidust: 760

Rémoue, abi aufer’: néminem eorum haec ádseuerare
aúdias,

Sét procellunt sése in mensam, dum ínhiant [quae fa-
stídiunt].

PA. Bónus bene ut malós descripsit móres. PE. Haut
centénsunam

Pártem dixi atque, ótium rei sí sit, possum exprómere.

PA. Ígitur id quod ágitur huice prímum praeuortí
decet. 765

Núnc hoc animum aduórtite ambo. ópus est mihi
operá tua,

Périplescomene: nám ego inueni lépidam sucophántiam,
Qui ádmutileťur míles usque caésariatus, átque uti

Huíc amanti ac Phílocomasio hanc écficiamus cópiam,
Vť hic eam abducát habeatque. PE. Dári istanc ra-
tioném uolo. 770

PA. Áť ego mi anulúm dari istunc tũm uolo. PE. Quam
ad rem úsuist?

PA. Quándo habebo, igitúr rationem męarum fabrica-
rũm dabo.

PE. Vťtere, accipe. PA. Áccipe a me rúsum ratio-
ném doli

Quam institui. PE. Tibi perpurgatis operam dabimus
auribus.

PA. Erus meus ita magnus moechus mulierumst, ut ne-
minem 775

Fuisse adaeque neque futurum credam. PE. Credo ego
istuc item.

PA. Atque [is] Alexandri praestare praedicat formae
suam:

Itaque omnis se ultró sectari in Epheso memorat mu-
lieres.

PE. Edepol qui te de isto multi cupiunt nunc men-
tirier:

Sed ego ita esse ut dicis teneo pulcre. proin, Pa-
laestrio, 780

Quam potis tam uerba confer maxime ad compendium.

PA. Ecquam tu potis reperire forma lepida mulierem,
Quoi facietiarum [cor] corpusque sit plenum et doli?

PE. Ingenuamne an libertinam? PA. Aequi istuc faciam,
dum modo

Eam des quae sit quaestuosa, quae alat corpus corpore
Quoque sapiat pectus: nam cor non potest, quod nulla
habet. 786

PE. Lautam uis an nondum lauta quae sit? PA. Siccam,
[at] succidam:

Quam lepidissimam potis quamque adulescentem ma-
xime.

PE. Habeo eccliam meam cluentam, meretricem adu-
lescensulam.

Sed quid ea usus est? PA. Ut ad te eam iam deducas
domum 790

Itaque eam huc ornata adducas, [ut] matronarum modo
Capite compto crinis uittasque habeat adsimuletque se

Túam esse uxorem: ita praéciundiūst. PE. Érro
quam insistás uiam.

PA. Át scies. set écquae ancillast illi? PE. Est primé
cata.

PA. Ěa quoque opus est. íta praecipito múlieri atque
ancillulae, 795

Ųt simulet se túam esse uxorem et déperire hunc mí-
litem:

Quásique hunc anulúm suae faueae déderit, ea porró
mihi,

Míliti ut darém: quasique [ei] ego rěi sim interpres. PE.
Aúdio:

Né mi ut surdo uérbera auris. PA. Égomet recta [sémita
Ád eum ibo: a] tuá mi uxore dícam delatum ét datum, 800
Ųt sese ad eum cónciliarem. ille ěius domi cupiét
miser:

Quí nisi adulterió studiosus rěi nulli aliaest ínprobis.

PE. Nón potuit reperíre, si ipsi Sólí quaerundás dares,
Lépidiores dűas ad hanc rem quam égomet. habe ani-
múm bonum.

PA. Érgo adcures: próperato opus est. núnc tu ausculta,
Pleúsicles. 805

PL. Tíbi sum oboediéns. PA. Hoc facito: miles do-
mum ubi aduénerit,

Mémineris ne Phílocomasium nómines. PL. Quam nó-
minem?

PA. Glýceram. PL. Nempe eandém quae dudum cón-
stitutast. PA. Páx, abi.

PL. Méminero: set quíd meminisse id réfert, ego [ne-
sció] tamen.

PA. Égo enim dicam tím, quando usus póscet. interea
tace: 810

Ůt [tum] quom etiam hic áget actutum pártis defendás
tuas.

PL. Éo ego intro igitur. PA. Í, praecepta sóbrie ad-
curés face.

PALAESTRIO. LVCRIO.

PA. Quantás res turbo, quántas moueo máquinas.
Eripiam ego hodie cóncubinam míliti,
Si cénturiati béne sunt manuplarés mei. 815

Set illúm uocabo. heus Sceledre, nisi negótiumst,
Progrédere ante aedis: té uoco Palaéstrio.

LV. Non óperaest Sceledro. PA. Quid iam? LV.
Sorbet dórmiens.

PA. Quid, sórbet? LV. Illut 'stértit' uolui dícere:
Set quía consimilest quóm stertas quasi sórbeas, 820

* * * * * PA. Eho,

An dórmit Sceledrus íntus? LV. Non nasó quídem:
Nam eo mágnus clamat. PA. 'Tétigit calicem
clánculum:

Deprómpsit nardini ámphoram cellárius.

Eho tú, sceleste, qui illi suppromú's: eho. 825

LV. Quid uís? PA. Qui lubitumst illi condor-
miscere?

LV. Oculís, opinor. PA. Nón te istuc rogitó,
scelus.

Procéde huc: iam perísti nisi uerúm scio.

Prompsísti tu illi uínus? LV. Non prompsí. PA.
Negas?

LV. Nego hércle uero: nam ille me uotuit dí-
cere. 830

Neque équidem heminas ócto exprompsi in úrceum,
Neque ille calidum hic éxhibet in prándium.

PA. Neque tú bibisti? LV. Dí me perdant sí bibi,
Si bíbere potui. PA. Quid iam? LV. Quia enim

opsórbui:

Nam nímis calebat, ámburebat gútturem. 835

PA. Alii ébrii sunt, álii poscam pótitant:

Bonó suppromo et prómo cellam créditoam.

LV. Tu idem hércle faceres, sí tibi esset créditoa:

Quoniam aémulari nó n licet, nunc ínuides.

PA. Eho, 840

An úmquam prompsit ántehac? respondé, scelus.

Atque út tu scire póssis, edicó tibi:

Si fálsa dices [sério], excruciábere.

LV. Itan uéro? ut tu ipse mé dixisse délices:

Post [é] sagina ego éciar cellária, 485

Vt tíbi qui promptet álium suppromúm pares.

PA. Non édepol faciam: age éloquere audactér
mihi.

LV. Numquam édepol uidi prómere. uerum hóc
erat:

Mihi ímperabat, égo promebam póstea.

PA. Hem, 850

Ibi crébro, [credo,] cápité sistebánt cadi.

LV. Non hércle tam istic uálide cassabánt cadi.

Set in célla paulum lóculi erat nimis lúbrici:

Ibi erat bilibris aúla sic proptér cados:

Ea saépe deciens cónplebatur [ín] die: 855

Vbi bécchabatur aúla, cassabánt cadi.

PA. Abi íntro. [nempe] in célla uos uinária

Bacchána facitis: iam hércle ego erum adducam
á foro.

LV. Perii: éxcruciabit mé erus, domum si ué-
nerit,

Quom haec fácta scibit, quía [ego] sibi non dí-
xerim. 860

Fugiam hércle aliquo atque hoc ín diem extollám
malum.

Ne díxeritis ópsecro huic uostrám fidem.

PA. Quo té agis? LV. Missus sum álio: iam huc
reuénero.

PA. Quis mísit? LV. Philocomásium. PA. Abi:
actutúm redi.

LV. Quaeso tamen, tu pártem infortuní meam, 865
Si díuidetur, me ápsente accipitó tamen.

PA. Modo íntellexi quám rem mulier gésserit:

Quia Scéledrus dormit, hunc subcustodém suum
Foras áblegauit, dum áb se huc transirét. placet.

Set Périplecomenus quam èi mandauí múlierem 870
Nimis lépida forma dúcit. di hercle hanc rem
ádiuuant.

Quam dígne ornata incédit, hau meretrície.

Lepide hóc succedit súb manus negótium.

PERIPLECOMENVS. ACROTELEVTIVM. (MILPHIDIPPA.)
PALAESTRIO.

PE. Rem omnem, Ácroteleutiúm, tibi tibi que úna,
Milphidíppa,

Domí demonstraui órđine. hanc fabricám fallaciásque
Minus sí tenetis, dénuo uolo pérđicipiatis pláne: 876
Satis si íntellegitis, áliut est quod pótius fabulémur.

AC. Stultítia atque insipiéntia [insúlsitasque hercle]
haéc sit,

Me ire ín opus alienum aút tibi meam óperam polli-
citári,

Si in ópificina ea nésciam aut mala ésse aut frau-
dulénta. 880

PE. At méliust [te] monérier. AC. Meretrícem con-
monéri

Quam sáne magni réferat, mihi clámst. quid? egone
frústra,

Postquam ádbibere aurés meae tuae lóream ora-
tiónis,

Tibi díxi miles quem ád modum potéssset deasciári?

PE. At némo solus sátis sapit: nam ego múlto saepe
uídi 885

Regiónem fugere cónsili prius quám repertam ha-
bérent.

AC. Siquíd faciundumst múlieri male átque mali-
tióse,

Ibi ei ínmortalis mémoriast meminísse id sempitérno:
Sin béne quid aut fidéliter faciúndumst, caedem
euéniet

Oblíuiosa extémplo uti fiát, meminisse néqueat. 890

PE. Ergo ístuc metuo quód uenit uobís faciundum
utrúmque:

Nam id próderit mihi, míliti male quód facietis ámbae.

AC. Dum né scientes quíd bonum faciámus, ne for-
mída.

Mala núllo mulier ést * * * *

* * * * né paue, peióribus conuéniant.

PE. Ita uós decet. conséquimini. PA. Cesso égo illis
obuiam íre? 896

PE. Bene ópportuneque óbuam es, Palaéstrio. en tibi
ádsunt

Quas mé iussisti addúcere et quo ornátu. PA. Eu,
noster ésto:

Veníre saluom gaúdeo. lepide hércle ornatas dúcis.

Palaéstrio Acroteleútium salútat. AC. Quis hic
amábost, 900

Qui tám pro nota nóminat me? PE. Illic nóster ar-
chitéctust.

AC. Salue, árchitecte. PA. Sálua sis. set díe mihi,
ecquid híc te

Oneráuit praeceptís? PE. Probe meditátam utram-
que dúco.

PA. Audíre cupio quem ád modum: nequid peccetis
páueo.

PE. Ad túa praecepta dé meo nihíl nouom adposúi. 905

AC. Nempe lúdificari mílitem tuum crúm uis? PA.
Elocúta's.

AC. Lepide ét sapienter, cómmode et facéte res pa-
rátast.

PA. Atque hùius uxorem té uolo [esse] ádsimulare.
AC. Fíet.

PA. Quasi militi animum adiéceris simuláre. AC. Sic
futúrumst.

PA. Quasique éa res per me intérpretem et tuam án-
cillam adcurétur. 910

AC. Bonus uátes poteras ésse: nam quae súnt futura
dícis.

PA. Quasique ánulum hunc ancíllula tua aps té detu-
lerit ád me,

Quem [pórro] ego milití darem tuis uérbis. AC. Vera
dícis.

PE. Quid istís nunc memoratís opust, quae cónme-
minere? AC. Méliust.

Nam, mí patrone, hoc cógitato: ubi próbus est archi-
téctus, 915

Bene líneatam sí semel carínam conlocáuit,

Facile ésse nauem fácere, ubi * * * *

Nunc haéc carina sátis probe fundáta et bene sta-
tútast:

Adsúnt fabri architéctonesque ad eám [rem] haut in-
períti.

Si nón nos materiárius remorátur, quod opust quí det,
Noui índolem nostri íngeni, cito erít parata náuis. 921

PA. Nempe tú nouisti mílitem, meum erúm? AC. Ro-
gare mírumst:

Populi ódium quidni nóuerim, magnídicum, cincin-
nátum,

Moechum únguentatum? PA. Núm ille te nam nóuit?

AC. Numquam uídit:

Qui nóuerit me quís ego sim? PA. Nimis lépide fa-
buláre: 925

Eo pótuert [rem] lépidius pol fieri. AC. Potin ut hó-
minem

Mihi dés, quiescas cétera? ni lúdificata ero hóminem,
Culpam ómnem in med inpónito. PA. Age ígitur in-
tro abíte:

Insístite hoc negótium sapiénter. AC. Alia cúra.

PA. Age, Périplecomene, has núnc iam duc íntro. ego
[eo] ad forum, illum 930

Conuéniam atque hunc ei ánulum dabo átque prae-
dicábo

A túa esse uxore mihi datum eamque illum deperíre.
Hancád nos, quom extemplo á foro ueniémus, mittitóte,

Quasi clánculum ad [eum] míssa sit. PE. Faciémus:
alia cúra.

PA. Vos módo curate: ego illúm probe iam onerátum
runcinábo. 935

PE. Bene ámbula, bene rém gere. at ego núnc si ec-
ficiam hoc pláne,

Vt cóncubínám mílitis meus hóspes habeat hódie
Atque hínc Athenas áuehat: [si] hodie húncc dolum do-
lámus,

Quid tíbi ego mittam múnemis? AC. * * * * *
* * * * * dat nunc áb se mulier óperam, 940

Lepidíssume et comptíssume confído confutúrum.

Vbi fácta erit conlátio nostrárum malitiárum,

Hau uéreor ne nos súbdola perfidia peruincámur.

PE. Abeámus ergo intro, haéc uti meditémur co-
gitáte,

Vt ádcurate et cómmode hoc quod agúndumst exe-
quámur: 945

Nequíd, ubi miles uénerit, titubétur. AC. Tu moráre.

A C T V S III.

PYRGOPOLINICES. PALAESTRIO.

PY. Vólup est quod agas si íd procedit lépide [atque ex]
senténtia.

Nam égo hodie ad Seleúcum regem mísi parasitúm
meum,

Út latrones quós conduxí hinc ád Seleucum dúceret:

Qui éius regnum tútarentur, míhi dum fieret ótium. 950

PA. Quin tu tuam rem cúra potius quám Seleuci. quae
tibi

Cónditio noua lúculenta fértur per me intérpretem.

PY. Ímmo omnis res pósteriores póno atque operam
dó tibi.

Lóquere: auris meás profecto dédo in ditioném tuam.

PA. Círcumspicedum, néquis nostro hic aúceps ser-
moní siet: 955

Nam hóc negoti clándeſtino ut ágerem mandatúmſt míhi.

PY. Némo adest. PA. Hunc árrabonem amóris primum
a me áccipe.

PY. Quíd hic? undest? PA. A lúculenta atque [á] festiua
fémina,

Quae te amat tuamque éppetessit púlcram pulcritú-
dinem.

Éius nunc mi anulum ád te ancilla pórro ut deferrém
dedit. 960

PY. Quid? ea ingenuane án festuca fácta [e] serua líberast?

PA. Vah,

Égone ut ad te ab libertina esse aúderem internúntius,
Qui ingenuis satis résponsare néqueas, quae cupiúnt tui?

PY. Núptanest an uídua? PA. Et nupta et uíduast. PY.
Quo pactó potis 965

Núpta et uidua esse éadem? PA. Quia aduléscens nuptast cúm sene.

PY. Eúge. PA. Lepida et liberali fórmast. PY. Caue mendácium.

PA. Ád tuam formam illa úna dignast. PY. Hércle pulcram praédicas.

Sét quis east? PA. Senis hóiús uxor Périplecomeni in próxumost.

Éa demoritur te átque ab illo cúpit abire: odít senem. 970

Núnc te orare atque ópsecrare iússit ut tui cópiam
Sibi potestatémque facias. PY. Cúpio hercle equidem,
si illa uolt.

PA. Quaén cupiat? PY. Quid illá faciemus cóncubina
quaé domist?

PA. Quín tu illam iube áps te abire quó lubet: sicút
soror

Ēius huc gemina uénit Ephesum et máter arcessúnt-
que eam. 975

PY. Ého tu, aduenitne Éphesum mater éius? PA. Aiunt
quí sciunt.

PY. Hércle occasiónem lepidam ut múlierem excludám
foras.

PA. Ímmo uin tu lépide facere? PY. Lóquere et consiliúm cedo.

PA. Vín tu illam actutum ámouere, a te út abeat per
grátiam?

PY. Cúpio. PA. Tum te hoc fácere oportet. tibi diui-
tiarum ádfatimst: 980

Iúbe sibi aurum atque órnamēta quae illi instruxi
múlieri

[Ómnia] dono habére auferreque áps te quo lubeát sibi.

PY. Plácet ut dicis. sét [enim] ne istam amíttam et haec
mutét fidem

Víde modo. PA. Vah délicatu's: quae te tamquam ocu-
lós amet.

PY. Vénus me amat. PA. St, táce: aperitur fóris: con-
cede huc clánculum. 985

Haéc celox illíust quae hinc egréditur internúntia.

PY. Quae haéc celox? PA. Ancíllula illius ést quae
hinc egreditúr foras:

Quae ánulum istunc áttulit quem tibi dedi. PY. Edepol
haéc quidem

Béllulast. PA. Pithécium haec est praé illa et spintur-
nícium.

Víden tu illam oculis uénaturam fácere atque aucupium
aúribus? 990

MILPHIDIPPA. PYRGOPOLINICES. PALAESTRIO.

MI. Iámst ante aedis círcus ubi sunt lúdi faciundí mihi.
Díssimulabo hos quási non uideam néque esse hic
etiamdúm sciam.

PY. Táce: subauscultémus, ecquí dé me fiat méntio.

MI. Númqui hic prope adest quí rem alienam pótius
curet quám suam?

Qui aúcupet me quíd agam? qui de uésperi uiuát suo?
Ēos nunc homines métuo ne opsint míhi neue opstent
úspiam, 996

[Dómina] domo si clam húc transibit, quae húius cupiens
córporist,

Quae ámat hunc hominem nímium lepidum et nímia pul-
critúdice,

Mílitem Pyrgópolinicem. PY. Sátin haec quoque me
déperit?

Laúdat speciem meam. PA. Édepol huius sérmo haut
cinerem quaéritat. 1000

PY. Quo árgumento? PA. Quía enim loquitur laúte et
minume sórdide.

[Quídquid istaec dé te loquitur, níhil attrectat sórdi-
didi.]

Tum aútem illa ipsast nímium lepida nímisque nitida
fémina.

PY. Hércle uero [haec] iam ádlubescit prímulum, Pa-
laéstrio.

PA. Príusne quam illam oculís uidisti? PY. Quód uideo,
id credó mihi: 1005

Nam haéc lacerta múllo apsepte me ádigit se ut amem.

PA. Hercle hánc quidem

Níl tu amassis: míhi desponsast. tíbi si illa hodie
núpserit,

Égo continuo uxórem hanc ducam. PY. Ergo hánc quid
dubitas cónloqui?

PA. Séquere hac me ergo. PY. Pédisecus tibi sum. MI.
Ýtinam, quóius causá foras

[Húc] sum egressa, cónueniundi míhi potestas éuenat. 1010

PA. Erit ét tibi exoptatum óptinget: bonum habe áni-
mum, ne formída.

Homo quídamst qui scit quód quaeris ubi sít. MI. Quem
ego hic audíui?

PA. Sociúm tuorum consíliorum et partícipem [cela-
tórum].

MI. Tum pól ego id quod celo haút celo. PA. Immo
étiam sic non célas.

MI. Quo argúmento? PA. Infidós celas: ego súm tibi
firme fidus. 1015

MI. Cedo sígnum, si harunc Báccharum es. PA. Amat
múlrier quaedam quéndam.

MI. Pol istúc quidem multae. PA. At nón multae de
dígitó donum míttunt.

MI. Enim cógnoui nunc: fécisti modo mi éx procliuo
plánum.

Set hic núnquis adest? PA. Vel adést uel non. MI.
Cedo té mihi solae sólum.

PA. Breuin án longinquo sérmoni? MI. Tribus uérbis.
PA. Iam ad te rédeo. 1020

PY. Quid? ego ástabo hic tantísper cum hac forma ét
factis sic frústra?

PA. Patere átque asta: tibi ego hánc do operam. PY.
Propera: [éxpectando] exerúciór.

PA. Pedetémptim tu scis tráctari solitás esse huius modi
mércis.

PY. Age age, út tibi maxume cóncinnumst. PA. Nul-
lúmst hoc stolidius sáxum.

Adco ád te. quid me uóluiſti? MI. Quo pácto hoc du-
dum accépi, 1025

[Calidúm] refero ad te cónsílium, hunc quasi dépereat.
PA. Teneo ístuc.

Conlaúdato formam ét faciem et uirtútis conme-
moráto.

MI. Ad eám rem habeo omnem aciém, tibi uti dudúm
iam demonstráui.

Tu cóntra cura et cóntempla et de mēis uenator
uérbis.

PY. Aliquám mihi partem hodie óperae des deníque:
tandem ilico adésdum. 1030

PA. Adsum: ímpera, siquid uís. PY. Quid illaec nar-
rát tibi? PA. Lamentári

Ait íllam míseram, crúciari et lacrumántem se ad-
flictáre,

Quia tís egeat, quia té careat: ob eám rem huc ad te
míssast.

PY. Iube adíre. PA. At scin quid tú facias? face té fa-
stidi plénium,

Quasi nón lubeat: me inclámato, quia síc te uolgo
uólgem. 1035

PY. Memini ét praeceptis párebo. PA. Voco [ego] érgo
hanc quae te quaérit?

PY. Adeát, siquid uólt. PA. Síquid uís, adi, múlier.
MI. Pulcer, sálue.

PY. Meum cógnomentum cónmemorat. di tibi dent
quaequomque óptes.

MI. Tecum aétatem exigere út liceat. PY. Nimium óp-
tas. MI. Non me díco,

Set erám meam quae te démoritur. PY. Multae ídem
istuc aliae cúpiunt, 1040

Quibus cópia non est. MI. Écastor hau mírumst:
te habes cárum,

Hominém tam pulcrum et praéclarum uirtúte et fortem
fáctis.

Heus, dígnior fuit quisquam hómo qui esset? PA. Non
hércle humanust [spúrcus]:

Nam uólturio plus húmani credóst. PY. Magnum me
fáciám

Nunc, quóm illaec me sic cónlaudat. PA. Viden tu igna-
uom, ut sese ínfert? 1045

Quin tu huíc responde: haec illaec est ab illác quam
dudum [díxi].

PY. Quanam áb illarum? nam ita me óccursant multaé:
meminisse hau póssum.

MI. Ab illá quae digitos déspoliat suos ét tuos digitos
décorat:

Nam hunc ánulum [ego] ab tui cúpienti huic détuli, hic
[ad te] pórro.

PY. Quid núnc tibi uis, muliér, memora. MI. Vt quae
tís cupiteam ne spérnas: 1050

Quae pér tuam nunc uitám uiuit: sit nécne, in te spes
únost.

PY. Quid núnc uolt? MI. Te conpéllare et conplécti
et contrectáre.

Nam nísi tu illi fers súppetias, iam illa ánimum despon-
débit.

Age, mi Áchilles, fiat quód te oro: serua íllam, pulcer,
púlcre.

Expróme benignum ex te íngenium, urbícape, occisor
régum. 1055

PY. Heu,

Hercle ódiosas res: quótiens hoc tibi, uérbero, ego
interdíxi,

Meam né sic uolgo póllicitere operám. PA. Audin tu,
múlier?

Dixi hóc tibi dudum et núnc dico: ni huic uérri adfertur
mérces, 1059

Non híc suo seminió quemquam porcéllam inpertitúrust.

MI. Dabitúr quantum ipse pretí poscet. PA. Talentúm
Philippum huic opus aúrist.

Minus áb nemine accipíet. MI. Heu, ecastór nimis
uulist tándem.

PY. Non míhi auaritia umquam ígnatast: satis hábeo
diuitiárum.

Plus [pól] mi auri millést modium Philippi. PA. Praeter
thensaúrumst:

Tum argénti montis, nón massas habet: Aétna aeque
non áltast. 1065

MI. Heu,

Ecástor periurum. PA. Vt ludo? MI. Quid ego? út sub-
lecto? PA. Scíte.

MI. Set amábo me mitte áctutum. PA. Quin tu huic
respondes áliquíd,

Aut fácturum aut non fácturum? quid illám miseram
animi excrúcias,

Quae númquam male de té meritast? PY. Iube eámpse
exire huc ad nos:

Dic me' ómnia quae uolt fácturum. MI. Facis núnc ut [te]
facere aéquomst, 1070

Quom quae [illaec] uolt eadém tu uis. PA. Non ínsulsum
huic ingéniumst.

MI. Quomque óratricem hau spréuisti sistíque exorare
ex te.

Quid est, út ludo? PA. Nequeo hércle equidem risu ad-
moderariet. MI. [Érgo]

Ob eám causam huc aps te áuorti. PY. Non édepol tu
scis, múlter,

Quantum égo honorem nunc illi habeo. MI. Scio et ístuc
illi dícam. 1075

PA. Contra aúro alii hanc uendére potuit operám. MI.
Pol istuc tibi crédo.

PA. Meri béllatores gígnuntur, quas híc praegnatis
fécit,

Et púeri annos octíngentos uiuónt. MI. Vae tibi, nu-
gátor.

PY. Quin mílle annorum pérpetuo uiuónt ab saeclo ad
saéclum.

PA. Eo mínus dixi, ne haec cénseret me aduórsum se
mentíri. 1080

MI. Períí, quot hic ipse annós uiuet, quoius fílii tam diu
uíuont?

PY. Postríduo natus sum égo, mulier, quam Iúppiter ex
Ope nátust.

PA. Si hic prídíc natus forét quam illest, hic habéret
regnum in caélo.

MI. Iam iám sat amabost: sínite abeam, si póssum, uiua
a uóbis.

PA. Quin érgo abis, quando résponsumst? MI. Ibo át-
que illam huc addúcam, 1085

Proptér [quam] operast mihi. númquid uis? PY. Ne má-
gis sim pulcer quám sum:

Ita mé mea forma habet sóllicitum. PA. Quid núnc stas?
quin abis? MI. Ábeo.

PA. Atque ádeo, audin? dicíto docte et cordáte. MI.
Vt cor ei sáliat.

PA. Philocómasio dic, sí east hic, domum ut tránseat:
hunc hic ésse.

MI. Hic cúm mea crast: [nam] clám nostrum hunc ser-
mónem sublegérunt. 1090

PA. Lepidé factumst: iam ex sérmone hoc gubernábunt
doctius pórró.

MI. Remoráre: abeo. PA. Neque té remoror neque
té tago neque te—táceo.

PY. Iube máturare illam éxire huc: iam istí rei prae-
uortémur.

Quid núnc mi's auctor út faciam, Palaéstrio,
De cóncubina? nám nullo haec pactó potest 1095
Prius [á me] in aedis récipi, quam illam amiserim.

PA. Quid mé consultas quíd agas? dixi equi-
dém tibi,

Quo pácto id fieri póssit clementíssime.

Aurum átque uestem múliebrem omnem habeát sibi,
Quae illi ínstruxisti: súmat, abeat, aúferat: 1100

Dicásque tempus máxume esse ut eát domum:

Sorórem geminam adésse et matrem dícito,
Quibus cóncomitata récte deueniát domum.

PY. Qui tú scis eas adésse? PA. Quia oculís meis
Vidí sororem hic èius. PY. Conuenistíne eam? 1105

PA. Conuéni. PY. Ecqui [tibi] fórtis uisast? PA.
Ómnia

Vis óptinere. PY. Vbi matrem esse aibát soror?

PA. Cubáre in nauí líppam atque oculis túrgidis
Naoclérus dixit quí illas aduexít mihi.

Is ad hós nauclerus hóspitio deuórtitur. 1110

PY. Quid is, écqui fortist? PA. Ábi sis hinc: nam
tú quidem

Ad equás fuisti scítus admissáriu,

Qui cónsectare quá maris qua féminas.

Hoc áge nunc. PY. Istuc quód das consiliúm mihi,
Te cúm illa uerba fácere de ista ré uolo: 1115

Nam cúm illa sane cóngruost sermó tibi.

PA. Quid pótiust quam ut tute ádeas, tuam rem
túte agas?

Dicás necessum tibi esse uxorem dúcere:

Cognátos persuadére, amicos cógere.

PY. Itán tu censes? PA. Quíd ego ni ita cénseam?

PY. Ibo ígitur intro. tu híc ante aedis ínterim 1121

Speculáre, ut ubi illaec pródeat me prouoces.

PA. Tu módo istuc cura quód agis. PY. Curatum

íd quidemst.

Quin sí uoluntate nólet, ui extrudám foras.

PA. Istúc caue faxis. quín potius per grátiam 1125

Bonam ábeat aps te: atque illaec quae dixi [èi] dato.

[Aurum ornamenta quae illi instruxisti ferat.]

PY. Cupio hércle. PA. Credo fácite te impe-

trássere.

Set abi íntro: noli stáre. PY. Tibi sum oboédiens.

PA. Numquíd uidetur démutare atque út quidem

Dixi ésse uobis dúdum hunc moechum mílitem? 1131

Nunc ád me ut ueniat úsust Acroteleútium,

Ancíllula eius ac Pleúsicles. pro Iúppiter,

Satin út commoditas úsquequaque me ádiuuat?

Nam quós uidere me éxoptabam máxume, 1135

Vna éxeuntis uídeo [iam] hinc e próxumo.

ACROTELEVIVM. MILPHIDIPPA. PLEVSICLES. PALAESTRIO.

AC. Séquimini: semul circumspicite néquis adsit ár-
biter.

MI. Néminem pol uídeo nisi quem uólumus conuentum.

PA. Ét ego uos.

MI. Quíd agis, noster árchitecte? PA. Egone árchitectus?

uáh. MI. Quid est?

PA. Quía enim non sum dígnum prae te, ut fígam palum
in párietem. 1140

AC. Héia uero. PA. Nímis facete nímisque facundé
malast:

Vt lepidè derúncinauit mílitem. MI. At etiám parum.

PA. Bóno animo es: negótium omne iám succedit súb
manus.

Vós modo porro, ut óceperistis, dáte operam adiutá-
bilem.

Nám ipse miles cóncubinam intro ábiit oratúm suam, 1145

Áb se ut abeat cúm sorore et mátre Athenas. PL. Eú,
probe.

PA. Quín etiam aurum atque órnamēta, quae ípse in-
struxit múlieri,

Ómnia dat donó sibi ut habeat: íta ego consiliúm
dedi.

PL. Fácile istuc quidémst, si et illa uólt et ille autém
cupit.

PA. Nón tu scis, quom ex álto puteo súsum ad summum
escénderis, 1150

Máximum perículum inde esse ab súmmo ne rusúm
cadas?

Núnc haec res aput súmmum puteum géritur: si prae-
sénserit

Miles, nihil ecférri poterit húius. nunc quom máxume

Ópus dolis est. PL. Dómi esse ad eam rem uídeo siluai
satis:

Múlieres tres: quártus tute's, quíntus sum ego, sextúst
senex. 1155

PA. Quód aput nos falláciarum strúctumst, [ego] certó
scio,

Óppidum quoduís uidetur pósse expugnari [ěis] dolis.

Dáte modo operam. AC. Íd nos ad te, síquid uelles,
uénimus.

PA. Lévide facitis. núnc tibi hanc ego ímpero pro-
uínciam.

AC. Ímpetrabis, ímperator, quòad ego potero, quód
uoles. 1160

PA. Mílitem levide ét facete [et] laúte ludificárier
Vólo. AC. Voluptatem imperas mi ecástor. PA. At scin
quem ád modum?

AC. Némpe ut adsimulém me amore istíus differri. PA.
Eú, tenes.

AC. Quásique istius caúsa amoris éx hoc matrimónio
Ábierim cupiéns istius núptiarum. PA. Omne ór-
dine. 1165

Nísi modo unum hoc: hásce esse aedis dícas dotalís tuas:
Hínc senem aps te abísse, postquam féceris diuórtium:
Né ille mox uereátur [huc] intro íre in alienám domum.

AC. Béne mones. PA. Set úbi ille exierit íntus, istic
té procul

Íta uolo adsimuláre, prae eius fóрма quasi spernás
tuam 1170

Quásique eius opuléntitatem réuerearis: ét semul
Fórmae amoenitátem illius, fácie pulcritúdinem
Cónlaudato. sátin praeceptumst? AC. Téneo. satinest,
sí tibi

Méum opus ita dabo éxpolítum, ut ínprobare nóu
queas?

PA. Sát habeo. nunc tibi uicissim quae ímperabo
díscito. 1175

Quom éxtemplo hoc erit fáctum, ut intro haec ábierit,
ibi tu ílico

Fácito uti ueniás [ornatu] ornátus huc nauclérico.
Caúsiam habeas férrugineam, cúlcitam ob oculos lá-
neam:

Pálliolum habeas ferrugineum, nám is colos thalás-
sicust:

Íd conexum in húmero laeuo, éxpapillato bráchio 1180

[Cóniciens in cóllum, tum autem lúmbis subligáculo]

Praécinctis, aliqui ádsimulato quási gubernatór sies.

Átque aput hunc senem ómnia haec sunt: nám is pesca-
torés habet.

PL. Quid? ubi ero exornátus, quin tu dícis quid factú-
rus sum?

PA. Húc uenito et mátris uerbis Phílocomasium ar-
cæssito, 1185

Út, si itura sít Athenas, ěat tecum ad portúm cito

Átque ut iubeat férri in nauem, síquid inponí uelit:

Nísi eat, te solúturum esse náuem: uentum operám
dare.

PL. Sátis placet fictúra: perge. PA. Ille éxtemplo il-
lam hortábitur,

Út eat propere, né morae sit mátri. PL. Multimodís
sapis. 1190

PA. Égo illi dicam ut me ádiutorem qui ónus feram ad
portúm roget:

Ille iubebit me íre cum illa ad pórtum: ego adeo, ut tú
scias,

Prósum Athenas prótinam abibo técum. PL. Atque ubi
illo uéneris,

Tríduom seruíre numquam té quin liber sís sinam.

PA. Ábi cito atque orná te. PL. Numquid áliut? PA.
Haec ut mémineris. 1195

PL. Ábeo. PA. Et uos abíte hinc intro actútum: nam
illum hinc sát scio

Iam éxiturum esse íntus. AC. Celebrest aput nos impe-
rium tuum.

PA. Ágite apscedite érgo. ecce autem cómmodum aperitúr foris.

Hílarus exit, ímpetrauit: ínhíat quod nusquámst, miser.

PYRGOPOLINICES. PALAESTRIO.

PY. Quód uolui, ut uolui, ímpetraui: pér amicitiam et grátiam 1200

[Á me ut abeat.] PA. Quídnám te íntus fũisse tam dicám diu?

PY. Númquam ego me tam sénsi amari quám nunc ab illa múlíere.

PA. Quíd iam? PY. Vt multa uérba fecit, lénta ut materiés fuit.

Vérum postremo ímpetraui ut uólui: donauíque ei Quae uoluit, quae póstulauit. [té] quoque [ei] donó dedi.

PA. Étiam me? quo módo ego uiuam sínc te? PY. Age, animó bono es: 1206

Ítem illinc ego te líberabo. nám si possem ulló modo

Ímpetrare ut abíret nec te abdúceret, operám dedi:

Vérum oppressit. PA. Dēos sperabo téque. postremó tamen

Étsi istuc mihi acérbumst, quia ero té carendumst óptumo, 1210

Sáltem id uolup est, quom éx uirtute fórmæ [id] euenít tibi

Méa opera super hác uicina, quam égo nunc concilió tibi.

PY. Quíd opust uerbis? líbertatem tibi ego et diuitiás dabo,

Si ímpetras. PA. Reddam ímpetratum. PY. At géstio.

PA. At modicé decet.

Móderare animo: né sis cupidus. sét eccam ipsam, egreditúr foras. 1215

ACROTELEVTVM. MILPHIDIPPA. PYRGOPOLINICES. PA-
LAESTRIO.

MI. Era, éccum praesto mílitem. AC. Vbíst? MI.
Ad laeuam uídedum.

Aspícito limis, né ille nos se séntiat uidére.

AC. Video. édepol nunc nos témpus est malás peiores fieri.

MI. Tuúmst principium. AC. Ópsecro, tute ípsum conuenísti?

Ne párece uoci, ut aúdiat. MI. Cum ipsó pol sum locúta 1220

Placidé, dum lubitumst mi, ótio, meo árbitratu, ut uólui.

PY. Audín quae loquitur? PA. Aúdio. quam laétast, quia ted ádiit.

AC. O fórtunata múlter es. PY. Vt amári uideor.
PA. Dígnu's.

AC. Permírum ecastor praédicas, te adísse atque exorásse:

Per epístulam aut per núnctium quasi régem adiri eum áiunt. 1225

MI. Namque édepol uix fuit cópia adeúndi atque ímpetrándi.

PA. Vt tu ínclutu's aput múlteres. PY. Patiár, quando ita Venús uolt.

AC. Venerí pol habeo grátiam eandémque et oro et
quaéso,

Vt éius mihi sit cópia quem amó quemque expe-
tésso,

Benígnusque erga me út siet: quod cúpiam ne gra-
uétur. 1230

MI. Spero íta futurum. quámquam illum multaé sibi
expetéssunt,

Ille illas spernit ségregatque ab se ómnis extra te
únam.

AC. Ergo ístus metus me mácerat, quod illíc fasti-
diósust,

Oculi éius ne senténtiam mutént, ubi uiderít me,
Atque éius elegántia meam extémplo speciem spérnat.

MI. Non fáciét: habe animúm bonum. PY. Vt ípsa
se contémpnit. 1236

AC. Metuó ne praedicátio tua núnc meam formam
exúperet.

MI. Istúc curaui ut opínione illíus pulcriór sis.

AC. Si pól me nolet dúcere uxórem, genua ampléctar
Atque ópsecrabo. alió modo, si nón quibo impe-
tráre, 1240

Conscíscam letum: uíuere sine illó scio me non
pósse.

PY. Prohibéndam mortem múlieri [esse] uídeo. adi-
bon? PA. Mínime.

Nam tú te uilem féceris, si te últro largiére:

Sine últro ueniat, quaéritet, desíderet, expéctet.

Nisi pérdere istam glóriam uis quám habes, caue sis
fáxis. 1245

Nam núlli mortali scio optigísse hoc nisi duóbus,
Tibi ét Phaoni Lésbio, tam [uésane] ut amaréntur.

AC. Eo íntro aut tu illum huc éuoca forás, mea Milphidíppa.

MI. Immo ópperiamur, dum éxeat aliquís. AC. Durare néqueo

Quin íntro eam. MI. Occlusást foris. AC. Ecfríngam.

MI. Sana nó n es. 1250

AC. Si amáuit umquam aut sí parem hic sapiéntiam habet ac fórmam,

Per amórem siquid féceo, cleménti ignoscet ánimo.

PA. Vt quaéso amore pérditast [haec] mísera. PY. Mutóm fit.

PA. Tace, ne aúdiat. MI. Quid ástitisti opstúpida? quor non púltas?

AC. Quia nó n est intus quem égo uolo. PA. Qui scís?

AC. Scio edepol fáci le: 1255

Nam odóre nasum séntiat, si intús sit. PY. Ariolátur.

Quia mé amat, propterea Venus fecít eam ut diuináret.

AC. Nescío ubi hic prope adest quem éxpeto uidére: olet profécto.

PY. Nasó pol iam haec quidém uidet plus quam óculis. PA. Caeca amórest.

AC. Tene me, ópsecro. MI. Quor? AC. Né cadam.

MI. Quid itá? AC. Quia stare néqueo:

Ita ánimus per oculós meus [mihi] défit. MI. Militém pol 1261

Tu aspéxisti? AC. Ita. MI. Non uídeo, ubist? AC. Vidéres pol, si amáres.

MI. Non edepol tu illum mágis amas quam egomét, si per te líceat.

PA. Omnés profecto múlieres te amánt, ut quaeque aspéxit.

PY. Nescio tu ex me hoc audíueris an nón: nepos sum
Véneris. 1265

AC. Mea Mílphidippa, adi ópsecro et congrédere.

PY. Vt me uerétur.

PA. Illa ad nos pergit. MI. Vós uolo. PA. Et nós te.

MI. [Eccam,] ut iussísti,

Erám meam eduxí foras. PY. Videó. MI. Iube ergo
adíre.

PY. Indúxi in animum ne óderim item ut álias,
quando orásti.

MI. Verbum édepol facere hau pótis erit, si accésse-
rit prope ad te: 1270

Dum te óptuetur, interim linguam óculi praeci-
dérunt.

PY. Leuándum morbum múlieri [esse] uideo. MI. Vide
ut extímuit,

Postquám ted aspexít. PY. Viri quoque ármati idem
ístuc fáciunt:

Ne tú mirere múlierem. set quíd [illa] uolt me fácere?

MI. Ad se út eas: tecum uiuere uolt átque aetatem
exígere. 1275

PY. Egone ad illam eam quae núpta sit? uir éius est
metuéndus.

MI. Quin tũa causa exegít uirum ab se. PY. Quíd?
qui id facere pótuit?

MI. Aedés dotales húius sunt. PY. Itane? MI. Íta
pol. PY. Iube domum íre:

Iam ego illi ero. MI. Vide né sies illi éxpectatióni:

Ne illam ánimi excrucies. PY. Nón ero profécto.
abite. MI. Abímus. 1280

PY. Set quíd ego uideo? PA. Quíd uides? PY.
Nescio quis eccum incédit,

Ornátu quidem thalássico. PA. Iam nós uolt is profecto:

Naoclérus hic quidemst. PY. Videlicet arcéssit hanc.
PA. Ita crédo.

PLEVSICLES. PALAESTRIO. PYRGOPOLINICES.

PL. Alium álio pacto própter amorem nĩ sciam
Fecísse multa néquiter, uereár magis 1285
Me amóris causa [cum] hóc ornatu incédere.
Verúm quom multos múlta admissæ accéperim
Inhonésta propter amórem atque aliena á bonis:

* * * * *
Mitto énim ut occidi Achilles ciuis pássus est . . .
Set eccúm Palaestriónem, stat cum mĩlite: 1290
Orátio alio míhi demutandást mea.

Muliér profecto náta est ex ipsá mora:
Nam quaéuis alia quaé morast aequé mora
Minor éa uidetur quám quæ propter múlieremst.
Hoc ádeo fieri crédo consuetúdi. 1295

Nam ego hanc arcessam Philocomasium. sét foris
Pultábo. heus, ecquis híc est? PA. Adulescens,
quid est?

Quid uís? quid pultas? PL. Philocomasium quaérito:
A mátre illius uénio. si iturást, eat.

Omnís moratur: náuem cupimus sóluere. 1300

PY. Iam dúdum res parátast. [heus,] Palaéstrio,
Aurum, órnamēta, uéstē, pretiosa ómnia
Duc ádiutores técum ad nauem quí ferant.
Omnía conposita [iám] sunt quæ donáui ei.

PA. Eó. PL. Quaeso hercle própera. PY. Non
morábitur. 1305

Quid istúc [est] quaeso quód oculo factúmst tuo?

PL. Habeo équidem hercle oculum. PY. At laé-
uom dico. PL. Éloquar.

Marís causa hercle istóc ego oculo utór minus:

Nam si ápstinuissem a máre, eo tamquam hoc
úterer.

Set nímis morantur mé diu. PY. Eccos éxeunt. 1310

PALAESTRIO. PHILOCOMASIVM. PLEVSICLES. PYRGOPOLINI-
CES. (SERVI.)

PA. Quíd modi flendó quaeso hodie fácies? PH. Quid
ego ní fleam?

Vbi pulcerrume égi aetatem, inde ábeo. PA. En iam
hominém tibi

Qui á matre et soróre uenit. PH. Vídeo. PY. Audin,
Palaéstrio?

PA. Quíd uis? PY. Quin iubés tu ecferri dóna quae [ego]
istí dedi?

PL. Philocomasium, sálue. PH. Et tu sálue. PL. Ma-
terque ét soror 1315

Tíbi salutem mé iusserunt dícere. PH. Saluaé sient.

PL. Órant te ut eas: uéntus operam dúm dat, ut uelum
éxplicent.

Nám matri oculi sí ualerent, mécum uenissét semul.

PH. Íbo. quamquam inuíta facio, píetas consuadét. PL.
Sapis.

PY. Sí non mecum aetátem egisset, hódie stulta
uíueret. 1320

PH. Ístuc crucior, á uiro me táli abalienárier :

Nám tu quamuis pótis es facere ut ádfluat facétiis,

Ét quia tecum erám, propterea nímio eram ferócior.

Ěam nobilitatem ámittundam uideo. PY. Ne fle. PH.

Nón queo,

Quóm te uideo. PY. Hábe bonum animum. PH. Scío

ego quid doleát mihi. 1325

PA. Nám nil miror, sí lubenter, Phílocomasium, [tu] híc

eras,

Quóm ego seruos, quándo aspicio hunc, lácrumem quia

diiúngimur.

[Íta] forma huius, móres, uirtus ánimum attinuere híc

tuum.

PH. Ópsecro, licét conplecti príus quam proficiscó?

PY. Licet.

PH. Ó mei oculi, ó mi anime. PA. Ópsecro, tene mú-

lierem, 1330

Ne ádfligatur. PY. Quíd istuc? PA. Quia, postquam

áps te abit, animó male

Fáctumst huic repénte miserae. PY. Cúrrite intro,

adférte aquam.

PA. Níhil aquam morór : quin malo [apscédas] : ne inter-

uénérís,

Quaéso, dum resipíscit. PY. Capita intér se nimis nexa

hísce habent.

Nón placet : labra in labris ferrúminat. quid agís, ma-

lum? 1335

PL. Tétemptabam spiráret an non. PY. Aúrem admo-

tam opórtuit.

PL. Sí magis uis, eam omíttam. PY. Nolo : rétime.

PA. Adflictór miser.

PY. Éxite atque ecférte huc intus ómnia isti quaé dedi.

PA. Étiám nunc salúto te, [Lar] fámiliaris, prius quam eo.
Cónserui conséruaeque omnes, béne ualete et uíuite: 1340
Béne quaeso inter uós dicatis ét mihi apsentí tamen.

PY. Áge, Palaestrió, bono animo es. PA. Heí [heu],
nequeo quín fleam,

Quom áps ted abeam. PY. Aequó fer animo. PH. Sét
quid hoc? quae rést? quid est?

Ó lux, salue. PL. Iám resipisti? PH. Ópsecro, quem
ampléxa sum

Hóminem? perii. súmne ego aput me? PL. Né time,
uoluptás mea. 1345

PY. Quid istuc est negóti? PA. Animus hánc modo hic
reliquérat

* * * * *

Métuoque et timeó, ne hoc tandem própalam fiát nimis.

PY. Quid id est? PA. Nos secúndum ferri núnc per
urbem haec ómnia,

Néquis hoc tibi uítio uortat. PY. Méa, non illorúm
dedi: 1350

Páruí ego alios fácio. age, ite cúm dis beneuoléntibus.

PA. Túa ego hoc causa díco. PY. Credo. PA. Iám
uale. PY. Et tu béne uale.

PA. Íte cito: iam ego ádsequar uos: cúm ero pauca
[uólo] loqui.

Quámquam alios fidéliores sémper habuistí tibi

Quám me, tam tibi hábeo magnam grátiam rerum óm-
nium: 1355

Ét si ita [tibi] senténtia esset, tibi seruire máuelim

Múlto quam alií libertus ésse. PY. Habe animúm bo-
num.

PA. Heí mihi, quom uenít mi in mentem, ut móres mu-
tandí sient,

Múliebres morés discendi, oblúiscendi stratiótici.

PY. Fác sis frugi. PA. Iám non possum: amísi omnem
Iubídinem. 1360

PY. Í, sequere illos: né morere. PA. Béne uale. PY.
Et tu béne uale.

PA. Quaéso ut meminerís: si forte líber fieri occépe-
rim,

Míttam nuntium ád te: ne me déseras. PY. Non ést
meum.

PA. Cógitato idéntidem, tibi quám fidelis fúerim.

Si íd facies, tum démum scibis, tibi qui bonus sit, qui
malus. 1365

PY. Scío: perspexi saépe, uerum quom ántehac [tum]
hodie máxume.

PA. Scís? immo hodie uérum factum fáxo post dicés
magis.

PY. Vix reprimor quin té manere iúbeam. PA. Caue
istuc féceris.

Dícant te mendácem nec uerum ésse, fide nulla ésse te:
Dícant seruorúm praeter med ésse fidelem néminem. 1370

Nám si honeste cénseam te fácere posse, suádeam.

Vérum non potést: caue faxis. PY. Ábi: iam patiar,
quídquid est.

PA. Béne uale igitur. PY. Íre meliust strénue. PA.
Etiam núnc uale.

PY. Ánte hoc factum hunc sum árbitratus sémper ser-
uom péssumum:

Ēum fidelem míhi esse inuenio. quom égomet mecum
cógito, 1375

Stúlte feci, qui húnc amísi. íbo hinc intro núnc iam

Ád amiores meós. et, sensi, hinc sónitum fecerúnt fores.

PVER. PYRGOPOLINICES.

PV. Ne mé moneatis: mémini ego officiúm meum
Ego iámiam conuenam illunc. ubi ubist géntium,
Inuéstigabo [eum]: óperae non parcám meae. 1380

PY. Me quaérit illic: íbo [ego] huic puero óbuiam.

PV. Ehém, te quaero: sálue, uir lepidíssume,
Cumuláte commoditáte, praeter céteros
Duo dí quem curant. PY. Quí duo? PV. Mars ét
Venus.

PY. Facétum puerum. PV. Íntro te ut eas ópse-
crat: 1385

Te uólt, te quaerit téque expectans déperit.
Amánti fer opem. quíd stas? quin intro ís? PY. Eo.

PV. Ipsús illic sese iam ínpediuit ín plagas.
Parátae insidiae súnť: stat in statú senex,
Vt ádoriatur moéchum, qui formást ferox, 1390
Qui omnis se amare crédito, quaeque aspéxerit:
Quem omnés oderunt quá uiri qua múlieres.
Nunc ín tumultum íbo: íntus clamorem aúdio.

ACTVS V.

PERIPLECOMENVS. PYRGOPOLINICES. CARIO.

LORARI. SCELEDRVS.

PE. Dúcite istum: sí non sequitur, rápite sublimém
foras.

Fácite inter terram átque caelum utí siet: discíndite.

PY. Ópsecro hercle, Périplecomene, té. PE. Nequi-
quam hercle ópsecras. 1396

Víde ut istic tibi sí acutus, Cário, cultér probe.

CA. Quín iam dudum géstit moecho [huic] hóc abdomen
ádimere.

Fáciam uti quasi púero in collo péndeant crepúndia.

PY. Péríi. PE. Haut etiam: número hoc dicis. CA.
Iámne [ego] in hominem ínuolo?

PE. Ímmo etiam prius uérberetur fústibus. CA. Mul-
túm quidem. 1401

PE. Quór es ausus súbigitare álienam uxorem, ínpu-
dens?

PY. Íta me di ament, últro uentumst ád me. PE. Men-
titúr: feri.

PY. Máne dum narro. PE. Quíd cessatis? PY. Nón
licet mihi dícere?

PE. Díc. PY. Oratus sum húc uenire. PE. Quáre's
ausus? én tibi. 1405

PY. Oíei, satis sum uérberatus: ópsecro. CA. Quam
móx seco?

PE. Vbi lubet: dispennite hominem díuorsum et distén-
nite.

PY. Ópsecro hercle té, mea uerba ut aúdias prius quám
secat.

PE. Lóquere, dum non níhili factu's. PY. Víduam [illam]
esse cénsui:

Ítaque ancilla, cónciliatrix quacé erat, dicebát mihi. 1410

PE. Iúra te nocitúrum non esse hómini de hac re né-
mini,

Quód tu hic hodie uérberatu's aút quod uerberábere,
Sí te saluom hinc ámittemus Vénerium nepótulum.

PY. Iúro per Díonam et Martem mé nociturum né-
mini,

Quód ego hic hodie uápularim: iúreque id factum árbi-
tror: 1415

Ét si hinc non abeo íntestatus, béne agitur pro nóxia.

PE. Quíd, si id non faxís? PY. Vt uiuam sémper inte-
stábilis.

CA. Vérberetur étiam: postibi ámittundum cénseo.

PY. Dí tibi bene fáciant semper, quom áduocatus béne
mi ades.

CA. Érgo des minam aúri nobis. PY. Quam ób rem?

CA. Saluis téstibus 1420

Vt hodie te hinc ámittamus Vénerium nepótulum.

Álitter hinc non íbis: ne sis frústra. PY. Dabitur. CA.
Mágis sapis.

Dé tunica et chlamyde ét machaera néquid speres: nón
feres.

LO. Vérberone etiam án eum amittis? PY. Mítis sum
equidem fústibus:

Ópsecro uos. PE. Sóluite istunc. PY. Hábeo gratiám
tibi. 1425

PE. Sí posthac prehéndero ego te hic, séparabo a téstibus.

PY. Caúsam hau dico. PE. Ěamus intro, Cário. PY. Seruós meos

Éccos uideo. Philocomasium iám profectast? díe mihi.

SC. Iám dudum. PY. Hei mihi. SC. Mágis [id] dicas, sí scias quod égo scio:

Námque illic qui lánam ob oculum habébat nauta nón erat. 1430

PY. Quís erat igitur? SC. Philocomasio amátor. PY. Qui tu scís? SC. Scio:

Nám postquam porta éxierunt, níl cessarunt fílico Aúsculari atque ámplexari intér se. PY. Vae miseró mihi:

Vérba mihi data ésse uideo. scélus uiri Palaéstrio, Ís me in hanc inléxit fraudem. SC. Iúre factum iú-dico: 1435

Sí sic aliis moéchis fiat, mínus hic moechorúm siet: Mágis metuant, minus ĥas res studeant. PY. Ěamus ad me. CANTOR. Plaúdite.

METRA HVIVS FABVLAE HAEC SVNT

- V. 1 ad 155 iambici senarii
- 156 ad 353 trochaici septenarii
 - 354 ad 425 iambici septenarii
 - 426 ad 480 trochaici septenarii
 - 481 ad 595 iambici senarii
 - 596 ad 812 trochaici septenarii
 - 813 ad 873 iambici senarii
 - 874 ad 946 iambici septenarii
 - 947 ad 1010 trochaici septenarii
 - 1011 ad 1093 anapaestici septenarii
 - 1094 ad 1136 iambici senarii
 - 1137 ad 1215 trochaici septenarii
 - 1216 ad 1283 iambici septenarii
 - 1284 ad 1310 iambici senarii
 - 1311 ad 1377 trochaici septenarii
 - 1378 ad 1393 iambici senarii
 - 1394 ad 1437 trochaici septenarii.
-

T. MACCI PLAVTI

R V D E N S.

GRAECA DIPHILV.

ARGVMENTVM.

Reti piscator uidulum extraxit mari,
Vbi erant erilis filiae crepundia,
Dominum ad lenonem quae subrepta uenerat.
Ea sumpte imprudens in clientelam patris
Naufragio eiecta deuenit: cognoscitur
Suoque amico Plésidippo iungitur.

5

P E R S O N A E.

ARCTVRVS PROLOGVS
SCEPARNIO SERVOS
PLESIDIPPVS ADVLESCENS
DAEMONES SENEX
PALAESTRA MVlier
AMPELISCA MVlier
PTOLEMOCRATIA SACERDOS
PISCATORES
TRACHALIO SERVOS
LABRAX LENO
CHARMIDES SENEX
LORARI
GRIPVS PISCATOR
CANTOR.

P R O L O G V S.

A R C T U R V S.

Qui géntis omnis máriaque et terrás mouet,
 Eiús sum ciuis ciuitate caélitum.
 Ita sum út uidetis spléndens stella cándida,
 Signúm quod semper témpore exoritúr suo
 Hic átque in caelo. nómen Arcturóst mihi. 5
 Noctú sum in caelo clárus atque intér deos,
 Intér mortalis ámbulans intérdius.
 Et ália signa dé caelo ad terram áccidunt:
 Quist ímperator díuom atque hominum Iúppiter,
 Is nós per gentis [híc] alium alia dísparat, 10
 Hominúm qui facta, móres, pietatem ét fidem
 Noscámus, ut quemque ádiuuet opuléntia.
 Qui fálsas litís fálsis testimóniis
 Petúnt quique in iure ábiurant pecúniam,
 Eorúm referimus nómina excripta ád Iouem. 15
 Cotídie ille scít quis hic quaerát malum.
 Qui hic lítem apisci póstulant periúrio
 Malí, res falsas qui ímpetrant aput iúdicem,
 Iterum ille eam rem iúdicatam iúdicat:
 Maióre multa múltat quam litem aúferunt. 20
 Bonós in aliis tábulis excriptós habet.
 Atque hóc scelesti [illi] ín animum inducúnt suum,
 Iouem sé placare pósse donis, hóstiis:
 Et óperam et sumptum pérduunt. id eo fít, quia

Nihil éi acceptumst á periuris súpplíci. 25

Facílius síquí píus est a dis súpplícaus

Quam quí scelestust ínueniet ueniám sibi.

Idcírco moneo uós ego hoc, quí estís boni

Quique aétatem agitis cúm pietate et cúm fide :

Retinéte porro, póst factum ut laetémíni. 30

Nunc, húc qua causa uéni, argumentum éloquar.

Primúmdum huic esse nómen urbi Díphilus
Cyrénas uoluit. illic habitat Daémones

In agro átque uilla próxuma proptér mare,

Senex qui húc Athenis éxul uenit, haú malus. 35

Neque is ádeo propter málitiam patriá caret,

Set dum álios seruat, se ínpediuit ínterim :

Rem béne paratam cómitate pérdidit.

Huic filia olim uírgo períit páruola :

Eam dé praedone uír mercatur péssumus : 40

Is eam húc Cyrenas léno aduexit uírginem.

Aduléscens quídam cíuis huius Átticus

Eam uídit ire e lúdo fidicinó domum.

Amáre occepit : ád lenonem déuenit,

Minís triginta síbi puellam déstinat 45

Datque árrabonem et iúreiurando ádligat.

Is léno, ut se aequomst, flócci non fecít fidem

Neque quód iuratus ádulescenti díxerat.

Erát ei hospes pár sui, Siculús senex

Sceléstus Agrigentínus, urbis próditor : 50

Is illíus laudare ínfít formam uírginis

Et áliarum itidem quae ěius erant muliérculae.

Ínfít lenoni suádere, ut secúm semul

Eat ín Siciliam : ibi ésse homines uoluptários

Dicít : ibi eum potésse fieri díuitem. 55

[Ibi ésse quaestum máximum meretrícibus.]

Persuádet. nauis clánculum condúcitur.

Quidquíd erat, noctu in náuem conportát domo

Leno: ádulescenti, qui puellam ab eo émerat,

Ait sése Veneri uélle uotum sóluere 60

(Id híc est fanum Véneris) et eo ad prándium

Vocáuit adulescéntem huc. ipse hinc ílico

Nauém conscendit, áuehit meretrículas.

Aduléscnti alii nárrant ut res gésta sit:

Lenónem abisse. ad pórtum [quom] adulescéns
uenit,

Illórum nauis lónge in altum apscésserat. 66

Ego quóniam uideo uírginem asportárier,

Tetuli ét [ei] auxilium et lénoni exitiúm semul:

Incrépui hibernum et flúctus moui márítimos.

Nam signum Arcturus ómnium sum acérrumum: 70

Veheméns sum exoriens, quom óccido ueheméntior.

Nunc ámbo in saxo, léno atque [eius] hospés, semul

Sedént eiecti: náuis confractást eis.

Illa aútem uirgo atque áltera itidem ancíllula

De náui timidae désuluerunt ín scapham. 75

Nunc ěas ab saxo flúctus ad terrám ferunt,

Ad uíllam illius, éxul qui ibi habitát senex,

Quoius déturbauit uéntus tectum et tégulas.

Et séruos illic est éius qui egreditúr foras.

Aduléscens huc iam aduéniet, quem uidébitis, 80

Qui illám mercatust dé lenone uírginem.

Valéte, ut hostes uóstri diffidánt sibi.

A C T V S I.

SCEPARNIO. PLESIDIPPVS (CVM TRIBVS
ADVLESCENTIBVS). DAEMONES.

- SC. Pro di ínmortales, t  mpestatem qu  ius modi
Nept  nus nobis n  cte hac misit pr  xima.
Det  xit uentus u  llam : quid uerb  s opust? 85
Non u  ntus fuit, uerum   lcumena Eur  pidi:
Ita om  s de tecto d  turbauit t  gulas:
Inl  striores f  cit fenestrasque indidit.
PL. Et u  s a uostris   bduxi neg  tiis
Neque íd processit, qu   uos duxi gr  tia: 90
Nequ  ui ad portum l  nonem preh  ndere.
Set m  a desid  ia sp  m deserere n  lui:
Eo u  s, amici, d  tinui di  tius.
Nunc h  c ad Veneris f  num uenio u  sere,
Vbi r  m diuinam s   facturum d  xerat. 95
SC. Si s  p  am, hoc quod me m  ntat concinn  m lu-
tum.
PL. Prope me h  c nescio quis l  quitur. D   .
Heus, Scep  r  nio.
SC. Qui n  minat me? D   . Qu   pro te argent  m
dedit.
SC. Quasi m   tuum esse s  ruom dicas, Da  mones.
D   . Luto   sust multo, m  ltam terram c  nfode.
Villam íntegundam ínt  llego tot  m mihi: 101

Nam nunc perlucet ea quam cribrum crebrius.

PL. Patér, saluto [tu] amboque adeo. DÆ. Saluos
sis.

SC. Set utrum tu masne an femina's, qui illum pa-
trem

Vocés? PL. Vir sum equidem. DÆ. Quaere,
uir, porro patrem: 105

Ego filiolum [olim] unam habui, eam unam perdidit.
Virile secus numquam illum [ego] habui. PL. At di
dabunt.

SC. [Hem,] tibi quidem hercle, quisquis es, magnum
malum,

Qui oratione hic occupatos occupaes.

PL. Isticine uos habitatis? SC. Quid tu id quaer-
ritas? 110

An quo furatum uenias uestigas loca?

PL. Peculiosum esse addecet seruom adprobe,
Quem ero praesente [hau] praetereat oratio,
Aut qui inclementer dicat homini libero.

SC. Et impudicum et impudentem hominem adde-
cet, 115

Molestum ultro aduenire ad alienam domum,

Quoi debeatur nil. DÆ. Tace, Sceparnio.

Quid opus, adulescens? PL. Istic infortunium,
Qui praefestinet ubi erus adsit praeloqui.

Set nisi molestumst, paucis percontarier 120

Volo ego ex te. DÆ. Dabitur opera, atque in ne-
gotio.

SC. Quin tu in paludem is exicasque harundinem,
Qui pertegamus uillam, dum sudumst. DÆ. Tace.
Tu siquid opus est dice. PL. Dic quod te rogo:
Ecquem tu hic hominem crispum, incanum uideris,

Malúm, periurum, pálpatozem. DÆ. Plúrumos: 126

Nam própter eius modi égo uiros uiuó miser.

PL. Hic díco, in fanum Véneris qui muliérculas

Duas sécum adduxit quíque adornarít sibi

Vt rém diuinam fáciat, aut hodie aút heri. 130

DÆ. Non hércle, adulescens, iam hós dies con-
plúsculos

Quemquam ístic uidi sácruficare: néque potest

Clam mé esse, siqui sácruficat. sempér petunt

Aquam hínc aut ignem aut uáscula aut cultrum aút
ueru

Aut aúlam extarem aut áliquíd: quíd uerbís opust?

Venerí parauí uása et puteum, nón mihi. 136

Nunc ínteruallum iam hós dies multós fuit.

PL. Vt uérba praehibes, mé perisse praédicas.

DÆ. Meá quidem hercle caúsa saluos sís licet.

SC. Heus tú, qui fana uéntris causa círcumis, 140

Iubére meliust prándium ornarí domi.

Fortásse tu huc uocátus es ad prándium:

Ille qui uocauit, núllus uenit? PL. Ád modum.

SC. Nullúmst periculum te hínc ire inpransúm do-
mum.

Cererém te meliust quám Venerem sectárier: 145

Amóri haec curat, trítico curát Ceres.

PL. Delúdicauit mé ille homo indignís modis.

DÆ. Pro di ínmortales, quíd illuc est, Scepárnio,
Hominúm secundum lítás? SC. Vt mea opíniost,

Proptér uiam illi súnť uocati ad prándium. 150

DÆ. Qui? SC. Quía post cenam, crédo, lauerúnt
heri:

Confrácta nauis ín marist illís. DÆ. Itast.

SC. At hércle nobis uílla in terra et tégulae.

DÆ. Hui,

Homínculi quanti éstis: eiecti út natant. 155

PL. Vbi súnt ei homines, ópsecro? DÆ. Hac ad
déteram:

Vidén secundum lítus? PL. Video: séquimini.

Vtinam ís sit quem ego quaéro, uír sacérrumus.

Valéte. SC. Si non móneas, nosmet méminimus.

Set ó Palaemon, sáncte Neptuní comes, 160

[Qui Herculis socius esse diceris]

Quod fácinus uideo? DÆ. Quid uides? SC. Mu-
liérculas

Videoó sedentis ín scapha solás duas.

Vt ádflictantur míserae. euge, euge, pérbene,

Ab sáxo auortit flúctus ad litús scapham. 165

Nequé gubernator úmquam potuit [réctius].

Non uídisse undas mé maiores cénseo.

Saluaé sunt, si illos flúctus deuitáuerint.

[Nunc nunc periculumst: eiecit alteram.]

Viden álteram illam ut flúctus eiecíť foras? 170

At ín uadost: iam fácale enabit. eúgepae:

Saluást: euasit éx aqua: iam in lítocest.

Desúluit haec autem áltera ad terram é scapha.

Vt praé timore in génua in undas cóncidit.

Surréxit: horsum sí capéssit, sálua rest: 175

Set déxtrouorsum auórsa it in malám crucem.

Hem,

Errábit illaec hódie. DÆ. Quid id refért tua?

SC. Si ad sáxum, quo capéssit, ea deorsúm ca-
dit,

Errátionis fécerit conpéndium. 180

DÆ. Si tú de illarum cénaturus uésperi's,

Illís curandum cénseo, Scepárnio:

Si aput méd essuru's, míhi dicari operám uolo.

SC. Bonum aéquomque oras. DÆ. Séquere me
hac ergó. SC. Sequor.

P A L A E S T R A.

Nímio [pol] hominúm fortunae mínus [multo] miserae
memorantur 185

* * * * éxperiundo is dátur acerbum * * * *

Hóc deo conplácitumst, med hoc órnatu ornatam ín re-
giones

[Ésse] incertas tímídam eíectam? hancíne ego ad rem
nátam miseram

[Mé] memorabo? hancíne ego partem cápio ob pietatém
praecipuam?

Nam hoc mi haú sit labóri labórem hunc potíri, 190

Si me érga paréntis aut dēos inpiárim:

Set íd si paráte curáui ut cauérem,

Tum mi hóc indecóre, inmodéste datís di.

Nam quíd habebunt pósthac [insígne] inpií,

Si ad hunc modumst honós aput uos ínnoxíis? 195

Nam mé si fecísse aut paréntis sciám

Sceléste, mínus [nunc] me míserer.

Set erí me sollicitát scelus, eius mé habet inpietás male:

Is ómnia perdidit ín mari: haec eius súnť bonorum réli-
quiae.

Éťiam quae uécta mecum ín scaphast semul, 200

[Flúctuom ui] éxcidit: égo nunc sola sum.

Quaé mi si sálua saltém foreť, labos

Lénior éssť hic ěius opera mihi.

Nunc quám spem aut opem aút consilí quíd capéssam

Ita híc [sola] sólís locís conpotíta? 205

Hic sáxa sunt, hic máre sonat, nec mi óbuíam homo quis-
quám uenit.

Hóc quod indúta sum súmmae opes óppido:

Néc cibo néc loco técta quo sím scio.

Quaé mihist spés qua me uíuere uelím?

Néc loci gnára sum nécdum hic [umquám] fui. 210

Sáltem [ego] aliquém uelim quí mihi ex hís locis

Aút uíam aut sémitam mónstret: ita núnc

Hác an illác eam, incérta [sum] cónsili:

Néc prope usquam híc quidem cúltum agrum cón-
spícor.

Álgor, errór, pauor [mémбра] mi omnía tenent. 215

Haéc hauscitis, mēi parentes, mé nunc miseram ita ésse
utí sum:

Líbera ego prognáta fui máxume, nequíquam fui.

Numquí minus [nunc] séruio, quam sí forem serua
náta?

Neque quícquam umquam is [id] prófuit, qui [mé] sibi
eduxérunt.

AMPELISCA. PALAESTRA.

AM. Quíd mihi meliust, quíd magis in remst, quám cor-
pore uítam út secludam? 220

Íta male uiuo atque íta mi multae in péctore sunt curae
éxanimales:

Íta res [sordent]: uítae hau parco: pérdidi spem qua me
óblectabam.

Ómnia iam circúmcursauí atque ómnis latebras pérrep-
tauí

Quaérere conseruám uoce, oculis, aúribus, ut peruéstigarem.

Néque eam usquam inuenió neque quo eam néque qua
quaeram [eám] consultumst, 225

Néque quem rogitem répsonsorem quémquam interea
[hic hóminem] inuenio.

Néc magis solae térrae solae súnt quam haec sunt loca
atque haé regiones.

Néque si uiuit eám uiua umquam quín [uiuam] inueniám
desistam.

PA. Quóia prope me hic uóx sonat? AM. Pertímui,
quis loquitúr prope?

PA. Bona Spés, opsecró, 230
Subuénta mihí.

AM. Múlier est, múliebris uóx ad aurís mihi
Vénit: [tune] éximes míseram [me] ex hóc metu?

PA. Céрто uox múliebris tétigít aurís meas:

Num Ámpelísca ópsecrost? AM. Tén, Palaestra,
aúdio? 235

PA. Quín uoco, ut me aúdiat, nómine illám suo?

Ámpelísca. AM. Hém, quis est? PA. Égo. AM.
Palaestráne? PA. Sum.

AM. Díc ubi's? PA. Pól ego nunc ín malis plúrumis.

AM. Sócia sum néc minor párs meast quám tua.

Sét uidere éxpeto té. PA. Mihi's aémula. 240

AM. Cónsequamúr gradu uócem: ubi's? PA. Écce
me:

Áccede ad me átque adi cónta. AM. Fit sédulo.

PA. Cédo manum. AM. Áccipe. PA. Víuin? dic
ópsecro.

AM. Tú facis mé quídem uíuere ut núnc uelim,

Quóm mihi té licet tángere. ut uíx mihi 245

Crédo ego hoc, té tenere. ópsecro, ampléctere,
Spés mea: ut me ómnium iám laborúm leuas.

PA. Óccupas praéloqui, quae mist orátio.

Núnc abire hinc decet nós. AM. Quo amabo íbimus?

PA. Lítus hoc pérsequamúr. AM. Sequor quó lubet.

PA. Sí cine hic cum úuida uéste grassábimur? 251

AM. Hóc quod est íd necessáriumst pérpeti.

Sét quid hoc opsecróst? PA. Quid [est]? AM. Vi-

désne amabo hoc fánum? PA. Vbist?

AM. Ad dexteram. PA. Videór decorum díis locum tué-
rier.

AM. Hau lónge abesse opórtet homines hinc: ita hic
lepidúst locus. 255

[Quísquis] deus est, uéneror ut nos éx hac aerumna
éximat,

Miseras, inopes, aérumnosas áliquo ut auxilio ádiuuet.

SACERDOS. PALAESTRA. AMPELISCA.

SA. Qui súnť, qui a patróna precés mea expetés-
sunt?

Nam uóx me precántum huc forás excitáuit.

Bonam átque opsequéntem deam átque haut gra-
uátam 260

Patrónam execúntur benígnamque múltum.

PA. Iubémus te sáluere, máter. SA. Saluéte,
Puéllae. set únde [huc]

Íre uos cum úuida uéste dicam, ópsecro,

Tam maéstiter uestítas? 265

PA. Ílico hinc ímus hau lóngule ex hóc loco:

Vérum longe hinc abest, únde aduectae húc sumus.

SA. Némpe equo lígneo pér uías caérulas

PLAUTVS I.

14

Éstis uectae? PA. Ád modum. SA. Ergo aéquius
uós erat

Cándidatás uenire hóstiatásque: ad hoc 270

Fánum ad istínc modum nó n uenirí solet.

PA. Quaéne eiectae é mari símus ambae, ópsecro,
Vnde nos hóstias ágere uoluísti huc?

Núnc tibi ampléctimur génua egentés opum,

Quae ín locis nésciis néscia spé sumus, 275

Vt tuo récipias técto seruésque nos,

Miseriarúmque te ambárum uti mísereat,

Quibús nec locúst ullus néc spes paráta,

Neque hóc quod uidés ampliús nobis quícquamst.

SA. Manús mihi date, éxurgite á genibus ámbae:

Miséricordiór nulla mést feminárum. 281

Set haéc pauperés sunt, inopés res, puéllae:

Egomét uix [meam] uítam coló: Veneri cibo

Meó seruió. AM. Veneris fánum, ópsecro, hóc est?

SA. Fatébor: ego huiús clueo fáni sacérdos. 285

Verúm quidquid ést comitér fiet á me,

Quoad cópia ualébit.

Ite hác mecum. PA. Amíce benígneque honórem,

Máter, nostrum habés. SA. Oportet.

A C T V S II.

PISCATORES.

Omnibus modis qui paúperes sunt hómines miseri
uúont, 290

Praesértim quibus nec quaéstus est nec ártem didi-
cere úllam.

Necéssitate quídquid est domi íd sat est habéndum.

Nos iám de ornatu própemodum ut locuplétes simus
scítis.

Hisce hámi atque haec harúndines sunt nóbis quaestu
et cúltu.

Cotídie ex urbe ád mare huc prodímus pabulátum. 295

Pro exércitu gymnástico et palaéstrico hoc habémus:

Echínos, lopadas, óstreas, balanós captamus, cónchas,

Marínam urticam, músculos, plagúsias striátas.

Post íd piscatum hamátilem et saxátilem adgredímur,

Cibúm captamus é mari. si euéntus non euénit 300

Neque quícquam captumst píscium, salsí lautique
púre

Domúm redímus clánculum, dormímus incenáti.

Atque út nunc ualide flúctuat mare, núlla nobis spés
est:

Nisi quíd concharum cápsimus, cenáti sumus profécto.

Nunc Vénerem hanc ueneremúr bonam, ut nos lépide
adiuerit hódie. 305

TRACHALIO. PISCATORES.

TR. Animum áduorsauí sědulo, ne erum úsquam
praeterírem:

Nam quóm modo exhibát foras, ad pórtum se aibat íre:
Me huc óbuiam iussít sibi ueníre ad Veneris fánum.

Set quós perconter cómmode eccos uídeo astare:
adíbo.

Saluėte fures márítumí, conchítæ atque hamiótae, 310
Famélica hominum nátio. quid ágitis? ut perítis?

PI. Vt píscatorem aequómst, fame sitíque speque.

TR. Ecquémnam

[Hodie] ádulescentem strénua facié, rubicundum, fór-
tem,

[Ingénuom,] dum hic astátis [uos], uidístis huc ueníre,
Qui trís secum homines dúceret chlamydátos cum
machaéris? 315

PI. Nullum ístac facie, ut praédicas, uenísse huc sci-
mus. TR. Écquem

Recáluom ac siloném senem, statútum, uentriósum,
Tortís superciliís, contracta frónte, frauduléntum,
Deorum ódium atque hominum, mǎlum, mali uítí pro-
brique plénium,

Qui dúceret muliérculas duas sécum satis uenústas?

PI. Cum istiús modi uirtútibus operísque natus quí
sit, 321

Eum quidem ád carnificemst aéquius quam ad Véné-
rem conmeáre.

TR. At sí uidistis, dícite. PI. Huc profécto nullus
uénit.

Valé. TR. Valete. crédidi: factúmst quod suspi-
cábar:

Data uérba ero sunt: léno abit sceléstus exulátum. 325

In náuem ascendit, múlires auéxit: ariolús sum.

Is húc erum etiam ad prándium uocáuit, sceleris
sémen.

Nunc quíd mihi meliust, quam ílico hic [ut] erum óppe-
riar dum uéniat?

Eadem [ópera], Veneria haéc sacerdos síquid ampliús
scit,

Si uídero, exquisíuero: faciét me certiórem. 330

AMPELISCA. TRACHALIO.

AM. Intéllego: hanc quae próxuma [hic] est uílla Ve-
neris fáno

Pulsáre iussisti átque aquam rogáre. TR. Quoiá ad
aúris

Vox mi áduolauit? AM. Ópsecro, hic quis lóquitur?
quem ego uídeo?

TR. Estne Ámpelisca haec, quae foras e fáno egredi-
tur? AM. Éstne hic

Trachálio, quem cónspicor, calátor Plesidíppi? 335

TR. Eást. AM. Is est: Trachálio, salué. TR. Salue,
Ampelísca:

Quid tú agis? AM. Aetatem haú malam male. TR.
Mélius omináre.

AM. Verum ómnis sapientís decet conférre et fa-
bulári.

Set Plésidippus tíus erus ubi amábost? TR. Heia
uéro,

Quasi nón sit intus. AM. Néque pol est neque húc
quidem ullus uénit. 340

TR. Non uénit? AM. Vera praédicas. TR. Non
ést meum, Ampelísca.

Set quám mox coctumst prándium? AM. Quod prán-
dium, opsecró te?

TR. Nempe rém diuinam fácitis hic? AM. Quid
sómnicas, amábo?

TR. Certe húc Labrax ad prándium uocáuit Plesi-
díppum,

Erum méum erus uoster. AM. Édepol hau miránda
facta dícis: 345

Si dēos decepit ét homines, lenónum more fécit.

TR. Non rém diuinam fácitis hic uos néque erus?
AM. Arioláre.

TR. Quid tú agis igitur? AM. Éx malis multís me-
tuque súmmo

Capitálique ex perículo orbas aúxilique opúmque huc
Recépit ad se Véneria haec sacérdos me et Palaé-
stram. 350

TR. An híc Palaestrast, ópsecro, erí mei amica? AM.
Cérto.

TR. Inést lepos in núntio tuo mágnus, mea Ampe-
lísca.

Set istúc periclum pérubet quod fúerit uobis scíre.

AM. Confráctast, mi Trachálio, hac nócte nauis nóbis.

TR. Quid, náuis? quae istaec fábulast? AM. Non
aúdiuisti, amábo, 355

Quo pácto leno clánculum nos hínc auehere uóluit

In Síciliam et quidquíd domi fuit ín nauem inposúit?

Ea núnc perierunt ómnia. TR. O Neptúne lepide,
sálue:

Ne te áleator núllus est sapiéntior. profécto

Nimis lépide iecistí bolum: periúrum perdidísti. 360

Set núnc ubist lenó Labrax? AM. Periít potando,
opínor:

Neptúnus magnis póculis hac nócte eum inuitáuit.

TR. Credo hércle, anancaeó datum quod bíberet. ut
ego amó te,

Mea Ámpelisca: ut dúlcis es: ut múlta dicta dícis.

Set tu ét Palaestra quó modo saluae éstis? AM. Sci-
bis fáxo. 365

[De] náui timidae ambae ín scapham insulúimus, quia
uidémus

Ad sáxa nauem férrier: properáns exolui réstem,
Dum illí timent. nos cúm scapha tempésta dextro-
uórsum

Différt ab illis. ítaque nos uentísque fluctibúsque
Iactátae exemplis plúrumis miseraé perpetuam nó-
ctem 370

* * * * *

Vix hódie ad litus pértulit nos uéntus exanimátas.

TR. Nouí, Neptunus íta solet: quamúis fastidiósus
Aedílis est: siquae ínprobae sunt mérces, iactat
ómnis.

AM. Vae cápiti atque aetatif tuae. TR. Tuó, mea
Ampelísca. 375

Sciuí lenonem fácere istuc quod fécit: saepe díxi.

Capíllum promittam óptimumst, occúpiamque ariolári.

AM. Cauístin ergo tu átque erus ne abíret, quom
scibátis?

TR. Quid fáceret? AM. Si amabát, rogas quid fáce-
ret? adseruáret

Dies nóctisque: in custódia esset sémper. uerum
ecástor 380

Vt múlti fecit: íta probe curáuit Plesidíppus.

TR. Quor tu istuc dicis? AM. Rés palamst. TR. Scin
tu? étiam qui it lauátum

In bálineas, quom ibi sédulò sua uéstimenta séruat,
Tam súbrupiantur: quíppe qui quem illórum op-
servat fálst:

Fur fáciie quem opservát uidet: custós qui fur sit
néscit. 385

Set dúce me ad illam: ubíst? AM. I sane in Véneris
fanum huc íntro:

Sedéntem flentemque ópprimes. TR. Vt iam istuc
mihi moléstumst:

Set quíd flet? AM. Ego dicám tibi: hoc sése excru-
ciat ánimi,

Quia léno ademit cístulam ei, quam habébat ubique
habébat

Qui sũos parentis nóscere potésset: eam uerétur 390
Ne pérrierit. TR. Vbinam éa fuit cistéllula? AM.
Ibidem in náui:

Conclúsit ipse in uídulum, ne cópia esset éius
Qui sũos parentis nósceret. TR. O fácinus inpudí-
cum,

Quam líberam esse opórteat, seruíre postuláre.

AM. Nunc ěum cum naui scílicet abísse pessum in
áltum. 395

Et aúrum et argentúm fuit ibidém lenonis ómne.

TR. Credo áliquem inmersisse átque eum excepísse.

AM. Id misera maéstast,

Sibi eórum euénisse ínopiam. TR. Iam istóc magis
usus fáctost,

Vt eam íntro consolérque eam, ne síc se excruciet
ánimi.

Nam múlta praeter spém scio multís bona euénisse. 400

AM. At ego étiam, qui speráuerint spem décepisse
múltos.

TR. Ergo ánimus aequos óptimumst aerúmnæ con-
diméntum.

Ego eo íntro, nisi quid uís. AM. Eas. ego quód mihi
imperáuit

Sacérdos id faciam átque aquam hinc de próxumo ro-
gábo.

Nam extémplo, si uerbís suis peterém, daturos díxit.
Neque dígniozem cénseo uidísse anum me quém-
quam, 406

Quoi dēos atque homines cénseam bene fácere magis
decére.

Vt lépide, ut liberáliter, ut honéste atque haut gra-
uáte

Timidás, egentis, úuidas, eiéctas, exanimátas
Accépit ad sese: haú secus quam si éx se simus ná-
tae. 410

Vt eáipse [modo] succíncta aquam calefáctat, ut lauéc-
mus.

Nunc, né morae illi sím, petam hinc aquam, únde mi
imperáuit.

Heus, écqui in uillast? écquis hoc reclúdit? ecquis
pródit?

SCEPARNIO. AMPELISCA.

SC. Quíst qui nostris tám proterue fóribus facit in-
iúriam?

AM. Égo sum. SC. Hem, quid hoc boníst? eu,
edepol spécie lepida múliorem. 415

AM. Sálue, adulescens. SC. É t tu multum sálueto,
adulescéntula.

AM. Á d uos uenio. SC. Accípiam hospitio, sí mox
uenies uésperi,

Ítem ut adfectam: nám nunc nihil est quí te mane
múlierem

* * * * *

Sét quid ais, mea hílara, lepida? AM. Ah, nímium
familiáriter 420

Me áttrectas. SC. Pro di ínmortales, Véneris ecfi-
gia haéc quidemst.

Vt in ocellis hílaritudost: héia, corpus quõius modi:
Súbuolturiumst, illut quidem 'subáquilum' uolui
dícere.

Vél papillae quõius modi: tum quae índoles in sá-
uiost.

AM. Nón ego sum pollúcta pago: pótin ut me aps-
tineás manum? 425

SC. Nón licet te sic placidule béllam belle tángere?

* * * * *

* * * * *

AM. Ótium ubi erit, túm tibi operam lúdo et deli-
ciaé dabo.

Núnc, quam ob rem huc sum míssa, amabo uél tu
mi aias uél neges. 430

SC. Quid nunc uis? AM. Sapiénti ornatus quíd
uelim indiciúm facit.

SC. Méus quoque hic sapiénti ornatus quíd uelim
indiciúm facit.

AM. Haéc sacerdos Véneris petere hinc iússit me
a uobís aquam:

* * * * *

SC. Át ego basilicús sum: quem nisi óras, guttam
nón feres. 435

Nóstro illum puteúm periclo et férramentis fódimus.
[Nísi multis blandítiis a me gútta non ferrí potest.]

AM. Quór tu aquam grauáre amabo, quam hóstis
hosti cómmodat?

* * * * *

SC. Quór tu operam grauáre mihi, quam cíuis ciui
cómmodat? 440

AM. Ímmo etiam tibi, méa uoluptas, quae uoles fa-
ciam ómnia.

SC. Eúgepae, saluós sum: haec iam me sũam uolup-
tatém uocat.

Dábitur tibi aqua, né nequiquam mé ames. cedo mi
urnám. AM. Cape:

Própera amabo ecférre. SC. Manta: iam híc ero,
uoluptás mea.

* * * * * 445

* * * * *

AM. Quíd sacerdotí me dicam [esse] híc moratam
tám diu?

* * * * *

Út etiam nunc mísera timeo, ubi óculis intueór mare.

Set quíd ego mísera uídeo procul in lítore? 450

Meum erúm lenonem Síciliensemque hóspitem,

Quos périisse ambos mísera censebam íu mari.

Iam plús mali illut nóbis uiuit quám ratae.

Set quíd ego cesso fúgere in fanum ac dícere haec

Palaéstrae, in aram utí confugiamús prius 455

Quam scélus huc leno uéniat nosque hic ópprimat?

Confúgiam hinc: ita res súppetit subitó [mihi].

SCEPARNIO.

Pro di ímmortales, ín aquà numquam crédidi
 Voluptátem inesse tántam: ut hanc traxí lubens.
 Nimió minus altus púteus uisust quám prius. 460
 Vt síne labore hanc éxtraxi: praefiscine,
 Satin néquam sum, utpote qui hódie amare incé-
 perim?
 En tíbi aquam, mea tu béllula: hem, [eam] síc uolo
 Te férre honeste, ut égo fero: ut placeás mihi.
 Set úbi tu's delicáta? cape aquam hanc sís. ubi's?
 Amat hércle me, ut ego opínor: delituít mala. 466
 Vbi tú's? etiamne hanc úrnam accepturá's? ubi's?
 Commódule ludis. tándem uero sério.
 Etiam áceptura's úrnam hanc? ubi tu's géntium?
 Nusquam hércle equidem illam uídeo: ludos mé
 facit. 470
 Adpónam hercle urnam iám ego hanc in mediá uia.
 Set áútem quid si hanc hinc apstulerit quíspiam
 Sacram úrnam Veneris? mi éxhibeat negótium.
 Metuo hércle ne illa múlter mi insidiás locet,
 Vt cónprehendar cúm sacra urna Véneria. 475
 Nempe óptumo [me] iúre in uinclis énicet
 Magistrátus, siquis me hanc habere uíderit.
 Nam haec líteratast: éapse cantat quóia sit.
 Iam hercle éuocabo hinc hanc sacerdotém foras,
 Vt hanc accipiat úrnam. accedam huc ad foris. 480
 Heus, Ptólemocratia, cápe sis hanc urnám tibi:
 Muliércula hanc nescío quae huc ad me détulit.
 Intró ferundast. répperi negótium,
 Si quídem mihi ultro his ádgerunda etiámst aqua.

LABRAX. CHARMIDES.

LA. Qui homo [ésse] sese míserum et mendicúm uolet,
Neptúno credat sése atque aetatém suam: 486

Nam síquis cum eo quíd rei conmíscuit,
[Eum] ad hóc exemplum amíttit ornatúm domum.
Edepól Libertas lépida's, quae numquám pedem
Voluísti in nauem mécum hercle una inpónere. 490
Set úbi ille meus est hóspes qui me pérdidit?
Atque éccum incedit. CH. Quó malum properás, La-
brax?

Nam equidém te nequeo cónsequi tam strénue.

LA. Vtinám [tu] prius quam te óculis uidissém meis
Maló cruciatu in Sícilia perbíteres, 495
Quem própter hoc mihi óptigit miseró mali.

CH. Vtinam [égo], quom in aedis me ad te adduxistí
[tuas],

In cárcere illo pótius cubuissém die:
Deosque ínmortalis quaéso, dum uiuás, uti
Omnís tui similis hóspites habeás tibi. 500

LA. Malám Fortunam in aedis te adduxí meas.
Quid míhi scelesto tíbi erat auscultátio?

Quidue hínc abítio? quídue in nauem inscénsio?
Vbi pérdidi etiam plús boni quam míhi fuit.

CH. Pol mínime miror, náuis si fractást tibi, 505
Scelus te ét sceleste páрта quae uexít bona.

LA. Pessúm dedisti blándimentis mé tuis.

CH. Sceléstiozem cénam cenauí tuam
Quam quae Thyestaest ánteposita et Téreo.

LA. Perii, ánimo male fit. cóntine quaesó caput. 510

CH. Pulmóneum edepol nímis uelim uomitúm uomas.

LA. Eheú, Palaestra atque Ámpelisca, ubi éstis nunc?

CH. Piscibus in alto crédo praehibent pábulum.

LA. Mendícitatem mi óptulisti operá tua,
Dum tũis ausculto mágnidicis mendáciis. 515

CH. Bonámst quod habeas grátiam meritó mihi,
Qui te éx insulso sálsum feci operá mea.

LA. Quin tu hínc is a me in máxumam malám crucem.

CH. Eás: easque rés agebam cómmodum.

LA. Eheú, quis uiuit mé mortalis míserior? 520

CH. Ego múlto tanto míserior quam tú, Labrax.

LA. Qui? CH. Quía ego indignus súm, tu dignu's
quí sies.

LA. O scírpe, scírpe, laúdo fortunás tuas,
Qui sémper seruas glóriam aritúdinis.

CH. Equidém me ad uelitátionem exérceo: 525

Nam omnía corusca praé tremore fábulo.

LA. Edepól, Neptune, es bálineator frígídu:

Cum uéstimentis póstquam a ted abii, álgeo.

Ne thérmpoliúm quidem ullum [ille] ínstruit:

Ita sálsam praehibet pótionem et frígídam. 530

CH. Vt fórtunati súnť fabri ferráři,

Qui apút carbones ádsident: sempér calent.

LA. Vtinám fortunam núnc [ego] anatinam úterer,

Vtí, quom exiuissem éx aqua, arerém tamen.

CH. Quid, si álquo ad ludos mé pro manducó lo-
cem? 535

LA. Quaprópter? CH. Quia pol cláre crepito dén-
tibus.

[Set] óptumo me iúre elauisse árbitror.

LA. Qui? CH. Quíne auderem técum in nauem
ascéndere,

Qui a fúndamento mi úsque mouistí mare?

LA. Tibi aúscultauí: tú promittebás mihi 540

Illi ésse quaestum máximum meretrícibus :

Ibi mé conruere pósse aiebas dítias.

CH. Iam póstulabas te, ímpurata bélua,
Totám Siciliam déuoraturum ínsulam.

LA. Quaenám balaena mĕum uorauit uídulum, 545
Aurum átque argentum ubi ómne compactúm fuit ?

CH. Eadem illa credo quae meum marsúpium,
Quod plénium argenti fúit in saccipério.

LA. Eheú, redactus sum úsque ad unam hanc túni-
culam

Et ad hóc misellum pállium : perii óppido. 550

CH. Vel cónsociare míhi quidem tecúm licet :

Aequás habemus pártis. LA. Saltem sí mihi
Muliérculae essent sáluae, spes aliquaé forent.

Nunc sí me adulescens Plésidippus uíderit,
Quo ab árrabonem pró Palaestra accéperam, 555
Is éxhibebit híc iam mihi negótium.

CH. Quid, stúlte, ploras ? tibi quidem edepol có-
piast,

Dum língua uiuet, quí rem soluas ómnibus.

SCEPARNIO. LABRAX. CHARMIDES.

SC. Quid illuc opsecró negotist, quód duae muliér-
culae

Híc in fano Véneris signum fléntes amplexaé tenent, 560
Néscio quem metuéntes miserae ? nócte hac uero
próxima

Sé iactatas átque eiectas hódie esse aiunt é mari.

LA. Ópsecro hercle, aduléscens, ubi istae súnť quas
memoras múlieres ?

SC. Híc in fano Véneris. LA. Quot sunt? SC. Tóti-
dem quot ego et tú sumus.

LA. Némpe meae? SC. Nempe néscio istuc. LA. Quá
sunt facie? SC. Scítula: 565

Vél ego amare utrámuis possim, sí probe adpotús siem.

LA. Némpe puellae? SC. Némpe molestus: í, uise [in-
tro], sí lubet.

LA. Měas oportet íntus esse híc múlieres, mi Chár-
mides.

CH. Iúppiter te pérdat, et si súnť et si non súnť tamen.

LA. Íntro rumpam iam húc in Veneris fánum. CH. In
barathrum máuelim. 570

Ópsecro, hospes, dá mihi aliquid úbi condormiscám
loci.

SC. Ístic ubi uis cóndormisce: némo prohibet, púp-
licumst.

CH. Áť uides me, ornátus ut sim uéstimentis úuidis.

Récipe me in tectúm, da mihi uestímenti aliquid áridi,
Měa dum arescunt: ín aliquo tibi grátiam referám loco.

SC. Tégillum eccillút mihi unum áret: id si uís, dabo. 576

Ěodem amictus, ěodem tectus ésse soleo, sí pluit.

Tú istaec mihi dato: éxarescent fáxo. CH. Elhō, an te
paénitet,

Ín mari quom [hac nóctu] elauí, ne híc in terra iterum
éluam?

SC. Éluas tu an éxungare, cíccum non intérdum. 580

Tíbi ego numquam crédam quicquam nísi si accepto
pígnore.

Tú uel suda uél peri algu uél tu aegrota uél uale.

Bárbarum hospitém mi in aedis níl moror: sat lí-
tiumst.

CH. Iámne abis? uenális illic dúctitauit, quisquis est:

Nón est misericórs. set quid ego hic ásto infelix úui-
 dus? 585

Quín abeo hinc in Véneris fanum, ut édormiscam hanc
 crápulam,

Quám potaui [hoc nóctis] praeter ánimi [mei] senténtiam?

Quási uinis Graecís Neptunus nóbis suffudít mare,

Ítaque aluom prodí sperauit nóbis salsis póculis.

Quíd opust uerbis? si ínuitare nós paulisper pérgeret,

Íbidem obdormissémus: nunc uix úiuos amisít do-

mum. 591

Núnc lenonem quíd agit intus uísam, conuiuám meum.

A C T V S III.

D A E M O N E S.

Mirís modis di lúdos faciunt hóminibus :
 [Mirisque exemplis somnia in somnis danunt.]
 Ne dórmientis quídem sinunt quiéscere. 595
 Velút ego hac nocte quaé processit próxuma
 Mirum átque inscitum sómniaui sómnium.
 Ad hirúndininum nídum uisast símia
 Ascénsionem ut fáceret admolírier :
 Neque eás eripere quíbat inde. póstibi 600
 Vidétur ad me símia adgredírier,
 Rogáre scalas út darem utendás sibi.
 Ego ad hóc exemplum símiae respóndeo,
 Natás ex Philomela átque ex Progne esse hirúndines.
 Ago cum illa, nequid nóceat meis populáribus. 605
 Atque illa nimio iám fieri ferócior :
 Vidétur ultro míhi malum minitáríer.
 In iús uocat med. íbi ego nescio quó modo
 Irátus uideor médiam arripere símiam :
 Conclúdo in uincla béstiam nequíssumam. 610
 Nunc quam ád rem dicam hoc áttinere sómnium,
 Numquam hódie quiui ad cóniecturam euádere.
 Set quíd hoc in Veneris fáno meae uicíníae
 Clamóris oritur? ánimus miratúr meus.

TRACHALIO. DAEMONES.

TR. Pró Cyrenensés populares, uóstram ego inploró
fidem, 615

Ágricolae, adcolaé propinqui qui éstis his regiónibus,
Férte opem inopiae átque exemplum péssimum pessúm
date.

Víndicate, ne ínpiorum pótior sit polléntia
Quam innocentum, quí se scelere fieri nolunt nóbilis.
Státuite exemplum ínpudenti, dáte pudori praémium: 620
Fácité hic lege pótius liceat quám ui uicto uíuere.
Cúrrite huc in Véneris fanum, uóstram iterum inploró
fidem,

Quí prope hic adéstis quique audítis clamorém meum.
Férte suppetiás qui Veneri Véneriaeque antístitae
Móre antiquo in cústodelam sùum commiserúnt caput.
Praétorquete iniúriae prius cóllum quam ad uos pér-
uenat. 626

DÆ. Quid istuc est negóti? TR. Per ego haec génua
te optestór, senex,
Quísquis es... DÆ. Quin tu érgo omitte génua et quid
sit mi éxpedi,
[Quór] tumultués. TR. Teque oro et quaéso, si sperás
tibi

Hóc anno multúm futurum sírpe et laserpícium 630
Ėamque euenturam éxagogam Cápuam saluam et só-
spitem,

Átque ab lippitúdine usque síccitas ut sít tibi . . .

DÆ. Sánun es? TR. Seu tibi confidis fóre multam
magúdarim,

Vt te ne pigeát dare operam míhi quod te orabó, se-
nex.

DÆ. Át ego te per crúra et talos térgumque optestór
tuum, 635

Sí tibi ulmeám futuram spéres uirgidémiam
Ét tibi euentúram hoc anno úberem messém mali,
Vt mi istuc dicás negoti quíd sit, quor tumúltues.

TR. Quí lubet maledícere? equidem tíbi bona optaui
ómnia.

DÆ. Béne equidem tibi díco, qui te dígna ut eueniánt
precor. 640

TR. Ópsecro, hoc praeuórtere. DÆ. Ergo quíd ne-
gotist? TR. Múlieres

Duae ínnocentes íntus hic sunt, tui índigentes aúxili,
Quíbus aduorsum iús legesque hic ínsignite iniúria
Fáctast fitque in Véneris fano. tím sacerdos Véneria
Índigne adflíctátur. DÆ. Quis homost tánta confidéntia,
Quí sacerdotem aúdeat uioláre? set eae múlieres 646
Quaé sunt? aut quid ís iniqui fít? TR. Si das operam,
éloquar.

Véneris signum súnť amplexae: núnc homo audacíssu-
mus

Éas deripere uólt. eas ambas ésse oportet líberas.

DÆ. Quís istic est, qui dèos tam parui péndit? paucis
éxpedi. 650

TR. Fraúdis, sceleris, párricidi, périuri pleníssumus,
Légirupa, inputéns, impurus, ínuerēcundíssumus:
Vno uerbo apsóluam, lenost: quíd illum porro praé-
dicem?

DÆ. Édepol infortúnio hominem praédicas doná-
bilem.

TR. Quí sacerdotí scelestus faúcis interprésserit. 655

DÆ. Át malo cum mágno suo hercle fécit. ite istínc
foras,

Túrbalio, Sparáx: ubi estis? TR. I ópsecro intro, súb-
ueni

Íllis. DÆ. Iterum autem ímperabo? séquimini hac.

TR. Age núnc ïam,

lúbe oculos elídere, itidem ut sépiis faciúnt coqui.

DÆ. Próripite hominem pédibus huc itidém quasi occi-
sám suem. 660

TR. Aúdio tumúltum: opinor, léno pugnis péctitur.

Nímis uelim inprobíssumo homini málas edentáuerint.

Sét eccas ipsae huc égrediuntur tímidae e fano mú-
lieres.

PALAESTRÁ. AMPELISCA. TRACHALIO.

PA. Núnc id est, quom ómnium cópiarum átque
opum,

Aúxili, praésidi uíduitas nós tenet. 665

[Núlla spes] néc uiaſt quaé salutem ádferat,

[Nec scímus quam in] pártem ingredi persequá-
mur.

[Nimís magno míserae] in metú nunc sumus ámbae.

[Tánta] inportúnitas tántaque iniúria

[Fácta in] nos ést modo hic íntus ab nóstro ero, 670

[Quí] scelestús sacerdotem anum praécipes

Réppulit, própulit pérquam indignís modis

Nósque ab signo íntumo uí deripuít sua.

Set núnc se ut ferúnt res fortúnaeque nóstrae,

Morírist par néc meliust mórte in misériis. 675

TR. Quid ést? quae illaec orátioſt? cesso égo illas
consolári?

Heús, Palaestra: heus, Ámpelisca. PA. Ópsecro, quist
quí uocat?

AM. Quíst is qui nóminat? TR. Sí respexís, scies.

PA. Ó salutís meae spés. TR. Tace ac bóno animo es:

Mé uide. PA. Sí modo id líceat, uis ne ópprimat.

TR. Quae uís? PA. Vim mi adigit ádferam ipsa. TR.

Ah désine: nimis inépta's. 681

PA. Desíste dictis núnc iam me míseram consolári.

AM. Nisi quíd re praesidi ádparas, Trachálio, acta haec rés est.

PA. Certúmst moriri quam hunc pati [grassári] lenonem in me.

Set múliebri animo súm tamen: míseraé [quom uenit] in méntem 685

Mihi mórtis, metus membra óccupat. TR. Edepól [quamquam] hoc acérbumst,

Bonum ánimum habete. PA. Nam ópsecro unde [anímús bonus] mi inuenítur?

TR. Ne, inquám, timete: adsídite hic in ára. AM. Quid istaec ára

Prodésse nobis [plús] potest quam sígnum in fano hic íntus

Venerís, quod amplexaé modo, unde abréptae per uim míserae? 690

TR. Sedéte hic modo: ego hinc uós tamen tutábor. aram habéte hanc

Vobís pro castris: moénia [haec]: hinc égo uos defen-sábo.

Praesídio Veneris málitiae lenónis contra incédam.

PA. Tibi aúscultamus ét Venus alma ámbae te opse-crámus

Aram ámplexantes hánc tuam lacrumántes, genibus níxae, 695

In cústodelam nós tuam ut recípias et tutére:

Illós scelestos, quí tuum fecérunt fanum páruí,

[Vt úlciscare] nósque ut hanc tua páce aram opsidére

[Sinás, quae] elautae ambaé sumus operá Neptuni nóctu:

[Ne inuísas] habeas néue idcirco nóbis uitio uórtas, 700

Si quídpíamst minus quód bene esse laútum [tu] arbitrére.

TR. Has aéquom petere intéllego: decet áps te id impetrári:

[Ignoscere his te conuenit: metus has id ut faciant subigit.]

Te ex cóncha natam esse aútumant: caue tu hárum conchas spérnas.

Set óptume eccum exít senex, patrónus mihique et uóbis. 705

DAEMONES. LABRAX. LORARII. TRACHALIO.
PALAESTRA ET AMPELISCA.

DAE. Éxi e fano, nátum quantumst hóminum sacrilegísum.

Vós in aram abíte sessum. sét ubi sunt? TR. Huc réspice.

DAE. Óptume: istuc uólueramus. iúbe modo accedát prope.

+ Tún legirupiónem hic nobiscúm dis facere póstulas?

Púgnum in os inpínge. LA. Iniqua haec pátiór cum pretió tuo. 710

DAE. Át etiam minitátur audax. LA. Iús meum ereptúmst mihi:

Mèas mihi ancillás inuito me éripis. TR. [Ergó dato]

Quási iuncis murtéta item ego uos uírgis circumuínciam.

LA. Ví agis mecum. TR. Etiam ópprobras uim, flágiti
flagrántia?

LA. Tún trifurcifér mihi audes inclementer dícere?

TR. Fáteor, ego trifúrcifer sum: tú's homo adprimé
probus: 735

Númqui minus hasce ésse oportet líberas? LA. Quid,
líberas?

TR. Átque eras tuás quidem hercle atque éx germana
Graécia:

Nam áltera haec est náta Athenis [íngenuis paréntibus].

DÆ. Quid ego ex te audio? TR. Hánc Athenis ésse
natam líberam.

DÆ. Méa poplaris ópsecro haec est? TR. Nón tu
Cyrenénsis es? 740

DÆ. Immo Athenis nátus altusque éducatusque Átticis.

TR. Ópsecro, defénde ciuis tuas, senex. DÆ. O filia,
Quóm ego hanc uideo, mèarum me apsens míseriarum
cónmones:

Tríma quae periit mi: iam [ea] tántast, si uiuít, scio.

LA. Árgentum ego pro istísce ambabus, quóiae erant,
dominó dedi. 745

Quíd mea refert, haéc Athenis nátaene an Thebís sient,
Dúm mihi recte séruitutem séruiant? TR. Itane, ínpu-
dens?

Túne hic felis uírginalis líberos paréntibus

Súblectos habébis atque indíгно quaestu cónteres?

Námque huic alteraé quae patria sít, profecto néscio: 750

Nísi scio probiórem hanc esse quám te, inpuratíssume.

LA. Túae istae sunt? TR. Cóntende ergo, utér sit
tergo uérior:

Ni ófferumentás habebis plúris in tergó tao

Quam úlla nauis lónga clauos, tum égo ero mendacíssimus.

Póstea [tu] aspíctó meum, quando égo tuum inspectá-
uero: 755

Ní erit tam sincérum, ut quiuis dícat ampullárius,
Óptumum esse operí faciundo córium et sinceríssimum,
Quíd causaest quin uírgis te usque ad sáturitatem saú-
ciem?

Quíd illas spectas? quás si attigeris, óculos eripiám
tibi.

LA. Át quin, quia uotás, utramque iám mecum abducám
semul. 760

DÆ. Quíd facies? LA. Volcánum adducam: is Véné-
rist aduorsárius.

TR. Quó illic it? LA. Heus, écquis hic est? heús.
DÆ. Si attigeris óstium,

iám tibi hercle in óre fiet méssis mergis púgneis.

LA. Núllum habemus ígnem: ficis uíctitamus áridis.

DÆ. Égo dabo ígnem, sí quidem in capite túo conflandi
cópiast. 765

LA. Íbo hercle aliquo quaéritatum ígnem. DÆ. Quid,
quom inuéneris?

LA. Ígnem magnum hic fáciám. DÆ. Quine ut húma-
num exurás tibi?

LA. Ímmo hasce ambas híc in ara ut uíuas comburam.
DÆ. Íd uolo.

Nam hércle ego te contínuo arripiám bárba et in ígnem
cóniciám

Téque ambustulátum magnis óbiciám auibuspábulum. 770
Quóm coniecturam égomet mecum fácio, haec illast
símia,

Quae hás hirundinés ex nido uólt eripere ingrátis,

Quód ego in somnis sómniaui. TR. Scín quid tecum oró,
senex?

Út illas serues, uím defendas, dúm ego erum adducó
meum.

DÆ. Quaére erum atque addúce. TR. At hic ne . . .

DÆ. Máximo maló suo, 775

Si áttigerit siue ócceptassit. TR. Cúra. DÆ. Cura-
túmst: abi.

TR. Húnc quoque adserua ípsum, nequo abítat. nam
promísimus

Cárnufici aut taléntum magnum aút hunc hodie sístere

DÆ. Ábi modo: ego, dum abés, ut abeat nón sinam.

TR. Huc reuénero.

DÆ. Vtrúm tu leno cúm malo lubéntius 780

Quiéscis an sic síne malo, si cópiast?

LA. Ego quac tu loquere flócci non fació, senex.

Meas quídem ted inuito ét Venere et summó Ioue

De ará capillo iám deripiam. DÆ. Tángedum.

LA. Tangam hércle uero. DÆ. Ágedum ergo, accede
húc modo. 785

LA. Iubedúm recedere ístos ambo illúc modo.

DÆ. Immo ád te accedent. LA. Nón hercle equidem
cénseo.

DÆ. Quid agés, si accedent própius? LA. Ego re-
cészero.

Verúm, senex, si te úmquam in urbe offéndero,

Numquam hércle quisquam mé lenonem díxerit, 790

Si té non ludos péssumos dimísero.

DÆ. Facito ístuc quod minitáris. set nunc ínterim

Si illás attigeris, dábitur tibi magnúm malum.

LA. Quam mágnum uero? DÆ. Quántum lenoní sat
est.

LA. Minás ego istas flócci non faciό tuas : 795
 Equidem ěas te inuito iam ámbas rapiam. DÆ. Tángedum.

LA. Tangam hércle uero. DÆ. Tánges, at scin quó modo ?

ídúm Turbalio cúrriculo, adfer [húc domo]
 Duas cláuas. LA. Clauas? DÆ. Sét probas : properá cito.

Ego te hódie faxo récte acceptum, ut dígnus es. 800

LA. Eheú, scelestus gáleam in naui pérddi:
 Nunc mi ópportuna hic ěsset, salua sí foret.
 Licét saltem istas mi áppellare? DÆ. Nón licet.
 Ehem,

Eccum óptume edepol [húc] clauator áduenit. 805

LA. Illút quidem edepol tinnimentumst aúribus.

DÆ. Age, áccipe illanc álteram clauám, Sparax.

Age, álter istinc, álter hinc adsístite.

Adsístite ambo. síc. audite núnc iam :

Si hercle illic illas hódie digito tétigerit 810

Inuítas, ni istunc ístis inuitássitis

Vsque ádeo, donec quá domum abeat nésciat,

Perístis ambo. si áppellabit quémpiam,

Vos réspedesote ístinc istarúm uicem.

Sin ípse abitere hinc uolet, quantúm potis, 815

Extémplo amplectitóte crura fústibus.

LA. Etiám me abire hinc nón sinent? DÆ. Dixí satis.

Et úbi ille seruos cúm ero [suo] huc aduénerit,

Qui erum árcessiuit, ítote extémplo domum.

Curáte haec sultis mágna diligéntia. 820

LA. Eu, hércle ne istic fána mutantúr cito :

Hoc Hérculist iam, Véneris fanum quód fuit :

Ita dũ destituit sígna hic cum clauís senex.

Non hércle quo hinc nunc géntium aufugiám scio :

Ita núnc mi utrumque saéuit, et terra ét mare. 825

Palaéstra. LO. Quid uis? LA. Ápage, controuérsiast :

Haec quídem Palaestra quae respondit nón meast.

Heus, Ámpelisca. LO. Cáue sis infortúnio.

LA. Vt pótis est, ignaui hómines satis recté monent.

Set uóbis dico, heus, uóbis num moléstias 830

Me adire ad illas própíus? LO. Nil nobís quídem

LA. Numquíd molestum míhi erit? LO. Nil, si cáueris.

LA. Quid ést quod caueam? LO. En, á crasso infortúnio.

LA. Quaeso hércle adire ut líceat. LO. Adeas, sí uelis.

LA. Bene hércle factum: uóbis habeo grátiam. 835

Accédam propius. LO. Íllic asta tu ílico.

LA. Edepól prouení néquiter multís modis :

Certúmst hasce hodie usque ópsidione uíncere.

PLESIDIPPVS. TRACHALIO. LABRAX. LORARIU.

PALAESTRA ET AMPELISCA. CHARMIDES.

PL. Meamne ílle amicam léno ui, uioléntia

De ará deripere Véneris uoluit? TR. Ád modum. 840

PL. Quin óccidisti extémplo? TR. Gladius nón erat.

PL. Caperés aut fustem aut lápidem TR. Quid, ego quási canem

Hominem ínsectarer lápidibus nequíssimum?

* * * * *

LA. Nunc pól ego perii: Plésidíppus éccum adest :

Conuórret iam hic me tótum cum puluísculo. 845

PL. Etiámne in ara tunc sedebant múlieres,
Quom ad mé profectu's íre? TR. Nunc ibidém sedent.

PL. Quis illás nunc illic séruat? TR. Nescio quis
senex,

Vicínus Veneris, ís dedit operam óptumam:

Is núnc cum seruis séruat: ego mandáueram. 850

PL. Duc me ad lenonem récta. ubi illic ést homo?

LA. Salué. PL. Salutem níl moror. opta ócius,
Rapín te optorto cóllo mauis án trahi:

Vtrúmuis opta, dúm licet. LA. Neutrúm uolo.

PL. Abi sáne ad litus cúrriculo, Trachálio, 855

Iube illós in urbem íre óbuíam a portú mihi,
Quos mécum duxi, hunc qui ad carnuficem tráderent:

Post húc redito atque ágitato hic custódiam.

Ego hunc scelestum rápiam [iam] in ius éxulem:

Age, ámbula in ius. LA. Quid ego deliquí? PL. Ro-
gas? 860

Quine árrabonem a me ácepisti ob múlierem

Et eam hínc auexti? LA. Nón auexi. PL. Quór
negas?

LA. Quia pól prouexi: auéhere non quiuí miser.

Equidém tibi [hodie] díxeram praestó fore

Aput Véneris fanum: númquid muto? súmne ibi? 865

PL. In iúre causam dícito: hic uerbúm sat est.

Sequere. LA. Ópsecro te, súbueni, mi Chármides:

Optóрто rapior cóllo. CH. Quis me nóminat?

LA. Vidén me ut rapior? CH. Vídeo atque inspectó
lubens.

LA. Non súbuenire mi aúdes? CH. Quis homo té
rapit? 870

LA. Aduléscens Plesidíppus. CH. Vt nancú's, habe:

Bono ánimo meliust te ín neruom conrépere:

Tibi óptigit quod plúrumi exoptánt sibi.

LA. Quid id ést? CH. Vt id quod quaérant inueniánt
sibi.

LA. Sequere, ópsecro, me. CH. Páriter suades,
quális es: 875

Tu in néruom rapere: eo me ópsecras ut té sequar?

PL. Etiám retentas? LA. Périi. PL. Verum sít
uelim.

Tu méa Palaestra et Ámpelisca, ibidem ílico

Manéte, dum ego huc rédeo. LO. Equidem suádeo

Vt ád nos abeant pótius, dum recipís. PL. Placet:

Bene fácitis. LA. Fures mi éstis. LO. Quid, furés?

PL. Rape. 881

LA. Oro, ópsecro, Palaéstra. PL. Sequere, cárnufex.

LA. Hospés. CH. Non sum hospes: répudio hospi-
tiúm tuum.

LA. Sicín me spernis? CH. Síc ago: semél bibo.

LA. Di te infelicient. CH. Ístic capiti dícito. 885

Credo állum in aliam béluam hominem uórtier:

Illic ín columbum, crédo, leno uórtitur:

Nam in colúmbari collum [ëius] hau multo póst erit.

In néruom ille hodie nídamenta cóngeret.

Verúm tamen ibo, ei áduocatus út siem, 890

Siquí mea opera cítiús addicí potest.

A C T V S III.

D A E M O N E S.

Bene fáctum et uolup est hódie me his muliérculis
 Tetulísse auxilium: iám cluentas répperi,
 Atque ámbas forma scítula atque aetátula.
 Set uxór scelesta me ómnibus seruát modis, 895
 Nequí significem quídpíam muliérculis.
 Set Grípus seruos nóster quid rerúm gerat,
 Mirór, de nocte qui ábiit piscatum ád mare.
 Pol mágis sapisset, sí dormiuiisset domi:
 Nam núnc et operam lúdos facit et rétia, 900
 Vt ést tempestas núnc atque ut noctú fuit.
 In dígitis hodie pércoquam quod céperit:
 Ita flúctuare uídeo uehementér mare.
 Set uxór uocat me ad prándium: redeó domum.
 Iam opplébit auris mēas sua uaniloquéntia. 905

G R I P V S.

Neptúno has agó gratiás meo patróno,
 Qui sálsis locís incolít pisculéntis,
 Quom me éx suis locís pulcre ornátum expédiuit
 Templísque reducém, plurumá praeda onústum

Salúte horiaé, quae in marí fluctuóso 910

Piscátu nouó me uberí conpotíuit.

Miró mihi modo átque incredíbili hic piscátus

Lepide éuenit néc piscium úllam unciam hódie

Pondó cepi nísi hoc quod fero híc [mecum] in réte.

Nam ut dé nocte múlta inpigréque exurréxi, 915

Lucrúm praeposúi sopóri et quiéti:

'Tempéstate saéua experíri expetíui,

Paupértatem erí qui et meám seruitútem

Tolerárem opera hau parcús mea.

Núnis homo nihilíst qui piger est, nímisque id genus odi

égo male hominum. 920

Vígilare addecét qui sua uolt témperi confícere officia:

Nón enim illum expectáre oportet, dum érus se suscitét

ád suum officium.

Nám qui dormiúnt lubenter, sine lucro et cum mào quie-

scunt.

Nam égo nunc, qui inpigér fui, repperí mi piger ut sí

uelim sim.

Hóc ego repperi ín mari [hodie]: quídquid inest, graue

quíd inest: aurum 925

Híc ego inesse reór. nec mi ullus cóncius est homo.

núnc tibi, Gripe,

Haéc occasio óptigit, ut líberet te ex pópulo praetor.

Núnc sic faciam, síc consiliumst: ád erum ueniam dócte,

astute,

Paúxillatim póllicitabor pró capite argentum, út sim

liber.

Iám ubi liber ero, ígitur demum ínstruam agrum atque

aedís, mancipia: 930

Náuibus magnis mércaturam fáciám: aput reges réx per-

hibebor.

Póst animi causá mihi nauem fáciám atque imitabór
Stratonicum,

Óppida circumuéctitabor. úbi nobilitas méa erit clara,
Óppidum magnúm conmoenibo: éi ego urbi Gripo ín-
dam nomen,

Mónumentum meae fámae et factis, íbique regnum mág-
num instituam. 935

Mágnas res hic ágito in mentem instrúere. nunc hanc
[praédam] condam.

Sét hic rex cum acetó pransurust ét sale, sine bonó pul-
mento.

TRACHALIO. GRIPVS.

TR. Heus máne. GR. Quid maneam? TR. Dum hánc
tibi quam tráhis rudentem cónplico.

GR. Mitté modo. TR. At pol ego te ádiuuabo. bõnis
quod bene fit, haú perit.

GR. * * * * turbída tempestas fùit heri: 940
Nil hábeo, adulescens, píscium: ne tú mihi esse pó-
stules.

Non uídes referre me úuidum reté sine squamosó
pecu?

TR. Non édepol piscis éxpeto quam tùi sermonis sum
índigens.

GR. Iam, quískuís es, me odio énicas. TR. Non sínám
ego abire hinc té: mane.

GR. Caue sís malo: quid tú, malum, nam [núnc] me
retrahis? TR. Aúdi. 945

GR. Non aúdio. TR. At pol qui aúdiés. GR. Quin
póst eloquere quíd uis.

TR. Eho [tú], operae pretiúmst modo quod tibi ego
uolo narráre.

GR. Elóquere quid id est. TR. Víde, num quis-
piám consequitur própe nos.

GR. Écquid est quód [id] mea réferat? TR. Sci-
licet:

Sét boni cónsili écquid in té mihist? 950

GR. Quid negotíst, modo díce. TR. Dicám, tace,
Sí fidem modo

Dás mihi te nón fore infídum.

GR. Dó fidem tibi:

Fídus ero, quisquis es. TR. Aúdi. 955

Fúrtum ego uidi quí faciebat: nóram dominum id quói
fiebat.

Póst ad furem egomét deuenio féroque ei conditiónem
hoc pacto:

‘Égo istuc furtum scío quói factumst: núnc mihi si uis
dáre dimidium,

Índicium dominó non faciam’. is míhi nihil etiám re-
spondit.

Quíd inde aequomst dari míhi? dimidium uólo dicas.

GR. Immo ámplius etiam: 960

Nám nisi dat, dominó dicundum cénseo. TR. Tuo con-
sílio faciam.

Núnc aduerte animúm: namque hoc omne áttinet ad
té. GR. Quid factumst?

TR. Vídulum istum quòius est noui ego hóminem iam
pridém. GR. Quid est?

TR. Ét quo pacto périit. GR. At ego quó pacto in-
uentúst scío:

Ét qui inuenit hóminem noui, et dóminus quí nunc
ést scío. 965

Níhilo pol plurís tua hoc quam quánti illut refért mea.
Égo illum noui quóius nunc est: tú illum quóius antehác fuit.

Húnc homo nemo a mé feret: ne tú te speres ócius.

TR. Nón ferat, si dóminus ueniat? GR. Dóminus huic, ne frústra sis,

Nísi ego nemo nátust, hunc qui cépi in uenatú meo.

TR. Ítane uero? GR. Ecquem ésse dices in mari piscém meum? 971

Quós quom capio, sí quidem cepi, mòi sunt: habeo pró meis.

Néc manu adserúntur neque illinc pártem quisquam póstulat.

In foro palam ómnis uendo pró meis uenálibus.

Máre quidem commúne certost ómnibus. TR. Ad-séntio: 975

Quí minus hunc commúnem quaeso míhi esse oportet uídulum?

In mari inuentúst. GR. Ne [tu homo's] ínpudenter ínpudens:

Nám si istuc ius sí quod memoras, píscatores pérrierint. Quíppe quom extemplo in macellum písces prolatí sient,

Némo emat: suam quísque partem píscium poscát sibi: 980

Dícat in marí comuni cáptos. TR. Quid ais, ínpudens?

Aúsu's etiam cómparare uídulum cum píscibus?

Éadem tandem rés uidetur? GR. In manu non ést mea:

Vbi demisi réte atque hamum, quídquid haesit éxtraho.

Mëum quod rete atque hámi nacti súnť, meum potísumumst. 985

TR. Ímmo hercle haut est, sí quidem quod uas éxcepisti. GR. Phílosophe.

TR. Sét tu enumquam píscatorem uídisti, uenéfice, Vídulum piscém cepisse aut prótulisse ullum ín forum?

Nón enim tu hic quidem óccupabis ómnis quaestus quós uoles:

Éť uitorem et píscatorem té esse, impure, póstulas. 990

Vél te mihi monstráre oportet píscis qui sit uídulus:

Vél quod in marí non natumst néque habet squamas né feras.

GR. Quid, tu numquam audíuisti antehac uídulum esse piscém? TR. Scelus,

Núllus est. GR. Immóst profecto: ego qui sum piscatór scio.

Vérum raro cápitur: nullus mínus saepe ad terrám uenit. 995

TR. Níl agis: dare uérba speras míhi te posse, fúrcifer.

Quó colorest? GR. Hóc colore cápiuntur pauxílluli:

Súnt alii puníceo corio, mágni ítem atque atrí. TR. Scio:

Tu hércle, opino, in uídulum conuórtes piscem, nísi caues:

Fíet tibi puníceum corium, póstea atrum dénuo. 1000

GR. Quód scelus hodie hóc inueni. TR. Vérba facimus: ít dies.

Víde sis, quoius árbitratu nós uis facere? GR. Víduli

Árbitratu. TR. Íta enim uero? stúltus es. GR. Salué, Thales.

TR. Tú istunc hodie nón feres, nisi dás sequestrum
aut árbítrum,

Quóius haec res árbítratu fíat. GR. Quaeso sánun es?

TR. Sum élleborosus. GR. At égo cerritus: hínc
non amittám tamen. 1006

TR. Vérbum etiam adde unúm, iam in cerebro cóla-
phos apstrudám tuo.

Égo iam hic te, itidem quási peniculus nóuos exurgerí
solet,

Ni hínc amittis, éxurgebo quídquid humorís tibist.

GR. Tánge: adfligam ad térram te itidem ut píscem
soleo pólypum. 1010

Vís pugnare? TR. Quíd opust? quin tu pótius prae-
dam díuide.

GR. Hínc tu nisi malúm frunisci níl potes, ne pó-
stules.

Ábeo ego hinc. TR. At ego hínc offlectam náuem,
nequo abeás: mane.

GR. Sí tu proreta ísti naui's, égo gubernatór ero.

Mítte rudentem [núnc], sceleste. TR. Míttam: omítte
uídulum. 1015

GR. Númquam hercle hinc hodié ramenta fíes fortu-
nátior.

TR. Nón probare pérnegando míhi potes, nisi párs
datur

Aút ad arbitrúm reditur aút sequestro pónitur.

GR. Quémue ego excepi ín mari? TR. Ast ego ín-
spectaui e lítore.

GR. Méa opera [et] labóre et rete et hória. TR. Num-
quí minus, 1020

Sí ueniat nunc dóminus quoiust, égo qui inspectam
procul

Te hunc habere, fúr sum quam tu? GR. Níhilo. TR.

Mane, mastígia:

Quo árgumento sócius non sum et fúr sum, facdum ex
té sciam.

GR. Néscio: neque ego ístas uostras léges urbanás
scio,

Nísi quia hunc meum ésse dico. TR. Ét ego item
esse aió meum. 1025

GR. Máne iam: repperí quo pacto néc fur nec sociús
sies.

TR. Quó pacto? GR. Sine me hinc abire: tú abi
tacitus túam uiam,

Néc tu me quoiquam índicassis néque ego tibi quic-
quám dabo.

Tú taceto: ego mússitabo. hoc óptimum atque ae-
quíssimumst.

TR. Écquid conditiónis audes férre? GR. Iam du-
dúm fero: 1030

Út abeas, rudéntem amittas, míhi molestus né sies.

TR. Máne, dum refero cónditionem. GR. Te, ópse-
cro hercle, aufér modo.

TR. Écquem in his locís nouisti? GR. Opórtet uici-
nós meos.

TR. Úbi tu hic habitas? GR. Pórro illic longe úsque
in campis últumis.

TR. Vín qui in hac uilla hábitat eius ábitratu
fieri? 1035

GR. Paúlisper remítte restem, dúm concedo et cónsulo.

TR. Fíat. GR. Euge, sálua res est: praéda haec per-
petuást mea.

Ád meum erum arbitráum uocat me hic íntra praesepís
meas.

Númquam hercle hodie abiúdicabit áb suo trióbulum.
Né iste hauscit quam cónditionem tétulit: ibo ad ár-
bitrum. 1040

TR. Quid igitur? GR. Quamquam ístuc esse iús me-
um certó scio,

Fíat istuc pótius quam nunc púgnem tecum. TR.
Núnc places.

GR. Quámquam ad ignotum árbitrum me adpéllis, si
adhibebít fidem,

Étsi ignotust, nótust: si non, nótus ignotíssumust.

DAEMONES. PALAESTRA ET AMPELISCA. (LORARII.)
GRIPVS. TRACHALIO.

DÆ. Sério edepol, quámquam uos quae uóltis [cupio],
múlieres, 1045

Métuo propter uós mea uxor né me extrudat aé-
dibus,

Quaé me pelicés adduxe dícet ante oculós suos.

Vós confugite in áram potius quám ego. MV. Mi-
serae périimus.

DÆ. Égo uos saluas sístam: ne timéte. set quid uós
foras

Prósequimini? quóniam ego adsum, fáciét nemo in-
iúriam. 1050

Íte, inquam, domum ámbo nunc iam éx praesidio praé-
sides.

GR. Ó ere salue. DÆ. Sálué. quid fit? TR. Túun
hic séruost? GR. Haú pudet.

TR. Níhil ago tecum. GR. Érgo abi hinc sis. TR.
Quaéso respondé, senex:

Túun hic seruost? DÆ. Méus est. TR. Hem, istuc
óptume, quandó tuust.

Íterum te salúto. DÆ. Et ego te. tún'es, qui hau
multó prius 1055

Ábiisti hinc erum árcessitum? TR. Ego ís sum. DÆ.
Quid nunc uís tibi?

TR. Némpe hic tuus est? DÆ. Méus est. TR. Istuc
óptume, quandó tuust.

DÆ. Quid negotist? TR. Vír scelestus illic est.
DÆ. Quid fecít tibi

Vír scelestus? TR. Hómini ego isti tálos suffringí
uolo.

DÆ. Quid est qua de re lítigatis nunc inter uos?
TR. Éloquar. 1060

GR. Ímmo ego eloquár. TR. Ego opinor rém facés-
so. GR. Sí quidem

Sís pudicus, hinc facessas. DÆ. Grípe, animum ad-
uorte ác tace.

GR. Vtin istic prius dícat? DÆ. Audi. lóquere tu.
GR. Alienón prius

Quám tuo dabis orátionem? TR. [Hem,] út nequitur
cónprimi.

Íta ut occepi dícere, illum quém [tu fano Vénerio] 1065
Dúdum lenonem éxtrusisti, eius uídulum hic ecíllum
[habet].

GR. Nón habeo. TR. Negás quod oculis uídeo? GR.
At ne uideás uelim.

Hábeo, non habeó: quid tu me cúras quid rerúm
geram?

TR. Quó modo habeas, illut refert, iúrene anne iniúria.

GR. Ní istum cepi, núlla causast quín me condonés
cruci. 1070

Si in mari rete [égo] prehendi, qui tuum potiust quam
meum?

TR. Verba dat: hoc modo res gestast, ut ego dico.

GR. Quid tu ais?

TR. Quoad primarius uir dicat, conprime hunc sis,
si tuust.

GR. Quid, tu idem uis mihi met fieri, quod erus con-
sueuit tibi?

Si ille te conprimere solitust, hic nos noster non
solet. 1075

DÆ. Verbo illo modo ille uicit. quid nunc tu uis? dic
mihi.

TR. Equidem ego neque partem posco mihi istinc de
istoc uidulo

Nequē meum esse hodie umquam dixi: set isti inest
cistellula

Huius mulieris, quam dudum dixi fuisse liberam.

DÆ. Nēpe tu hanc dicis, quam esse aiebas dudum
popularēm meam? 1080

TR. Ad modum: et ea quae olim parua gestauit cre-
pundia

Isti in ista cistula insunt, quae isti inest in uidulo.

Hoc neque istic usust et illi miserae suppetias
feret,

Si id dederit, qui suos parentis quaerat. DÆ. Faciam
ut det: tace.

GR. Nihil hercle ego sum isti daturus. TR. Nil peto
nisi cistulam 1085

Et crepundia. GR. Quid, ea si sunt aurea? TR.
Quid istuc tua?

Aurum auro expendetur, argentum argento exaequa-
bitur.

GR. Fác sis aurum ut uídeam: post ego fáciam ut uideas cístulam.

DÆ. Cáue malo ac tace tú: tu perge ut ócepesti dícere.

TR. Vnum te opsecro, út ted huius cónmiserescat múlteris, 1090

Sí quidem hic lenónis ciust uídulus, quem súspicor.

Híc [ego] nisi de opínione cértum nil dicó tibi.

GR. Víden scelestus ut aúcupatur? TR. Síne me ut ocepí loqui.

Sí scelesti illíus est hic quóius dico uídulus,

Haéc poterunt nouísse: ostendere hís iube. GR. Ain? osténdere? 1095

DÆ. Haút iniquom dícit, Gripe, ut óstendatur uídulus.

GR. Ímmo hercle insigníte inique. DÆ. Quídum?

GR. Quia, si osténdero, Cóntinuo hunc nouísse dicent scílicet. TR. Scele-rúm caput,

Út tute's, item ómnis censes ésse? periurí caput.

GR. Ómnia ego istaec fáciie patior, dúm hic hinc a me séntiat. 1100

TR. Átqui nunc aps té stat: uerum hinc cíbit testi-mónium.

DÆ. Gripe, aduerte animúm. tu paucis éxpedi quid póstulas.

TR. Díxi equidem: set sí parum intelléxti, dicam dé-nuo.

Hásce ambas, ut dúdum dixi, ita ésse oportet líberas:

Haéc Athenis párua fuit uírigo surpta. GR. Díe mihi,

Quíd id ad uidulum áttinet, scruaé sint istae an lí-berae. 1106

TR. Ómnia iterum uís memorari, scélus, ut defíat
dies.

DÆ. Ápstine maledíctis et mi quód rogauí dílua.

TR. Cístellam isti inéssé oportet caúdeam in isto uí-
dulo,

Vbi sunt signa quí parentis nóscere haec possít
suos, 1110

Quíbuscum parua Athénis periit, sicuti dixí prius.

GR. Iúppiter te díque perdant. quíd ais, uir ue-
néfice?

Quíd, istae mutae súnť, quae pro se fábulari nón
queant?

TR. Ěo tacent, quia tácitast [melior] múlrier semper
quám loquens.

GR. Túm pol tu pro orátione néc uir nec muliér
mihi's. 1115

TR. Quídum? GR. Quia enim néque loquens es né-
que tacens umquám bonus.

Quaéso, enumquam hodié licebit míhi loqui? DÆ. Si
praéterhac

[Vnum] uerbum fáxis hodie, egó tibi conminuám caput.

TR. Vť id occepi dícere, eam, senéx, te quaeso cístu-
lam

Vť iubeas hunc réddere illis: ób eam siquid póstulat
Síbi mercedis, dábitur: aliut quídquid ibist habeát
sibi. 1121

GR. Núnc demum istuc dícis, quoniam iús meum esse
intéllegis:

Dúdum dimidiám petebas pártē. TR. Immo etiam
núnc peto.

GR. Vídí petere míluom, etiam quóm nihil auferrét
tamen.

DÆ. Nón ego te comprímere possum síne malo? GR.
Si istíc tacet, 1125

Égo tacebo: sí iste loquitur, síne me pro remèa loqui.

DÆ. Cédo [sis] modo mi uídulum istum, Grípe. GR.
Concredám tibi:

Át si istorum níl sit, mihi uti réddas. DÆ. Reddetúr.
GR. 'Tene.

DÆ. Aúdi nunc iám, Palaestra atque Ámpelisca, hoc
quód loquor:

Éstne hic uidulus, úbi cistellam túam inesse [hic]
aibát? PA. Is est. 1130

GR. Péríi miser ego hércle: ut prius quam pláne
aspexit ílico

Eum esse dixit. PA. Fáciam ego hanc rem [plánam ex
procliuá] tibi.

Cístellam isti inesse oportet caúdeam in isto uídulo:

Íbi ego dicam quídquid ínerit nóminatim: tú mihi
Níhilum ostenderís. si falsa dícam, frustra díxero: 1135

Vós tum uobis ístacc quídquid ínerit isti habébitis.

Sét si uera, tum ópsecro te ut méa mi reddantúr.

DÆ. Placet:

Iús merum oras mèo quídem animo. GR. At meo
hércle [summam iniúriam]:

Quíd, sí ista aut supérstitiosa aut áriolast atque
ómnia

Quídquid ínsit uéra dicet? áanne habebit áriola? 1140

DÆ. Nón feret, nisi uéra dicet: néquiquam ario-
lábitur.

Sólue uidulum érgo, ut quíd sit uérum quam primúm
sciam.

GR. Hóc habet: est solútum. ah perii: uídeo cistel-
lam. DÆ. Haécínest?

PA. Ístaec est. o mēi parentes, hīc uos conclusós
gero:

Hūc opesque spēsque uostrum cōgnosendum cōn-
didi. 1145

GR. Tūm tibi hercle dēos iratos ēsse oportet, quīs-
quis es,

Quaé parentis tām in angustum tūos locum conpégeris
DÆ. Grípe, accede huc, túa res agitur: tú, puella,
istínc procul

Dícito quid ínsit et qua fácie: memorato ómnia.

Si hércle tantillúm peccassis, quód posterius pó-
stules 1150

Te ad uerum conuórti, nugas, múlter, magnas égeris.

GR. Iús bonum oras. TR. Édepol hau ted órat: nam
tu iniúriu's.

DÆ. Lóquere nunc iām, puella. Grípe, animum ad-
uorte ac tace.

PA. Súlt crepundia. DÆ. Écca uideo. GR. Péríi
in primo praélio:

Máne ne ostenderís. DÆ. Qua facie súlt? responde
ex órdine. 1155

PA. Énsiculust auréolus primum líteratus. DÆ. Dí-
cedum,

Ín eo ensiculo líterarum quíd sit. PA. Mei nomén pátris.

Póst altrinsecus áncipes secúriculast, item aúrea,

Líterata: ibi mátris nomen ín securiculást. DÆ. Mane:

Díc, in ensiculó quid nomen sít paternum. PA. Daé-
mones. 1160

DÆ. Di ímortales, úbi loci sunt spēs meae? GR.
Immo edepól meae?

DÆ. Pérge, te opsecró, continuo. GR. Plácide, aut
íte in mǎlam crucem.

DÆ. Lóquere, matris nómen hic quid ín securiculá
siet.

PA. Daédalis. DÆ. Di mé seruatum cúpiunt. GR.
At me pérditum.

DÆ. Fíliam meam esse hánc oportet, Grípe. GR. Sit
per mé quidem. 1165

Quí te di omnes pérdant, qui hodie me óculis uidisti
tuis,

Méque adeo sceléstum, qui non círcumspexi céntiens
Príus, me nequis ínspectaret, quám rete extraxi éx
aqua.

PA. Póst sicilicula árgenteola et dúae conexae máni-
culae

Ét suculast. GR. Quín dírecta i tu cúm sucula et cum
pórculis. 1170

PA. Ét bulla aureást, pater quam dèdit mihi natalí
die.

DÆ. Ėast profecto: cóntineri quín complectar nóu
queo.

Fília mea, sálue: ego is sum quí te produxí pater:
Égo sum Daemonés, et mater túa eccam hic intus
Daédalis.

PA. Sálue, mi pater ínsperate. DÆ. Sálue: ut te
amplectór lubens. 1175

TR. Vólup est quom istuc éx pietate uóstra uobis
cóntigit.

DÆ. Ágedum, hunc, si potés, fer intro uídulum,
Trachálio.

TR. Écce Gripi scélera: quom ista rés male euenít
tibi,

Grípe, gratulór. DÆ. Age eamus, méa gnata, ad ma-
trém tuam,

Quae ex te poterit argumentis hanc rem magis ex-
quirere: 1180

Quae te magis tractauit magisque signa pernouit tua.

TR. Eamus [hinc] intro omnes, quando operam pro-
miscam damus.

PA. Sequere me, Ampelisca. AM. Quom te di amat,
uoluptatist mihi.

GR. Sumne ego [homo] scelustus, qui illunc hodie ex-
cepi uidulum?

Aut quom excepi, qui non alicubi in solo apstrusi
loco? 1185

Credebam edepol turbulentam praedam euenturam
mihi,

Quia illa mihi tam turbulenta tempestate euenerat.

Crede edepol ego illic inesse argenti et auri largiter.

Quid meliust quam ut hinc intro abeam et me suspen-
dam clanculum,

Saltem tantisper dum apscedat haec a me aegri-
monia? 1190

A C T V S V.

D A E M O N E S.

[Pro di inmortales, quis mest fortunatior,

Qui ex inproviso filiam inueni meam?]

Satin siquoi homini di esse bene factum uolunt,

Aliquo illut pacto optingit optatum piis?

Ego hodie, [quod] neque speraui neque credidi,

[Ex] inproviso filiam inueni meam, 1196

Et eam de genere summo adulescenti dabo

Ingenuo, Atheniensi et cognato meo.

Eum ego adeo arcessi huc ad me quam primum uolo

Iussique exire huc eius seruom, ut ad forum 1200

Iret. nondum egressum esse eum, id miror tamen.

Accedam opinor ad foris. quid conspicer?

Vxor complexa collo retinet filiam.

Nimis paene inepta atque odiosa eius amatior.

Aliquando ausculando meliust, uxor, pausam fieri:

Atque adorna ut rem diuinam faciam, quom intro ad-

uenero, 1206

Laribus familiaribus, quom auxerunt nostram familiam.

Sunt domi agni et porci sacres. set quid istum remo-

ramini,

Mulieres, Trachalionem? atque optume eccum exit

foras.

TRACHALIO. DAEMONES.

TR. Vbi ubi erit, iam inuéstigabo et mécum ad te ad-
ducám semul 1210

Plésidippum. DÆ. Elóquere ut haec res óptigit de
fília.

Ěum roga ut relínquat alias rés et huc ueniát. TR.
Licet.

DÆ. Dícito datúrum meam illi filiam uxorém. TR.
Licet.

DÆ. Ét patrem eius mé nouisse et míhi esse co-
gnatúm. TR. Licet.

DÆ. Sét propera. TR. Licét. DÆ. Iam hic fac sit,
céna ut curetúr. TR. Licet. 1215

DÆ. Ómnian licét? TR. Licet. set scín quid est
quod té uolo?

Quód promisisti út memineris, hódie ut liber sím.
DÆ. Licet.

TR. Fác ut exores Plésidippum, ut mé [manu] emittát.
DÆ. Licet.

TR. Ét tua filia fácito [ut] oret: fácale exorabít. DÆ.
Licet.

TR. Átque ut mi Ampelísca nubat, úbi ego sim libér.
DÆ. Licet. 1220

TR. Átque ut mihi gratúm beneficium fáctis experiár.
DÆ. Licet.

TR. Ómnian licét? DÆ. Licet. tibi rúsum refero
grátiam.

Sét propera ire in úrbem actutum et récipe te huc
rusúm. TR. Licet.

Iam hic ero. tu intéribi adorna céterum quod opúst.
DÆ. Licet.

Hércules istum infelicet cū sua licentia: 1225
 Íta meas repléuit auris. quídquid memorabám, licet.

GRIPVS. DAEMONES.

GR. Quam móx licet te cónpellare, Daémones?

DÆ. Quid ést negoti, Grípe? GR. De illo uídulo,
 Si sápias, sapias: hábeas quod di dánt boni.

DÆ. Aequóm uidetur tíbi ut ego alienúm quod
 est 1230

Meum ésse dicam? GR. Quódne ego inueni ín
 mari?

DÆ. Tanto illi melius óptigit qui pérdidit:

Tuum ésse nihilo mágis oportet uídulum.

GR. Istó tu's pauper, quóm nimis sancté piu's.

DÆ. O Grípe Gripe, in aétate hominum plúruræ
 Fiúnt transennæ, [illi] úbi decipiuntúr dolis. 1236

Atque édepol in eas plérumque esca inpónitur,

Quam síquis auidus póscit escam auáriter,

Decípitur in transénna auaritiá sua.

Ille qui consulte, dócte atque astuté cauet, 1240

Diútime uti [ei] béne licet partúm bene.

Mi istaéc uidetur praéda praedatum írier,

Maióre ut cum dote ábeat [hinc] quam aduénerit.

Egone út quod ad me adlátum esse alienúm sciam

Celém? minume istuc fáciat noster Daémones. 1245

Sempér cauere hoc sápiensis aequíssimumst,

Ne cónscii sint ípsi malefici suis.

Ego nísi quom lusim níl morer ullúm lucrum.

GR. Spectáui ego pridem cómicos ad istúm modum

Sapiénter dicta dicere atque is plaúdier, 1250

Quom illós sapientis móres monstrabánt poplo.
 Set quom índé suam quisque íbant diuorsí domum,
 Nullús erat illo pácto ut illi iússerant.

DÆ. Abi íntro, ne moléstu's, linguae témpera.

Ego tíbi daturus níl sum, ne tu frústra sis. 1255

GR. At égo deos quaeso, ut quídquid in illo uí-
 dulost,

Si aurúm, si argentumst, ómne id ut fiát cinis.

DÆ. Illúc est quod nos néquam seruis útimur.

Nam illíc cum seruo síquo congressús foret,

Et ípsu[m] sese et illum furti astríngeret. 1260

Dum praédam habere sé censeret, ínterim

Praeda ípsus esset: praéda praedam dúceret.

Nunc hínc intro ibo et sácrificabo: póstibi

Iubébo nobis cénam continuó coqui.

P L E S I D I P P V S. T R A C H A L I O.

PL. Íterum mi istaec ómnia itera, mi ánime, mi Tra-
 chálio, 1265

Mí liberte, mí patrone, ímmo potius mí pater:

Répperit patrém Palaestra suum átque matrem? TR.
 Répperit.

PL. Ét popularis ést? TR. Opino. PL. Et míhi
 nupturast? TR. Súspicor.

PL. Cénsen hodie déspondebit èam mihi, quaeso?
 TR. Céntseo.

PL. Quíd, patri etiam grátulabor quom íllam inuenit?
 TR. Céntseo. 1270

PL. Quíd, matri eius? TR. Céntseo. PL. Quid érgo
 censes? TR. Quód rogas,

Cénseo. PL. Dic érgo, quanti cénsees? TR. Egone?
cénseo.

PL. Ádsum equidem, ne cénsonem sémper facias.
TR. Cénseo.

PL. Quid, si curram? TR. Cénseo. PL. An sic pó-
tius placide? TR. Cénseo.

PL. Étiamne eam salútem adueniens? TR. Cénseo.
PL. Etiám patrem? 1275

TR. Cénseo. PL. Post éius matrem? TR. Cénseo.
PL. Quid póstea?

Étiamne adueniéns conplectar ěius patrem? TR. Non
cénseo.

PL. Quid, matrem? TR. Non cénseo. PL. Quid,
ěampse illam? TR. Non cénseo.

PL. Périi, dilectúm dimisit: núnc non censet, quóm
uolo.

TR. Sánus non es: séquere. PL. Duc me, mí patrone,
quó lubet. 1280

LABRAX. GRIPVS.

LA. Quis mést mortalis míserior qui uíuat alter
hódie,

Quem aput récupérateurés modo damnáuit Plesi-
díppus?

Abiúdicata a mé modost Palaéstra: perditús sum.

Nam lénones ex gaúdio credo ésse procreátos:

Ita omnés mortales, síquid est malí lenoni, gaúdent.

Nunc álteram illam quaé meast uisam húc in Ve-
neris fánum 1286

Saltem út eam abducam, dé bonis quod réstat reli-
quiárum.

GR. Numquam édepol hodie ad uésperum Grípum
ínpicietis uíuom,

Nisi uídulus mihi rédditur. LA. Perií: quom men-
tiónem

Fieri aúdio usquam uíduli, quasi pálo pectus tún-
dor. 1290

GR. Istíc scelestus líber est: ego qui ín mari pre-
héndi

Rete átque excepi uídulum, ei dáre negatis quíc-
quam.

LA. Pro di inmortales, sũo mihi hic sermóne ar-
rexit aúris.

GR. Cubitum hércle longis líteris signábo iam
usquequáque,

Siquís perdiderit uídulum cum auro átque argento
múlto, 1295

Ad Grípum ut ueniat. nón feretis ístum, ut postu-
látis.

LA. Meum hércle illic homo uídulum scit quí habet,
ut ego opínor.

Adeúndus mi illic ést homo: di quaéso subueníte.

GR. Quid me íntro reuocas? hóc uolo hic ante
óstium extergére.

Nam hoc quídem pol e robígine, non ést e ferro
fáctum: 1300

Ita quánto magis extérgeo, rutilum átque tenuiús fit.
[Nam hoc quídem uenenatúmst uerum: ita in má-
nibus consenéscit.]

LA. Aduléscens, salue. GR. Dí te ament cum in-
ráso capite. LA. Quíd fit?

GR. Verum éxtergetur. LA. Vt uales? GR. Quid
tú? num medicus quaéso's?

LA. Immo édepol una lítera plus súm quam medi-
cus. GR. Túm tu 1305

Mendícus es? LA. Tetigísti acu. GR. Vidétur
digna fórma.

Set quíd tibist? LA. Hac próxuma nocte ín mari
[hercle] eláui:

Confráctast nauis, pérdidi quidquíd erat miser ibi
ómne.

GR. Quid pérdidisti? LA. Vídulum cum auro
átque argento múlto.

GR. Ecquíd meministi in uídulo qui períit quid
ibi infúerit? 1310

LA. Quid réfert, qui períit tamen, si núnc hoc fabu-
lémur?

GR. Quid, si égo sciam qui inuénerit? uolo éx te
scire sígna.

LA. Octíngenti in marsúpíio nummi aúrei infuérunt,
Praetérea centum Philíppeae minae ín pasceolo
sórsus.

GR. Magna hércle praedast: lárgiter mercédis in-
dipíscar: 1315

[Di homines respiciunt: bene ergo hinc praedatus
ibo.]

Proféctost huius uídulus. perge ália tu expedíre.

LA. Taléntum argenti cómmodum magnum ínerat
in crumína,

Praetérea sinus, cántharus, epíchysis, gaulus, cýa-
thus.

GR. Papaé: diuitias tú quidem habuísti lucu-
léntas. 1320

LA. Miserum istuc uerbum et péssimumst 'habuisse
et nihil habére'.

GR. Quid dáre uelis qui istaéc tibi inuestiget indi-
cétque?

Elóquere propere céleriter. LA. Nummós trecen-
tos. GR. Trícas.

LA. Quadrigéntos. GR. Tramas pútidas. LA.
Quingéntos. GR. Cassam glándem.

LA. Sescéntos. GR. Curculiúnculos minútos fa-
buláre. 1325

LA. Dabo séptingentos. GR. Ós calet tibi: núnc
id frigefáctas.

LA. Millé dabo nummum. GR. Sómnnias. LA. Nihil
áddo: abi. GR. Igitur aúdi:
Si hercle ábiero hinc, hic nón ero. LA. Vin céntum
et mille? GR. Dórmis.

LA. Elóquere quantum póstules. GR. Quo níhil
inuitus áddas,

Taléntum magnum: nón potest trióbulum hinc
abésse: 1330

Proin tú uel aias uél neges. LA. Quid istíc? ne-
cessumst, uídeo:

Dabitúr talentum. GR. Accédedum huc: Venus
haéc uolo adrogét te.

LA. Quod tibi lubet, id mi ímpera. GR. Tange
áram hanc Veneris. LA. Tángo.

GR. Per Vénerem hanc iurandúmst tibi. LA. Quid
iúrem? GR. Quod iubébo.

LA. Praei uérbis quiduis: quód domist, numquam
úlli supplicábo. 1335

GR. Tene áram hanc. LA. Teneo. GR. Déiera
te argéntum mihi datúrum

Eodem [illo] die ubi uíduli siés potitus. LA. Fíat.

GR. LA. Venus Cýrenensis, téstem te testór
mihi,

Si uídulum illum, quém ego in naui pérdidi,
Cum auro átque argento sáluom inuestigáuero

Isque ín potestatém meam peruénerit: 1341

GR. Tum ego huíce Gripo, ínquito et me tángito

LA. Tum ego huíce Gripo, díco, Venus, ut tu
aúdias

GR. LA. Taléntum argenti mágnum continuó
dabo.

GR. Si défraudassis, díc ut in quaestú tuo 1345

Venus éradicet cáput atque aetatém tuam.

Tecúm tam [tute] habéto hoc, ubi iuráuieris.

LA. Illút ego aduorsum síquid peccassó, Venus,
Venerór te ut omnes míseri lenonés sient.

GR. Tam fíet, etsi tú fidem seruáuieris. 1350

Tu hic ópperire: iam égo faxo exhibít senex:

Eum tú continuo uídulum repóscito.

LA. Si máxume illum míhi reddiderit uídulum,
Non égo illic hodie débeo trióbulum.

Meus árbitratust, língua quod iurét mea. 1355

Set cónticiscam: eccum éxit et ducít senem.

GRIPVS. DAEMONES. LABRAX.

GR. Séquere hac: ubi istic lénost? heus tu: én tibi,
hic habet uídulum.

DÆ. Hábeo et fateor ésse aput me: et, sí tuus est,
habeás tibi.

Ómnia ut quicque ínfuit ita sálua sistentúr tibi.

Téne, si tuus est. LA. Di ínmortales: méuse est. salue,
uídule. 1360

DÆ. Túun est? LA. Rogitas? sí quidem hercle
Íóuis fuit, meus ést tamen.

DÆ. Ómnia insunt sálua: una istinc cístella exceptást
modo

Cúm crepundiís, quibus hodie fíliam inuení meam.

LA. Quám? DÆ. Tua quae fuít Palaestra, ea filia
inuentást mea.

LA. Béne mehercle fáctumst: quom istaec rés tibi ex
senténtia 1365

Púlcre euenit, gaúdeo. DÆ. Ístuc fáciie non credó
tibi.

LA. Ímmo hercle, ut sciás gaudere mé, [tu] mihi trió-
bulum

Ób eam ne duís: condono té. DÆ. Benigne edepól
facis.

LA. Ímmo tu quidem hércle uero. GR. Heús tu,
iam habes uídulum?

LA. Hábeo. GR. Propera. LA. Quíd properabo?
GR. Réddere argentúm mihi. 1370

LA. Néque edepol tibi dó neque quicquam débeo.
GR. Quae haec fáctiost?

Nón debes? LA. Non hércle uero. GR. Nón tu iura-
tús mihi's?

LA. Íúratu sum, et núnc iurabo, síquid uoluptatíst
mihi:

Íús iurandum rèi seruandae, nón perdundae cóndi-
tumst.

GR. Cédo sis mihi taléntum magnum argéti, per-
iuríssume. 1375

DÆ. Grípe, quod tu istúm talentum póscis? GR. Iurátúst mihi

Dáre. LA. Lubet iuráre: tun meo póntifex periúrio's?

DÆ. Quá pro re argentúm promisit híc tibi? GR. Si uídulum

Húnc redegissem ín potestatem éius, iurátúst dare Míhi talentum mágnum argenti. LA. Cédo quicum habeam iúdicem, 1380

Ní dolo malo ínstipulatus sís niue etiamdum [haú] siem Quínque et uiginti ánnos natus. GR. Hábe cum hoc LA. [Immo] alióst opus.

DÆ. Iám ab isto auferre haú sinam [te], ní ístunc condemnáuero.

Prómisistine huíc argentum? LA. Fáteor. DÆ. Quod seruó meo

Prómisisti, méum esse oportet. né tu, leno, póstules 1385

Te híc fide lenónia uti: nón potis. GR. Iam té ratu's Nánctum hominem quem défraudares? dándum huc argentúmst probum:

Íd ego continuo huíc dabo, adeo mé ut hic emittát manu.

DÆ. Quándo ergo erga té benignus [égo] fui atque operá mea

Haéc tibi sunt seruáta: (GR. Immo hercle mea, ne tu dicás tua. 1390

DÆ. Sí sapiēs, tacébis:) tum te míhi benigne itidem áddecet

Béne merenti béne referre grátiam. LA. Nempe pró meo

Iúre oras? DÆ. Mirúm quín tuum ius mēo periclo aps te éxpetam.

GR. Sáluos sum: lenó labascit: libertas porténditur.

DÆ. Vídulum istunc ille inuenit: illut mancupiúm
meumst. 1395

Égo tibi hunc porró seruauí cúm magna pecúnia.

LA. Grátiam habeo et dé talento núlla causast quín
feras,

Quód isti sum iuratus. GR. Heus tu, míhi dato ergo,
sí sapis.

DÆ. Tácen an non? GR. 'Tu měam rem simulas
ágere: tibi mu * * *.

Nón hercle istoc me ínteruortes, si áliam praedam
pérdidi. 1400

DÆ. Vápulabis, uérbum si addes únum. GR. Vel [tu]
hercle énica:

Nón tacebo umquam álio pacto, nísi talento cónpri-
mor.

LA. 'Tíbi quidem operam hic dát: taceto. DÆ. Cón-
cede huc lenó. LA. Licet.

GR. Pálam age, nolo ego múrmurillum néque susur-
rum fíeri.

DÆ. Díc mihi, quanti [tu] illam emisti tuam álteram
mulíérculam 1405

Ámpeliscam? LA. Mílle nummum dínumeraui. DÆ.
Vín tibi

Cónditionem lúculentam férre me? LA. Sané uolo.

DÆ. Díuiduom taléntum faciam. LA. Béne facis.
DÆ. Pro illa áltera,

Líbera ut sit, tíbi dimidium súde, dimidium huíc cedo.

LA. Máxume. DÆ. Pro illó dimidio Grípum ego
emittám manu, 1410

Quém propter tu uídulum et ego gnátam inueni. LA.
Béne facis:

Grátiam habeo mágnam. GR. Quam mox mi árgentum
ergo rédditur?

DÆ. Rés solutast, Grípe. ego habeo. GR. [Tu] hér-
cle: at ego me máuolo.

DÆ. Níhil hercle hic tibi, né tu speres: iúris iurandí
uolo

Grátiam faciás. GR. Perii hercle: nísí me suspendo,
óccidi. 1415

Númquam hercle iterum défraudabis mé quidem post
húnc diem.

DÆ. Híc hodie cenáto, leno. LA. Fíat: conditió
placet.

DÆ. Séquimini intro. spéctatores, uós quoque ad
cenám uocem,

Ní daturus níl sim neque sit quícquam polluctí domi,
Níue adeo uocátos credam uós esse ad cenám foras. 1420

Vérum si uolétis plausum fábulæ huic clarúm dare,
Cómíssatum omnes uenitote ád me ad annos sédecim.
Vós hodie hic cenátote ambo. GR. Fíat. CANTOR.

[Iam] plausúm date.

METRA HVIVS FABVLAE HAEC SVNT

- V. 1 ad 184 iambici senarii
- 185 ad 189 trochaici octonarii
 - 190 ad 193 bacchiaci tetrametri acatalecti
 - 194 ad 196 bacchiaci tetrametri catalectici
 - 197 bacchiacus trimeter acatalectus
 - 198 et 199 iambici octonarii
 - 200 ad 203 cretici dimetri acatalecti cum trochaicis monometris hypercatalectis
 - 204 et 205 bacchiaci tetrametri acatalecti
 - 206 iambicus octonarius
 - 207 et 208 cretici tetrametri acatalecti
 - 209 creticus tetrameter catalecticus in syllabam
 - 210 et 211 cretici tetrametri acatalecti
 - 212 creticus tetrameter catalecticus in syllabam
 - 213 ad 215 cretici tetrametri acatalecti
 - 216 et 217 trochaici octonarii
 - 218 et 219 iambici septenarii
 - 220 ad 228 trochaici octonarii
 - 229 trochaicus septenarius
 - 230 et 231 bacchiaci dimetri catalectici (sive dochmiaci monometri)
 - 232 ad 252 cretici tetrametri acatalecti
 - 253 trochaicus septenarius
 - 254 et 255 iambici octonarii

- V. 256 et 257 trochaici septenarii
- 258 ad 262 bacchiaci tetrametri acatalecti
 - 263 bacchiacus dimeter acatalectus
 - 264 creticus tetrameter acatalectus
 - 265 iambicus dimeter catalecticus
 - 266 ad 272 cretici tetrametri acatalecti
 - 273 creticus tetrameter catalecticus
 - 274 ad 277 cretici tetrametri acatalecti
 - 278 ad 286 bacchiaci tetrametri acatalecti
 - 287 bacchiacus dimeter acatalectus
 - 288 bacchiacus tetrameter acatalectus
 - 289 trochaicus dimeter acatalectus
 - 290 ad 413 iambici septenarii
 - 414 ad 449 trochaici septenarii
 - 450 ad 558 iambici senarii
 - 559 ad 592 trochaici septenarii
 - 593 ad 614 iambici senarii
 - 615 ad 663 trochaici septenarii
 - 664 ad 666 cretici tetrametri acatalecti
 - 667 et 668 bacchiaci tetrametri acatalecti
 - 669 ad 673 cretici tetrametri acatalecti
 - 674 et 675 bacchiaci tetrametri acatalecti
 - 676 iambicus septenarius
 - 677 trochaicus septenarius
 - 678 ad 680 cretici tetrametri acatalecti
 - 681 ad 705 iambici septenarii
 - 706 ad 779 trochaici septenarii
 - 780 ad 905 iambici senarii
 - 906 ad 918 bacchiaci tetrametri acatalecti
 - 919 iambicus dimeter acatalectus
 - 920 ad 937 trochaici octonarii
 - 938 ad 944 iambici octonarii
 - 945 ad 948 iambici septenarii
 - 949 ad 951 cretici tetrametri acatalecti
 - 952 et 954 trochaici monometri hypercatalecti
 - 953 et 955 cretici trimetri catalectici
 - 956 ad 962 trochaici octonarii

- V. 963 ad 1190 trochaici septenarii
- 1191 ad 1204 iambici senarii.
- 1205 ad 1226 trochaici septenarii
- 1227 ad 1264 iambici senarii
- 1265 ad 1280 trochaici septenarii
- 1281 ad 1337 iambici septenarii
- 1338 ad 1356 iambici senarii
- 1357 ad 1423 trochaici septenarii.
-

T. MACCI PLAVTI

T R I N V M M V S.

GRAECA THENSAVRVS PHILEMONIS
(ACTA LVDIS MEGALENSIBVS).

ARGVMENTVM.

Thensaúrum [clam] apstrusum ábiens peregre Chármide
Remque ómnem amico Cállicli mandát suo.
Istóc apsentem mále rem perdit fílius.
Nam et aédis uendit: hás mercatur Cállicles.
Virgo índotata sóror istius póscitur.
Minus quó cum inuidia dét ei dotem Cállicles,
Mandát qui dicat aúrum ferre se á patre.
Vt uénit ad aedis, hunc deludit Chármides
Senéx, ut rediit: quóius nubunt líberi.

P E R S O N A E.

LVXVRIA cum INOPIA PROLOGVS
MEGARONIDES SENEX
CALLICLES SENEX
LVSITELES ADVLESCENS
PHILTO SENEX
LESBONICVS ADVLESCENS
STASIMVS SERVOS
CHARMIDES SENEX
SVCOPHANTA
CANTOR.

P R O L O G V S.

LUXVRIA. INOPIA.

LV. Sequere hác me, gnata, ut múnus fungarís tuum.

IN. Sequór: set finem fóre quem dicam nésco.

LV. Adést: nam illaec sunt aédes: i intro núnc iam.

Nunc, néquis erret uóstrum, paucis ín uiam

Dedúcam, si quidem óperam dare promíttitis. *old 5*

Nunc igitur primum quae ego sim et quae illaec siet

Huc quae ábiit intro, dícam si animum aduórtitis.

Primúm mihi Plautus nómen Luxuriae índidit:

Tum illánc mihi esse gnátam uoluit Ínopiam.

Set éa quid huc intro íerit impulsú meo, *10*

Accípite et date uociúas auris dum éloquor.

Aduléscens quidamst, quí in hisce habitat aédibus:

Is rém paternam me ádiutrice pérdidit.

Quoniam èi qui me alat níl uideo esse rélicui,

Dedi èi meam gnatam, quícum egestatem éxigat. *16*

Set de árgumento ne éxpectetis fábulae:

Senés qui huc uenient í rem uobis áperient.

Huic Graíce nomen ést Thensauro fábulae:

Philémo scripsit: Plaútus uortit bárbare,

Nomén Trinummo fécit. nunc uos hóc rogat *20*

Vt líceat possidére hanc nomen fábulam.

Tantúmst. ualete: adéste cum siléntio.

A C T V S I.

M E G A R O N I D E S.

Amicum castigare ob meritam noxiam
 Inmoenest facinus, uerum in aetate utile
 Et conducibile. nam ego amicum hodie meum 25
 Concastigabo pro conmerita noxia :
 Inuitus, ni id me inuitet ut faciam fides.
 Nam hic nimium morbus mores inuasit bonos :
 Ita plerique omnes iam sunt intermortui.
 Set dum illi aegrotant, interim mores mali 30
 Quasi herba inrigua succreuere uberrime :
 Neque quicquam hic uile nunc est nisi mores mali.
 Eorum licet iam metere messem maxumam :
 Nimioque hic pluris pauciorum gratiam
 Faciunt pars hominum quam id quo prosint pluribus.
 Ita uincunt illud conducibile gratiae, 36
 Quae in rebus multis opstant odiosaequae sunt
 Remoramque faciunt rei priuatae et publicae.

C A L L I C L E S. M E G A R O N I D E S.

CA. Larum corona nostrum decorari uolo :
 Vxor, uenerare ut nobis haec habitatio 40

Bona faústa felix fórtunataque éuenat —

Teque út quam primum póssim uideam emórtuam.

ME. Hic illést senecta aetáte qui factúst puer,

Qui admísit in se cúlpani castigábilem.

Adgrédiaŕ hominem. CA. Quóia hic prope me uóx
sonat? 45

ME. Tui béneuolentis, sí ita's ut ego té uolo:

Sin áliter es, inimíci atque iratí tibi.

CA. O amíce, salue. [atque aequalis. ut uales,

Megaronides?] ME. Et tu édepol salue, Cállicles.

Valén? ualuistin? CA. Váleo et ualui réctius. 50

ME. Quid túa agit uxor? út ualet? CA. Plus quam
égo uolo.

ME. Benc hérclest illam tibi ualere et uíuere.

CA. Credo hércle te gaudére, siquid míhi malist.

ME. Omníbus amicis quód mihist cupio ésse item.

CA. Eho tú, tua uxor quíd agit? ME. Inmortális
est: 55

Viuit uicturaquést. CA. Bene hercle núntias,

Deosque óro ut uitae túae superstes súppetat.

ME. Dum quidem hércle tecum núpta sit, sané uelim.

CA. Vin cónmutemus? túam ego ducam et tú meam?

Faxo haú tantillam déderis uerborúm mihi. 60

ME. Nempe ènim tu, credo, me ínprudentem ob-
répseris.

CA. Ne tu hércle faxo hau néscias quam rem égeris.

ME. Habeás ut nanctu's: nóta mala res óptumast.

Nam ego núnc si ignotam cápiam, quíd agam nésciam.

CA. Edepol proinde ut diu uiuitur, bene uiuitur. 65

ME. Set hoc ánimum aduorte atque aúfer ridiculária:

Nam ego dédita opera huc ad te uenio. CA. Quíd
uenis?

ME. Malís te ut uerbis múltis multum obiúrgitem.

CA. Men? ME. Núnquis est hic álius praeter me
átque te?

CA. Nemóst. ME. Quid tu igitur rógitas tene obiúr-
gitem?

Nisi tú me mihimet cénses dicturúm male.

Nam si ín te aegrotant ártes antiquaé tuae

Aut sí demutant móres ingeníum tuum, 73

[Nam si ínmutare uís ingenium móribus

Neque tños antiquos séruas, set captás nouos,] 74

Omníbus amicis mórbum tu incutiés grauem,

Vt té uidere audíreque aegrotí sient.

CA. Qui in ménthem uenit tíbi istaec dicta dícere?

ME. Quia omnis bonos bonásque adcurare áddecet,
Suspítionem et cúlpani ut ab se ségrent.

CA. Non pótis utrumque fieri. ME. Quaproptér?
CA. Rogas? 80

Ne admíttam culpam, ego mēo sum promus péctori:

Suspítioſt in péctore alienó ſita.

Nam núnc ego ſi te súbrupuiſſe súſpicer

Iouí coronam dé capite ex Capitólio,

Qui in cólumine aſtat ſúmme: ſi id non féceris 85

Atque id tamen mihi lúbeat ſuſpicárier:

Qui tu id prohibere mé potes ne súſpicer?

Set iſtúc negoti cúpio ſcire quíd ſiet.

ME. Habén tu amicum aut fámiliarem quémpiam,

Quoi péctus ſapiat? CA. Edepol hau dicám dolo. 90

Sunt quós ſcio amicos éſſe: ſunt quos súſpicor,

Set quórum ingenia atque ánimos nequeo nóſcere:

[Ad amici partem an ad inimici perueniant:]

Set tu éx amicis cértis mi's certíſſimus.

Siquíd ſcis me feciſſe inſcite aut ínprobe, 95

Si id nón me accusas, túte obiurgandú's. ME. Scio
Et istác huc causa ad te ádueni: aequom póstulas.

CA. Expécto siquid dícas. ME. Primumdum ómnium
Male díctitatur tíbi uolgo in sermónibus.

Turpílucricupidum té uocant ciués tui: 100

Tum autém sunt alii quí te uolturiúm uocant:

Hostísne an ciuis cómedis paruí péndere.

Haec quom aúdio in te díci, discruciór miser.

CA. Est átque non est míhi in manu, Megarónides:

Quin dícant, non est: mérito ut ne dicánt, id est. 105

ME. Fuitne híc tibi amicus Chármides? CA. Est ét
fuit.

Id ita ésse ut credas, rém tibi auctorém dabo.

Nam póstquam híc eius rém confregit filius

Vidétque ipse ad paupériem protractum ésse se

Suámque filiam ésse adultam uírginem, 110

Semul éius matrem suámque uxorem mórtuam:

Quoniam hínc iturust ípsus in Seleúciam,

Mihi cónmendauit uírginem gnatám suam

Et rém suam omnem et illúm corruptum filium.

Haec, sí mi inimicus éset, credo haut créderet. 115

ME. Quid tu? ádulescentem quém esse corruptúm
uides,

Qui túae mandatus ést fide et fidúciae,

Quin òum restituis? quín ad frugem cónrigis?

Ei rei óperam dare te fúerat aliquanto aéquius,

Siquí probiorem fácere posses, nón uti 120

In eándem tute accéderes infámiam

Malúmque ut eius cúm tuo miscerés malo.

CA. Quid féci? ME. Quod homo néquam. CA. Non
ístíc meumst.

ME. Emístin de adulescénte hasce aedis? quíd taces?

Vbi nunc tute habitas. CA. Émi atque argentum
dedi, 125

Minas quadraginta, ádulescenti ipsi in manum.

ME. Dedisti argentum? CA. Fáctum, neque facti piget.

ME. Edepól fide adulescéntem mandatúm malae:

Dedistíne hoc facto ei gládium qui se occíderet?

Quid séctiust [nam, té ópsecro,] dare te in manus 130

Argéntum amanti homini ádulescenti, animi ínpoti,

Qui exaédificaret suam ínchoatam ignáuiam?

CA. Non égo illi argentum rédderem? ME. Non
rédderes

Neque de illo quicquam néque emerēs neque uénderēs

Nec quí deterior éssét facerēs cópiam. 135

Incónciliastíne eum qui mandatúst tibi?

Ille quí mandauit eum éxturbauísti aédibus?

Edepól mandatum púlcre et curatúm probe.

Crede huíc tutelam: sũam rem melius gésserit.

CA. Subigís maledictis mé tuis, Megarónides, 140

Nouó modo adeo ut quód meae concréditumst

Tacitúrnitati clám, fide et fidúciae,

Ne enúntiarem quóiquam neu facerém palam,

Vt mihi necesse sít iam id tibi concrédere.

ME. Mihi quód credideris, súmes ubi posúueris. 145

CA. Circúmspicedum te, néquis adsit árbitr

Nobís, et quaeso idéntidem circúmspice.

ME. Auscúlto siquid dícas. CA. Si taceás, loquar.

Quoniam hínc profectust [íre] peregre Chármides,

Thensaúrum demonstráuit mihi in hisce aédibus, 150

Hic in conclaui quódam. set circúmspice.

ME. Nemo [híc] est. CA. Nummum Phílippeum ad
tria mília.

Id sólus solum pér amicitiam et pér fidem

Flens me ópsecrauit sũo ne gnato créderem
 Neu quóiquam, unde ad eum id pósset permanáscere.
 Nunc si ille huc saluos réuenit, reddam sũum sibi: 156

Siquid eo fuerit, cérte illius filiae
 Quae míhi mandatast hábeo dotem [ei] únde dem,
 Vt eam ín se dignam cónditionem cónlocem.

ME. Pro di ínmortales, uérbis paucis quám cito 160
 Aliúm fecisti me: álius ad te uéneram.

Set ut ócepesti, pérge porro próloqui.

CA. Quid tíbi ego dicam? qui illius sapiéntiam
 Et mēam fidelitátem et celata ómnia
 Paene ille ignauos fũditus pessúm dedit. 165

ME. Quidúm? CA. Quia, ruri dũm sum ego unos
 sēx dies,

Me apsente atque insciēte, inconsultú meo,
 Aedís uenalis hásce inscribit líteris.

ME. Adésuriuit ét inhiauit ácrius
 Lupus: ópseruauit dũm dormitarét canes: 170
 Gregem úniuorsum uóluit totum auórtere.

CA. Fecísset edepol, ni haéc praesensissét canes.

Set núnc rogare [hoc] égo uicissim té uolo:

Quid fũit officium mēum me facere? fác sciam:
 Vtrum índicare me òi thensaurum aequóm fuit, 175
 Aduórsum quam eius me ópsecrauissét pater?

An ego álium dominum páterer fieri hisce aédibus?

Qui émisset, eius éssetne ea pecúnia?

Emi égomet potius aedis: argentúm dedi
 Thensaúri causa, ut sáluom amico tráderem. 180

Neque ádeo hasce emi míhi neque usuraé meae:

Illí redemi rúsum, a me argentúm dedí.

Haec sũnt, si recte seú peruorse fácta sunt,
 [Quae] ego mé fecisse cónfiteor, Megarónides.

En mēa [tibi] malefacta, én meam auaritiám tibi. 185

Hascín mi propter rés malas famás ferunt?

ME. Pausá: uicisti cástigatorém tuum.

Occlústi linguam: níhil est quod respóndeam.

CA. Nunc égo te quaeso ut me ópera et consilió
iuues

Connúnicesque hanc mécum meam prouínciam. 190

ME. Polliceor operam. CA. Ergo úbi eris paulo
póst? ME. Domi:

Numquíd uis? CA. Cures túam fidem. ME. Fit
sédulo:

Set quíd ais? CA. Quid uis? ME. Vbi nunc adule-
scéns habet?

CA. Postículum hoc recépit, quom aedis uéndidit.

ME. Istúc uolebam scíre: i sane núnc iam. 195

Set quíd ais, quid nunc uírgo? nempe aput tést? CA.
Itast,

Iuxtáque eam curo cúm mea. ME. Recté facis.

CA. Numquíd prius quam abeo mé rogaturú's? ME.
Vale.

Nihil ést profecto stúltius neque stólidius

Neque méndacilocum néque adeo argutúm magis 200

Neque cónfidentilóquius neque periúrius

Quam urbáni adsidui cíues, quos scurrás uocant.

Atque égomet me adeo cúm illis una ibidém traho:

Qui illórum uerbis fális acceptór fui,

Qui omnia se simulant scíre neque quicquám sciunt. 205

Quod quisque in animo habét aut habiturúst, sciunt:

{ Sciúnt quid in aurem réx reginae díxerit: }

{ Sciúnt quod Iuno fábulatast cúm Ioue: }

Quae néque fuerunt néque sunt, tamen illí sciunt.

Falsóne an uero laúdent, culpent quém uelint, 210

Non flócci faciunt, dúm illut quod lubeát sciant.

Omnés mortales hunc aiebant Cálliclem

Indígnum ciuitáte ac sese uíuere,

Bonís qui hunc adulescéntem euortissét suis.

Ego de òorum uerbis fámigeratorum ínsiens

215

Prosúlui amicum cástigatum innóxium.

Quod si éxquiratur úsque ab stirpe auctóritas,

Vndé quid auditum dícant: nisi id adpáreat,

Famígeratori rés sit cum damno ét malo:

Hoc íta si fiat, púplico fiát bono.

220

Paucí sint faxim quí sciant quod nésciunt,

Occlúsioremque hábeant stultiloquéntiam.

A C T V S II.

L V S I T E L E S.

Multás res simítu in meó corde uórso,
 Multum ín cogitándo dolórem indipíscor.
 Egomét me coquo ét macero ét defetígo: 225

Magíster mihi éxercitór ánimus núnc est.
 Set hóc non liquét nec satís cogitátumst,
 Vtrám potius hárum mihi ártem expetéssam,
 Vtram aétati agúndae arbitrér firmiórem:
 Amórin me an réi opsequí potius pár sit. 230

[Vtra ín parte plús sit uolúptatis uítae
 Ad aétatem agúndam.]

De hac ré mihi satis haú liquet: nisi hóc sic faciam,
 opínor,
 Vt utrámque rem semul éxputem, iudéx sím reusque ad
 ěam rem.

Síc faciam: síc placet. ómnium prímum 235

Amóris artis éloquar, quemnam ád modum se expédiant.
 Númquam amor quemquám nisi cupidum póstulat se ho-
 minem ín plagas

Cónicere: eos petit, ěos sectatur, súbdole ab re cón-
 sulit:

Blandíloquentulúst, harpagó, mendax, cúppes,
 Despóliator, látebrícolarum hóminum corrúm-
 ptor, 240

Celátum indagátor.

Nám qui amat quod amát quom extemplo [eius] sáuiis
percúlsus est,

Ílico rés foras lábitur, líquitur.

‘Dá mihi hoc, mél meum, sí me amas, si aúdes’.

[Átque] ibi ille cucúlus: ‘o océlle mi, fíat: 245

Ét istuc et si ámplius uís dari dábitur’

Íbi illa pendentém ferit. *has hinc at hinc*

Iam ámplius orat: nón satis

Íd est mali, ni etiam ámpliust,

Quód bibit, quód comest, quód facit súmpti. 250

Nóx datur: dúcitur fámilia [ei] tóta,

Véstiplica, unctor, aúri custos, flábelliferae, sándali-
gerulae,

Cántrices, cistéllatrices, núntii, renúntii,

Raptóres panis ét peni. fit ípse, dum illis cómis est, 255

Amátor inóps. haec quom agó cum meo ánimo

Et récolo, ubi qui egét, quam pretí sit parui, ápage

Amór, non placés, te nil útor.

Quamquam illut dulcest, ésse et bibere, amór amari dát
tamen

Quod aégrest satis: fugít forum, 260

Fugát tuos cognátos, fugát temet á tuo

Contútu: neque èum sibi uolúnt dici amicum.

Mílle modis amor ignorandust, prócul abdendust, ápsti-
nendust:

Nám qui in amorem praécipitauit, périit quasi [de] sáxo
saliat. 265

Apáge sis amór: tuas tibi res habéto.

Ámor, amicús mihi né fuas úmquam:

Súnt tamen quós [nimis] mísera maleque há-
beas,

Quós tibi obnoxios [fácile] fecísti.

Cérta res ést ad frugem ádplicare ánimum : 270
 Quámquam ibi grándis ánimó labos cápitur :
 Bõni sibi haec éxpetunt, rém, fidem [et] ho-
 nórem,
 Glóriam et grátiam : hóc probis prétiumst.
 Ěo mihi mágis lubet cúm probis [úna]
 Pótius quam cum ínprobis uíuere uanídicis. 275

PHILTO. LVSITELES.

PH. Quo illic homo fõras se penetráuit ex aédibus?
 LV. Pater, ádsum: imperá quiduis, néque erit
 mora ín me
 Nec látebrose me áps tuo conspéctu occultábo.
 PH. Féceris pár tuis fáctis [id] céteris
 Párque pietáti, tuum sí patrem pércoles. 280
 Nólo ego cum ínprobis té uiris, gnáte mi,
 Neque ín uia neque ín foro [malum] úllum sermonem
 éxequi.
 Nóui ego hoc saéculum, móribus quíbus siet:
 Málus bonum málum esse uolt, símilis ut sít sui:
 Turbánt, miscent morés mali, rapáx, auarus, ínuidus:
 Sacrum profanum, púplicum priuátum habent, hiúlca
 gens. 286
 Haéc ego doleo, haec súnt quae excruciant, haéc dies
 noctísque canto
 'Tíbi uti caueas. quód manu nequeunt tángere, tan-
 tum fás habent
 Quó manus apstíneant: cetera rápe, trahe, [tene,]
 fúge, late.

Lácrumas haec mihi, quóm [ea] uideo, elíciunt, quia
ego ad hóc genus 290

Hóminum perduráui. quin me ad plúris penetrauí
prius?

Nam hí mores maiórum laudant, ëosdem lutitant quós
conlaudant.

Hís ego de ártibus grátiam fácio,
Né colas, ne ínbuas [ëis tuum] ingénium.

Mëo modo et móribus uíuito antíquis: 295

Quae égo tibi praécipio, ea [mémineris] fácito.

Níl ego istós moror faéceos móres,

Túrbidos, quíbus boni dédecorant sése.

Haéc tibi sí capessés mea impéria,

Múlta bona in pèctore [praecépta] consídent. 300

LV. Sémper ego usque ad hánc aetatem ab ineunti adu-
lescéntia

Tñis seruiui séruitutem impériis praeceptís, pater.

Pro ingenio ego me líberum esse rátus sum, pro impe-
ríó tuo

Méum animum tibi séruitutem séruire aequom cénsui.

PH. Quí homo cum animo inde áb ineunti aetáte de-
pugnát suo, 305

Vtrum itane esse máuelit ut eum ánimus aequom cén-
seat,

Án ita potius út parentes éum esse et cognatí uelint:

Si ánimus hominem pépulit, actumst, ánimó seruit, nón
sibi:

Sín ipse animum pépulit, uiuit, uíctor uictorúm cluet.

Tú si animum uicísti potius quam ánimus te, 'st quod
gaúdeas. 310

[Qui ánimus uincunt, quám quos ánimus, sémper pro-
biorés cluent.

Nímio satiust út opus est ita ésse quam ut animó lubet.]

LV. Ístaec ego mi sémper habui aetáti integumentúm
meae,

Né penetrarem me úsquam, ubi esset dámni conciliáb-
ulum,

Né noctu irem obámbulatum neú suum adimerem áleri.

Ne aégritudiném, pater, tibi párerem, parsi sédulo: 316

Sárta tecta túa praecepta usque hábui mea modéstia.

PH. Éxprobras bene quód fecisti? tíbi fecisti, nón
mihi:

Míhi quidem aetas áctast ferme, túa istuc refert máxume.

Bénefacta benefáctis aliis pértegito, ne pérpluant: 320

Ís probust, quem paénitet quam próbus sit et frugí
bonae.

Qui ípsus sibi satís placet, nec próbus est nec frugí
bonae:

Qui ípsus se contémnit, in eost índoles indústriae.

LV. Ób eam rem haec, pater, aútumaui, quía res quae-
damst quám uolo

Égo me aps te exoráre. PH. Quid id est? dáre iam ue-
niam géstio. 325

LV. Ádulescenti hinc género summo, amíco atque ae-
qualí meo,

Mínus qui caute et cógitate súam rem tractauít, pater,

Béne uolo illi fácere ego, nisi tú neuis. PH. Nempe dé
tuo?

LV. Dé meo: nam quód tuumst meúmst, omne autem
mèum tuumst.

PH. Quid is? egetne? LV. Egét. PH. Habuitne rem?

LV. Hábit. PH. Qui eam pérdidit? 330

Púplicisne adfínis fuit an márítumis negótiis?

Mércaturamne án uenalis hábit, ubi rem pérdidit?

LV. Nihil istorum. PH. Quid igitur? LV. Per comitatem edepol, pater:

Praeterea aliquantum animi causa in deliciis dispéridit.

PH. Édepol hominem praedicatum firme et familiariter, 335

Qui quidem nusquam per uirtutem rem confregit atque eget.

Nil inoror eum tibi esse amicum cum eius modi uirtutibus.

LV. Quia sine omni malitias, tolerare egestatem eius uolo.

PH. Dé mendico male meretur qui ei dat quod edit aut bibat:

Nam et illud quod dat perdit et illi prodat uitam ad miseriam. 340

Nón eo haec dico, quin quae tu uis égo uelim et faciam lubens:

Sét ego hoc uerbum quom illi quoidam dico, praemonstró tibi,

Vt ita te aliorum miserescat, né tis alios misereat.

LV. Déserere illum et déiuuare in rébus aduersis pudet.

PH. Pól pudere quam pigere praestat totidem literis.

LV. Édepol deum uirtute dicam, pater, et maiorum et tua 346

Multa bona bene partha habemus: bene si amico féceris, Né pigeat fecisse: ut potius púdeat, si non féceris.

PH. Dé magnis diuitiis siquid démas, plus fit án minus?

LV. Mínus, pater: set ciui inmoeni scín quid cantari solet? 350

Quód habes ne habeás et nunc quod nón habes habeás uelim,

Quándo quidem nec tibi bene esse póte pati neque álteri.

PH. Scío equidem istuc ita solere fieri: uerum, gnáte mi, Ís est inmoenis, quóí nihil est qui múnus fungatúr suum.

LV. Dëum uirtute habémus et qui nósmet utamúr,
pater, 355

Ét aliis qui cómitati símus beneuoléntibus.

PH. Nón edepol tibi pérnegare póssum quicquam quód uelis:

Quóí [tu] egestatém tolerare uís? loquere audactér patri.

LV. Lésbonico hinc ádulescenti, Chármidai fílio,

Qui illic habitat. PH. Quín comedit quód fuit, quod
nón fuit? 360

LV. Ne éxprobra, patér: multa homini euéniant quae uolt, quae neuolt.

PH. Méntire edepol, gnáte, atque id nunc fácis haut consuetúdi-
tine.

Nám sapiens quidém pol ipse fingit fortunám sibi:

Ėo non multa quae neuolt euéniant, nisi fictór malust.

LV. Múltaest operae opús fictura, qui se fictorém pro-
bum 365

Vítae agundae esse éxpetit: set hic ád modum adulescén-
tulust.

PH. Nón aetate, uérum ingenio apíscitur sapiéntia.

[Sapienti aetas condimentum, sapiens aetati cibust.]

Ágedum eloquere, quíd dare illi núnc uis? LV. Nil
quicquám, pater:

Tú modo ne me próhibeas accípere, síquid dét mihi. 370

PH. Án eo egestatem ěi tolerabis, síquid ab illo accé-
peris?

LV. Ėo, pater. PH. Pol égo istam uolo me rátionem
edoceás. LV. Licet.

Scín tu illum quo génere gnatus síť? PH. Scio, adprimé
probo.

LV. Sórora illist adúlta uirgo grándis: eam cupió, pater,
Dúcere uxorém sine dote. PH. Síne dote [autem] uxó-
rem? LV. Ita, 375

Túa re salua: hoc pácto ab illo súnmmam inibis grátiam,
Néque commodius úllo pacto ei póteris auxiliárier.

PH. Égone indotatám te uxorem ut pátiar? LV. Patiun-
dúmst, pater:

Ét eo pacto addíderis nostrae lépidam famam fámiliae.

PH. Múlta ego possum dícta docte et quámuis facundé
loqui: 380

Hístoriam ueterem átque antiquam haec méa senectus
sústinet.

Vérum ego quando te ét amicitiam et grátiam in nostrám
domum

Vídeo adlicere, etsi áduorsatus tíbi fui, istac iú dico:

Tíbi permittam, pósce, duce. LV. Dí te seruassínt
mihi:

Sét ad istam adde grátiam unum. PH. Quíd id est autem
unum? LV. Éloquar: 385

Túte ad eum adeas, túte concilies, túte poscas. PH.
Éccere.

LV. Nímio citius tránsiges: firmum ómne erit quod tu
égeris.

Gráuius tuum erit únum uerbum ad èam rem quam cen-
túm mea.

PH. Écce autem in benígnitate hac répperi negótium:

Dábitur opera. LV. Lépidus uiuis. haéc sunt aedes,
híc habet: 390

Lésbonicost nómen. age rem cúra: ego te opperiár
domi.

PH. Non óptuma haec sunt néque ut ego aequom
céntseo:

Verúm meliora súnť quam quae detérruma.

Set hoc únunť consolátur mē atque animúm meum,

Quia quí nil aliut nísi quod sibi solí placet 395

Consúlit aduorsum fílium, nugás agit:

Fit míser ex animo, fáctius nihiló facit.

Suaé senectae is ácriorem hiemém parat,

Quom illam ínportunam témpestatem cónciet.

Set áperiuntur aédes quo íbam: cómmodum 400

Ipse éxit Lesbónicus cum seruó foras.

LESBONICVS. STASIMVS. PHILTO.

LE. Minus quíndecim diés sunt, quom pro hisce aédibus
Minás quadraginta ácepisti a Cállicle:

Estne hóc quod dico, Stásime? ST. Quom consídero,

Meminísse uideor fíeri. LE. Quid factúmst eo? 405

ST. Coméssum, expotum, exúñctum, elutum in bálineis:

Piscátor, pistór ápstulit, laní, coqui,

Holitóres, muropolae, aúcupes: confít cito:

Non hércle minus [euórsi sunt nummí] cito,

Quam sí formicis tu óbicias papáuere. 410

LE. Minus hércle in istis rébus sumptumst séx minis.

ST. Quid, quód dedisti scórtis? LE. Ibidem uná traho.

ST. Quod égo defraudauí? LE. Hém, istaec ratio máxu-
mast.

ST. Non tibi illut adparére, si sumás, potest,

Nisi tu ínmortale rére esse argentúm tibi. 415

Sero átque stulte, prius quod cautum opórtuit,

Postquám comedit rém, post rationém putat.

LE. Nequáquam argenti rátió conparét tamen.

ST. Ratió quidem hercle adpáret: argentum οἷχεται.

Minás quadraginta áaccepstine a Cállicle 420

Et ille aedis mancupio áps te accepit? LE. Ád modum.

PH. Pol opíno adfinis nóster aedis uéndidit.

Patér quom peregre uéniet, in portást locus:

Nisi fórte in uentrem filio conrépserit.

ST. Trapezítæ mille dráchumarum, [olim] Olúmpicho

Quas dé ratione débuisti, rédditæ. 426

[Pro spónsione núper quam tu exáctus es.]

LE. Nempe quas spopondi? ST. Immó 'quas dependi'

ínquito 427

Pro illo ádulescente, quém tu esse aibas díuitem.

LE. Factum. ST. Vt quidem illut périerit. LE. Factum

íd quoquest:

Nam núnc eum uidi míserum et me eius míseritumst. 430

ST. Miserét te aliorum, tui nec miseret néc pudet.

PH. Tempúst adeundi. LE. Éstne hic Philto qui ád-

uenit?

Is hérclest ipsus. ST. Édepol ne ego istúm uelim

Meum fieri seruom cúm suo pecúlio.

PH. Erum átque seruom plúrumum Philtó iubet 435

Saluére, Lesbonícum et Stasimum. LE. Dí duint

Tibi, Philto, quaequomque óptes. quid agit filius?

PH. Bene uólt tibi. LE. Edepol mútuom mecúm facit.

ST. Nequam illut uerbumst 'béne uolt', nisi qui béne

facit.

Ego quóque uolo esse líber: nequiquám uolo. 440

Hic póstulet frugi ésse: nugas póstulet.

PH. Meus gnátus me ad te mísit, inter te átque nos

Adfínitatem ut cónciliarem et grátiam.

Tuam uólt sororem dúcere uxorem: ét mihi

Senténtia eademst ét uolo. LE. Hau noscó tuum: 445

Bonís tuis rebus mēas res inridés malas.

PH. Homo égo sum, tu homo's: ita me amabit Iúppiter,
Neque té derisum uéni neque dignúm puto.

Verum hóc quod dixi méus me orauit filius,
Vt túam sororem póscerem uxorém sibi. 450

LE. Mearúm me rerum nóuisse aequomst órđinem.

Cum uóstris nostra nó est aequa fáctio:

Adfínitatem uóbis aliam quaérite.

ST. Satín tu's sanus méntis aut animí tui,
Qui cónditionem hanc répudies? nam illúm tibi 455

Ferentárium esse amícum inuentum intéllego.

LE. Abin hínc dierecte? ST. Si hércle ire occupiám,
uotes.

LE. Nisi me áliut quid uis, Phílto, respondi tibi.

PH. Benígniozem, Lésbonice, té mihi,
Quam núnc experior ésse, confidó fore: 460

Nam et stúlte facere et stúlte fabulárier,
Vtrúmque, Lesboníce, in aetate haú bonumst.

ST. Verum hércle hic dicit. LE. Óculum ego ecfo-
diám tibi,

Si uérbum addideris. ST. Hércle qui dicám tamen:

Nam sí sic non licébit, luscus díxero. 465

PH. Ita núnc tu dicis nó esse aequiperábilis

Vostrás cum nostris fáctiones átque opes?

LE. Dicó. PH. Quid? nunc si in aédem ad cenam ué-
neris

Atque íbi opulentus tibi par forte obuénerit:

Adpósita cena síť, popularem quám uocant: 470

Si illí congestae sínt epulae a cluéntibus,

Siquíd tibi placeat quód illi congestúm siet,

Edísne an incenátus cum opulento áccubes?

LE. Edím, nisi si ille uótet. ST. At pol ego, etsí uotet,
Edim átque ambabus mális expletís uorem 475

Et quód illi placeat, praéripiam potíssimum:

Neque illí concedam quícquam de uita mea.

Verécundari néminem aput mensám decet:

Nam ibi dé diuinis átque humanis cérnitur.

PH. Rem fábulare. ST. Nón dolo dicám tibi: 480

Decédam ego illi dé uia, de sémita,

De honóre populi: uérum quod ad uentrem áttinet,

Non hércle hoc longe, nísi me pugnīs uícerit.

Cena hác annonast síne sacris heréditas.

PH. Sempér tu facito, Lésbonice, hoc cógites, 485

Id óptimum esse túte uti sis óptimus:

Si id néqueas, saltem ut óptimis sis próxumus.

Nunc códitionem hanc, quam égo fero et quam aps té
peto,

Dare átque accipere, Lésbonice, té uolo.

Di díuites sunt, deos decent opuléntiae 490

Et fáctiones: uérum nos homínculi

Scintíllula animae, quám quom extemplo emísimus,

Aequó mendicus átque ille opulentíssimus

Censétur censu ad Ácheruntem mórtuos.

ST. Au,

Mirúm quin tu illo técum diuitiás feras: 495

Vbi mórtuos sis, ita sis ut nomén cluet.

PH. Nunc út scias hic fáctiones átque opes

Non ésse neque nos túam neglegere grátiam:

Sine dóte posco túam sororem filio.

Quae rés bene uortat. hábeon pactam? quíd taces? 500

ST. Pro di ínmortales, códitionem quõius modi.

PH. Quin fábulare 'dí bene uortant: spóndeo'?

ST. Eheu,

Vbi úsus nihil erát [ei] dicto, 'spóndeo'

Dicébat: nunc hic, quom ópus est, non quit dícere.

- LE. Quom adfínitate uóstra me arbitrámini 505
 Dignum, hábeo uobis, Phílto, magnam grátiam.
 Set si haéc res grauiter cécidit stultitiá mea,
 Philtó, 'st ager sub úrbe nobis: ěum dabo
 Dotém sorori: nám is de diuitiís meis
 Solús superfit praéter uitam rélicuos. 510
- PH. Profécto dotem níl moror. LE. Certúmst dare.
 ST. Nostrámne, ere, uis nutrícem, quae nos éducat,
 Abálienare a nóbis? caue sis féceris:
 Quid edémus nosmet póstea? LE. Etiam tú taces?
 Tibi egón rationem réddam? ST. Plane périimus, 515
 Nisi quíd ego conminíscor: Phílto, té uolo.
- PH. Siquíd uis, Stasime. ST. Huc cóncede aliquan-
 tùm. PH. Licet.
- ST. Arcáno tibi ego hoc díco, ne ille ex té sciát
 Neue álius quisquam. PH. Créde audacter quídlubet.
 ST. Per dēos atque homines díco, ne tu illúnc agrum
 Tuum síris umquam fieri neque gnatí tui: 521
 Ei rei árgumenta dícam. PH. Audire edepól lubet.
- ST. Primum ómnium olim térra quom proscínditur,
 In quínto quoque súlco moriuntúr boues.
 PH. Apáge. ST. Ácheruntis óstium in nostróst agro.
 Tum uínus prius quam cóctumst pendet pútídum. 526
- LE. Consuádet homini, crédo. etsi sceléstus est,
 At mi ínfidelis nó n est. ST. Audi cétera.
 Post íd, frumenti quom álibi messis máxumast,
 Tribus tántis illi mínus redit quam opséueris. 530
- PH. Hem,
 Istíc oportet ópseri morés malos,
 Si in ópserendo póssint interfíeri.
 ST. Neque úmquam quisquamst, quóius ille agér fuit,
 Quin péssume ei res uórterit. quorúm fuit,

Alii éxulatum abiérunt, alii emórtui, 535

Alií se suspendére. en, nunc hic quóius est

Vt ad íncitast redáctus. PH. Apage a me ístum agrum.

ST. Magis ápage dicas, si ómnia [ex] me audíueris.

Nam fúlguritae sún[t] [ibi] alternac árbores:

Sués moriuntur ángina [acri] acérrume: 540

Oués scabrae sunt, tám glabrae, en, quam haec ést
manus.

Tum autém Surorum, génus quod patientíssumumst

Hominúm, nemo extat qui íbi sex mensis níxerit:

Ita cúncti solstitiáli morbo décidunt.

PH. Credo égo istuc, Stasime, ita ésse: set Campáns
genus 545

Multó Surorum iam ántidit patiéntiam.

Set istést ager profécto, ut te audiui loqui,

Malós in quem omnis púplice mittí decet.

Sicút fortunatórum memorant ínsulas,

Quo cúncti qui aetatem égerint casté suam 550

Conuéniant: contra istúc detrudi máleficos

Aequóm uidetur, quí quidem istius sít modi.

ST. Hospítiumst calamitátis: quid uerbís opust?

Quamuís malam rem quaéras, illic réperias.

PH. At tu hércle et illi et álibi. ST. Caue sis díxeris

Me tibi dixisse hoc. PH. Díxti [tu] arcanó satis. 556

ST. Quin híc quidem cupit illum áb se abalienárier,

Siquém reperire póssit, os quoi súblinat.

PH. Meus quidem hércle numquam fiet. ST. Si sapiés
quidem.

Lepide hércle de agro ego hunc senem detérrui: 560

Nam quí uiuamus níhil est, si illum amiserit.

PH. Redeo ád te, Lesboníce. LE. Dic sodés mihi,

Quid hic ést locutus técum? PH. Quid censés? homost:

Volt fieri liber, uérum quod det nón habet.

LE. Et égo esse locuples, uérum nequiquám uolo. 565

ST. Licitúmst, si uelles: núnc, quom nihil est, nón licet.

LE. Quid técum, Stasime? ST. De ístoc quod dixtímodo: Si anté uoluisses, ésses: nunc seró cupis.

PH. De dóte mecum cónueniri níl potis:

Quod tíbi lubet, tute ágito cum gnató meo. 570

Nunc tũam sororem filio poscó meo:

Quae rés bene uortat. quíd nunc? etiam cónsulis?

LE. Quid istíc? quando ita uis, dí bene uortant: spóndeó.

PH. Numquam édepol quoiquam tam éxpectatus filius Natúst, quamst illut 'spóndeó' natúm mihi. 575

ST. Di fórtunabunt uóstra consilia. PH. Íd uolo.

I hac, Lésbonice, mécum, ut coram núptiis

Dies cóstituatur: ěadem haec confirmábimus.

LE. Set, Stásime, abi huc ad mẽam sororem ad Cálliclem:

Dic hóc negoti quó modo actumst. ST. Íbitur. 580

LE. Et grátulator mẽae sorori. ST. Scílicet.

LE. Dic Cállicli med út conueniat. ST. Tu í modo.

LE. De dóte ut uideat quíd facto opus sit. ST. Í modo.

LE. Nam cértumst sine dote haú dare. ST. Quin tu í modo.

LE. Neque enim ílli damno umquam ésse patiar.. ST. Ábi modo. 585

LE. Meam néglegentiam. ST. Í modo. LE. [Nulló modo]

Aequóm uidetur quín quod peccarim.. ST. Í modo.

LE. Potíssimum mihi id ópsit. ST. I modo. LE. Ó pater,

Enúmquam aspiciam te? ST. Í modo, i modo, í modo.

LE. [Eo:] tu ístuc cura quód [te] iussi: ego iam híc ero.

ST. Tandem ímpetraui abíret. di, uostrám fidem, 591

Edepól re gesta péssume gestám probe,

Si quídem ager nobis sáluos est: etsi ád modum

In ámbiguo etiam núnc est quid ea ré fuat.

Set si álienatur, áctumst de colló meo: 595

Gestándust peregre clúpeus, galea, sárcina.

Ecfúgiet ex urbe, úbi erunt factae núptiae:

Ibít † istac aliquo in máxumam malám crucem

Latrócinatum, aut in Asiam aut in Cíliciam.

Ibo húc quo mi imperátumst, etsi odi hanc domum, 600

Postquam éxturbauit híc nos nostris aéribus.

ACTVS III.

CALLICLES. STASIMVS.

CA. Quó modo tu istuc, Stásime, dixti? ST. Nóstrum
erilem filium

Lésbonicum sũam sororem déspondisse: hóc modo.

CA. Quóí homini despóndit? ST. Lusitelí, Philtonis
filio,

Síne dote. CA. Sine dóte ille illam in tántas diuitiás
dabit? 605

Nón credibile dícis. ST. At tute édepol nullus cré-
duas:

Si hóc non credis, égo credidero.. CA. Quid? ST. Me
nihili péndere.

CA. Quám dudum istuc aút ubi actumst? ST. Ílico, hic
ante óstium:

Támmodo, inquit Praénestinus. CA. Tántone in re
pérdita

Quam in re salua Lésbonicus fáctus est frugálior? 610

ST. Átque quidem ipsus últro uenit Phílto oratum filio.

CA. Flágitium quidem hércle fiet, nísi dos dabitur uírgini.

Póstremo edepol égo istanc ad me rem áttinere in-
téllego:

Íbo ad meum castígatorem atque áb eo consiliúm petam.

ST. Própemodum quid illíc festinet séntio et subolét
mihi: 615

Út agro euortat Lésbonicum, quándo euortit aéribus.
Ó ere Charmidés, quom apsentí hic túa res distrahitúr
tibi,

Útinam te redísse saluom uídeam, ut inimicós tuos
Úlciscare et míhi, ut erga te fui ét sum, referas grátiam.
Nímium difficilést reperiri amícum ita ut nomén cluet,
Quoí tuam quom rém credideris, síne omni cura dór-
mias. 621

Sét generum nostrum íre eccillum uídeo cum adfiní suo.
Néscio quíd non sátis inter eos cónuenit: celerí gradu
Súnt uterque: illé reprehendit húnc priorem pállio:
Haút ei euscheme ástiterunt. húc aliquantum apscés-
sero: 625

Ést lubido orátionem audíre duorum adfínium.

LVSITELES. LESBONICVS. STASIMVS.

LV. Sta ílico: noli áuorsari néque te occultassís mihi.

LE. Pótin ut me íre quó profectus súm sinas? LV. Si
in rém tuam,

Lésbonice, essé uideatur, glóriæ aut famaé, sinam.

LE. Quód est facillumúm facis. LV. Quid id ést? LE.
Amico iniúriam. 630

LV. Néque meumst neque fácere didici. LE. Indóctas
quam docté facis.

Quíd faceres, siquís docuisset te út sic odio essés mihi?
Quí mihi bene quom símulas facere, mále facis, male
cónsulis.

LV. Égone? LE. Tu ne. LV. Quid male facio? LE.
Quód ego nollo id quóm facis.

LV. Tūae rei bene consúlere cupio. LE. Tún mi's melior quam égo mihi? 635

Sát sapio, satis ín rem quae sint méam ego conspició mihi.

LV. Án id est sapere, ut quí beneficium a béneuolente répudies?

LE. Núllum beneficium ésse duco id, quóm quoi facias nón placet.

Scío ego et sentio ípse quid agam néque mens offició migrat

Néc tuis depéllar dictis quín rumóri séruiam. 640

LV. Quid ais? nam retinéri nequeo quín dicam ea quae prómeres:

Ítan tandem hanc maióres famam trádiderunt tíbi tui,

Út uirtute eorum ánteperta pér flagitium pérderes

Átque honori pósterorum tñorum ut [tu obiex] fíeres?

Tíbi paterque auósque facilem fécit et planám uiam 645

Ád quaerundum honórem: tu fecísti ut difficilís foret,

Cúlpa maxume ét desidia tñisque stultis móribus.

Praëoptauísti amórem tuum [tu] uírtuti ut praepóneres:

Núnc te hoc pacto crédis posse optégere errata? aha, nón itast.

Cápe sis uirtutem ánimo et corde expélle desidiám tuo.

Ín foro operam amícis da, ne in lécto amicae, ut sólitus es. 651

Átque istum ego agrum tíbi relinqui ob ěam rem [iam] enixe éxpeto,

Út tibi sit qui té conrigere póssis: ne omnino ínopiam

Cíues obiectáre possint tíbi, quos tu inimicós habes.

LE. Ómnia ego istaec quae tu dixti scío, uel exigná-uero: 655

Út rem patriam et glóriam maiórum foedarím meum.

Scíbam ut esse mé deceret, fácere non quibám miser :
 Íta ui Veneris uíctus, otio áptus in fraudem íncidi :
 Ét tibi nunc proinde út mereris hábeo summam grátiam.

LV. Át operam períre meam sic ét te haec corde spér-
 nere 660.

Pérpeti nequeó: semul me pǎrum pudere té piget.
 Ét postremo, nísi me auscultas átque hoc ut dicó facis,
 Túte pone té latebis fácile, ne inueniát te honos :
 Ín oculo iacébis, quom te máxume clarúm uoles.
 Pérnoui equidem, Lésbonice, ingénium tuum ingenuom
 ád modum: 665

Scío te sponte nón tuapte errásse, set amorém tibi
 Péctus opsurásse: atque ipse amoris teneo omnís uias.
 Ítast amor, ballísta ut iacitur: níl sic celerest néque
 uolat:

Átque is mores hóminum moros ét morosos écficit.
 Mínus placet quod cónsuadetur: quód dissuadetúr pla-
 cet. 670

Quom ínopiast, cupiás: quando eius cópiast, tum nón
 uelis.

[Ílle qui aspellit, ís conpellit: ílle qui consuadét, uotat.]
 Ínsanumst malum té in hospitium déuorti ad Cupídinem.
 Sét te moneo hoc étiam atque etiam ut réputes quid fa-
 cere éxpetas.

Si ístuc conare út [nunc] facis indícium, tuum incendés
 genus: 675

Tum ígitur aquae erit tíbi cupido, génus qui restinguás
 tuum.

Átqui si eris náctus, proinde ut córde amantes sún-
 cati,

Né scintillam quídem relinques, génus qui congliscát
 tuum.

LE. Fácile inuentust: dábitur ignis, tam étsi ab inimicó
petas.

Sét tu obiurgans me á peccatis rápis deteriore in uiam.
Měam sororem tibi dem suades sine dote. aha, non cón-
uenit 681

Mé qui abusus tántam rem sum pátriam porro in dítiis
Ésse agrumque habére, egere illam aútem, ut merito me
óderit.

Númquam erit aliénis grauis qui sùis se concinnát
leuem.

Síc ut dixi fáciam: nollo té iactari díutius. 685

LV. Tánton meliust té sororis caúsa egestatem éxequi
Átque eum me agrum habére quam te, túa qui toleres
moénia?

LE. Nóllo ego mihi te tám prospicere quí meam egesta-
tám leues,

Sét ut inops infámis ne sim: né mi hanc famam dífferant
Mé germanám měam sororem in cóncubinátum tibi 690
Síc sine dote dédidisse mágis quam in matrimónium.

Quís me inprobior pérhibeatur ésse? haec famigerátio
Té honestet, me autém conlutitet, sí sine dote dúxeris.
Tibi sit emoluméntum honoris: míhi quod obiectént siet.

LV. Quid? te dictatórem censes fóre, si aps te agrum
accéperim? 695

LE. Néque uolo neque póstulo neque cénseo: uerúm
tamen

Ís est honos hominí pudico méminisse officiúm suum.

LV. Scío equidem te animátus ut sis: uídeo, subolet,
séntio.

Íd agis ut, ubi adfínitatem intér nos nostram astrínxeris
Átque eum agrum dederís nec quicquam hic tibi sit qui
uitám colas, 700

Éc fugias ex úrbe inanis, prófugus patriam déseras,
Cógnotos, adfínitatem, amícos factis núptiis.

Méa opera hinc protérritum te mēaque auaritia aútu-
ment:

Íd me conmissúrum ut patiar fíeri ne animum indúxeris.

ST. Nón enim possum quín exclamem: euge, eúge, Lu-
sitelés, *πάλλιν*. 705.

Fácilē palmam habés: hic uictust: uícit tua comoédia.

Híc agit magis ex árgumento et uérsus meliorés facit.

Étiam ob stultitiám tuam te túeris? multabó mina.

LE. Quid tibi interpellátio aut in cónsiliū huc accés-
sioſt?

ST. Ėodem pacto quo húc accessi apscéssero. LE. I
hac mecúm domum, 710.

Lúsiteles: ibi de ístis rebus plúra fabulábimur.

LV. Níhil ego in oculto ágere soleo: méus ut animust
éloquar:

Sí mihi tua sorór, ut ego aequom cénseo, ita nuptúm
datur

Síne dote neque tu hínc abituru's, quód erit meum id
erít tuum:

Sín aliter animátus es, bene quód agas eueniát tibi: 715.

Égo amicus numquám tibi ero alio pácto: sic sentén-
tiast.

ST. Ábiit hercle ille. écquid audis, Lúsiteles? ego té
uolo.

Híc quoque hinc abiit. Stásime, restas sólus: quid ego
núnc agam

Nísi uti sarcinám constringam et clúpeum ad dorsum ad-
cómmodem,

Fúlmentas iubeám suppingi sóccis? non sistí potest. 720

Vídeo caculam militarem mé futurum hau lóngius.

Átque aliquem ad regem in saginam [quom] érus se con-
iexit meus,

Crédo ad summos bellatores ácrem — fugitorém fore,
Ét capturum ibi spólia illum qui — méo ero aduorsus
uenerit.

Égomet quom extemplo árcum et pharetram mi ét sa-
gittas sumpsero, 725

Cássidem in capút, — dormibo plácidule in tabernáculo.
Ád forum ibo: núdius sextus quoí talentum mútuom
Dédi reposcam, ut hábeam mecum quód feram uiáticum.

MEGARONIDES. CALLICLES.

ME. Vt míhi rem narras, Cállicles, nulló modo
Pote fieri prosus quín dos detur uírgini. 730

CA. Namque hércle honeste fieri ferme nón potest
Vt eám perpetiar íre in matrimónium
Sine dóte, quom eius rém penes me habeám domi.

* * * * *

ME. * * * * *

Paráta dos domíst: nisi expectáre uis
Vt eám sine dote fráter nuptum cónlocet: 735

Post ádeas tute Phíltonem et dotém dare
Te ei dícas: facere idẽ eius ob amicitíam patris.

Verum hóc ego uereor ne ístaec pollicitátio
Te in crímen populo pónat atque infámiam.

Non témere dicant té benignum uírgini: 740

Datám tibi dotem ei quám dares eius á patre:
Ex eá largiri te illi, neque ita ut sít data
Incólumem sistere illi, et detraxe aútument.

Nunc si ópperiri uís aduentum Chármidi,

Perlóngumst: huic ducéndi interea apscésserit 745

Lubído: atqui ea condítio huic uel primáriast.

CA. Eadem ómnia istaec uéniunt in mentém mihi.

ME. Vide si hóc utibile mágis atque in rem députas:

Ipsam ádi [adulescentem], édoce eum uti rés se habet.

CA. Vt égo nunc adulescénti thensaurum índicem 750

Indómito, pleno amóris ac lascíuiae?

Minumé, minume hercle uéro: nam certó scio,

Locúm quoque illum omnem úbi situmst coméderit.

Quem fódere metuo, sónitum ne ille exaúdiat:

Ne rem ípsam indaget, dótem dare si díxerim. 755

ME. Quo pácto ergo igitur clám dos depromí potest?

CA. Dumoccásio ei [rei] réperiatur, ínterim

Ab amíco alicunde mútuom argentúm rogem.

ME. Potin' ést ab amico alicúnde exorari? CA. Potest.

ME. Gerraé: ne tu illut uérbum actutum inuéneris: 760

'[Hem,] mihi quidem hercle nón est quod dem mútuom.'

CA. Mallim hércle ut uerum dícant quam ut dent mútuom.

ME. Set uíde consilium sí placet. CA. Quid cónsilist?

ME. Scitum, út ego opinor, cónsilium inuení. CA. Quid est?

ME. Homo cónducatur iám aliquis quantúm potis 765

Ignóta facie, quae non uisitáta sit:

Is homo éxornetur gráphice in peregrinúm modum,

Quasi sit peregrinus. CA. Quid is scit facere póstea?

ME. Mendácilocum aliquem [esse hóminem oportet dé foro,]

Falsídicum, confidéntem. CA. Quid tum póstea? 770

ME. Quasi ád adulescentem á patre ex Seleúcia

Veniát, salutem ei núntiet uerbís patris:

Illúm bene gerere rem ét ualere et uíuere

Et eúm rediturum actútum. ferat epístulas

Duas: eas nos consignémus, quasi sint á patre. 775

Illí det alteram, álteram dicát tibi

Dare sése uelle. CA. Pérge porro dícere.

ME. Seque aúrum ferre uírgini dotem á patre

Dicát patremque id iússisse aurum tibi dare.

Tenés iam? CA. Propemodo, átque ausculto pér-
lubens. 780

ME. Tum tu ígitur demum id ádulescenti aurúm dabis,

Vbi erit locata uírgo in matrimónium.

CA. Scite hércle sane. ME. Hoc, úbi thensaurum ec-
fóderis,

Suspítionem ab ádulescente amóueris.

Censébit aurum esse á patre adlatúm tibi: 785

Tu dé thensauro símes. CA. Satis scite ét probe:

Quamquam hóc me aetatis súcophantari pudet.

Set epístulas quando ópsignatas ádferet,

Nonne árbitraris túm adulescentem ánuli

Patérni signum nóuisse? ME. Etiam tú taces? 790

Sescéntae ad eam rem caúsae possunt cónligi:

Eum quem hábuit perdidit, álium post fecít nouom.

Iam si ópsignatas nón feret, dici hóc potest

Aput pórtitores eas resignatás sibi

Inspéctasque esse. in hùius modi negótio 795

Diém sermone térere segnitiés merast:

Quamuís sermones póssunt longi téxier.

Abi ád thensaurum iám confestim clánculum:

Seruós, ancillas ámoue: atque audín? CA. Quid est?

ME. Vxórem quoque eampse hánc rem uti celés face:

Nam pól tacere númquam quicquamst quód queant. 801

Quid núnc stas? quin tu hinc [te] ámoues et té moues?

Aperí, deprome inde aúri ad hanc rem quód sat est:

Contínuo operta dénuo: set clánculum,
Sicút praecepi: cúnctos exturba aédibus. 805

CA. Ita fáciam. ME. At ěnim nimis lóngo sermone
útimur:

Diém conficimus, quóm iam properatóst opus.

Nihil ést de signo quód uereare: mé uide.

Lepidást illa causa, ut cónmemorauí, dícere

Aput pórtitores ésse inspectas. dénique 810

Diéi tempus nóñ uides? quid illúm putas

Natúra illa atque ingénio? iam dudum ébriust.

* * * * *

Quiduís probare póterit: tum, quod máximumst,

Adférre, non se pétere hinc dicet. CA. Iám sat est.

ME. Ego súcophantam iám conduco dé foro 815

Epístulasque iám consignabó duas

Eumque húc ad adulescéntem meditatúm probe

Mittam. CA. Éo ego [ergo] igitur íntro ad officiúm
meum:

Tu istúc age. ME. Actum réddam nugacíssume.

A C T V S III.

CHARMIDES.

Sálipotenti et múltipotenti Ióuis fratri et Nerei [ét Por-
tumno] 826

Laétus lubens laudés ago gratas grátisque habeo et flú-
ctibus salsis,

Quós penes mei [fùit] potestas, bònis meis quid foret ét
meae uitae,

Quóm suis me ex locís in patriam urbem [úsque incolu-
mem] réducem faciunt.

Átque tibi ego, Neptúne, ante alios dèos gratis ago atque
hábeo summas.

Nám te omnes saeuómque seuerumque, áuidis moribús
conmemorant, 825

Spúrcuficum, inmanem, íntolerandum, uésanum: [ego]
contra ópera expertus.

Nám pol placidum te ét clementem eo usqué modo ut
uolui usús sum in alto.

Átque hanc tuam [aput hómines] gloriam aúribus iam
accéperam ante:

Paúperibus te párcere solitum, dítis damnare átque do-
mare.

Ábi, laudo: scis órdine ut aequomst tráctare homines:
hóc dis dignumst: 830

Sémper mendicís modesti sít. [secus] nobilís aput ho-
mínes.

Fíduſ fuisti: infíduſ eſſe iterant. nam ápsque foret te,
sát ſcio in alto

Díſtraxiſſent díſque tulíſſent sáſtellites tui míſerum
foede

Bónaque item omnia úna mecum páſſim caeruleós per
campos: —

Íta iam quaſi canés hau ſecus nauem círcumſtabant túr-
bine uenti: 835

Ímbres fluctuſque átque procellae infénsae [fremere],
frángere malum,

Rúere antenſas, ſcíndere uela: — ní pax propitiá foret
praesto.

Ápage a me ſis: dēhinc iam certumſt ótio dare me: sátis
partum habeo,

Quíbus aerumnis déluctauí, filio dum diuítias quaero.

Sét quis hic eſt qui in pláteam ingreditur cúm nouo or-
natú ſpecieque? 840

Pól quamquam domi cúpio opperiar: quam híc rem
agat, ſemul ánimum aduortam.

SVCOPHANTA. CHARMIDES.

SV. Huíc ego díe nomén 'Trinummo fácio: nam ego
operám meam

Tríbus nummis hodié locauí ad ártis nugatórias.

Áduenio ex Seleúcia, Macédonia, Asia atque Árabia,
Quás ego neque oculís neque pedibus úmquam uſur-
pauí meis. 846

Víden egeſtas quíd negoti dát homini míſeró male?

Quía ego nunc ſubígór trium nummum caúſa ut haſ
epíſtulas

Dícam ab eo homine me áceppisse, quem égo qui sit homo
nescio

Néque noui neque natus necne is fúerit id solidé scio.

CH. Pól hic quidem fungíno generest: cápíte se totúm
tegit. 851

Íllurica faciés uidetur hóminis: eo ornatu áduenit.

SV. Ílle qui me condúxit, ubi condúxit, abduxít domum:

Quaé uoluit mihi díxit, docuit ét praemonstrauít prius,
Quó modo quicque agerém. nunc adeo síquid ego addi-
dero ámplius, 855

Éo conductor mélius de me núgas conciliáuerit.

Ílle uti me exornáuit, ita sum ornátus: argentum hóc
facit.

Ípse ornamenta á chorago haec súmpsit suo perículo:

Núnc ego si potero órnamētis hóminem circumducere,

Dábo operam ut me ipsúm plane esse sícophantam sēn-
tiat. 860

CH. Quó magis specto, mínus placet mi ea hóminis
facies: míra sunt

Ni illic homost aut dórmitator aút sector zonárius.

Lóca contemplat, circumspectat sése atque aedis nó-
scitat:

Crédo edepol quo móx furatum uéniat speculatúr loca.

Mágis lubidost ópseruare quíd agat: ei rei operám
dabo. 865

SV. Hás regiones démonstrauit míhi ille conductór
meus:

Áput illas aedis sistendae míhi sunt sucophántiae.

Fòris pultabo. CH. Ad nóstras aedis híc quidem habet
rectám uiam:

Hércle opinor mi áduenienti hac nóctu agitandumst uí-
gilias.

SV. Áperite hoc, aperíte. heus, ecqui his fóribus tute-
lám gerit? 870

CH. Quid, adulescens, quaéris? quid uis? quid istas
pultas? SV. Heús, senex,

Lésbonicum hic ádulescentem quaéro, in his regiónibus
Vbi habitat, et item álterum ad istanc cápitis albitú-
dinem,

Cálliclem [quem] aibát uocari qui hás mihi dedit epí-
stulas.

CH. Mèum gnatum hic quidem Lésbonicum quaérit et
amicúm meum 875

Quoí ego liberósque bonaque cónmendauí Cálliclem.

SV. Fác me si scis cértiorem, hisce hómines ubi habi-
tént, pater.

CH. Quid eos quaeris? aut quis es? aut únde's? aut
unde áduenis?

SV. Cénsus quom [sum], iúratori récte rationém dedi.

CH. * * * * *

SV. Múlta semul rogás: nescio quid éxpédiám potíssu-
mum. 880

Si únumquidquid síngillatim et plácide percontábere,
Ét meum nomen ét mea facta et ítinera ego faxó scias.

CH. Fáciám ita ut uis: ágedum, nomen prímu[m] memora-
tũum mihi.

SV. Mágnum facinus íncipissis pétere. CH. Quid ita?
SV. Quía, pater,

Si ánte lucem ire [hércle] occupias á meo primo nómine,
Cóncubium sit nóctis prius quam ad póstre[m] perué-
neris. 886

CH. Ópus factost uiático ad tuum nómen, ut tu praé-
dicas.

SV. Ést minusculum álterum quasi uésculum uinárium.

CH. Quid [id] est tibi nomén, adulescens? SV. Páx, id
est nomén mihi:

Hóc cotidiánumst. CH. Edepol nómen nugatórium: 890
Quási dicas, siquíd crediderim tíbi, pax periisse ílico.

Híc homo solide súcophantast. quíd ais tu, adulescéns?
SV. Quid est?

CH. Éloquere, isti tíbi quid homines débent quos tu
quaéritas?

SV. Páter istius ádulescentis dedit has duas mi epístu-
las,

Lésbonici: is míst amicus. CH. Téneo hunc manifestá-
rium: 895

Mé sibi epistulás dedisse dícit. ludam hominém probe.

SV. Íta ut occepi, si ánimu aduortas, dícam. CH. Dabo
operám tibi.

SV. Hánc me iussit Lésbonico dáre suo gnato epístulam
Ét item hanc alterám suo amico Cállicli iussit dare.

CH. Míhi quoque edepol, quom híc nugatur, cóntro
nugarí lubet. 900

Vbi ipse erat? SV. Bene rém gerebat. CH. Érgo ubi?
SV. In Seleúcia

CH. * * * * *

Áb ipsone istas ácccepisti? SV. E mánibus dedit mi ipse
ín manus.

CH. Quá faciest homó? SV. Sesquipede quídamst
quam tu lóngior.

CH. Haéret haec res, sí quidem ego apsens súm quam
praesens lóngior.

Nóuistine hominém? SV. Ridicule rógitas, quicum uná
cibum 905

Cápere soleo. CH. Quid est ei nomen? SV. Quód
edepol hominí probo.

CH. Lúbet audire. SV. Illi édepol — illi — illi — uae
miseró mihi.

CH. Quid est negoti? SV. Déuorauí nómen inprudéns
modo.

CH. Nón placet qui amícos intra déntis conclusós habet.
SV. Átqui etiam modo uórsabatur míhi in labris primó-
ribus. 910

CH. Témperi huic hodie ánteueni. SV. Téncor manu-
festó miser.

CH. Iám reconmentátu's nomen? SV. Dèum me hercle
atque hominúm pudet.

CH. Víde modo hominem ut nóris. SV. Tamquam mé:
[set] fieri istúe solet:

Quód in manu teneás atque oculis uídeas, id desíderes.
Líteris recónminiscar: C ést principium nómini. 915

CH. Cállias? SV. Non ést. CH. Callippus? SV. Nón
est. CH. Callidémides?

SV. Nón est. CH. Callinícus? SV. Non est. CH. [Án]
Callimachus? SV. Níl agis:

Néque adeo edepol flócci facio, quándo egomet memíní
mihi.

CH. Át enim multi Lésbonici súnť hic: nisi nomén
patris

Díces, non possum ístos monstrare hómines quos tu
quaéritas. 920

Quód ad exemplumst? cóniectura sí reperire póssumus.
SV. Ád hoc exemplumst: Chár. CH. Chares? an Chá-
ricles? numne Chármides?

SV. Hem,
Ístic erit: qui istúm di perdant. CH. Díxi ego iam du-
dúm tibi:

* * * * *

Béne te potius dícere aequomst hómini amico quám male.

SV. Sátin inter labra átque dentis látuit uir minumí preti? 925

CH. Né male loquere apsénti amico. SV. Quid ille ergo ignauíssumus

Látitabat mihi? CH. Si áppellasses, réspodisset nómini.

Sét ubi ipsest? SV. Pol illúm reliqui ad Rhádamam in Cecropia ínsula.

CH. * * * * *

Quí homost me insipiéntior qui ipse égomet ubi sim quaéritem?

Sét nil discondúcit huic rei. quid ais? quid hoc quod té rogo? 930

Quós locos adísti? SV. Nimium mírimodis mirábilis.

CH. Lúbet audire, nísi molestumst. SV. Quín discupio dícere.

Omnium primum in Póntum aduecti ad Árabiam terrám sumus.

CH. Eho,

Án etiam in Ponto Árabiast? SV. Est: nón illa ubi tus gígnitur,

Sét ubi apsinthiúm fit ac cuníla gallinácea. 935

CH. Nímium graphicum hunc núgatorem. sét ego sum insipiéntior,

Qui égomet unde rédeam hunc rogitem, quae égo sciam atque hic nésciat:

Nísi quia lubet éxperiri quo éuasurust dénique.

Sét quid ais? quo inde ísti porro? SV. Si ánimum aduortes, éloquar:

Ád caput amnis quí de caelo exóritur sub solió Iouis. 940

CH. Súb solio Iouís? SV. Ita dico. CH. E caélo?
SV. Atque e medió quidem.

CH. Eho,

Án etiam in caelum éscendisti? SV. Immo hóriola
aductí sumus

Úsque aqua aduorsá per amnem. CH. An tu étiam uí-
distí Iouem?

SV. [Éum] alii di isse ad uillam aibant séruis depromptúm
cibum.

Dèinde porro . . CH. Dèinde porro nóllo quicquam praé-
dices. 945

SV. [Táceo ego] hercle, sí molestumst. CH. Nám pu-
dicum néminem

[Praedicare] opórtet qui aps terra ad caelum perué-
nerit.

SV. Dímittam, ut te uéllé uideo. sét monstra hosce ho-
minés mihi

Quós ego quaero, quíbus me oportet hás deferre epí-
stulas.

CH. Quid ais? tu nunc sí forte eumpse Chármidem con-
spéxeris 950

Íllum quem tibi istás dedisse cónmemoras epístulas,

Nórisne hominem? SV. Né tu me edepol árbitrare
béluam,

Quí quidem non nouísse possim quícum aetatem exé-
gerim.

Án ille tam esset stúltus mihi qui mílle nummum cré-
deret

Philippum, quod me aurúm deferre iússit ad gnatúm
suum 955

Átque ad amicum Cálliclem, quoi rem àibat mandasse
híc suam?

Míhin concrederét, ni me ille et égo illum nouissem ád-
probe?

CII. Ěnimuero ego nunc súcophantae huic súcophantari
uolo,

Si hunc possum illo mílle nummum Phílippum circum-
ducere,

Quód sibi me dedísse dixit. quem égo qui sit homo néscio

Néque oculis ante hunc diem umquam uídi, eine aurum
créderem? 961

Quoí, si capitis rés sit, nummum númquam credam plúm-
beum.

Ádgredundust híc homo mi astu. heus, Páx, te tribus
uerbís uolo.

SV. Vél trecentis. CH. Háben tu id aurum, quód [tu]
accepsti a Chármide?

SV. Átque etiam Philippúm, numeratum illíus in mensá
manu, 965

Mílle nummum. CH. Némpe ab ipso id ácepisti Chár-
mide?

SV. Mírum quin ab auo ěius aut proauo accíperem, qui
sunt mórtui.

CH. Ádulescens, cedodum ístuc aurum míhi. SV. Quod
ego dem aurúm tibi?

CH. Quód te a me accepísse fassu's. SV. Áps te acce-
pisse? CII. Íta loquor.

SV. Quís tu homo's? CH. Qui mílle nummum tíbi dedi
ego sum Chármides. 970

SV. Néque edepol tu is és neque hodie is úmquam eris,
auro huic quidem.

Ábi sis, nugatór: nugari núgatori póstulas.

CH. Chármides ego súm. SV. Nequiquam herclé's:
nam nihil aurí fero.

Nimis argute [me] óbrepisti in ěapse occasiúncula :

Póstquam ego me aurum férre dixi, póst tu factu's Chármides : 975

Príus non tu is eras quam aúri feci méntionem. níl agis :

Pròin tute itidem ut chármidatu's, rúsum [te] dechármida.

CH. Quís ego sum igitur, sí quidem is non sum quí sum ?

SV. Quid id ad me áttinet ?

Dúm ille ne sis quem égo esse nollo, sí mea causa quí lubet.

Príus non is eras quí eras : nunc is fáctu's qui tum nóñ eras. 980

CH. Áge siquid agis. SV. Quíd ego agam ? CH. Aurum

rédde. SV. Dormitás, senex.

CH. Fássu's Charmidém dedisse aurúm tibi. SV. Scrip-

túm quidem.

CH. Próperas an non própere abire actútum ab his regiónibus,

Dórmitor, príus quam ego hic te iúbeo mulcarí male ?

SV. Quam ób rem ? CH. Quia illum quem émentitu's

is ego sum ipse Chármides,

Quém tibi epistulás dedisse aiébas. SV. Eho, quaeso

án tu is es ? 986

CH. Ís enimvero sum. SV. Ąin tu tandem ? is ípsus-

ne's ? CH. Aio. SV. Ípsus es ?

CH. Ípsus, inquam, Chármides sum. SV. Ergo ípsus-

ne's ? CH. Ipsíssumus.

Ábin hinc ab oculís ? SV. Enimvero séro quoniam [huc]

áduenis,

Vápulabis meo árbitratu ét nouorum aedílium. 990

CH. Át etiam maledícis ? SV. Immo, sáluos quando

quidem áduenis,

Dí me perdant sí te flocci fácio an periissés prius.

Égo ob hanc operam argéntum accepi: té macto infor-
túnio. 993

Céterum qui sís, qui non sis, flóccum non intérdúim.
Íbo ad illum, renúntiabo, quí mihi tris nummós dedit,
Vt sciat se pérdidisse. ego ábeo. male uiue ét uale:
Quí di te omnes áduenientem péregre perdant, Chár-
mides.

CH. Postquam ille hinc abiit, póst loquendi líbere
Vidétur tempus uénisse atque occásio.

Iam dúdum meum ille pectus pungit áculeus, 1000

Quid illí negoti fúerit ante aedís meas.

Nam epístulae illae míhi concenturiánt metum

In córde et illut mílle nummum, quám rem agat.

Numquam édepol temere tinnit tintinnábulum:

Nisi qui illut tractat aut mouet, mutúmst, tacet. 1005

Set quis hic est qui huc in pláteam cursuram ín-
cipit?

Lubet ópseruare quíd agat: huc concéssero.

STASIMVS. CHARMIDES.

ST. Stásime, fac te própere celerem, récipe te ad do-
minúm domum,

Né subito metus éxoriatur scápolis stultitiá [tua].

Ádde gradum, adproperá: iam dudum fáctumst quom
abistí domo. 1010

Cáue sis tibi ne búbuli in te cóttabi crebrí crepent,

Si áberis ab eri quaéstione: né destiteris cúrrere.

Écce hominem te, Stásime, nihili: sátin in thermo-
pólio

Cóndalium es oblítus, postquam thérmpotasti gúttu-
rem?

Récipe te et recúrre petere [ré] recenti. CH. Huic, quis-
quis est, 1015

Gúrgulioſt exércitor, is hóminem hunc cursurám docet.

ST. Quid, homo nihili, nón pudet te? tríbusne te po-
tériis

Mémoriae esse oblítum? an uero, quía [tu] cum frugi hó-
minibus

Íbi bibisti, qui áb alieno fácite cohiberént manus,

Ínter cosne hominés condalium té redipisci póſtulas?

Chíruchus fuit, Cérconicus, Crímnus, Cricolabus, Cól-
labus, 1021

Cóllicrepidae, crúricrepidae, férriteri, mastígiae:

Quórum [hercle] unus súrpuerit currénti cursorí solum.

CH. Íta me di ament, gráphicum furem. ST. Quid ego
quod periít petam?

Níſi etiam labórem ad damnum ádponam epithecám ín-
super. 1025

Quín tu quod periít perisse dúcis? cape uorsóriam:

Récipe te ad erum. CH. Nón fugitiuost híc homo: con-
meminít domi.

ST. Vtinam ueteres [uéterum mores], uéteres parsimó-
niae

Pótius [in] maióre honore híc éssent quam morés mali.

CH. Di ímortales, básilica híc quidem fácinora ín-
ceptát loqui: 1030

Vétera quaerit, uétera amare hunc móre maiorúm scias.

ST. Nám nunc mores nihili faciunt quód licet níſi quód
íubet.

Ámbítio iam móre sanctast, liberast a légibus:

Scúta iacere fúgereque hostis móre habent licéntiam:

Pétere honorem pró flagitio móre fit. CH. Morem ín-
probum. 1035

ST. Strénuos [nunc] praéterire móre fit. CH. Nequám quidem.

ST. Móres leges pérduxerunt iám in potestatém suam, Mágis quis sunt obnóxiosae quám parentes líberis.

Ėae misere etiam ad párietem sunt fixae clauis férreis, Vbi malos morés adfigi nímio fuerat aéquius. 1040

CH. Lúbet adire atque áppellare hunc: uérum ausculto pérlubens

Ėt metuo, si cónpellabo, ne áliam rem occupiát loqui.

ST. Néque istis quicquam lége sanctumst: léges mori séruiunt,

Móres autem rápere properant quá sacrum qua púplicum.

CH. Hércle istis malám rem magnam móribus dignúmst dari. 1045

ST. Nón hoc puplice ánimum aduorti: nam íd genus hominum hómínibus

Vniuorsis ést aduorsum atque ómni populo mále facit.

Mále fidem seruándo illis quoque ábrogant etiám fidem,

Quí nil meriti: quíppe eorum ex ingénio ingenium horúm probant. 1049

Síquoí mutuóm quid dederis, fit pro proprio pérditum:

Quóm repetas, inimícum amicum inuénias benefactó tuo.

[* * * * *

Máge si exigere occúpias, duarum rérum exoritur óptio:

Vél illut quod credíderis perdas uél illum amicum amiseris.]

Hóc qui uenerít mi in mentem, ré conmonitus súm modo.

CH. Méus est hic quidem Stásimus seruos. ST. Nam égo talentum mútuom 1055

Quoí dederam, talénto inimicum mi émi, amicum uéndidi.

Sét ego sum insipiéntior qui rébus curem púplicis

Pótius quam, id quod próximumst, meo térgo tutelám
geram:

Éo domum. CH. Heus tu, asta ilico: audi, heús tu. ST.

Non sto. CH. 'Té uolo.

ST. Quíd, si egomet te uéllé nollo? CH. Ah nímium,

Stasime, saéuiter. 1060

ST. Émere meliust quoi ímperes. CH. Pol ego émi

atque argentúm dedi:

Sét si non dicto aúdiens est, quíd ago? ST. Da magnúm

malum.

CH. Béne mones: ita fácere certumst. ST. Nísi quidem

es obnóxius.

CH. Sí bonust, obnóxius sum: sín secust, faciam út

mones.

ST. Quíd id ad me attinét bonisne séruis tu utare án

malis? 1065

CH. Quía boni malíque in ea re párs tibist. ST. Partem

áalteram

Tibi permitto, illam áalteram aput me quód bonist ad-

pónito.

CH. Sí eris meritus, fíet. respice húc ad me: ego sum

Chármides.

ST. Hém, quis est qui méntionem homo hóminis fecit

óptumi?

CH. Ípsus homo optumúst. ST. Mare, terra, caélum,

di, uostrám fidem, 1070

Sátin ego oculis pláne uideo? éstne hic an non ést? is est.

Cérte is est, is ést profecto. o mí ere exoptatíssume,

Sáue. CH. Sáue, Stásime. ST. Saluom té... CH. Scio

et credó tibi.

Sét omitte alia: hoc míhi responde: líberi quíd agúnt mei

Quós reliqui hic filium atque filiam? ST. Viuónt, ualent.

CH. Némpe uterque? ST. Vtérque. CH. Di me sál-
uom et seruátum uolunt. 1076

Cétera intus ótiose pércontabor quae uolo:

Ėamus intro: séquere. ST. Quonam té agis? CH.
Quonam nísi domum?

ST. Hícine nos habitáre censes? CH. Vbinam ego alibi
cénseam?

ST. Iám .. CH. Quid iam? ST. Non súnť nostrae aedes
ístaec. CH. Quid ego ex te aúdio? 1080

ST. Véndidit tuus gnátus aedis. CH. Péríi. ST. Prae-
sentáriis

Árgenti minís numeratis. CH. Quót? ST. Quadra-
ginta. CH. Óccidi.

Quis eas emit? ST. Cállicles, quói tũam rem commen-
dáueras:

Ís habitatum huc cónmigrauit nósque exturbauít foras.

CH. Vbí nunc filiús meus habitat? ST. Híc in hoc po-
stículo. 1083

CH. Mále disperíi. ST. Crédidi aegre tíbi id, ubi au-
dissés, fore.

CH. Égo miser summís periclis súm per maria má-
xuma

Véctus, capitalí periclo pér praedones plúrumos

Mé seruauí, sáluos redíi: núnc hic disperíi miser

Própter eosdem quórum causa fui hác aetate exér-
citus: 1090

Ádimit animam mi aégritudo: Stásime, tene me.

ST. Vísne aquam

Tíbi petam? CH. Res quom ánimam agebat, túm esse
offusam opórtuit.

CALLICLES. CHARMIDES. STASIMVS.

CA. Quid hoc híc clamoris áudio ante aedís meas?

CH. O Cállices, o Cállices, o Cállices,
Qualíne amico méa commendauí bona? 1095

CA. Probo ét fideli et fído et cum magná fide:
Et sálue et saluom te áduenisse gaúdeo.

* * * * *
* * * * *
* * * * *

CH. Credo, ómnia istaec sí ita sunt ut praédicas.

Set quís istest tuus ornátus? CA. Ego dicám tibi:
'Thensaúrum ecfodiebam íntus dotem filiae 1100

'Tuae quae daretur. sét íntus narrabó tibi

Et hóc et alia: séquere. CH. Stasime. ST. Hem.

CH. Strénue

Curre ín Piraeum atque únum curriculúm face.

Vidébis iam illic náuem qua aduectí sumus.

Iubéto Sagariónem quae imperáuerim 1105

Curáre ut ecferántur, et tu itó semul.

Solútumst portitóri iam portórium.

ST. Nihil ést morae. CH. Cito ámbula: actutúm
redi.

ST. Illic sum atque hic sum. CA. Séquere tu hac
me intró. CH. Sequor.

ST. Hic méo ero amicus sólus firmus réstitit 1110

Neque démutauit ánimum de firmá fide,

Quamquám labores múltos ob rem et [líberos

Apséntis mei eri] eum égo cepisse cénseo.

Set hic únus, ut ego súspicor, seruát fidem.

A C T V S V.

L V S I T E L E S.

Hic homóst omnium hominum praécipuos, 1115

Voluptátibus gaudiisque ántepotens.

Ita cómmoda quae cupio éueniunt,

Quod agó subit, adsecué sequitur:

Ita gaúdiis gaudium súppeditat.

Módo me Stasimus Lésbonici séruos conueuít [domi]: 1120

Ís mihi dixit súum erum peregre huc áduenisse Chár-
midem.

Núnc mi is propere cónueniundust, út quae cum eius
fílio

Égi ei rei patér sit fundus pótiór. eo [ego]: sét fores

Haé sonitu suó moram mihi óbiciunt incómmode.

C H A R M I D E S. C A L L I C L E S. L V S I T E L E S.

CH. Néque fuit neque erít neque esse usquam hómí-
nem terrarum árbitror, 1125

Quòius fides fidélitasque amícum erga aequiperét tuam:

Nam éxaedificauisset me ex hisce aédibus, apsque té
foret.

CA. Siquíd amicum ergá bene feci aut cónsului fidé-
liter,

Nón uideor meruisse laudem, cúlpa caruisse árbítror.

Nám beneficiúm hómíni proprium quód datur, prosúm
perit: 1130

Quód datum utendúmst, repetundi id cópiast, quandó
uelis.

CH. Ést ita ut tu dícis. set ego hoc néqueo mirarí
satis

Ěum sororem déspondisse suam ín tam fortem fámiliam.

CA. Lúsiteli quidém Philtonis filio. LV. Enim me nó-
minat.

CH. Fámiliam optumam óccupauit. LV. Quid ego cessa
hos cónloqui? 1135

Sét maneam etiam, opínor: namque hoc cómmodum or-
ditúr loqui.

* * * * *

* * * * *

* * * * *

CH. Váh. CA. Quid est? CH. Oblítus intus dúdum
tibi sum dícere:

Módo mi aduenienti [híc] nugator quídám occessit ób-
uiam,

Nímis pergraphicus súcophanta. is mílle nummum se
aúreum

Měo datu tibi férre et gnato Lésbonico aibát meo: 1140

Quem égo nec qui esset nóram neque eum ante úsquam
conspexí prius.

Sét quid rides? CA. Meo ádlegatu uénit, quasi qui au-
rúm mihi

Férret aps te quód darem tuae gnátae dotem: ut fílius

Túus, quando illi a mé darem, esse adlátuín id aps te
créderet

Neú qui rem ipsam pósset intellégere, thensaurúm tuum
Mé penes esse, atque á me lege pópuli patrium pósce-
ret. 1146

CH. Scíte edepol. CA. Megarónides conmúnis hoc
meus ét tuus

Béneuolens conméntust. CH. Quin conlaúdo consilium
ét probo.

LV. Quíd ego ineptus, dúm sermonem uéreor interrúm-
pere,

Sólus sto nec quód conatus sum ágere ago? homines
cónloquar. 1150

CH. Quís hic est qui huc ad nós incedit? LV. Chár-
midem socerúm suum

Lúsiteles salútat. CH. Di dent tíbi, Lusiteles, quae
uelis.

CA. Nón ego sum salúte dignus? LV. Ímmo salue,
Cállices.

Húnc priorem aequómst me habere: túnica propior
pálllost.

CA. Dēos [deasque] uólo consilia uóstra recte uórtere.

CH. Fíliam meam tíbi desponsam esse aúdio. LV. Nisi
tú neuís. 1156

CH. Ímmo hau nollo. LV. Spónden tu ergo túam gna-
tam uxorém mihi?

CH. Spóndeo et mille aúri Philippum dótis. LV. Do-
tem níl moror.

CH. Si illa tíbi placét, placenda dós quoquest quam dát
tíbi.

Póstremo quod uís non duces, nísi illut quod non uís
feres. 1160

CA. Iūs hic orat. LV. Impetrabit te áduocato atque árbítro.

Ístac lege fíliam tuam spónden mi uxorém dari?

CH. Spóndeo. CA. Et ego spóndeo itidem. LV. O sáluate adfinés mei.

CH. Átque edepol sunt rés quas propter tíbi tamen suscénsui.

LV. Quíd ego feci? CH. Měum corrumpi quía per-
pessu's fílium. 1165

LV. Si íd mea uoluntáte factumst, ést quod mihi suscén-
seas.

* * * * *

Sét sine me hoc aps te ímpetrare quód uolo. CH. Quíd
íd ést? LV. Scies:

Síquid stulte fécit, ut ea míssa facias ómnia.

Quíd cassas capút? CH. Cruciatur cór mi et metuo.
LV. Quídnam id est?

CH. Quóm ille itast ut [eum] ésse nollo, id crácior: me-
tuo, sí tibi 1170

Dénegem quod me óras, ne me léuiorem erga té putes.

Nón granabor: fáciam ita ut uis. LV. Próbus es: eo u:
illum éuocem.

CH. Míserumst male proméríta ut meríta sint si ulcisci
nón licet.

LV. Áperite hoc, aperíte propere et Lésbonicum, sí
domist,

Éuocate: ita súbitumst propere quód eum conuentúm
uolo. 1175

LESBONICVS. LVSITELES. CHARMIDES.
CALLICLES.

LE. Quis homo tam tumúltuoso sónitu me exciuit foras?

LV. Béneuolens tuus átque amicust. LE. Sátine saluae?
dic mihi.

LV. Récte: tuum patrém redisse sáluom peregre gaúdeo.

LE. Quis id ait? LV. Ego. LE. Tún uidisti? LV. Et
túte item uideás licet.

LE. Ó pater, patér mi, salue. CH. Sálue multum,
gnáte mi. 1180

LE. Siquid tibi, patér, laboris. . CH. Nihil euenit, né
time:

Béne re gesta sáluos redeo. sí tu modo frugi ésse uis,
Haéc tibi pactast Cállicletis filia. LE. Ego ducám,
pater,

Ét eam et siquam aliám iubebis. CH. Quámquam tibi
suscénsui,

Miseria [una] uní quídem hominist ádfatim. CA. Immo
huíc parumst: 1185

Nám si pro peccátis centum dúcat uxorés, parumst.

LE. Át iam posthac témporabo. CH. Dícis, si faciés modo.

LV. Númquid causaest quín uxorem crás domum ducam?

CH. Óptumumst.

Tú in perendinúm paratus sís ut ducas. CANTOR.
Plaúдите.

METRA HVIVS FABVLAE HAEC SVNT

- V. 1 ad 222 iambici senarii
- 223 ad 231 bacchiaci tetrametri acatalecti
 - 232 bacchiacus dimeter acatalectus
 - 233 et 234 iambici septenarii
 - 235 creticus tetrameter catalecticus
 - 236 iambicus septenarius
 - 237 et 238 trochaici septenarii
 - 239 et 240 bacchiaci tetrametri acatalecti
 - 241 bacchiacus dimeter acatalectus
 - 242 trochaicus septenarius
 - 243 creticus tetrameter acatalectus
 - 244 ad 246 cretici tetrametri catalectici
 - 247 ad 249 trochaici dimetri catalectici
 - 250 et 251 cretici tetrametri catalectici
 - 252 trochaicus octonarius
 - 253 trochaicus septenarius
 - 255 iambicus octonarius
 - 256 et 257 bacchiaci tetrametri acatalecti
 - 258 bacchiacus trimeter acatalectus
 - 259 iambicus octonarius
 - 260 iambicus dimeter acatalectus
 - 261 et 262 bacchiaci tetrametri acatalecti
 - 264 et 265 trochaici octonarii
 - 266 bacchiacus tetrameter acatalectus
 - 267 ad 275 cretici tetrametri catalectici
 - 276 creticus tetrameter acatalectus
 - 277 et 278 bacchiaci tetrametri acatalecti
 - 279 ad 281 cretici tetrametri acatalecti
 - 282 iambicus octonarius

- V. 283 et 284 cretici tetrametri acatalecti
 - 285 et 286 iambici octonarii
 - 287 trochaicus octonarius
 - 288 ad 291 trochaici septenarii
 - 292 trochaicus octonarius
 - 293 ad 300 cretici tetrametri catalectici
 - 301 ad 391 trochaici septenarii
 - 392 ad 601 iambici senarii
 - 602 ad 728 trochaici septenarii
 - 729 ad 819 iambici senarii
 - 820 ad 841 trochaici octonarii
 - 842 ad 997 trochaici septenarii
 - 998 ad 1007 iambici senarii
 - 1008 ad 1092 trochaici septenarii
 - 1093 ad 1114 iambici senarii
 - 1115 ad 1119 anapaestici dimetri acatalecti
 - 1120 ad 1189 trochaici septenarii.

1120 & 1189 / septenarii

C. J. K. K. K. K.

T. MACCI PLAVTI

C O M M O E D I A E.

EX RECOGNITIONE

ALFREDI FLECKEISENI.

TOMVS II.

ASINARIAM BACCHIDES CYRCVLIONEM PSEVDVLVM
STICHVM COMPLECTENS.



L I P S I A E

SVMPTIBVS ET TYPIS B. G. TEVBNERI.

MDCCCLIX.

T. MACCI PLAVTI

A S I N A R I A.

GRAECA ONAGVS DEMOPHILV.

ARGVMENTVM.

Amánti argento filio auxiliárier
Sub inpério uiuens uólt senex uxório :
Itaque ób asinos relátum pretium Saúreae
Numerári iussit séruolo Leónidae.
Ad amícam id fertur : cédit noctem fílius.
Riuínus amens ób praereptam múlierem
Is rem ómnem uxori pér parasitum núntiat.
Adcúrrit uxor ác uirum e lustrís rapit.

P E R S O N A E .

LIBANVS SERVOS
DEMAENETVS SENEX
ARGVRIPPVS ADVLESCENS
CLEAERETA LENA
LEONIDA SERVOS
MERCATOR (CHLAMVDATVS)
PHILENIVM MERETRIX
DIABVLVS ADVLESCENS
PARASITVS
ARTEMONA VXOR
CATERVA.

P R O L O G V S .

Hoc ágite sultis, spéctatores, núnc ïam :
Quae quídem mihi atque uóbis res uortát bene
Gregíque huic et domino átque conductóribus.
Face núnc ïam tu praéco omnem auritúm poplum.
Age núnc reside: cáue módo ne grátiis. 5
Nunc quíd processerim húc et quid mihi uóluerim
Dicam: út sciretis nómen huius fábulae.
Nam quód ad argumentum áttinet, sané breuest.
Nunc quód me dixi uéllé uobis dícere
Dicam: huíc est nomen Graéce Onago fábulae: 10
Demóphilus scripsit, Máccius uortit bárbare :
Asináriam uolt ésse, si per uós licet.
Inést lepos ludúsque in hac comoédia :
Ridícula res est: dáte benigne operám mihi.
Vt uósmet alias, páriter nunc Mars ádiuuet. 15

A C T V S I.

LIBANVS. DEMAENETVS.

LI. Sicút tuum uis únicum gnatúm tuae
 Superésse uitae sóspitem et supérstitem,
 Ita téd optestor pér senectutém tuam
 Perque íllam quam tu métuis uxorém tuam:
 Siquíd med' erga [tu] hódie falsum díxeris, 20
 Vt tíbi superstes úxor aetatém siet

Atque ílla uiua uiuos ut pestem óppetas.
 DE. [Per Dium Fidium quaeris: iurato mihi
 Video necesse esse eloqui quidquid roges.]
 Ita me ópstinatè adgréssu's, ut non aúdeam 25
 Profécto percontánti quin promam ómnia.
 Proinde áctutum istuc quíd sit quod scire éxpetis
 Elóquere: ut ipse scíbo, te faciam út scias.

LI. Dice ópsecro hercle sério quod té rogem:
 Caue míhi mendaci quícquam. DE. Quin tu ergó
 rogas? 30

LI. Num me ílluc ducis, úbi lapis lapidém terit?

DE. Quid istúc est aut ubi térrarum istuc ést
 loci?

LI. Aput fústitudinas férrirepinas ínsulas,
 Vbi uiuos homines mórtui incursánt boues.

DE. Quid istúc aut ubi sit ístuc nequeo nóscere.

LI. Vbi flént nequam homines quí polentam pín-
 sitant. 36

DE. Modo pól percepi; Líbane, quid istuc sít
loci :

Vbi fít polenta, té fortasse dicere. LI. Ah,
Neque hércle ego istuc díco nec dictúm uolo
Teque ópsecro hercle ut quaé locutu's déspuas.

DE. Fiát: geratur mós tibi. LI. Age age, usque
éxcrea. 41

DE. Etiámne? LI. Age quaeso hercle úsque ex
penitis faúcibus :

Etiam ámplius. DE. Nam quo úsque? LI. Vs-
que ad mortém uolo.

DE. Caue sís malam rem. LI. Vxóris dico, nón
tuam.

DE. Donó te ob istuc díctum ut expers sís metu.

LI. Di tibi dent quaequomque óptes. DE. Redde
operám mihi. 46

Quor hóc ego ex te quaéram aut quor minitér
tibi,

Proptérea quod me nón scientem féceris?

Aut quór postremo filio suscénseam,

Patrés ut faciant céteri? LI. Quid istúc nouist?

Demíror quid sit ét quo euadat sum ín metu. 51

DE. Equidém scio iam filius quod amét meus

Istánc meretricem e próxumo, Philénium.

Estne hóc ut dico, Líbane? LI. Rectam instás
uiam :

Ea rés est: set eum mórbus inuasít grauis. 55

DE. Quid mórbist? LI. Quia non súppetunt dic-
tís data.

DE. Tune és adiutor núnc amanti filio?

LI. Sum uéro, et alter nóster est Leónida.

DE. Bene hércle facitis: á me initis grátiam.

Verúm meam uxorem, Líbane, scis qualís siet. 60

LI. Tu prímus sentis: nós tamen in pretió sumus.

DE. Fateór eam esse inpórtunam atque incómmodam.

LI. Postérius istuc dícis quam credó tibi.

DE. Omnés parentes, Líbane, liberís suis,

Qui mi aúscultabunt, fácient opsequéntiam: 65

[Quippe qui mage amico utantur gnato et beneuolo:]

Atque égo me id facere stúdeo: uolo amari á meis,

Volo mé patris mei símilem, qui caussá mea

Naoclérico ipse ornátu per falláciam

Quam amábam abduxit áb lenone múlierem. 70

Neque púduit eum id aetátis sucophántias

Struere ét beneficiis me émere gnatum sũum sibi.

Eos mé decretumst pérsequi morés patris.

Nam me hódie orauit Árgurippus fílius,

Vtí sibi amanti fácerem argenti cópiam: 75

Et id ego percupio ópsequi gnató meo.

[Volo amorí obsecutum illius, uolo amet me patrem.]

Quamquam illum mater árte contentéque habet,

Patrés ut consueuérunt: ego mitto ómnia haec.

Praesértim quom is me dígnum quoi concréderet

Habuít, me habere honórem eius ingenió decet:

Quom me ádiit, ut pudéntem gnatum aequómst

patrem, 82

Cupio ésse amícae quód det argentúm suae.

LI. Cupis id quod cupere té nequiquam intéllego:

Dotálem seruom Saúream [ne] uxór tua 85

Addúxit, quoi plus ín manu sit quám tibi.

DE. Argéntum accepi, dóte inperium uéndidi.

Nunc uérba in pauca cónferam quid té uelim.

Vigínti iam usust filio argentí minis:

Face id út paratum iám sit. LI. Vnde géntium?

DE. Me défraudato. LI. Máxumas nugás agis: 91

Nudó detrahère uéstimenta mé iubes.

[Defrudem te ego? age sis, tu sine pennis uola.]

Tene égo defraudem, quói ipsi nihil est in manu,

Nisi quíd tu porro uxórem defraudáuерis? 95

DE. Qua mé, qua uxorem, quá tu seruom Saúream

Potís, circumduce, aúfer: promittó tibi

Non óffuturum [mé], si id hodie ecféceris.

LI. Iubeás una opera mé piscari in áere

[Et] uénari autem réticulo in medió mari. 100

DE. Tibi óptionem súmito Leónidam:

Fabricáre quíduis, quíduis conminíscere:

Perfícito [id] argentum hódie ut habeat fílius,

Amícae quod det. LI. Quíd ais tu, Demaénete?

[Quíd si forte in insidias deuenero?] 105

Tun rédimes me, si me hóstes intercéperint?

DE. Redimám. LI. Tum tu igitur áliut cura
quód lubet.

DE. Ego eo ád forum, nisi quíd uis. LI. I, bene
ámula.

DE. Atque aúdin etiam? LI. Écce. DE. Siquid
té uolam,

Vbi erís? LI. Vbiquomque lúbitum erit animó
meo. 110

Profécto nemost quém iam dehinc metuám mihi,
Nequíd nocere póssit, quom tu míhi tua

Orátione omnem ánimum ostendistí tuum.

Quin té quoque ipsum fácio hau magni, si hóc
patro.

Pergám quo ocepi atque ibi consilia exórdiar.

DE. Audín tu? aput Archibúlum ego ero argen-
tárium. 116

LI. Nempe ín foro? DE. Ibi, siquíd opus fuerit.

LI. Méminero.

DE. Non ésse seruos péior hoc quisquám potest
Nec mágis uorsutus néc quo ab caueas aégrius.

Eidem hómini, siquíd récte curatúm uelis, 120

Mandés: moriri sése misere máuolet,

Quam nóu perfectum réddat quod promísserit.

Nam illút ego argentum tám paratum filio

Scio ésse quam me hunc scípionem cóntui.

Set quíd ego cesso ire ád forum quo incéperam?

[Nunc íbo] atque ibi manébo aput argentárium. 126

ARGVRIPPVS.

Sícine hoc fít? foras aédibus me èicier?

Prómerenti óptume hocín preti rédditur?

Béne merentí mala's, mále merentí bona's.

Át malo cúm tuo: nam [áctutum] ex hóc loco 130

Íbo ego ad trísuiros uóstraque ibi nómina

Fáxo erunt: cápitis te pérdam ego et filiam,

Pellécebrae, pernícies, aduléscentum exítium.

Nám mare haut ést mare: uós mare acérrumum:

Nam ín mari répperi, híc elauí bonis. 135

Íngrata atque ínrita esse ómnia intéllego

Quaé dedi et quód bene féci: at posthác tibi

Mále quod potero fácere faciam méritoque id faciám tuo.

Égo pol te redigam éodem unde orta's, ád egestatis tér-
minos:

Égo edepol te fáciam ut quae sis núnc et quae fueris
scías. 140

Quaé prius quam ego ádii istam atque amáns meum ani-
mum istí dedi,

Sórdido uitam óblectabas páne in pannis ínopia:

Átque ea si erant, mágnam habebas ómnibus dis grátiam.

Éadem nunc, quomst mélius, me quóiús óperast ignorás,
mala.

Réddam ego te ex ferá fame mansuétem: me spectá
modo. 145

Nám isti quod suscénseam ipsi níhil est, nil quicquám
meret:

Túo facit iussú, tuo inperio páret: mater tu éadem era's.

Té ego ulciscar, té ego ut digna's pérdam atque ut de
mé meres.

Át scelesta uíden ut ne id quidem mé dignum esse exí-
stumat

Quém adeat, quem cónloquatur quoíque irato súpplícet?

Átque eccam inlecebra éxit tandem: opínor hic ante
óstium 151

Měo loquar modo quaé uolam, quoniam íntus non lici-
túmst mihi.

CLEAERETA. ARGVRIPPVS.

CL. Vnum quodque istórum uerbum númmis Philippis
aúreis

Nón potest auférre hinc a me, síquis emptor uénerit:

Néc recte quae tú in nos dicis, aúrum atque argentúm
merumst. 155

Fíxus hic aput nós est animus tíus clauo Cupídinis:

Rémigio uelóque quantum pótis es festina ét fuge :
 Quám magis te in altúm capèssis, tam aéstus te in por-
 túm refert.

AR. Égo pol istum pórtitorem príuabo portório :
 Égo te dehinc, ut mérita's de me et mēa re, tractare éxe-
 quar, 160

Quóniam tu me ut méritus sum non tráctas, quae [me]
 eicís domo.

CL. Mágis istuc percípimus lingua díci quam factís fore.

AR. Sólus solitúdine ego ted átque ab egestate ápstuli :
 Sólus si ductém, referre grátiam numquám potes.

CL. Sólus ductató, si semper sólus quae poscám dabis :
 Sémper tibi promíssum habeto hac lége, dum superés
 datis. 166

AR. Quid modist dandó? nam numquam tú quidem ex-
 plerí potes.

Módo quom accepisti, haú multo post áliquid quod po-
 scás paras.

CL. Quid modist ductándo, amando? núnquamne ex-
 plerí potes?

Módo remissistí, continuo iám ut remittam ad té rogas.

AR. Dédi equidem quod mécum egisti. CL. Et tibi ego
 missi múliorem. 171

Pár pari datum hóstimentumst, ópera pro pecúnia.

AR. Mále agis mecum. CL. Quid me accussas, sí facio
 officiúm meum?

Nám neque fictum usquámst neque pictum néque scrip-
 tum in poématis,

Vbi lena bene agát cum quiquam amánte, quae frugi ésse
 uolt. 175

AR. Míhi quidem te párcere aequomst tándem, ut tibi
 durém diu.

CL. Nón tu scis? quae amánti parcet, éadem sibi parcét
parum.

Quási piscis itidémst amator lénæ: nequamst nísi recens.
Ís habet sucum, is suáuitatem: eum quóuis pacto cóndias
Vél patinariúm uel assum uórses quo pactó lubet. 180
Ís dare uolt, is se áliquíd posci: nam íbi de pleno prómitur,
Néque ille scit quid dét, quid damni fáciat: illi rēi studet:
Vólt placere sése amicae, míhimet uolt, uolt pédisequae,
Vólt famulis, ancíllis uolt, et quóque etiam catuló meo
Súbblanditur nóuos amator, se út quom uideat gaúdeat.
Véra dico: ad sũm quemque hominem quaéstum esse
aequomst cállidum. 186

AR. Pérdidici istaec ésse uera dámno cum magnó meo.

CL. Si écastor nunc hábeas quod des, ália uerba praé-
hibeas:

Núnc quia nihil habés, male dictis te ěam ductare póstu-
las?

AR. Nón meumst. CL. Nec měum quidem edepol ád te
ut mittam grátiis. 190

Vérum aetatis átque honoris grátia hoc fiét tui:

Quía nobis lucró fuisti pótius quam decorí tibi,
Sí mihi dantur dúo talenta argénti numerata ín manum,
Hánc tibi noctem honóris caussa grátiis donó dabo.

AR. Quíd, si non est? CL. Tíbi non esse crédam: illa
alio ibít tamen. 195

AR. Vbi illaec quae dedi ánte? CL. Abussa: nám si ea
dūrarént mihi,

Múlter mitterétur ad te néc te quicquam póscerem.

Díem aquam solem lúnam noctem, haéc argento nón
emo:

Cétera quae [nos] uólumus uti Graéca mercamúr fide.

Quom á pistore pánem petimus, uinum ex oenopólio, 200

Si aés habent, dant mércem: eadem nós disciplina úti-
mur:

Sémper oculataé manus sunt nóstrae, credunt quód uident.
Vétus est 'nihili cóctiost', scis cúius: non dico ámplius.

AR. Áliam nunc mi orátionem déspoliato praédicas,
[Longe aliam, inquam, praebes nunc atque olim quom
dabam] 205

Áliam atque olim quom ínliciebas mé ad te blande ac
bénédice.

Túm mi aedes quoque árridebant, quóm ad te ueniebám,
tuaé.

Me únice unum ex ómnibus te atque illam amare aibás
mihi.

Vbi quid dederam, quási columbae púlli in ore ambaé
meo

Vsque eratis: mēo de studio stúdia erant uostra ómnia.
Vsque adhaerebátis: quod ego iússeram, quod uólue-
ram, 211

Fáciebatis: quód nolebam ac uóstueram, de indústria

Fúgiebatis néque conari, id fácere audebatis prius.

Núnc neque quid uelím neque nolim fácitis magni, pés-
sumae.

CL. Nón tu scis? hic nóster quaestus aúcupi simillumust.

Aúceps quando cóncinnauit áream, offundít cibum: 216

* * * * * aues

Ádsuescunt: necésses facere súmptum qui quaerít lu-
crum.

Saépe edunt: semél si captae súnť, rem soluont aúcupi.

Ítidem hic aput nos: aédis nobis áreast, aucéps sum ego,

Éscast meretrix, léctus inlex ést, amatorés aues. 221

Béne salutandó consuescunt, cónpellando blánditer,

Aúsculando, orátione uínnula, uenústula.

Sí papillam pértractauit, haút [id] est ab re aúcupis.

Sáuium si sumpsit, sumere eum licet sine rétibus. 225

Haécine te esse oblítum, in ludo quí fuisti tám diu?

AR. Túa ista culpast, quae discipulum sémidoctum aps
te ámoues.

CL. Rémeato audactér, mercedem sí eris nactus: núnc
abi.

AR. Máne, mane, audi: díe, quid me aequom cénse pro
illa tíbi dare,

Ánnum hunc ne sit cúm quiquam alio? CL. Túne? ui-
gintí minas: 230

Átque ea lege: si álius ad me prius attulerit, tú uale.

AR. Át ego est etiam prius quam abis, quod uólo loqui.

CL. Dic quód lubet.

AR. Nón omnino iám perii: est relícuom quo pereám
magis.

Hábeo unde istuc tíbi quod poscis dém: set in legés
meas

Dábo, uti scire póssis, perpetuom ánnum hunc mihi uti
séruiat 235

Néc quemquam interea álium admittat próssus quam me
ad sé uirum.

CL. Quín, si tu uolés, domi serui quí sunt castrabó
uiros.

Póstremo, ut uolés nos esse, síugraphum facito ádferas.

Út uoles, ut tíbi lubebit, nóbis legem inpónito:

Módo tecum una argéntum adferto, fáciie patiar cé-
tera. 240

Pórtitorum símillumae sunt iánuae lenóniae:

Si ádfers, tum patént: si non est quód des, aedes nón
patent.

AR. Ínterii, si nón inuenio ego illas uigintí minas:

Ét profecto, nísi illut perdo argéntum, pereundúmst
mihi.

Núnc pergam ad forum átque experiar ópibus, omni
cópia: 245

Súpplicabo, exópsecrabo, ut quémque amicum uídero.

Dígnos, indignós adire atque éxperiri [stát] mihi:

Nám si mutuás non potero, cértumst sumam faénore.

A C T V S II.

L I B A N V S.

Hércle uero, Líbane, nunc te méliust expergíscier.

[Atque argento comparando fingere fallaciam.] 250

Iám diust factúm, quom discesti áb ero atque abiisti ád
forum,

Ígitur inueniúndo argento ut fíngeres falláciam.

Íbi tu ad hoc diéi tempus dórmitasti in ótio.

Quín tu aps te socórdiam omnem rěicis, segnitiem
ámoues

Átque ad ingeniúm uetus uorsútum te recipís tuum?

Sérua erum: caue tú idem faxis álíi quod seruí so-
lent, 256

Quí ad eri fraudátionem cállidum ingeniúm gerunt.

Vnde sumam? quém interuortam? quó hanc celocem
cónferam?

Ínpetritum, inaúguratumst: quóuis admittúnt aues.

Pícus et corníx ab laeua, córuos, parra ab délixtera

Cónsuadent: certum hérclest uostram cónsequi sen-
téntiam. 261

Sét quid hoc, quod pícus ulmum túndit? hau temerá-
riumst.

Cérte hercle ego quantum éx augurio aúspicioque in-
téllego,

Aút mihi in mundó sunt uirgae aut átriensi Saúreae.

Sét quid illuc, quod éxanimatus cúrrit huc Leónida?

Métuo quod illic ópscaeuauit mēae falsae falláciae. 266

LEONIDA. LIBANVS.

LE. Vbi ego Libanum nunc requiram aut familiarem filium,

Vt ego illos lubentiores faciam quam Lubentias?

Maximam praedam et triumphum eis adfero aduentu meo.

Quando mecum pariter potant, pariter scortari solent,
Hanc quidem quam nactus praedam pariter cum illis partiam. 271

LI. Illic homo aedis conpilauit, more si fecit suo :

Vae illi qui tam indiligenter opseruauit ianuam.

LE. Aetatem uelim seruire, Libanum ut conueniam modo.

LI. Mea quidem hercle opera [tu] liber numquam fies ocius. 275

LE. Etiam de tergo ducentas plagas praegnatis dabo.

LI. Largitur peculium : omnem in tergo thesaurum gerit.

LE. Nam si occasione huic tempus sese supertulerit,
Numquam edepol quadrigis albis indipiscet postea.

Erum [ille] in opsidione linquet, inimicum animos auxerit.
Set si mecum occasionem opprimere hanc quae obuenerit studet, 281

Maximas opimitatis gaudio effertissimas

Suis eris ille una mecum pariet, gnatoque et patri,

Adeo ut aetatem ambo ambobus nobis sint obnoxii,

Nostro deuincti beneficio. LI. Vinctos nescio quos ait.

Non placet : metuo in commune nequam fraudem fraus sit. 286

LE. Perii ego oppido, nisi Libanum inuenio iam, ubi ubist gentium.

LI. Illic homo socium ad malam rem quaerit quem adiungat sibi.

Non placet: pro monstro extemplost, quando qui sudat tremit.

LE. Set quid ego hic properans concesso pedibus lingua largior? 290

Quin ego hanc iubeo tacere, quae loquens lacerat diem?

LI. [Heu] edepol hominem infelicem, qui patronam conprimat:

Nam siquid sceleste fecit, lingua pro illo peierat.

LE. Adproperabo, ne post tempus praedae praesidium parem.

LI. Quae illaec praedast? ibo aduersum atque electabo quidquid est. 295

Iubeo te saluere uoce summa, quoad uires ualent.

LE. Gymnasium flagri, salueto. LI. Quid agis, custos carceris?

LE. O catenarum colone. LI. O uirgarum lasciuia.

LE. Quot pondo te esse censes nudum? LI. Non edepol scio.

LE. Scibam ego te nescire: at pol ego qui te expendi scio. 300

Nudus uinctus centum pondo's, quando pendes per pedes.

LI. Quo argumento istuc? LE. Ego dicam, quo argumento et quo modo.

Ad pedes quando adligatumst aequom centumpondium, Vbi manus manicae complexae sunt atque adductae ad trabem,

Nec dependes nec propendes, quin malus nequamque sis. 305

LI. Vaé tibi. LE. Istoc testamento Seruitus legat tibi.

LI. Verbiuelitationem fieri conpendi uolo:

Quíd istuc [tibi] negótist? LE. Certumst crédere? LI.
Audactér licet.

LE. Sís amanti súbuenire fámiliari fílio,
Tántum adest boni ínprouiso, uérum conmixtúm malo:
Ómnes de nobís carnuficum cóncelebrabuntúr dies. 311
Libane, nunc audácia ussust nóbis inuenta ét dolis.
Tántum facinus módo ego inueni, út nos dicamúr duo
Ómnium digníssumi esse quó cruciatus cófluant.

LI. Érgo mirabár quod dudum scápulae gestibánt mihi,
Háriolari quae ócceperunt ésse sibi in mundó malum. 316
Quídquid est elóquere. LE. Magnast praéda cum
magnó malo.

LI. Sí quidem omnes cóniuratim crúciamenta cónferant:
Hábeo opinor fámiliarem térgum, ne quaerám foris.

LE. Sí istanc animi firmitudinem óptines, saluí sumus.

LI. Quín si tergo rés soluondast, rápere cupio púplicum:
Pérnegabo atque óbdurabo, périurabo dénique. 321

LE. Hém, ista uirtus ést, quando ussust, quí malum fert
fórtiter.

Fórtiter malúm qui patitur, ídem post potitúr bonum.

LI. Quín rem actutum edísseris? cupió malum nan-
císier. 325

LE. Plácide ergo unum quídquid rogita, ut ádquiescam:
nón uides

Mé ex cursura anhélitum etiam dúcere? LI. Age age,
mánsero

Tuo árbitratu, uél adeo usque dúm peris. LE. Vbi-
námst erus?

LI. Máior aput forúmst, minor hic est íntus. LE. Iam
satis ést mihi.

LI. Túm igitur tu díues factu's? LE. Mítte ridicu-
lária. 330

LI. Míto: [set] istuc [núnc] quod adfers aúres expec-
tánt meae.

LE. Ánimum aduerte, ut aéque mecum haéc scias. LI.
'Taceó. LE. Beas.

Méministine asinós Arcadicos mércatori uéndere
Péllaeo nostrum átriensem? LI. Mémini: quid tum
póstea?

LE. Hem: 335

Érgo is argentum húc remissit, quód daretur Saúreae
Pró asinis: aduléscens uenit módo, qui id argentum át-
tulit.

LI. Vbi is homost? LE. Iam déuorandum cénset, si
conspéxeris?

LI. Íta enimuero: sét tamen tu némpe eos asinos praé-
dicas

Vétulos, claudos, quíbus suptritae ad fēmina iam erant
úngulae? 340

LE. Ípsos, qui tibi súbuectabant rúre huc uirgas úlmeas.

LI. Téneo: atque idem té hinc uexerunt uínetum rus.

LE. Memor és probe.

Vérum in tonstrina út sedebam, me ínfít percontárier,
Écquem filiúm Stratonis nóuerim Demaénetum.

Díco me nouísse extemplo et me éius seruom praédico 345

Ésse et aedis démonstraui nóstras. LI. Quid tum póstea?

LE. Áit se ob asinos férre argentum átriensi Saúreae,
Víginti minás: set se eum non nóuisse hominem qui siet:
Ípsum uero sé nouisse cállide Demaénetum.

Quóniam ille elocútust haec sic . . LI. Quid tum? LE.
Ausculata ergó: scies. 350

Éxtemplo fació facetum me átque magnificúm uirum,

Díco med esse átriensem. sic hoc respondít mihi

'Égo pol Saureám non noui néque qua facie sít scio

Té non aequomst súscensere: sí erum uis Demaénetum,
Quém ego noui, addúce: argentum nón morabor quín
feras. 355

Égo me dixi erum ádducturum et mé domi praestó fore.
Ílle in balineás iturust: índe huc ueniet póstea.
Quíd nunc consilí captandum cénset? dice. LI. Hem
istúc ago,
Quó modo argento ínteruortam et áduentorem et Saú-
ream.

Iam hóc opus est exásciato: nám si ille argentúm prius
Hóspes huc adfért, continuo nós ambo exclussí sumus. 361
Nám me hodie senéx seduxit sólum sorsum ab aédibus:
Míhi tibi que intérminatust nós futuros úlmeos,
Ní hodie Arguríppe argenti éssent uigintí minae.
Iússit uel nos átriensem uél nos uxorém suam 365
Défraudare: díxit sese óperam promiscám dare.
Núnc tu abi ad forum ád erum et narra haec út nos actu
rí sumus:

Té ex Leonidá futurum esse átriensem Saúream,
Dum árgentum adferát mercator pró asinis. LE. Faciam
út iubes.

LI. Égo illum interea hic óblectabo, prius si forte ad-
uénerit. 370

LE. Quíd ais? LI. Quid uis? LE. Púgno malam sí tibi
percússéro

Móx quom imitabor Saúream, cauéto ne suscénseas.

LI. Hércle uero tú cauebis né me attingas, sí sapis,
Né hodie maló cum auspicio nómen conmutáueris.

LE. Quaéso aequo animo pátitor. LI. Patitor tú item,
quom ego te réferiam. 375

LE. Díco ut ussust fieri. LI. Dico hercle égo quoque ut
factúrus sum.

LE. Né nega. LI. Quin prómitto, inquam, hostíre contra ut mérueris.

LE. Égo abeo: tu iám, scio, patiére. set quis hic ést? is est,

Ulest ipsus. iam égo recurro huc: túte hunc interea híc tene:

Vólo seni narráre. LI. Quin tuum offícium facis ergo ác fugis? 380

MERCATOR. LIBANVS.

ME. Vt démonstratae súnt mihi, hasce aédis esse opórtet,

Demaénetus ubi díctur habitáre. i, puere, púlta Atque átriensem Saúream, sist íntus, euocáto huc.

LI. Quis nóstras sic frangít foris? ohe, inquam, siquid aúdis.

ME. Nemo étiam tetigit: sánun es? LI. At cénsebam attigísse 385

Proptérea huc quia habebás iter: nolo égo foris conséruas

Meas á te uerberarier: sane égo sum amicus nóstris.

ME. Pol haú periculumst cárdines ne fóribus ecfringántur,

Si istóc exemplo [tu] ómnibus qui quaérunt respondebis.

LI. Ita haéc moratast iánua: extémplo ianitórem 390 Clamát, procul siquém uidet ire ád se calcitrónem.

Set quíd uenis? quíd quaéritas? ME. Demaénetum uolébam.

LI. Si sít domi, dicám tibi. ME. Quid? éius atriénsis?

LI. Nihiló mage intus ést. ME. Vbist? LI. Ad tón-
sorem ire díxit.

ME. Quid? póst non rediit? LI. Nón pol [huc] uenít.
set quid uolébas? 395

ME. Argénti uigintí minas, si adésset, accepísset.

LI. Qui pró istuc? ME. Asinos uéndidit Pellaéo
mercátóri

Mercátu. LI. Scio: tu id núnc refers? iam hic crédo
eum adfutúrum.

ME. Qua fácie uoster Saúreast? si is ést, iam scire
pótero.

LI. Maciléntis malis, rúfulust, aliquántum uentriósus,
Truculéntis oculis, cómmoda statúra, tristi frónte. 401

ME. Non pótuit pictor réctius describere eius fórmam.

LI. Atque hércle ipsum adeo cóntuor: cassánti capite
incédit.

Quisque óbuiam huic occésserit iráto, uapulábit,
Si quidem hércle Aeacidinís minis animísque expletus
cédit. 405

[Set] sí me iratus tétigerit, irátus uapulábit.

LEONIDA. MERCATOR. LIBANVS.

LE. Quid hoc ést negoti, néminem meum díctum magni
fácere?

Libanum ín tonstrinam ut iússeram ueníre, is nullus
uénit.

Ne ille édepol tergo et crúribus consúluit hau decóre.

ME. Nimis ínperiosust. LI. Vaé mihi. LE. Hodié sal-
uere iússi 410

Libanúm libertum? iám manust emíssus? LI. Opse-
cró te.

LE. Ne tu hércle cum magnó malo [tuo] mi óbuiam occes-
sísti.

Quor nón uenisti, ut iússeram, in tonstrínam? LI. Hic
me morátust.

LE. Si quidem hércle nunc summúm Iouem te dícas de-
tinuísse

Atque is precator ádsiet, malám rem ecfugies núnquam.
Tu uérbero inperiúm meum contémpsisti? LI. Hospes,
périi. 416

ME. Quaeso hércle noli, Saúrea, mea caússa hunc uer-
beráre.

LE. Vtinám nunc stimulus ín manu mihi sít . . ME. Qui-
esce quaéso.

LE. Qui látera conterám tua, quae occálluere plágis.
Apscéde ac sine me hunc pérdere, qui sémper me ira in-
céndit, 420

Quoi núnquam rem me unám licet semél praecipere fúri,
Quin céntiens eadem ínperem atque oggánniam: itaque
iam hércle

Clamóre ac stomacho nón queo labóri suppeditáre.

Iussín, sceleste, ab iánua hoc stércus hinc auférri?

Iussín columnis dèicier operás araneórum? 425

Iussíne in splendorém dari has búllas foribus nóstris?

Nihil ést: tamquam si claúduš sim, cum fústist ambu-
lándum.

Quia tríduom hoc unúm modo foró dedi operam adsí-
duam,

Dum réperiam qui quaéritet argéntum in faenus: híc uos
Dormítis intereá domi atque erus ín hara, haut aedibus
hábitat. 430

Hem ergo hóc tibi. LI. Hospes, te ópsecro, defénde.
ME. Saurea, óro

Mea caússa ut mittas. LE. Ého, [Coriscus] pró uectura olíui

Rem sóluit? LI. Soluit. LE. Quoi datumst? LI. Stichó uicario ípsi

Tuo. LE. Váh, delenire ádparas: scio míhi uicarium ésse

Neque eo ésse seruom in aédibus eri qui sit pluris quam illest. 435

Set uína quae heri uéndidi uinário Exaerámbo,
Iam pro ís satis fecít Sticho? LI. Fecísse satis opínor:
Nam uídi huc ipsum addúcere trapéssitam Exaerámbum.
LE. Sic dédero: prius quae crédidi, uix áнно post exégi:
Nunc sát agit: adducít domum etiam últro et scribit
númmos. 440

Dromón mercedem réttulit? LI. Dimídio minus, opínor.
LE. Quid rélicuom? LI. Aibat réddere, quom extém-
plo redditum éset:

Nam rétineri, ut quod sít sibi operís locatum ecfíceret.
LE. Scuphós quos utendós dedi Philodámo, rettulítne?
LI. Non étiam. LE. Non? hem, sí uelis dare, cómmoda
homini amíco. 445

ME. Perii hércle: iam hic me abégerit suo ódio. LI.
Heus, iam sátis tu:

Audín quae loquitur? LE. Aúdio et quiéscó. ME. Tan-
dem opínor

Conticuit: nunc adeam óptumumst prius quam incipit
tinníre.

Quam móx mihi operam? LE. Ehem, óptume: quam
dúdum tu aduenísti?

Non hércle te prouíderam: quaesó ne uitio uórtas. 450

Ita íracundia ópstitit oculís. ME. Non mirum fáctumst.
Set sí domist Demaénetum uolébam. LE. Negat esse íntus:

Verum istuc argentum tamen mihi si uis denumerare,
Repromittam istoc nomine solutam rem futuram.

ME. Sic potius ut Demaeneto tibi ero praesente reddam. 455

LI. Erus istunc nouit atque erum hic. ME. Ero huic praesente reddam.

LI. Da modo meo periculo: rem saluam ego exhibebo.
Nam si sciat noster senex fidem non esse huic habitam,
Suscenseat, qui [huic] omnium rerum ipse semper credit.

LE. Non magni pendo, ne duit: si non uolt, sic sine astet.

LI. Da, inquam: uah, formido miser ne hic me tibi arbitratur 461

Suassisse sibi ne crederes. da quaeso, ne formida:

Saluom hercle erit. ME. Credam fore, dum quidem in manu ipse habebo.

Peregrinus ego sum: Sauream non noui. LI. At nosce sane.

ME. Sit, non sit, non edepol scio: si is est, eum esse oportet. 465

Ego certe me incerto scio hoc datum nemini homini.

LE. Hercle istum di omnes perduint. uerbó caue supplicassis:

Ferox est, uiginti minas meas tractare sese.

Nemo accipit: aufer te domum, apscede hinc, molestus ne sis.

ME. Nimis iracunde: non decet superbum esse hominem seruom. 470

LE. Malo hercle iam magnó tuo, ni isti nec recte dicis.

LI. Impure, nihili, non uides irasci? LE. Perge porro.

LI. Flagitium hominis, da opsecro argentum huic, ne male loquatur.

ME. Malum hércle uobis quaéritis. LE. Crura hércle
defringéntur,

Ni istum ínpudicum pércies. LI. Perii hércle: age ín-
pudíce, 475

Sceléste, non audés mihi scelésto subueníre?

LE. Pergín precari péssumo? ME. Quae rés? tun li-
bero hómini

Male séruos loquere? LE. Vápula. ME. Id tíbi qui-
dem hercle fiet,

Vt uápules, Demaénetum semul ác conspexero hódie.

In iús uocó te. LE. Nón eo. ME. Non ís? memento.
LE. Mémini. 480

ME. Dabitúr pol suppliciúm mihi de térgo uostro. LE.
Vaé te:

Tíbi quídem de nobis, cárnufex, detúr supplicium? ME
Atque étiam

Pro díctis uostris máledicis poënaé pendentur mi hódie:
* * * * *

LE. Quid, uérbero? ME. Ain tu? LE. Fúrcifer, nos-
mét fugitare cénse? 485

I núnc iam ad erum, quó uocas, iam dúdum quo uo-
lébas.

ME. Nunc démum? tam numquam hínc feres argénti
nummum, nísi me

Dare iússerit Demaénetus. LE. Ita fácito: age ambula
érgo.

Tu cóntumeliam álteri faciás, tíbi non dicátur?

Tam ego hómo sum quam tu. ME. Scílicet ita rés est.
LE. Sequere hac érgo. 490

Praefíscini hoc nunc díxerim: nemo étiam me accussáuit
Meritó meo, neque me álter est Athénis hodie quís-
quam,

Quoi crédi recte acqué putent. ME. Fortásse: set ta-
mén me

Numquam hódie induces út tibi credam hóc argentum
ignóto.

Lupus ést homo homini, nón homo, quom quális sit non
nóuit. 495

LE. Iam núnc secunda míhi facis: scibam huíc te capi-
tulo hódie

Factúrum satis pro iniúria: quamquam égo sum sordi-
dátus,

Frugí tamen sum néc potest pecúlium enumerári.

ME. Fortásse. LE. Etiam nunc Périphanes Rhodó
mercator díues

Apsénte ero solús mihi taléntum argenti sóli 500

Adnúmerauit et crédidit mihi néque deceptust ín eo.

ME. Fortásse. LE. Atque etiam tú quoque ipse si ésses
percontátus

Me ex áliis, scio pol créderes nunc quód fers. ME. Hau
negássim.

A C T V S III.

CLEAERETA. PHILENIVM.

CL. Néqueone ego ted interdictis fácere mansuetém
meis? 504

Án ita tu's animáta ut qui expers mátris inperiís sies?

PH. Vbi piem Pietátem, si istoc móre moratám tibi
Póstulem placére, mater, mihi quo pacto praécipis?

CL. Hócinest pietátem colere, inpérium matris mí-
nuere?

Án decorumst áduorsari mēis te praeceptís? PH.
Quid est?

Néque quae recte faciunt culpo néque quae delin-
quónt amo. 510

CL. Sátis dicaculá's amatrix. PH. Máter, is quae-
stúst mihi:

Língua poscit, córpus quaerit, ánimus hortat, rés mo-
net.

Quín pol si reposíui remum, sóla ego in castéria
Vbi quiesco, omnis familiae caússa consistít tibi.

CL. Égo te uolui cástigare: tú mi accussatríx ades.

PH. Néque edepol te accússo neque id me fácere fas
existumo. 516

Vérum ego meas querór fortunas, quóm illo quem amo
próhibeor.

CL. Écqua pars orátionis dé die dabitúr mihi?

PH. Ét meam partém locundi ét tuam tradó tibi:

Ad locundum atque ad tacendum tute habeas portisculum. 520

CL. Quid ais tu, quam ego unam uidi mulierem audacissimam?

Quotiens te uotui Argurippum filium Demaeneti
Compellare aut contrectare conloquiue aut contui?
Quid dedit? quid deportari iussit ad nos? an tibi 524
Verba blanda esse aurum rere, dicta docta pro datis?
Ultro amas, ultro expetessis, ultro ad te accessi iubes:
Illos qui dant eos derides: qui deludunt deperis.

An te id expectare oportet, si quis promittat tibi
Te facturum diuitem, si moriatur mater sua?
Ecce nobis periculum et familiae portenditur, 530
Dum eius expectamus mortem, ne nos moriamur fame.
Nunc adeo nisi mi huc argenti adfert uiginti minas,
Ne ille ecce hinc trudetur largus lacrumarum foras.
Haec dies summast aput me inopiae excussatio.

PH. Patiar, si cibo carere me iubes, mater mea. 535

CL. Non uoto te amare qui danunt, qua amentur
gratia.

PH. Set si hic animus occupatust, mater, quid faciam?
mone.

CL. Hem,

Meum caput contemples, si quidem ex re consultas tua.

PH. Etiam opilio qui pascit, mater, alienas ouis, 540

Aliquam habet peculiarem, qui spem soletur suam.

Sine me amare unum Argurippum animi caussa, quem
uolo.

CL. Intro abi: nam te quidem edepol nihil est impudentius.

PH. Audientem dicto, mater, produxisti filiam.

LIBANVS. LEONIDA.

LI. Perfídiae laudes grátiasque habémus merito
mágnas, 545

Quom nóstris sucophántiis dolís astutiísque,
Scapulárum confidéntia, uirtúte ulmorum fréti

* * * * *

Qui aduórsum stimulos láminas crucésque conpe-
dísque

Neruós catenas cárceres numéllas pedicas bóias 550

Indúctoresque acérrumos gnarósque nostri térgi

[Qui saepe ante in nostras scapulas cicatrices indi-
derunt]

* * * * *

Eae núnc legiones cópiae exércitusque eórum

Pugnádo ui periúriis nostris, euge, potíti. 555

Virtúte id conlegae hũius [mei] meáque comitáte

Factúmst: qui mest uir fórtior ad súfferundas plá-
gas?

LE. Edepól uirtutis quí tuas nunc póssit conlaudáre,
Sicút ego possum, quae domi duellíque male fecísti:
Ne ille édepol pro meritó tuo memoráre multa
póssit: 560

Vbi fidentem fraudáueris, ubi ero infidelis fúeris,

Vbi uérbis conceptís sciens lubénter periuráris,

Vbi párietes perfóderis, in fúrto ubi sis praehénsus,

Vbi saepe caussam dixeris pendéns aduorsus ócto

Artútos audacís uiros, ualéntis uirgatóres. 565

LI. Fateór profecto ut praédicas, Leónida, esse uéra:

Verum édepol etiam túa quoque male fácta iterári
múlta

Et uéro possunt: úbi sciens fidéli infidus fúeris,
 Vbi praénsus in furtó sies manifésto et uerberátus,
 Vbi périuraris, úbi sacro manús sis admolítus, 570
 Vbi erís damno moléstiae et dedécori saepe fúeris,
 Vbi créditum quod sit tibi datum ésse pernegáris,
 Vbi amícae quam amicó tuo fuerís magis fidélis,
 Vbi saepe ad languorém tua durítia dederis ócto
 Validós lictores úlmeis adféctos lentis uírgis. 575
 Num mále relatast grátia, ut conlégam conlaudáui?
 LE. Vt méque teque máxume atque ingénio nostro
 décuit.

LI. Iam omítte ista atque hoc quód rogo respónde.

LE. Rogita quód uis.

LI. Argénti uigintí minas habésne? LE. Harioláre.

Edepól senem Demaénetum lepidúm fuisse nóbis:

Vt ádsimulabat Saúream med ésse, quam facéte: 581

Vt mémoriter me Saúream uocábat atriénsem.

Nimis aégre rissu mé continui, ubi hóspitem incla-
 máuit,

Quod sése apsentem míhi fidem habére noluísset.

LI. Manedúm. LE. Quid est? LI. Philénium estne
 haec quae íntus exit átque 585

Vna Árgurippus? LE. Ópprime os: is ést: subau-
 scultémus.

LI. Lacrumántem laciniá tenet lacrumáns: quid-
 nam esse dícam?

Tacite aúscultemus. LE. Áttatae: modo hércle in
 mentem uénit:

Nimis uéllem habere pérticam. LI. Quoi rèi? LE.
 Qui uerberárem 589

Asinós, si forte occéperint clamáre hinc ex crumína.

ARGYRIPPVS. PHILENIVM. LIBANVS. LEONIDA.

AR. Quor mé retentas? PH. Quía tui amáns abeuntis
égeo.

AR. Valé. PH. [Pol] aliquanto ámplius ualérem, si
hic manéres.

AR. Salué. PH. Saluere' mé iubes, quoi tu ábiens
adfers mórbum?

AR. Matér supremam túa mihi dixít: domum ire iússit.

PH. Acérbum funus filiae faciét, si te caréndumst. 595

LI. Homo hércle hinc excludíst foras. LE. Ita rés
est. AR. Mitte quaéso.

PH. Quo núnc abis? quin tu híc manes? AR. Nox si
uoles manébo.

LI. Audín hunc opera ut lágus est noctúrna? nunc
enim [híc] est

Intérdius negótiosus: uidelicet Solónem

Legés ut conscribát, quibus se pópulus teneat. gérrae:

Qui sése parere ádparent huius légibus, profécto 601

Numquám bonae frugí sient, diés noctisque pótent.

LE. Ne iste hércle ab ista nón pedem discédat, si li-
céssit,

Qui núnc festinat átque ab hac minátur sese abíre.

LI. Sermóni iam finém tuo face: hũius sermonem ac-
cípiam. 605

AR. Valé. PH. Quo properas? AR. Béne uale:
aput Órcum te uidébo:

Nam equidém me iam quantúm potis a uíta abiudi-
cábo.

PH. Quor tu ópsecro iaméritó meo me mórti dedere
óptas?

AR. Egon té? quam si [ego] intéllegam defícere uita,
iam ípse

Vitám meam tibi lãrgiar et dé mea ad tuam áddam. 610

PH. Quor érgo minitarís mihi te uítam esse amissú-
rum?

Nam quíd me facturám putas, si istúc quod dicis fáxis?
Mihi cértumst ecficere ómnia in me eadém quae tu in
te fáxis.

AR. O mélle dulci dúlcior tu's. PH. Cérte enim tu
mihi uíta's:

Conpléctere. AR. Fació lubens. PH. Vtinám sic
ecferámur. 615

LE. O Líbane, ut miser [is] ést homo qui amát. LI. Im-
mo hercle uéro

Qui péndet multost míserior: scio quí periculum féci.

LE. Circúmsistamus: álter hinc, hinc álter appellé-
mus.

LI. Ere, sálue: set num fúmus est haec múlter quam
amplexáre?

AR. Quidúm? LI. Quia oculi sún tibi lacrumántes,
eo rogáui. 620

AR. Patrónus qui uobís fuit futúrus, perdidístis.

LI. Equidem hércle nullum pérdidi, ideó quia numquam
ullum hábui.

LE. Philénium, salué. PH. Dabunt di quae uelitis
uóbis.

LE. Noctém tuam et uiní cadum uelím, si optata fíant.

AR. Verbúm caue faxis, uérbero. LE. Tibi équidem,
non mihi, ópto. 625

AR. Tum tu ígitur loquere quód lubet. LE. Hunc
hércle uerberáre.

LI. Quisnam istuc adcredát tibi, cinaéde calamistráte?

Tun uérberes qui pró cibo habeás te uerberári?

AR. Vt uóstrae fortunaé meis praecedunt, Libane,
lónge,

Hodié qui numquam ad uésperum uiuám. LI. Qua-
propter quaéso? 630

AR. Quia égo hanc amo et [itidem] haéc me amat:
huic quód dem nusquam quícquamst:

Hinc méd amantem ex aédibus eiécit huius máter.

Argénti uígintí minae ad mórtem me adpulérunt,

Quas hódie adulescens Díabulus ipsí daturus díxit,

Vt hánc ne quoquam mitteret nisi ad se hunc annum
tótum. 635

Vidétin uigintí minae quid póllent quídue póssunt?

Ille qui illas perdit sáluos est: ego qui non perdo
péreo.

LI. Iam dédit argentum? AR. Nón dedit. LI. Bone
ánimo es: ne formída.

LE. Secéde huc, Libane: té uolo. LI. Siquid uis.

AR. Opsecró uos,

Eadem ístac opera suáuiust conpléxos fabulári. 640

LI. Non ómnia eadem aeque ómuibus, ere, suáuia esse
scíto.

Vobís est suaue amántibus conpléxos fabulári:

Ego cónplexum huius níl moror, meum aútem hic
aspernátur:

Proinde ístut facias ípse, quod faciámus nobis suádes.

AR. Ego uéro et quidem edepól lubens: intérea, si
uidétur, 645

Concéдите istuc. LE. Vín erum delúdi? LI. Dignust
sáne.

LE. Vín fáciam ut te Philénium praesénte hoc am-
plexétur?

LI. Cupio hércle. LE. Sequere hac. AR. Écquid est
salútis? satis locúti.

LE. Auscúltate atque operám date et mea dicta de-
uoráte.

Primum ómnium seruós tuos nos ésse non negámus:
Set tíbi si uigintí minae argénti proferéntur, 651
Quo nós uocabis nómine? AR. Libértos. LE. Non
patrónos?

AR. Id pótius. LE. Vigintí minae hic ínsunt in cru-
mína:

Has égo si uis [nunc] tíbi dabo. AR. Di té seruassint
sémper,

Custós erilis, decus popli, thensaúrus copiárum, 655
Salus interioris córporis amórisque inperátor:

Hic póne, hic istam cónloca crumínam in collo pláne.

LE. Nolo égo te qui erus sis mihi onus ístuc sustinére.

AR. Quin tú labore líberas te atque ístam inponís in me?

LE. Ego báulabo, tú ut decet dominum ánte me ito
inánis. 660

AR. Quid núnc? LE. Quid est? AR. Quin trádis
huc crumínám erum pressátum?

LE. Hanc quói daturu's hánc iube petere átque orare
mécum:

Nam ístuc procliuest quód iubes me pláne conlocáre.

PH. Da méus ocellus, méa rosa, mi ánime, mea uo-
lúptas,

Leónida, argentúm mihi: ne nós diiunge amántis. 665

LE. Dice ígitur me passérculum gallínám coturnícem,
Agnéllum haedillum mé tuum dice ésse uel uitéllum:
Praehénde auriculis, cónpara labélla cum labéllis.

AR. Tene aúsculetur, uérbero? LE. Quám uéro in-
dignum uíssumst?

Atquí pol hodie nón feres, ni génua confricántur. 670

AR. Quiduís egestas ínperat: fricéntur, dane quod
óro.

PH. Age, mí Leonida, ópsecro, fer amánti ero salútem:
Redime ístoc benefició te ab hoc et tíbi eme hunc isto
argénto.

LE. Nimis bélla's atque amábilis: et si hóc meum
esset, hódie

Numquám morarem quín darem. illúm te orarest mé-
lius: 675

Ille hanc mihi seruandám dedit: i sáne bella bélle.

Cape hóc sis, Libane. AR. Fúrcifer, etiám me delus-
sísti?

LE. Numquam hércle facerem, génua ni tam néquiter
fricáres.

Age sis tuam partem núnc iam hunc delúde atque am-
plexáre hanc.

LI. Taceás, me spectes. AR. Quín ad hunc, Philénium,
adgredímur, 680

Virúm quidem pol óptimum et non símilem furis
húius?

LI. Inámbulandumst: núnc mihi uicíssim supplicá-
bunt.

AR. Quaeso hércle, Libane, sis erum tuis fáctis so-
spitári,

Da míhi istas uigintí minas: uidés ne amantem egére.

LI. Vidébitur: factúm uolo: redíto huc conticínio.

Nunc ístanc tantispér iube petere átque orare mé-
cum. 686

PH. Amándone exorárier te uís an ausculándo?

LI. Enimuéro utrumque. PH. Ego ópsecro te, utrám-
que nostrum sérua.

AR. O Líbane, mi patrónē, mihi trade istuc: magis
decórumst

Libértum potius quám patronum onus ín uia portáre.

PH. Mi Líbane, ocellus aúreus, donúm decusque
amóris, 691

Amábo, faciam quód uoles: da istúc argentum nóbis.

LI. Dice ígitur me [tuam] anáticulam colúmbam uel
catéllum

Hirúndinem monédulam passérculum putíllum:

Face próserpentem béstiam me, dúplicem ut habeam
línguam, 695

Circúmdato me brácciiis, meum cóllum circumplécte.

AR. Ten cóuplectatur, cárnufex? LI. Quam uéro
indignus uídeor?

Ne istúc nequiquam díxeris in mé tam indignum
díctum,

Vehés pol me hodie, sí quidem hoc argéntum ferre
spéres.

AR. Tene égo ueham? LI. Tune hóc feras argéntum
[hinc] aliter á me? 700

AR. Perii hércle: uerum sí quidemst decórum erum
uehere séruom,

Inscénde. LI. Sic istí solent supérbi subdomári.

Asta ígitur, ut consuétus es puer ólim: scin ut dícam?

Hem, síc: abi laudo: né te equo magis ést equos
nullus sápiens.

AR. Inscénde actutum. LI. Ego féceró: hem, quid
istúc est? ut tu incédis? 705

Demam hércle iam [tibi] de hórdeo, tolútím ni ba-
díssas.

AR. Amábo, Libane, iám sat est. LI. Numquam hér-
cle hodie exorábis:

Nam iam calcari quádrupedem agitábo aduorsum cí-
uom,

Postídea ad pistorés dabo, ut íbi cruciere cúrrens.

Asta út descendam núnc iam in proclíui, quamquam
néquam es. 710

AR. Quid? núnc quoniam ambo nós ut est conlúbitum
delussístis,

Dátisne argentum? LI. Sí quidem mihi áram et
statuam státuis

Atque út deo mi hic ínmolas bouém: nam ego tibi Sa-
lús sum.

LE. Etiám tu, ere, istunc ámoues aps te átque me ipse
adgrédere

Atque illa sibi quae hic iússerat mihi státuis suppli-
cásque? 715

AR. Quem té deum autem nóminem? LE. Fortúnam
atque Opsequéntem.

AR. Iam istóc es melior. LI. Án quid olim hominíst
Salute mélius?

AR. Licét Fortunam laúdem, tamen ut né Salutem
cúlpem.

PH. Ecástor ambae súnť bonae. AR. Sciam, úbi boni
quid déderint.

LE. Opta íd quod ut contingát tibi uis. AR. Quíd,
si optaro? LE. Euéniet. 720

AR. Opto ánnum hunc perpetuóm mihi huius óperas.
LE. Inpetrásti.

AR. Ain uéro? LE. Certe inquam. LI. Ád me adi-
uicíssim atque experíre.

Exópta id quod uis máxume tibi éuenire: fíet.

AR. Quid ego áliut exoptem ámplius nisi illut quouis
inópiast?

Viginti argenti commodas minas, huius quas dem
mátri. 725

LI. Dabúntur: animo sis bono face: éxoptata optíngent.

AR. Vt cónsueuere, hominés Salus frustrátur et For-
túna.

LE. Ego cáput huic argentó fui [tibi] hódie reperiúndo.

LI. Ego pés fui. AR. Quin néc caput nec pés ser-
monum adpáret:

Nec quíd dicatis scíre nec me quór ludatis póssum.

LE. Satis iám delussum cénseo: nunc rém ut est elo-
quámur. 731

Animum, Árgurippe, aduórte sis: patér nos ferre iússit

Hoc árgentum ad te. AR. Vt témpore opportúneque
attulístis.

LE. Hic ínerunt uigintí minae bonaé mala opera pártae:

Has tibi nos pactis légibus dare iússit. AR. Quid id
est quaéso? 735

LE. Noctem huius et cenam út sibi darés. AR. Iube
adueníre:

Meritíssumo eius quaé uolet faciémus, qui hosce amóres
Nostrós dispulsos conpulit. LI. [Patiérin, Árgurippe,]
Patrem hánc amplexarí tuum? AR. Haec fáciet facile
ut pátiar.

Leónida, curre ópsecro: patrem húc orato ut uéniat.

LE. Iam dúdumst intus. AR. Hác quidem non uénit.

LE. Angipórto 741

Illác per hortum tránsiit clam, néquis se uidéret

Huc íre familiárium. LI. Ne uxór resciscat méruit.

De argénto si matér tua sciát, ut sit factum . . AR. Héia:

Bene dícite. LI. Ite intró cito. AR. Valéte. LE. Et
uos amáte. 745

A C T V S III.

DIABVLVS. PARASITVS.

DI. Agedum ístum ostende quém conscripsti súngra-
phum

Intér me et amicam et lénam: leges péllege:

Nam tú poeta's próssus ad eam rem únicus.

PA. Horrécet faxo léna, leges quom aúdiét.

DI. Age quaéso mi hercle tránslege. PA. Audin?

DI. Aúdio. 750

PA. 'Diábulus Glauci filius Cleaéretae

Lenaé dedit argénti uigintí minas,

Philénium ut secum éset noctis ét dies

Hunc ánnum totum.' DI. Néque cum quiquam alió
quidem.

PA. Addóne? DI. Adde et scribas uide plane ét
probe. 755

PA. 'Aliénium hominem intro míttat [ad se] némi-
nem:

Quod illa aút amicum [suum] aút patronum nóminet

Aut quód illa amicae [suae] amatorem praédicet,

Forés occlussae [eius] ómnibus sint nísi tibi:

In fõribus scribat óccupatam [iam] ésse se. 760

Aut quód illa dicat péregre adlatam epístulam,

Ne epístula quidem úlla sit in aédibus

Nec cérata adeo tábula: et siqua inútilis

Pictúra sit, eam uéndat: ni in quadríduo

Abálienarit, quó ex argentum accéperit, 765
 Tuus árbitratus sít: conburas, sí uelis,
 Ne illí sit cera, ubi fácere possit líteras.
 Vocét conuiuam néminem illa: tú uoces.
 Ad eórum ne quemquam óculos adiciát suos:
 Siquem álium aspexit, caéca continuó siet. 770
 Tecum úna postea aéque pocla pótitet,
 Aps téd accipiat, tíbi propinet, tú bibas,
 Ne mínus illa aut plus quám tu sapiat.’ DI. Sátis
 placet.

PA. ‘Suspítiones ómnis ab se ségreget,
 Neque illaec ulli péde pedem [usquam] hominí
 premat. 775

Quom súrget, neque [illa] in léctum inscendat
 próximum,
 Neque quóm descendat índé, det quoiquám ma-
 num.

Spectándum ne quoiquam ánulum det néque roget.
 Talés ne quoiquam admóueat homini nísi tibi.

Quom iáciat, “te” ne dícat, nomen nóminet. 780

Deam ínuocet sibi quám lubebit própítiam,

Deum nállum: si magis réligiosa fúerit,

Tibi dícat: tu pro illa óres ut sit própítius.

Neque úlli illa homini nútet nictet ádnuat.

Post sí lucerna extíncta sit, nequíd sui 785

Membrí conmueat quícquam in tenebris.’ DI. Óp-
 tumumst:

Ita scílicet factúram: uerum in cúbiculo

Deme ístuc: equidem illám moueri géstio.

Nolo illam habere caússam et uotitam dícere.

PA. Scio, cáptiones métuis. DI. Verum. PA. Ergo,
 út iubes, 790

Tollám. DI. Quid ni? PA. Audi rélicua. DI. Elo-
quère: aúdio.

PA. 'Neque úllum uerbum fáciat perplexábile
Neque úlla lingua scíat loqui nisi Áttica.

Fors sí tussire occépsit, ne sic tússiat

Vt quóiquam linguam in tússiundo próserat: 795

Quod illa autem simulet quasi grauedo profluat,

Hoc né sic faciat: tú labellum apstérgeas

Potiús quam quouquam sáuium faciát palam.

Nec máter lena ad uinum accedat interim

Neque ulli uerbo mále dicat: si dixerit, 800

Haec multa ei esto, uino uiginti dies

Vt cáreat? DI. Pulcre scípsti: scitum súngra-
phum.

PA. 'Tum sí coronas sértā unguenta iússerit

Ancíllam Veneri déferre aut Cupídini,

'Tuus séruos seruet, Vénérine eas det án uiro. 805

Si fôrte pure uélle habere díxerit,

Tot noctis reddat spúrcas, quot pure hábuerit.’

Haec sūnt non nugae: nōn enim mortuália.

DI. Placént profecto léges: sequere intró. PA. Sequor.

DIABVLVS. PARASITVS.

DI. Sequere hác: egone haec [ut] pátiar aut ta-
ceam? émorí 810

Me málin, quam haec non éius uxori índicem.

Ain tu? áput amicam múnus adulescéntuli

Fungáre, uxori excússes te et dicás senem?

Praerípias scortum amánti atque argentum óbicias

Lenaé? suppiles clám domi uxorém tuam? 815

Suspéndam potius mé, quam tacita haec tu aúferas.

Iam quidem hércle ad illam hinc íbo, quam tu própe
diem,

Nisi quidem illa ante occupássit te, ecfligés scio,

Luxúriæ sumptus súppeditare ut pössies.

PA. Ego síc faciundum cénseo: me honéstius 820

Quam té palam hanc rem fácerest, ne illa exístumet

Amóris caussa pércitum id fecísse te

Magis quám sua caussa. DI. At pól qui dixti réctius.

Tu ergó face illi túrbas, litis cóncias,

Cum sũo sibi gnato [una] únam ad amicam dé die

Potáre, illam expiláre clam. PA. Ne mé mone: 826

Ego istúc curabo. DI. Át ego te opperiár domi.

A C T V S V.

ARGVRIPPVS. DEMAENETVS. (PHILENIUM.)

AR. Age decumbamus sis, pater. DE. Vt iússeris,
Mi gnáte, ita fiet. AR. Púeri, mensam adpónite.

DE. Numquidnam tibi moléstumst, gnate mí, si haec
nunc mecum adcubat? 830

AR. Pietás, pater, oculís dolorem próhibet: ego quam-
quam ístam amo,

Possum équidem inducere ánimum, ne aegre pátiar, quia
tecum adcubat.

DE. Decét uerecundum ésse adulescentem, Árgurippe.

AR. Edepól, pater,

Meritó tuo facere póssum. DE. Age ergo hoc ágitemus
conuíuium

Vino ét sermone suáui: nolo ego métui, amari máuolo,

Mi gnáte, me aps te. AR. Pól ego utrumque fácio, ut
aequomst filium. 836

DE. Credam ístuc, si te esse hílarum uidero. AR. Án
tu me tristém putas?

DE. Putem égo quem uideam aeque ésse maestum, quási
dies si dícta sit?

AR. Ne díxis istuc. DE. Né sic fueris: ílico ego non
díxero.

AR. Hem, 840

Aspécta, rideo. DE. Vtinam male qui míhi uolunt sic
rídeant.

AR. Scio équidem quam ob rem mé, pater, tu trístem
credas núnc tibi:

Quia istaéc est tecum: atque égo quidem hercle, ut ué-
rum tibi dicám, pater,

Ea rés me male habet, át non eo quia tíbi non cupiam
quaé uelis:

Verum ístam amo: aliam técum esse equidem fáci-
sum pérpeti. 845

DE. At ego hánc uolo. AR. Ergo súnt quae exoptas:
míhi quae ego exoptém uolo.

DE. Vnum hunc diem perpétere, quoniam tíbi potesta-
tém dedi

Cum hac ánnum ut esses átque amanti argénti feci có-
píam.

AR. Hem,

Istóc me facto tíbi deuinxti. DE. Quín te ergo hilarum
dás mihi? 850

ARTEMONA. PARASITVS. DEMAENETVS.

ARGVRIPPVS. PHILENIVM.

ART. Āin tu, meum uirúm potare hic ópsecro cum
fílio

Ét ad amicam détulisse argénti uigintí minas,
Mèoque filiό sciēte id fácere flagitiúm patrem?

PA. Néque diuini neque mi humani pósthac quicquam
adcréduas,

Ártemona, si húius rei me méndacem esse inuéneris.

ART. Át scelesta ego praéter alios mēum uirum fuí
rata 856

Síccum frugi cóntinentem amántem uxoris máxume.

PA. Át nunc dehinc scito illum ante omnis mínumi
mortalém preti,
Mádidum nihili incóntinentem atque óssorem uxoris
suae.

ART. Pól ni uera ista éssent, numquam fáceret ea
quae núnc facit. 860

PA. Égo quoque hercle illum ántehac hominem sém-
per sum frugí ratus:

Vérum hoc facto sése ostendit, quí quidem cum filio
Pótet una atque únam amicam dúctet decrepitús senex.

ART. Hóc ecastor ést quod illic ád cenam cotidie
Áit sese ire ad Árchidemum Chaéream Chaeréstratum
Clíniam Chremém Cratinum Díniam Demósthenem:
Ís aput scortum córrumptelaest líberis, lustrís studet.

PA. Quín tu illum iubés ancillas rápere sublimém do-
mum? 868

ART. Táce modo: ne [ego] illum ecastor míserum
habebo. PA. Ego istúc scio

Íta fore illi, dúm quidem eun illo núpta eris. ART.
Ego cénseo 870

Éum etiam hominem [aut] ín senatu dáre operam
aut cluéntibus:

Íbi labore délassatum nóctem totam stértere.

Ópere illic forís faciundo lássus noctu [ad me] áduenit:
Fúndum alienum arát, incultum fámiiliarem déserit.

Ís etiam corrúptus porro sũum corrupit filium. 875

PA. Séquere hac me modó: iam faxo ipsum hóminem
manifesto ópprimas.

ART. Níhil ecastor ést quod facere mánelim. PA.
Manedúm. ART. Quid est?

PA. Póssis, si forte ádcubantem túum uirum con-
spéxeris

Cúm corona ampléxum amicam, sí uideas, cognóscere?

ART. Póssum ecastor. PA. Én tibi hominem. ART.

Périi. PA. Paulispér mane:

Aúcupemus éx insidiis clánculum quam rém gerant.

ARG. Quid modi, pater, ámplexando fácies? DE. Fa-
teor, gnáte mi . . . 882

ARG. Quid fatere? DE. Mé ex amore huius [ésse]
corruptum óppido.

PA. Aúdin quid ait? ART. Aúdio. DE. Egone ut
nón domo uxori meae

Súbrupiam in delíciis pallam quam hábet atque ad te
déferam? 885

Nón edepol condúci possum uíta uxoris ánnua.

PA. Cénsen tu illunc hódie primum ire ádsuetum esse
in gáneum?

ART. Ille ecastor súppilabat mé, quod ancillás meas
Súspicabar átque insontis míseras cruciabám. ARG.

Pater,

Iúbe dari uinúm: iam dudum fáctumst quom primúm
bibí. 890

DE. Dá, puere, ab summo: áge, tu interibi ab ínfumo
da sáuium.

ART. Périi misera: ut aúsculatur cárnufex, capulí
decus.

DE. Édepol animam suáuiorem aliquánto quam uxo-
rís meae.

PH. Díce amabo, an ánima foetet úxoris tuae? DE.
Naúteam

Bíbere malim, sí necessum sít, quam illam ausculárier.

ART. Né ille ecastor faénerato [haec] fúnditat: nam
sí domum 896

Rédierit hodie, aúsculando ego úlciscar potíssimum.

PLAUTVS II.

PH. Miser ecastor és. ART. Ecastor dignus est.

ARG. Quid aís, pater?

Écquid matrem amás? DE Egone illam? núnc amo,
quia nón adest.

ARG. Quid, quom adest? DE. Perísse cupio. PA.

Ámat homo hic te, ut praédicat.

ART. Áin tandem? edepól ne tu istuc cún malo
magnó tuo 901

Díxisti in me. síne modo ueniás domum: faxó scias

Quíd pericli sít dotatae uxóri uitium dícere.

ARG. láce, pater, talós, ut porro nós iaciamus. DE.
Máxime.

Té, Phileniúm, mihi atque uxóri mortem. hoc Véné-
riumst. 905

Púeri, plaudite ét mi ob iactum cántharo mulsúm date.

ART. Nón queo duráre. PA. Si non dídicisti fulló-
niam,

Nón mirandumst: in oculos [cucúlo] inuadist óptu-
mum.

ART. Égo pol uiuam et tú istaec hodie cún tuo magnó
malo

Ínuocasti. PA. Écquis currit póllictorem arcéssere?

ARG. Máter, salue. ART. Sát salutist. PA. Mór-
tuost Demaénetus. 911

Témpus est subducere hinc me: púlcre hoc gliscit
proélum.

Íbo ad Diabulúm: mandata dicam facta ut uóluerit

Átque interea ut decumbamus suádebo, hi dum lítigant.

Póst eum demum huc crás adducam ad lénam, ut ui-
gintí minas 915

Ėi det, in partem hác amanti ut líceat ei potírier.

Árgurippus éxorari spéro poterit út sinat

Sése alternas cū illo noctis hāc frui: nam nī īn petro,
Régem perdidi: éx amore tāntumst homini incéndium.

ART. Quid tibi hunc recéptio ad test mēum uirum?

PH. Pol mé quidem 920

Miseram [istic] odio énicauit. ART. Súrge amator,
í domum.

DE. Núllus sum. ART. Immo es, né nega, omnium
[hóminum] pol nequíssumus.

Át etiam cubát cuculus: súrge amator, í domum.

DE. Vaé mihi. ART. Vera háriolare: súrge amator,
í domum.

DE. Ápscede ergo paúlulum istuc. ART. Súrge ama-
tor, í domum. 925

DE. Iam ópsecro, uxor. ART. Núnc uxorem mé esse
meministí tuam?

Módo, quom dicta in me íngerebas, ódium, non uxór
eram.

DE. Tótus perii. ART. Quid tandem? anima foé-
tetne uxoris tuae?

DE. Múrram olet. ART. Iam súbrupuisti pállam
quam scortó dares?

PH. Écastor qui súbrepturum pállam promissit tibi.

DE. Nón taces? ARG. Ego díssuadebam, máter.

ART. Bellum fílium. 931

Ístoscin patrem aéquomst mores líberis largírier?

Nīne te pudét? DE. Pol si aliut níl sit, tui me, uxór,
pudet.

ART. Cāno capite té cuculum úxor ex lustrís rapit.

DE. Nón licet manére (cena cóquitur) dum ceném
modo? 935

ART. Écastor cenábis hodie, ut dígnus es, magnúm
malum.

DE. Mále cubandumst: iúdicatum me úxor abducit
domum.

ARG. Dícebam, patér, tibi ne mátri consulerés male.

PH. Dé palla meménto, amabo. DE. Iúben hanc hinc
apscédere?

ART. Í domum. PH. Da sáuium etiam príus quam
abis. DE. Abi ín crucem. 940

PH. Ímmo potius íntro: sequere hac, mí anime.

ARG. Ego ueró sequor.

C A T E R V A .

Híc senex siquíd clam uxorem súo animo fecít uolup,
Néque nouom neque mírum fecit néc secus quam alií
solent.

Néc quisquamst tam ingénio duro néc tam firmo
péctore,

Quín, ubi quicque occássionis sít, sibi faciát bene. 945

Núnc si uoltis déprecari huíc seni ne uápulet,

Rémur inpetrári posse, plaússum si clarúm datis.

METRA HVIVS FABVLAE HAEC SVNT

- V. 1 ad 126 iambici senarii
- 127 ad 132 cretici tetrametri acatalecti
- 133 bacchiacus tetrameter acatalectus
- 134 ad 137 cretici tetrametri acatalecti
- 138 ad 380 trochaici septenarii
- 381 ad 503 iambici septenarii
- 504 ad 544 trochaici septenarii
- 545 ad 745 iambici septenarii
- 746 ad 829 iambici senarii
- 830 ad 850 iambici octonarii
- 851 ad 947 trochaici septenarii.

T. MACCI PLAVTI

B A C C H I D E S.

GRAECA [DISEXAPATON MENANDRV].

P E R S O N A E.

PISTOCLERVS ADVLESCENS
BACCHIDES SORORES MERETRICES
CLEOMACHVS MILES
SERVOS
LVDVS SERVOS
CHRVSALVS SERVOS
NICOBVLVS SENEX
MNESILOCHVS ADVLESCENS
PHILOXENVS SENEX
PARASITVS
PVER
ARTAMO LORABIVS
CATERVA.

ACTVS I.

PISTOCLERVS.

* * *

Quibus ingenium in ánimo utibilest, módicum et sine
uernílitate

* * *

Víncla uirgaé molae: saéuitudó mala

Fit péior

* * *

Quaé sodalem átque me exércitos habet.

* * *

BACCHIS I. PISTOCLERVS.

BA. Vlíxem audiui fuisse aerumnosíssumum, 5

Qui uíginti annis érrans a patria áfuit.

Verum híc Vlixem múlto adulescens ántidit:

Qui hic ílico errat íntra muros ciuicos

* * *

BA. mēi cognominís fuit.

* * *

BA. Conuórrite [aedis] scópis, agite strénue 10

. ecquis éuocat

Cum nássiterna et cúm aqua istum impuríssumum?

* * *

CLEOMACHVS. BACCHIS II. SERVOS.

CL.

Sin lénocinium fórte conlubitúmst tibi,
Videás mercedis quíd tibist pactúm dari,
Ne istác me aetate séctarere grátiis.

15

Ne a quóquam acciperes álio mercedem ánnuam
Nisi áb se nec cum quíquam limarés caput.

. limacés uiri.

PISTOCLERVS. BACCHIS II. SERVOS.

PI.

Sícut lacte lácti similist: quídquid est nomén sibi.

SE. Latrónem suam qui aúro uitám uenditát. 20

Sció spiritum éius maiórem esse múlto
Quam fólles tauríni halitánt, quom liquéscunt
Petraé, ferrum ubí fit. PI. Quoiátis [tibi uíssust]?
SE. Praenéstinum opíno esse: ita erát gloriósus.

PI. . . oppidúm 25
Neque [id] haú subditíua arbitrór gloria [ésse].

BACCHIDES (BACCHIS. SOROR). PISTOCLERVS.

BA. cór meum, spés mea,
Mél meum, suáuitudó, cibus, gáudium.

Sine te amem

Arabus

cupidon té confecit á nne amor?

fortásse ted amáre suspicárier.

argéntum hinc facito

Nám tu quidem credo éxcantare quóivis facile cór potes.

SO.

BA. Quid si hoc potis est út tu taceas, égo loquar? **SO.**

Lepidé: licet. 35

BA. Vbi me fugiet memoria, ibi tu facito ut subuenias,
soror.

SO. Pól magis metuo míhi in monendo né defuerit óptio.

BA. Pól ego metuo lúsciniolae né defuerit cántio:

Séquere hac. **PI.** Quid agunt dūae germanae méretrices
cognómines?

BA. Miserius nihil est quam mulier. PI. Quid esse di-
cis dignius? 40

Quid in consilio cónsuluistis? BA. Béne. Pl. Pol hau
meretríciumst.

BA. Haec ita me orat sibi qui caueat aliquem ut hominem
réperiam

Ád istunc militem: út, ubi emeritum síbi sit, se reuehát
domum.

Íd, amabo te, huic cáueas. PI. Quid isti cáueam? BA.
Vt reuehatúr domum. 44

Vbi ei dederit óperas, ne hanc ille hábeat pro ancillá sibi.

Nám si haec habeat aúrum quod illi rénumeret, faciát
lubens.

PI. Vbi nunc is homost? BA. Iam híc credo aderit. sét
hoc idem aput nos réctius

Póteris agere: atque is dum ueniat sédens ibi opperí-
bere:

Ěadem biberis, ěadem dedero tibi ubi biberis sáuium.

PI. Viscus merus uostrást blanditia. BA. Quíd iam?

PI. Quia enim intéllego, 50

Dúae [me] unum expetitís palumbem: † perii harundo
alas uérberat.

Nón ego istuc mihi fácinus, mulier, cónducibile esse
árbitror.

BA. Quí, amabo? PI. Quia, Bácchis, Bacchas métuo et
bacchanál tuum.

BA. Quíd est quod metuis? né tibi lectus málitiam aput
me suádeat?

PI. Mágis inlectum tũum quam lectum métuo: mala tu's
béstia. 55

Nam huíc aetati nón conducit, múlter, latebrosús locus.

BA. Ěgomet aput me néquid stulte fácere occupias pró-
hibeam.

Sét ego aput me té esse ob eam rem, míles quom ueniát,
uolo:

Quía, quom tu aderis, huíc mihiq̃ue hau fáciēt quisquam
iniúriam.

Tú prohibebis ét eadem opera tũo sodali operám
dabis, 60

Ét ille adueniens tũam med esse amícam suspicábitur.

Quíd, amabo, opticuísti? PI. Quia istaec lépida sunt
memorátui:

Ěadem in usu atque úbi periculum fácias aculeáta sunt,

Ánimum fodicant, bóna distímulant, fácta et famam saú-
ciant.

SO. Quíd ab hac metuis? PI. Quíd ego metuam rógitas?
adulescéns homo 65

Pénetrare huius modi ín palaestram, ubi dámnis desu-
dáscitur?

Vbi pro disco damnum capiam, pro cursura dedecus.]

SO. Léptide memoras. PI. Vbi ego capiam pró machaera
túrturem,

Vbique inponat ín manum alius míhi pro cestu cántha-
rum:

Pró galca scaphiúm, pro insigni sí corolla pléctilis, 70

Pro hásta talus: pró lorica málacum capiam pállium:

Vbi mi pro equo léctus detur, scórtum pro scuto ádcu-
bet?

Ápage a me, apage. SO. Ah, nímium ferus es. PI. Míhi
sum. SO. Malacissándus es:

Équidem tibi do hanc óperam. PI. At nimium prétiosa's
operária.

BA. Símulato me amáre. PI. Vtrum ego istuc iócon ad-
simulem an sério? 75

BA. Héia, hoc agerest mélius: miles quom húc adueniat,
té uolo

Me ámplexari. PI. Quíd eo mi opus est? BA. Vt ille
te uideát, uolo:

Scío [ego] quid ago. PI. Et égo pol scio quid métuo. set
quid aís? BA. Quid est?

PI. Quíd si aput te eueniát desubito prándium aut po-
tátio

Fórte aut cena, ut sólet in istis fieri conciliábulis, 80

Vbi ego tum adcubem? BA. Áput me, mi anime: ut lé-
pidus cum lepida ádcubet.

Locus hic aput nos, quámuis subito uénias, semper liber
est.

Vbi tu lepide uóles esse tibi, 'méa rosa' mihi dícito
'Dáto qui bene sit': égo ubi bene sit tibi locum lepidúm
dabo.

PI. Rápidus fluuius ést hic: non hac témere transirí
potest. 85

BA. Átque ecastor áput hunc fluuium áliquid perdun-
dúmst tibi:

Mànum da et sequere. PI. Ah mínime. BA. Quid ita?

PI. Quía istoc inlecebrósius
Fieri nil potést, nox mulier uinum homini adulescéntulo.

BA. Áge igitur: equidém pol nihili fácio nisi caussá
tua.

Ille quidem hanc abdúcet: nullus tu ádfueris, si nón
lubet. 90

PI. Súmne autem nihili qui nequeam ingénio moderarí
meo?

BA. Quid est quod metuas? PI. Níhil est: nugae. mú-
lier, tibi me emáncupo:

Túus sum, tibi dedo óperam. BA. Lepidu's. núnc ego
te facere hóc uolo:

Égo sorori mēae cenam hodie dáre uolo uiáticam:

Ēo tibi argentúm iubebo iám intus ecferrí foras, 95

Tú facito opsonátum nobis sit opulentum opsónium.

PI. Égo opsonabo: nám id flagitium sit, mea te grátia
Ét operam dare mi ét ad eam operam fácere sumptum dé
tuo.

BA. Át ego nolo dáre te quicquam. PI. Síne. BA. Sino
equidem, sí lubet.

Própera amabo. PI. Prius hic adero quám te amare
désinam. 100

SO. Béne med accipis áduenientem, méa soror. BA.
Quid ita, ópsecro?

SO. Quía piscatus mēo quidem animo hic tíbi hodie eue-
nít bonus.

BA. Méus ille quidemst. tíbi nunc operam dábo de Mne-
silochó, soror,

Út hic accipias pótius aurum quám hinc eas cum mílite.

SO. Cúpio. BA. Dabitur ópera. calet aqua: ěamus hinc
intro út laues: 105

Nám ut in naui uécta's, credo tímida's. SO. Aliquantúm,
soror:

Sémul hic nescío quí turbare [coépit]: decedámus [hinc].

BA. Séquere hac igitur me íntro lotum, ut sédes lassitú-
dinem.

A C T V S II.

L V D V S. P I S T O C L E R V S.

LV. Iam dúdum, Pistoclére, tacitus té sequor
Inspéctans quas tu rés hoc ornatú geras. 110

Namque íta me di ament, út Lucurgus míhi quidem
Vidétur posse híc ad nequitiam addúcier.

Quo núnc capessis téd hinc aduorsá uia

Cum tánta pompa? PI. Húc. LV. Quid, huc? quis
ístic habet?

PI. Amór Voluptas Vénus Venustas Gaúdium 115
locus Lúdus Sermo Suáuisaiátio.

LV. Quid tíbi commercist cúm dis damnosíssimis?

PI. Malí sunt homines quí bonís dicúnt male.

Tu díis nec recte dícis: non aequóm facis.

LV. An déus est ullus Suáuisaiátio? 120

PI. An nón putasti esse? hém quam, o Lude, es bár-
barus,

Quem ego sápere nimio cénsui plus quám Thalem.

I, stúltior es bárbaro Potício,

Qui tántus natu dēorum nescis nómina.

LV. Non híc placet mi ornátus. PI. Nemo ergó tibi 125
Hoc adparauit: míhi paratumst quóí placet.

LV. Etiám med aduorsum éxordire argútias?

Qui sí decem habeas línguas, mutum esse áddecet.

PI. Non ómnis aetas, Lúde, ludo cónuenit.

Magis únus in mentemst míhi nunc, satis ut cómmode

Pro dignitate opsóni haec concurét coquos. 131

LV. Iam pérdidisti té atque me atque operám meam,
Qui tibi nequiquam saepe monstraui bene.

PI. Ibidém meam operam pérdidi ego, ubi tú tuam:
Tua disciplina néc mihi prodest néc tibi. 135

LV. O praéligatum péctus. PI. Odiosús mihi's:
Tace átque sequere, Lúde, me. LV. Illuc síis uide:
Non paédagogum iám me, set Ludúm uocat.

PI. Non pár uidetur néque sit consentáneum,
Quom hic íntus sit et [úna] cum amica ádcubet 140
Quomque aúsculetur ét conuiuae alii ádcubent,
Praesénte ibus una paédagogus út siet.

LV. An hóc ad eas res ópsonatumst, ópsecro?

PI. Sperát quidem animus: quo éuenat dis ín manust.

LV. Tu amícam habebis? PI. Quóm uidebis, tím scies.

LV. Immó neque habebis néque sinam: i russúm do-
mum. 146

PI. Omítte, Lude, ac cáue malo. LV. Quid, cáue malo?
O bárathrum, ubi's nunc? út ego te ussurpém lubens.

[Viuó iam nimio múlto plus quam uólueram.]

Vixísse nimio sátiust iam quam uiuere. 150

Magístron quemquam díscipulum minitárier?

PI. Iam excéssit mi aetas éx magisterió tuo.

LV. Nil móro díscipulos míhi esse plenos ságuinis:
Valéns afflictet mé uociuom uírium.

PI. Fiam, út ego opinor, Hércules, tu autém Linus. 155

LV. Pol métuo magis ne Phoénix tuis factís fuam
Teque ád patrem esse mórtuom renúntiem.

PI. Satis hístoriarumst. LV. Híc uereri pérdidit:
Occíssus hic homost. écquid in mentémst tibi

Patrém tibi esse? PI. Tíbi ego an tu mihi séruos es?

LV. Conpéndium edepol haút aetati optábile 161

Fecísti, quom istanc nánctu's inpuéntiam.

Peiór magister té istaec docuit, nón ego.

Nimio's tu ad istas rés discipulus dócilior

Quam ad illa quae te dócui, ubi operam pérdidi. 165

Edepól fecisti fúrtum in aetatém malum,

Quom istaec flagitia mé celauisti ét patrem.

PI. Istáctenus tibi, Lúde, libertás datast

Orátionis: sátis est. sequere hac me ác tace.

C H R V S A L V S .

Erílis patria sálue, quam ego biénno 170

Postquam hínc in Ephesum ábii conspició lubens.

Salúto te, uicíne Apollo, qui aédibus

Propínquos nostris ádcolis, ueneróque te

Ne Nícobulum mé sinas nostrúm senem

Prius cónuenire quám sodalem uíderim 175

Mnesílochi Pistoclérum, quem ad epístulam

Mnesílochus missit súper amica BÁCchide.

P I S T O C L E R V S . C H R V S A L V S .

PI. Mirúmst me ut redeam te ópere tanto quaésere,

Qui abíre hinc nullo pácto possim, sí uelim:

Ita mé uadatum amóre uinctumque áttines. 180

CH. Pro di inmórtales, Pístoclérum cónspicor.

O Pístoclere, sálue. PI. Salue, Chrúsale.

CH. Conpéndi uerba múlta iam faciám tibi.

Veníre tu me gaúdes: ego credó tibi.

Hospítium et cenam póllicere, ut cónuenit 185

Peregre áduenienti: ego ántem uenturum ádnuo.

Salútem tibi ab sodáli solidam núntio.

Rogábis me ubi sit: uénit. PI. Nempe recté ualet?

CH. Istúc uolebam ego éx te percontárier.

PI. Qui scíre possum? CH. Núllus plus. PI. Quemnam
ád modum? 190

CH. Quia, sí illa inuentast quám amat, uiuit ét ualet.

[Si non inuenta est, minus ualet moribundusque est.]

Animást amica amánti: si abest, núllus est.

[Si adest, res nulla est, ipso est, nequam et miser.]

Set tú quid factitásti mandatís super? 195

PI. Egone út, quod ab illo [me] áttigisset núntius,

Non ímpetratum id áduenienti ei rédderem?

Regiónes colere máuellem Acherúnticas.

CH. Eho,

An ínuenisti Bácschidem? PI. [Et] Samiám quidem. 200

CH. Vide quaéso nequis tráctet illam indíligens:

Scis tu út confringi uás cito Samiúm solet.

PI. Iamne út soles? CH. Dice úbi ea nunc est, óp-
secro.

PI. Hic, éxeuntem mé unde aspexistí modo.

CH. Vt istúc est lepidum: próxume uicíniae 205

Habitát. ecquidnam méminit Mnesilochí? PI. Rogas?

Immo únice unum plúrumi pendít. CH. Papae.

PI. Immo út eam credis? mísere amans desíderat.

CH. Scitum istuc. PI. Immo, Chrúsale, en, non tán-
tulum

Vmquam íntermittit témpus quin eum nóminet. 210

CH. Tanto hércle melior. PI. Ímmo . . CH. Immo her-
cle ábiero

Potiús. PI. Num inuitus rém bene gestam audís eri?

CH. Non rés, set actor míhi cor odio saúciat.

Etiam Épidicum, quam ego fábulam aequae ac me ípsam
amò,

Nullam aequae inuitus spécto, si agit Póllio. 215

Set BÁCCHIS etiam fórtis tibi uissást? PI. Rogas?

Ni náctus Venerem essem, hánc Iunonem dúcerem.

CH. Edepól, Mnesiloche, ut rem hánc natam esse in-
téllego,

Quod amés paratumst: quód des inuentóst opus.

Nam istóc fortasse auróst opus. PI. Philippeó quidem.

CH. Atque èo fortasse iám opust. PI. Immo etiám
prius: 221

Nam iam húc adueniet mÍles. . CH. Et milés quidem.

PI. Qui de ámittunda BÁCCHIDE aurum hic éxigit.

CH. Aduéniat quando uólt atque ita ne sít morae.

Dómíst: non metuo míhi nec quoiquam súpplico, 225

Dum quidem hóc ualebit péctus perfidiá meum.

Abi íntro: ego hic curábo. tu íntus dícto

Mnesílochum adesse BÁCCHIDI. PI. Faciam út iubes.

CH. Negótium ad me hoc áttinet aurárium.

Mille ét ducentos PhÍlippo tulimus áureos 230

Ephesó, quos hospes déhibuit nostró seni:

Inde égo hodie aliquam máchinabor máchinam,

Vt áurum ecficiam amánti erili filio.

Set fóris concrepuit nóstra: quinam exít foras?

NICOBVLVS. CHRVSALVS.

NI. Ibo in Piraeum: uíssam ecquaenam aduénierit 235

In pórtum ex Epheso náuis mercatória.

Nam méus formidat ánimus, nostrum tám díu

Ibi désidere néque redire filium.

CH. Exténam ego illum púlcre iam, si dí uolunt.

Hau dórmitandumst: ópus est chruso Chrúsalo. 240

Adíbo hunc, quem quidem ego hódie faciam hic árietem

Phrxi: íta detondebo aúro usque ad uiuám cutem.

Seruós salutat Nícobulum Chrúsalus.

NI. Pro di ínmortales, Chrúsale, ubi mist filius?

CH. Quin tú salutem prímum reddis quám dedi? 245

NI. Salué. set ubinamst Mnésilochus? CH. Viuit, ualet.

NI. Venítne? CH. Venit. NI. Eúax, aspersísti aquam.

Benene úsque ualuit? CH. Páncratice atque athlétice.

NI. Quid hóc qua caussa eum [hínc] in Ephesum mísse-
ram?

Accépitne aurum ab hópíte Archidémidē? 250

CH. Heu, cór mi et cerebrum, Nícobule, fínditur,

Istíus hominis úbi fit quomque méntio.

Tune hópitem illum nóminas hostém tuum?

NI. Quid ita, ópsecro hercle? CH. Quía edepol certó scio,

Volcánus Luna Sól Dies, di quáttuor, 255

Sceléstiozem nállum inluxere álterum.

NI. Quamne Árchidemidem? [hém.] CH. Quam, in-
quam, Archidémidem.

NI. Quid fécit? CH. Quid non fécit? quin tu id mé
rogas?

Primúmdum infitias íre coepit filio:

Negáre se dehibére tibi trióbulum. 260

Contínuo [ibi] antiquom hópitem nostrúm sibi

Mnésilochus aduocáuit, Pelagoném senem:

Eo praésente homini extémplo ostendit súmbulum,

Quem títe dederas ad eum ut ferret filio.

NI. Quid, úbi ei ostendit súmbulum? CH. Infit dí-
cere 265

Adúlterinum, nón uerum esse súmbulum:

Adúlterare eum aibat rebus céteris:

Quotque innocenti ei dixit contumélias.

NI. Habétin aurum? id [primum] mihi dici uolo.

CH. Postquám quidem praetor récupérateurés dedit, 270
Damnátus demum, uí coactus réddidit

Mille ét ducentos Phílippos. NI. Tantum déhibuit.

CH. Porro étiam ausculta púguam quam uoluít dare.

NI. Etiám quid porro? hem, áccipitrina haec núnc erit.
Decéptus sum: Autoluco hóspiti aurum crédidi. 275

CH. Quin tu aúdi. NI. Hem, auidi ingénium hau per-
noram hóspitis.

CH. Postquam aúrum apstulimus, ín nauem conscén-
dimus

Domí cupientes. fórte ut adsedi ín stega,
Dum [mé] circumspecto, átque ego lembum cónspicor
Longum áps tricone málefico exornárier. 280

NI. Perii hércle: lembus illè mihi laedít latus.

CH. Is erát communis cum hóspite et praedónibus.

NI. Adeón me fuisse fúngum ut qui illi créderem,
Quom mi ípsum nomen éius Archidémides
Clamáret dempturum ésse siquid créderem? 285

CH. Is nóstrae nauí lémbus insidiás dabat.

Occépi ego opseruáre eos quamnam rém gerant.

Intérea e portu nóstra nauis sóluitur.

Vbi pórtu eximus, hómines remigió sequi,
Neque aués neque uenti cítiús. quoniám séntio 290

Quae rés gereretur, náuem extemplo státuimus.

Quoniám uident nos stáre, occeperúnt ratem

Seruáre in portu. NI. Édepol mortalís malos.

Quid dénique agitis? CH. Rússum in portum récipi-
mus.

NI. Sapiénter factum a uóbis. quid illi póstea? 295

CH. Reuórsionem ad térram faciunt uésperi.

NI. Aurum hércle auferre uóluere: ei rei operám dabant.

CH. Non mé fefellit, sénsi: eo exanimatús fui.

Quoniám uidemus aúro insidias fieri,

Capimús consilium cótinuo [hoc]: postrídie 300

Auférimus aurum omne [íllim] illis praeséntibus

Palam átque aperte, ut illi id factum scíscerent.

NI. Scite hércle: cedo, quid illi? CH. Tristes ílico,

Quoniam éxtemplo a portu íre nos cum auró uident,

Subdúcunt lembum cápítibus cassántibus. 305

Nos àput Theotimum omne aúrum deposuimus,

Qui illíc sacerdos ést Dianae Éphesiae.

NI. Qui istíc Theotimust? CH. Mégalobusi fílius,

Qui núnc in Ephesost Ephesiis caríssimus.

NI. Ne ille hércle mihi sit múlto tanto cáríor, 310

Si méd illo auro tánto circumdúxerit.

CH. Quin ín capse aede [dëae] Dianae cóndítumst:

Ibidém puplicitus séruant. NI. Occidístis me:

Ninio híc priuatim séruaretur réctius.

Set nílne [huc] attulístis inde aurí domum? 315

CH. Immo étiam: uerum quántum attulerit néscio.

NI. Quid, néscis? CH. Quia Mnesílochos noctu clán-
culum

Deuénit ad Theotímum: nec mihi crédere

Nec quoíquam in naui uóluit. eo ego néscio

Quantum íllim attulerit: uérum hau permultum áttulit.

NI. Etiám dimidium cénset? CH. Non edepól scio: 321

Verum haút opinor. NI. Fértne partem tértiam?

CH. Non hércle opinor: uérum uerum néscio:

Profécto de auro níl scio nisi néscio.

Nunc tíbimet illuc náui capiundúmst iter, 325

Vt illút reportes aúrum ab Theotimó domum.

Atque heús tu. NI. Quid uis? CH. Ánulum gnatí tui
Facito út memineris férre. NI. Quid opust ánulo?

CH. Quia id sígnumst cum Theotímo, qui eum illi
ádferet,

Ei aúrum ut reddat. NI. Méminero, et recté mones.

Set istíc Theotimus díuesnest? CH. Etiám rogas? 331

Quine hábeat auro sóccis suppactúm solum?

NI. Quor íta fastidit? CH. Tántas diuitiás habet:

Nescít quid faciat aúro. NI. Mihi dúit uelim.

Set quí praesente id aúrum Theotimó datumst? 335

CH. Populó praesente: nállust Ephesi quín sciat.

NI. Istúc sapienter sáltem fecit fílius,

Quom díuiti homini id aúrum seruandúm dedit:

Ab eó licebit quámuis subito súmer.

CH. Immo, én, tantisper núnquam te morábitur, 340

Quin hábeas illut quó die illuc uéneris.

NI. Censébam me ecfugísse a uita márítuma,

Ne náuigarem tándem hoc aetatis senex.

Id [iám] mi utrum uelim haú licere intéllego:

Ita béllus hospes fécit Archidémidés. 345

Vbi nún est ergo méus Mnesilochus fílius?

CH. Deos átque amicos iit salutatum ad forum.

NI. At ego hinc abeo illum ut cónueniam quantúm
potis.

CH. Illést oneratus récte et plus iustó uehit.

Exórta haec tela nón male omninó mihist, 350

Vt amántem erilem cópem facerem fílium.

Ita féci, ut auri quántum uellet súmeret,

Quantum aútem lubeat réddere, ut reddát patri.

Senéx in Ephesum [hinc] íbit aurum arcéssere:

Hic nóstra agetur aétas in malacúm modum, 355

Si quidem híc relinquet néque secum abducét senex
 Med ét Mnesilochum. quás ego hic turbás dabo.
 Set quíd futurumst, quóm hoc senex rescíuerit?
 Quom se éxcucurrisse illuc frustra sciúerit
 Nosque aúrum abussos, quíd mihi fiet póstea? 360
 Credo hércle adueniens nómen mutabít mihi
 Faciétque extemplo Crúcisalum me ex Chrúsalo.
 Aufúgero hercle, sí magis ussus uénerit.
 Si eró repraensus, mácto ego illum infortúnio:
 Si illí sunt uirgae rúri, at mihi tergúm domist. 365
 Nunc íbo: erili filio hanc fabricám dabo
 Super aúro amicaque çius inuenta Bécchide.

L V D ▼ S.

Pándite atque aperíte propere iánuam hanc Orci, óp-
 secro:
 Nam équidem haut aliter ésse duco: quippe quo nemo
 áduenit
 Nísi quem spes relíquere omnes ésse ut frugi póssiet. 370
 Bécchides non Bécchides, set Bécchae sunt acérrumae.
 Ápage istas a mé sorores, quae hóminum sorbent sán-
 guinem.
 Ómuis ad perníciam instructa dómus opime atque ópi-
 parest:
 Quae ut aspexi, mé continuo cóntuli protinam ín pedes.
 Égone ut haec conclússa gestem clánculum? ut celém
 patrem, 375
 Pístoclere, túa flagitia aut dámna aut desidiábula?
 [Quíbus patrem et me téque amicosque ómnis adfectás
 tuos

Ád probrum damnúm flagitium adpéllere una et pér-
dere.]

Néque mei neque tui ted intus púditumst factis quaé facis :
Quíbus tuum patrém meque una amícos adfinís tuos 380
Tua [tu] infamiá fecisti gérulifigulos flágití.

[Núnc prius quam málum istoc addis cértumst iam dicám
patri.]

Dé me hanc culpam démolibor iám et seni faciám palam,
Vt [ille] eum ex lutulénto coeno própere hinc eliciát
foras.

A C T V S III.

MNESILOCHVS (CVM PEDISEQVIS).

Múltimodis meditátus egomet mécum sum et ita esse ár-
bitror: 385

Hómini amico quíst amicus íta uti nomen póssidet
Nísi deos ei níl praestare: id ópera expertus sum ésse ita.
Nám ut in Ephesum hinc ábii (hoc factumst férme abhinc
biénnum),

Éx Epheso huc ad Pístoclerum mèum sodalem líteras
Míssi, amicam ut mi ínueniret BÁCCHIDEM. illum intél-
lego 390

Ínuenisse, ut méus mi seruós núntiauit Chrúsalus.
Cóndigne is quam téchnam de auro aduórsum meum fe-
cít patrem,

Út mihi amanti cópia esset. [aéquom uideo id réddere.
Nám pol meo quidem ánimo ingrato hómine nihil inpén-
siust.

Málefactorem amítti satiust quám relinqui bÉnEFICUM. 395
Nímio inpendiósum praestat té-quam ingratum dícier.
Íllum laudabúnt boni: hunc etiam ípsi culpabúnt mali.
Quá me caussa mágis cum cura esse aéquomst: obuigi-
láto opust.

Núnc, Mnesiloche, spécimen specitur, núnc certamen
cérnitur,

Sísne necne ut ésse oportet: málus, bonus quoiquoí
modi: 400

Iústus, iniustús: malignus, lárgus: [tristis,] cómmodus.
 Cáue sis te superáre seruom síeris faciundó bene.
 V́tut eris, moneo, haút celabis.] sét eccos uideo incédere
 [Měi] patrem sodális et magistrum: aúscultabo hinc
 quám rem agant.

LVDVS. PHILOXENVS. MNESILOCHVS
 (CVM PEDISEQVIS).

LV. Nunc experiar síne aceto tibi cor acre in pectore:
 Séquere. PH. Quo sequár? quo ducis nunc me? LV.
 Ad illam quae tuum 406

Pérdidit, pessum dedit tibi filium unice únicum.

PH. Héia, Lude: leniter qui saeuunt sapiunt magis.
 Minus mirandumst illaec aetas síquid illorum facit 409
 Quám si non faciát: feci ego istaec ítidem in adulescéntia.
 LV. Hei mihi, hei mihi, pérdidit illum ístaec adsentátio
 Nam ápsque te esset, égo illum haberem réctum ad inge-
 niúm bonum:

Nunc propter te túamque prauos factus est fidúciam
 Pistoclerus. MN. Di ímortales, mēum sodalem hic nó-
 minat:

Quíd hoc negotist Pistoclerum Lúdu quod erum tám
 ciet? 415

PH. Paúlisper, Lude, ést lubido hómini suo animo óp-
 sequi:

Iam áderit tempus quóm sese etiam ipse óderit. morém
 geras:

Dúm caueatur praéter aequom néquid delinquát, sine.

LV. Nón sino neque équidem me uiuo illum conrumpí
 sinam.

Sét tu qui pro tám conrupto dícis caussam filio, 420
Éademne erat haec dísciplina tíbi, quom tu adulescéns
eras?

Négo tibi hoc annís uiginti fuisse primis cópiae,
Dígitum longe a paédagogo pédem ut ecferres aédibus.
Íd quom optigerat, hóc etiam ad malum árcessebatúr
malum:

Ét discipulus ét magister pérhibebantur ínprobi. 425
Ánte solem nísi [tu] exorientem ín palaestram uéneras,
Haú mediocris gúmnasi praefécto poenas pénderes.
Íbi cursu luctádo disco hásta pugilatú pila
Sáliundo sese éxercebant mágis quam scorto aut sáuiis.
[Íbi suam aetatem éxtendebant, nón in latebrosís locis.]
Índe de hippodromo ét palaestra úbi reuenissés domum,
Cíneticulo praecínctus in sella áput magistrum adsí-
deres: 432

Quóm librum legerés, si [in] una péccauisses súllaba,
Fíeret corium tám maculosum quámst nutricis pállium.
MN. Própter me haec nunc mēo sodali díci discrucióí
miser: 435

Ínnocens suspítionem hanc sústinet caussá mea.

PII. Álii, Lude, núnc sunt mores. LV. Íd equidem ego
certó scio.

Nam ólim populi prius honorem cápíebat suffrágio,
Quám magistro désinebat ésse dicto oboédiens.
Át nunc, prius quam séptuennis ést, si attingas ěum
manu, 440

Éxtemplo puer paédagogo tábula disrumpít caput.
Quóm patrem adeas póstulatum, púero sic dicít pater:
‘Nóster esto, dúm te poteris défensare iniúria.’
Próuocatur paédagogus: ‘ého senex minumí preti, 444
Ne áttigas puerum ístac caussa, cuándo fecit strénue.’

Fít magister quási lucerna únto expretus línteo.

Ítur illinc iúre dicto. hócine hic pactó potest

Inhibere inperiúm magister, sí ipsus primus uápulet?

MN. Ácris postulátio haec est: quom húius dicta in-
téllego,

Míra sunt ni Pístoclerus Lúdum pugnis cóntudit. 450

LV. Sét quis hic est quem astántem uideo ante óstium?
o Philóxene,

Dèos propitios mé uidere quám illum [hau] mauellém
mihi.

PH. Quís illic est? LV. Mnesílochus gnati tui sodalis
[híc quidemst]:

Haút consimili ingénio atque illest quí in lupanari ád-
cubat.

Fórtunatum Nícobulum, quí illum produxít sibi. 455

PH. Sáluos sis, Mnesiloche: saluom te áduenire gaú-
deo.

MN. Dí te ament, Philóxene. LV. Hic enim ríte pro-
ductúst patri:

Ín mare it, rem fámiliarem cúrat, custodít domum:

Ópsequens oboédiensquest móri atque inperiís patris.

Íllum meum malúm promptare málim quam pecúlium. 460

PH. Quídum? LV. Quia, malúm si promptet, in dies
faciát minus.

* * * * *

Híc sodalis Pístoclero iám puer pueró fuit:

Tríduom non ínterest aetátis ut maiór siet:

Vérum ingenium plús triginta [huic] ánnis maius quam
álderist.

PH. Cáue malum et conpésce in illum dícere iniusté.

LV. Tace: 465

Stúltus es qui illí male aegre pátere dici quí facit.

MN. Quid sodalem meum castigas, Lúde, discipulum
tuum?

LV. Periit tibi sodalis. MN. Ne di sicerint. LV. Sic
est ut loquor:

Quin ego quom peribat uidi, non ex audito arguo.

MN. Quid factumst? LV. Meretricem indigne deperit.

MN. Non tu taces? 470

LV. Ac quae acerrume aestuosa absorbet, ubi quemque
attigit.

MN. Vbi ea mulier habitat? LV. Hic. MN. Vnde esse
eam aiunt? LV. Ex Samo.

MN. Quis uocatur? LV. Bacchis. MN. Erras, Lúde:
ego omnem rem scio

Quem ad modumst: tu Pistoclerum falso atque insontem
arguis.

Nam ille amico et beneuolenti suo sodali sedulo 475

Rem mandatam exequitur: ipse neque amat nec tu
creduas.

LV. Itane oportet rem mandatam gerere amici sedulo,
Ut ipse in gremio ausculantem mulierem teneat sedens?

Nullo pacto res mandata potest agi, nisi identidem

Ad papillas manus ferat, labra a labris nusquam auferat?

Nam alia memorare quae illum facere uidi dispudet: 481

Quom manum sub uestimenta ad corpus tetulit Bacchidi

Me praesente neque pudere quicquam * * * * *

Mihi discipulus, tibi sodalis periit, huic filius: 484

Nam ego illum perisse dico, quod quidem periit pudor.

Quid opust uerbis? si opperiri uellem paulisper modo,

Ut [illi] illius inspectandi mi esset maior copia,

Plas uidissem [miser] opinor quam me atque illo aequom
foret.

MN. Perdidisti me, sodalis. egone [ut] illam mulierem

Cápitis non perdám? perire mé malis malúm modis. 490
 Sátin ut quem tu habeás fidelem tibi aut quoi credas
 néscias?

LV. Víden ut aegre pátitur esse gnátum conruptúm
 tuum,

Sũum sodalem, ut ípsus sese crúciat aegritúdine?

PH. Mnésiloche, hoc tecum óro ut illius ánimum atque
 ingeniúm regas.

Sérua tibi sodálem et mi [autem] filium. MN. Factúm
 uolo. 495

LV. Mélius multo mé quoque una cúm illoc hic relín-
 queres.

PH. Ádfatim Mnesílocho curaest. LV. Cóncastiga ho-
 miném probe,

Quí dedecorat mé te amicum atque álios flagitiís suis.

PH. Ín te ego hoc onus ómne inpono. Lúde, sequere hac
 mé. LV. Sequor.

MN. Inimíciorem núnc utrum credám magis 500
 Sodálemne esse an Bácschidem incertum ád mo-
 dumst.

Illum éxoptauit pótius? habeat: óptumest.

Ne illa illut hercle cúm malo fecít suo:

Nam míhi diuini námquam quisquam créduat,

Ni ego illam exemplis plúrumis planéque amo.

Ego fáxo hau dicet nánectam quem delússerit: 506

Nam iám domum ibo atque áliquíd subrupiám patri.

[Id isti dabo. ego istanc multis ulciscar modis.]

Adeo égo illam cogam usque út mendicet méus pa-
 ter. 508

Set sátin ego animum ménte sincerá gero,

Qui ad hunc modum haec hic quae futura fábulor?

Amo hércle opinor, út quod pro certó sciam:

Verúm quam illa umquam dé mea pecúnia
Raménta fiat plúmea propénsior,
Mendícum malim méndicando uíncere. 514
[Sed autem quam illa umquam meis opulentiis
Ramenta fiat grauior aut propensior,
Mori me malim excruciatum inopia.]
Numquam édepol uiuom me ínridebit: nám mihi 515
Decrétumst renumeráre iam omne aurúm patri.
Igitúr mi inani atque ínopi subblandíbitor
Tum quóm nihilo plus [ád suam rem illut] réferet,
Quam sí ad sepulcrum mórtuo dixít logos.
Profécto stabilest mé patri aurum réddere. 520
Eadem éxorabo Chrúsalo caussá mea
Patér ne noceat neú quid ei suscénseat,
Mea caússa de auro quód eum ludificátus est.
Nam illi aéquomst me consúlere, qui caussá mea
Mendácium [illut] díxit. uos me séquimini. 525

A C T V S IIII.

PISTOCLERVS. MNESILOCHVS.

PI. Rébus aliis ánteuortar, BÁCchis, quae mandás mihi:
Mnésilochum ut requíram atque ut eum mécum ad te ad-
ducám semul.

Nám illut animus méus miratur, si á me tetigit nún-
tius, Quíd remoretur. íbo ut uissam huc ád eum, si fortést
domi.

MN. Réddidi patrí [meo] omne aurum. núnc ego illam
mé uelim 530

Cónuenire, póstquam ínanis súm, contemptricém me ma-
Sét ueniam mihi quám grauate dēdit pater de Chrúsalo:
Vérum postremo ínpetraui, ut néquid ei suscénseat.

PI. Éstne hic meus sodális? MN. Estne hic hóstis quem
aspició meus?

PI. Cérte is est. MN. Is ést. PI. Adibo cóntra et con-
tollám gradum. 535

Sáluos sis, Mnesíloche. MN. Salue. PI. Sáluos quom
peregre áduenis,

Céna detur. MN. Nón placet mi céna quae bilém mouet.

PI. Númquae aduenienti aégritudo obiéctast? MN. At-
que acérruma.

PI. Vnde? MN. Ab homine quém mi amicum esse árbi-
tratus sum ántidhac.

PI. Múlti more isto átque exemplo úsuont, quos quom
cénseas 540

Ésse amicos, réperiuntur fálsi falsimóniis,
 Língua factiósi, inertes ópera, sublestá fide.
 Núllus est quói nón inuideant rém secundam optín-
 gere:

Síbinet ne inuideátur ipsi ignáua recté cauent.

MN. Édepol ne tu illórum mores pérquam meditató
 tenes. 545

Sét etiam unum hoc éx ingenio mǎlo malum inueniúnt
 suo:

Núlli amici súnť, inimicos ípsi in sese omnís habent.

Átque i se quom frústrant, frustrari álios stolidi exístu-
 mant.

Sícut est hic quém esse amicum rátus sum atque ípsus
 súm mihi:

Ílle quod in se fúit adecuratum hábuit quod possét mali

Fáceret in me, incónciliaret cópias omnís meas. 551

PI. Ínprobum istunc ésse oportet hóminem. MN. Ego
 ita esse árbitror.

PI. Ópsecro hercle, elóquere quis is est? MN. Béné-
 uolens uiuít tibi:

Nám ni ita esset, técum orarem ut quód potesses èi mali
 Fácere faceres. PI. Díe modo hominem quí sit: si non
 févero 555

Èi male aliquo pácto, me esse dícito ignauíssimum.

MN. Néquam homost, uerum hércle amicus ést tibi.

PI. Tantó magis

Díe quis est: nequam hóminis [pol] ego páruí pendo
 grátiam.

MN. Vídeo non potésse quin tibi éius nomen éloquar:

Pístoclere, pérdidisti mé sodalem fúnditus. 560

PI. Quid istuc est? MN. Quid ést? missine ego ád te
 ex Epheso epístulam

Súper amica, ut mi ínuenires? PI. Fáteor factum et
répperi.

MN. Quí? tibi non meretrícum aliarum érat Athenis
cópia,

Quíbuscum haberes rém, nisi cum illa quám ego mandas-
sém tibi

Óccuperes tute [íipse] amare et mi íres consultúm male?

PI. Sánun es? MN. Rem répperi omnem ex túo ma-
gistro: né nega. 566

Pérdidisti me. PI. Étiamne ultro túis me prolectás
probris?

MN. Quíd? amas Bacchidém. PI. Duas ergo hic íntus
eccas BÁCchides.

MN. Quíd, duae? PI. Atque ambás sorores. MN. Ló-
queris nunc nugás sciens.

PI. Póstremo, si pérgis paruam míhi fidem arbitrárier,
Tóllam ego ted in cóllum atque intro hinc aúferam.

MN. Immo ibó: mane. 571

PI. Nón maneo neque tú me habebis fálso suspectúm.

MN. Sequor.

PARASITVS (CVM PVERO). PISTOCLERVS.

PA. Parasítus ego sum hóminis nequam atque ín-
probi,

Milítis qui amicam sécum auexit éx Samo.

Nunc me íre iussit ád eam et percontárier, 575

Vtrum aúrum reddat áne eat secúm semul.

Tu dúdum, puere, cúm illac usque istí semul:

Quae harúm sunt aedes, púlta: adi actutum ád foris.

Recédin hinc dierécte? ut pulsat própudium.

Comésse panem trís pedes latúm potes, 580

Forís pultare néscis. ecquis in aédibust?

Heus, écquis hic est? écquis hoc aperit óstium?

Ecqui éxit? PI. Quid istuc? quae istaec est pul-
satio?

[Quid?] quae te mala crux ágitat, qui ad istunc mo-
dum

Aliéno uiris tñas extentes óstio? 585

Forís paene cefregísti. quid nunc uís tibi?

PA. Aduléscens, salue. PI. Sáue. set quem quae-
ritas?

PA. Bacchídem. PI. Vtramne ergo? PA. Níl scio
nisi Baccídem.

Paucís me missit miles ad eam Cléomachus,
Vel út ducentos Phílippos reddat aúreos 590

Vel ut hinc in Elatiam hódie eat secúm semul.

PI. Non ít: negat esse itúram. abi et renúntia.

Alium illa amat, non illum. duc te ab aédibus.

PA. Nimis íracunde. PI. At scín quam iracundús
siem?

Ne tibi [pol] hau longe ós ab infortúniost: 595

Ita déntifrangibula haéc meis manibus géstiunt

PA. Quom ego húius uerba intérpretor, mihi cáui-
tiost

Ne núcifrangibula excússit ex malís meis.

Tuo égo istaec igitur dícam illi perículo.

PI. Quid aís tu? PA. Ego istuc illi dicam. PI. Díc
mihi, 600

Quis tú's? PA. Illius sum íntegumentum cór-
poris.

PI. Nequam ésse oportet quói tam íntegumentum
ínpobumst.

PA. Sufflatus ille huc ueniet. PI. Disruptum uelim.

PA. Numquid uis? PI. Abeas: celeriter factum opus.

PA. Vale, dentifrangibule. PI. Et tu, integumentum, uale. 605

In eum haec reuenit res locum ut quid consili

Dem meo sodali super amica nesciam:

Qui iratus renumerauit omne aurum patri,

Neque nummus ullus qui reddatur militi.

Set huc concedam: nam concrepuerunt fores. 610

Mnesilochus eccum maestus progreditur foras.

MNESILOCHVS. PISTOCLERVS.

MN. Pétulans, proteruo, iracundo animo, indomito, incogitato,

Sine modo et modestia sum, sine bono iure atque honore,

Incredibilis inposque animi, inamabilis, inlépidus uiuo,

Maleuolente génio gnatus: postremo id mihi quod uolo aliis. 615

Néquior némo quisquamst neque indignior

Quoi di bene faciunt nec quem homo aut amet aut audeat.

Inimicos quam amicos habere aequiust me:

Malos quam bonos par magis me iuuare.

Omibus probris, quae improbis uiris 620

Digna sunt, dignior nullus est homo,

Qui patri reddidi quod fuit praemanu.

Crédibile hoc [quopiamst]? sumne ego amens homo?

[Quí] misere pérdidi me átque operam Chrúsali.

PI. Consólandus híc [nunc] mihíst: ad eum adíbo.

[Heús] Mnesiloche, quíd fit? MN. Perii. PI. Dí meliora fáxint. MN. Perii. 626

PI. Nón taces, insípiens? MN. Taceam? PI. Sátin [tu] sanus núnc es? MN. Perii.

Múlta mala mi in péctore acria átque acerba núnc ceniunt.

Críminin fidém me habuisse? inmérito iratus tíbi fui.

PI. Héia, habe bonum ánimum. MN. Vnde habeam? plúris quam ego sum mórtuost.

PI. Mílitis parasítus [huc] modo aúrum petere hinc uénerat: 631

Éum ego meis dictís malis his fóribus atque hac [múliere]

Réppuli reiécique hominem. MN. Quíd id [autem] prodést mihi?

Quíd faciam misér? nil habeo: illé quídem hanc abducét, scio.

PI. [Pól] si mihi sit, nón pollicear. MN. Scío, dares: nouí [tuum], 635

Ét, nisi ames, nunc tíbi fidem habeam tántam [quantam máxumam].

Sát agitas tu tũarum rerum: egone út opem ferre pátém mihi

Pósse inopem te? PI. Táce modo: respiciet nos aliquís deus.

MN. Núgae. PI. Mane. MN. Quid ést? PI. Tuam copiam éccum uideo Chrúsolum.

CHRVSALVS. MNESILOCHVS. PISTOCLERVS.

CH. Húnc hominem decet aúro expendi: huic státuam
statui decet ex auro. 640

Nám duplum hodie fácinus feci, dúplicibus spoliís sum
adfectus.

Ěrum maiorem méum ita ego hodie lússi lepide, ut lúdi-
ficatust.

Cállidum senem cállidis dolis

Cónpuli et pérpuli mi ómnia ut créderet.

Núnc amanti ero, filio senis, 645

Quicum égo bibo, quicum édo et amo,

Régias cópias aúreasque óptuli,

Ůt domo súmeret neú foris quaéreret.

Nón mihi istí placent Pármenonés, Suri,

Quí duas, trís minas aúferunt eris. 650

Néquiús níl quàm egens cónsili séruos est,

Nísi [is] habet múltipotens péctus, [ut cópias,]

Ůbiquomque ussús siet, péctore promát suo.

Núllus frugi ésse homo * * * potest,

Nisi qui ét bene facere et mále tenet. 655

Ínprobus sit cum ínprobis,

Hárpaget [cum] fúribus,

Quód queat. uórsipellem ésse hominem cónuenit,

Péctus quói sapit.

Bonús sit bonís, 660

Malús sit malís:

Ůt quaéquamque rés est, ita ánimum habeat [úsque].

Sét lubet scíre quantum aúrum erus sibi

Démpsit et quíd suo réddidit patri.

Sí frugist, Hérculem fécit ex patre: 665

Décumam partem ei dedit, sibi nouem apstulit.

Sét quem quaero, óptume ecce óbuam mihist.

Númqui tibi nummi éxciderunt, ére, quod sic terrám
[tacens]

Óptuere? quíd uos maestos tám tristisque cónspicor?

Nén placet nec témerest. etiam quíd respondetís mihi?

MN. Chrúsale, occidí. CH. Fortassis tu aúri dempsistí
parum? 671

MN. Quíd, malum, parum? ímmo uero nímis multo mi-
nus [quám] parum.

CH. Quíd [malum] igitur, stúlte, quoniam occássio ad
eam rém fuit

Mëa uirtute páta ut quantum uélles tantum súmeres,

Síc hoc digitulís duobus súmerbas primóribus? 675

Án nescibas, quam eius modi homini ráro tempus sé
daret?

MN. Érras. CH. At quidem túte errasti, quóm parum
inmersti ámpliter.

MN. Pól tu quam nunc méd accusses mágis, si magis rem
núueris.

Óccidi. CH. Animus iám istoc dicto plús praesagitúr
mali.

MN. Périi. CH. Quid ita? MN. Quía patri omne cúm
ramento réddidi. 680

CH. Réddidisti? MN. Réddidi. CH. Omnene? MN.
Óppido. CH. Occissí sumus.

Quí in mentem uenít tibi istuc fácinus facere tám ma-
lum?

MN. Báčchidem atque hunc súsPICABAR própter crimen,
Chrúsale,

Mále mi consulísse: ob eam rem omne aúrum iratus
réddidi

Mēo patri. CH. Quid, ubi reddebas aurum, dixisti patri?
685

MN. Mé id aurum accepisse extemplo ab hóspite Archidémide. CH. Hem,

Ístoc dicto [tú] dedisti hodie ín cruciatum Chrúsalum:
Nam ubi me aspiciet, ád carnuſicem rápiet continuó senex.

MN. Égo patrem exoráui. CH. Nempe ergo hóc ut faceret quód loquor?

MN. Ímmo tibi ne nóceat neu quid ób eam rem suscénseat.
690

Átque aegre inpetráui. nunc hoc tíbi curandumst, Chrúsale . .

CH. Quid uis curem? MN. Vt ád senem etiam [tu] álteram faciás uiam.

Cónpara fabricáre finge quód lubet, conglútina,
Vt senem hodie indóctum docte fállas aurumque aúferas.

CH. Vix uidetur fieri posse. MN. Pérge, ac facile ecſéceris.
695

CH. Quám malum facile, quém mendaci praéndit manifestúm modo?

Quém si [ego] orem ut nil mihi credat, id non aussit credere.

MN. Ímmo si audiás quae dicta díxit me aduorsúm tibi.

CH. Quid dixit? MN. Si tú illum solem síbi solem esse díxeris,

Sé illum lunam crédere esse et nóctem qui nunc ést dies.

CH. Émungam hercle hominém probe hodie, né id nequiquam díxerit.
701

PI. Núnc quid nos uis fácere? CH. Enim nil nísi ut ametis ínpero.

Céterum quantúm lubet me póscitote aurum: égo dabo.

Quid mihi refert Chrúsalo esse nómen, nisi factis probo?
Sét nunc quantillum ússust auri tibi, Mnesiloche, dic
mili. 705

MN. Militi nummís ducentis iam ússus est pro Bécchide.

CH. Égo dabo. MN. Tum uóbis opus est súmptu. CH.

Ah, placidé uolo

Ÿnum quicque agámus: hoc ubi égero, tum istúc agam.

Dé ducentis númmis primum inténdam ballistam ín se-
nem.

Éa ballista sí peruortam túrrim et propugnácula, 710
Récta porta inuádam extemplo in óppidum antiquom ét
uetus:

Sí id capso, geritóte amicis uóstris aurum córbibus,
Síc ut animus spérat. PI. Aput test ánimus noster, Chrú-
sale.

CH. Núnc tu abi intro, Pístoclere, ad Bécchidem atque
ecfér cito . .

PI. Quid? CH. Stilum cerám tabellas línum. PI. Iam
faxo híc erunt. 715

MN. Quid nunc es factúrus? id mihi dic. CH. Coctum
esto prándium:

Vós duo eritis átque amica túa erit tecum tértia.

MN. Síc ut dicis. CH. Pístoclero núlla amicast? MN.
Ímmo adest:

Álteram ille amát sororem, ego álteram, ambas Bécchi-
des.

CH. Quid tu loquere? MN. Hoc, út futuri súmus. CH.
Vbist biclínium 720

Vóbis stratum? MN. Quid id exquaeris? CH. Rés
itast: dicí uolo.

Néscis quid ego actúrus sim neque fácinus quantum ex-
órdiar.

MN. Cédo manum ac supséquere propius me ad foris.
intro inspice.

CH. Euax,

Nimis [hic] bellus atque ut esse máxime optabám locust.

PI. Quae imperauisti: imperatum béne bonis factum illicost. 726

CH. Quid parasti? PI. Quae parare tú [me] iussisti
omnia.

CH. Cápe stilum propere et tabellas tu has tibi. MN.
Quid póstea?

CH. Quód iubebo scribito istic: nám propterea [té] uolo
Scribere, ut patér cognoscat literas, quandó legat. 730

Scribe. MN. Quid scribám? CH. Salutem túo patri
uerbís tuis.

PI. Quid si potius mórbum, mortem scribat? id erit
réctius.

CH. Né interturba. MN. Iam imperatum in cera inest.
CH. Dic quem ad modum?

MN. 'Mnésilochus salutem dicit sño patri.' CH. Ascribe
hóc cito: 734

'Chrúsalus mihi úsque quaque lóquitur nec recté, pater,
Quía tibi aurum réddidi et quia nón te defraudáuerim.'

PI. Máne dum scribit. CH. Célerem oportet ésse ama-
torís manum.

PI. Haéc quidem herclest [ad] perdundum mágis quam
ad scribundúm cita.

MN. Lóquere: hoc scriptumst. CH. 'Núnc, pater mi,
pröin tu ab eo ut caueás tibi,

Súcophantiás componit, aurum ut aps te [id] aúferat: 740
Ét profecto se áblaturum díxit.' plane ascribito.

MN. Dic modo. CH. 'Atque id póllicetur sé daturum
aurum mihi,

Quód dem scortis quódque in lustris cómedim et con-
graecém, pater.

Sét, pater, uide né tibi hodie uérba det: quaesó caue.'

MN. Lóquere porro. CH. Ascríbedum etiam. MN. Ló-
quere quid scribám modo. 745

CH. 'Sét, pater, quod prómíssisti míhi te quaeso ut mé-
mineris,

Né illum uerberés, uerum aput te uíctum adseruató
domi.'

Cédo tu ceram ac línium actutum. age óbliga, opsigná
cito.

MN. Ópsecro, quid istís ad istunc ússust conscriptís
modum,

Út tibi nequid crédat atque ut uíctum te adseruét domi ?

CH. Quía lubet ita: pótin ut cures te átque ut ne parcás
míhi ? 751

Mèa fiducia ópus conduxí et mēo periclo rém gero.

MN. Aéquom dicis. CH. Cédo tabellas. MN. Áccipe
CH. Animum aduórtite.

Mnésiloche et tu Pístoclere, iám facite in biclínio

Cúm amica sua utérque adcubitum eátis: ita negótiumst:

Átque ibidem ubi núnc sunt lecti stráti potetís cito. 756

PI. Númquid aliut? CH. Hóc atque etiam: úbi erit
adcubitúm semel,

Né quoquam exurgátis, donec á me erit signúm datum.

PI. Ó inperatorém probum. CH. Iam bís bibisse opór-
tuit.

MN. Eúge eamus. CH. Vós curate uóstrum, ego ecfi-
ciám meum. 760

Insánum magnum mólior negótium

Metuóque ut hodie póssiem emolírier.

Set núnc truculento mi átque sacuo ussús senest:

Nam nōn conducit huīce sucophāntiae
 Senēm tranquillū esse, ūbi me [contra] aspēxerit.
 Vorsábo ego illunc hódie si uiuó probe. 766
 Tam fríctum ego illum réddam, quam frictúmst
 cicer.

Adámbulabo ad óstium, ut quando éxeat
 Extémplo aduenienti òi tabellas dem ín manum.

NICOBVLVS. CHRVSALVS. (LORARIVS.)

NI. Nimio illaec res est mágnac diuidiaé mihi, 770
 Suptérfugisse síc mihi hodie Chrúsalum.

CH. Saluós sum: iratus ést senex. nunc ést mihi
 Adeúndi ad hominem témpus. NI. Quis loquitúr
 prope?

Atque híc quidem, opinor, Chrúsalust. CH. Accés-
 sero.

NI. Bone sérue, salue: quíd fit? quam mox náuigo
 In Éphesum, ut aurum répetam ab Theotimó do-
 mum? 776

Tacés? per omnis dēos adiuro, ní meum
 Gnatúm tam amem atque ei fácta cupiam quae is
 uelit,

* * * * *
 Vt túa iam uirgis látera lacerentúr probe 780

Ferrátusque in pistrino aetatem cónteras.

Omnía rescui scélera ex Mnesilochó tua.

CH. Men críminatust? óptumest: ego súm malus,
 Ego súm sacer, sceléstus. specta rém modo.

Ego uérbum [nullum] fáciā. NI. Etiam, cár-
 nufex, 785

Minitáre? CH. Nosces tú illum actutum quális sit.
Nunc háas tabellas férre me iussít tibi:

Orábat quod istic éssset scriptum ut fieret.

NI. Cedo. CH. Nósce signum. NI. Nóui. ubi ip-
sest? CH. Néscio.

Nil iám me oportet scíre: oblitus sum ómnia. 790

Scio mé esse seruom: néscio etiam id quód scio.

Nunc áb transenna hic túrdus lumbricúm petit:

Pendébit hodie púlcre, ita intendí tenus.

NI. Manedúm parumper: iam éxco ad te, Chrúsale.

CH. Vt uérba mihi dat: -út nescio quam rém gerat.

Serués arcessit íntus, qui me uínciant. 796

Bene nãuis agitatur, púlcre haec confertúr ratis.

Set cónticiscam: nam aúdio aperirí foris.

NI. Constrínge tu illic, Ártamo, actutúm manus.

CH. Quid féci? NI. Inpinge púgnum, si muttúerit.

Quid haé locuntur líterae? CH. Quid mé rogas?

Vt áb illo accepi, ad te ópsignatas áttuli. 802

NI. Eho tú, [scelus,] loquitátusne es gnató meo

Male pér sermonem, quía mi id aurum réddidit,

Et té dixisti id aúrum ablaturúm tamen 805

Per súcophantiam? CH. Égone dixi istúc? NI. Ita.

CH. Quis homóst qui dicat mé dixisse istúc? NI.

Tace.

Nullús homo dicít: haé tabellae te árguont,

Quas tu áttulisti: en, haé te uincirí iubent.

CH. Ah, Béllerophontem tíus me fecit fílius: 810

Egomét tabellas tétuli ut uincirér: sine.

NI. Proptérea hoc facio, ut suádeas gnató meo

Vt pérgraecetur técum, teruenéfica.

CH. O stúlte, stulte, néscis nunc ueníre te:

Atque ín eopse astas lápide, ut praeco praédicat. 815

NI. Respónde: quis me uéndit? CH. Quem di dí-
ligunt,

Aduléscens moritur, dúm ualet sentít sapit.

Hunc si úllus deus amáret, plus annís decem,

Plus iám uiginti mórtuom esse opórtuit.

Terrae ódium [iam pridem] ámbulat: tam níl sapit

Nec séntit: tantist quántist fungus pútídu. 821

NI. Tun térrae me odium esse aútumas? abdúcite
hunc

Intro átque astringite ád columnam fórtiter.

Numquam aúferes hinc aúrum. CH. Atqui iám
dabis.

NI. Dabo? CH. Átque orabis mé quidem ultro ut
aúferam, 825

Quom illúm rescisces críminatorém meum

Quanto ín periclo et quánta in pernicié siet.

Tum líbertatem Chrúsalo largíbere:

Ego ádeo numquam accípiam. NI. Dic, scelerúm
caput,

Dic, quó in periclost méus Mnesilochus fílius? 830

CH. Sequere hác me: faxo iám scies. NI. Quo
géntium?

CH. Tris únos passus. NI. Vél decem. CH. Age-
dum tu Ártamo

Forem hanc pausillulúm áperi: placide, né crepa.

Sat ést. accede huc [núnc] tu. uiden conuúuium?

NI. Video éxaduorsum Pístoclerum et BÁCchidem.

CH. Qui súnť in lecto illo áltero? NI. Interií mi-
ser. 836

CH. Nouístine hominem? NI. Núi CH. Dic
sodés mihi,

Bellán uidetur spécie mulier? NI. Ád modúm.

CH. Quid? illám meretricemne ésse censes? NI.
Quíppeni?

CH. Frustrá's. NI. Quis igitur ópsecrost? CH. In-
uénérís: 840

Ex mé quidem hodie númquam fies cértior.

CLEOMACHVS. NICOBVLVS. CHRVSALVS.

CL. Meamne híc Mnesilochus Nícobuli fílius
Per uím ut retineat múlierem? quae haec fáctiost?

NI. Quis illést? CH. Per tempus híc uenit milés
mihi.

CL. Non me árbitratur mílitem set múlierem, 845
Qui mé meosque nón queam deféndere.

Nam néque Duellona mi úmquam neque Mars cré-
duat,

Ni illum éxanimalem fáxo, si conuénero,
Niue éxheredem févero uitaé suae.

NI. Chrusále, quis illest quí minitatur fílio? 850

CH. Vir hic ést illius múlieris quicum ádcubat.

NI. Quid, uír? CH. Vir, inquam. NI. Núptanést
illa, ópsecro?

CH. Scies haú multo post. NI. Óppido interií
miser.

CH. Quid núnc? scelestus tíbi uidetur Chrúsalus?
Age núnc uincito me, aúscultato fílio. 855

Dixín tibi ego illum te ínuenturum quális sit?

NI. Quid núnc ego faciam? CH. Iúbe sis me exoluí
cito:

Nam ní ego exoluor, iám manifesto hominem óp-
primet.

CL. Nihil ést lucri quod me hódie facere máuelim
 Quam illúm cubantem cúm illa opprimere, ambo
 út necem. 860

CH. Audín quae loquitur? quín tu me exoluí iubes?

NI. Exóluite istum. périi, pertimuí miser.

CL. Tum illám quae corpus púplicat uolgó suum
 Faxó se hau dicat nánetam quem derídeat.

CH. Pacísci cum illo paúlula pecúnia 865

Potís. NI. Pacisce ergo ópsecro quod tíbi lubet,
 Dum né manifesto hominem ópprimat neue énicet.

CL. Nunc nísi ducenti Philippi reddantúr mihi,
 Iam illórum ego animam ambórum exorbebo ópvido.

NI. Cum illóc pacisce, sí potes. perge ópsecro: 870

Pacisce quiduis. CH. Íbo et faciam sédulo.

Quid clámas? CL. Vbi erus túus est? CH. Nus-
 quam: néscio.

Vis tíbi ducentos númmos iam promíttier,

Vt né clamorem hic fácias neu conuítium?

CL. Nihil ést quod malim. CH. Atque út tíbi mala
 multa ingeram? 875

CL. Tuo árbitratu. CH. Vt súbblanditur cárnufex.

Pater híc Mnesilochist: séquere, is promittét tíbi.

Tu aurúm rogato. céterum uerbúm sat est.

NI. Quid fít? CH. Ducentis Philippis pepigi. NI.

Váh, Salus,

Me séruauisti. chém, quam mox dicó 'dabo'? 880

CH. Roga húnce tu, tu promítte huic. NI. Promittó:
 roga.

CL. Ducéntos nummos aúreos Philippós probos

Dabín? CH. 'Dabuntur' ínque: respondé. NI.

Dabo.

CH. Quid núnc, impure? númquid dehibetúr tíbi?

Quid illí molestus? quíd illum morte térritas? 885

Et égo te et ille mactámus infortúnio.

Si tíbist machaera, at nóbis ueruínást domi:

Qua quídem te faciam, sí tu me inritáueris,

Confóssiozem sóricina nénia.

Iam dúdum hercle equidem séntio, suspítio 890

Quae té sollicitet: éum esse cum illa múliere.

CL. Immo ést quoque. CH. Ita me Iúppiter Iunó

Ceres

Minérua Spes Latóna Opis Virtús Venus

Castór Polluces Márs Mercurius Hércules

Submánus Sol Satúrnus dique omnés ament, 895

Vt ille cum illa néque cubat neque ámbulat

Neque áusculatur néque illut quod dici solet.

NI. Vt iúrat: seruat mé ille suis periúriis.

CL. Vbi núnc Mnesilochus érgost? CH. Rus missít

pater:

Illa aútem in arcem [hinc] ábiit aedem uíssere 900

Minéruae. nunc apértast: i, uisse éstne ibi.

CL. Abeo ád forum igitur. CH. Vél [tu] hercle in

malám crucem.

CL. Hodie éxigam aurum hoc? CH. Éxige ac sus-

pénde te:

Ne súpplicare, homo níhili, [tibi nos] cénseas.

Illést amotus. síne me, per te, ere, ópsecro 905

Deos ínmortalis, íre huc intro ad fílium.

NI. Quid eó [nam] intro ibis? CH. Vt eum dictis

plúrumis

Castígem, quom haec hic fácta ad hunc faciát mo-

dum.

NI. Immo óro ut facias, Chrúsale, et ted ópsecro,

Caue pársis in eum dícere. CH. Etiam mé mones?

Satin ést si plura ex me aúdiet hodié mala 911

Quam audíuit umquam Clínia ex Demétrio ?

NI. Lippi illic oculi séruos est simíllumus :

Si nó n est, nolis ésse nequē desíderes :

Si est, ápstinere quín attingas nó n queas. 915

Nam ní illic hodie fórte fortuna hí c foret,

Milés Mnesilochum cum úxore opprimerét sua

Atque óptruncaret moéchum manifestárium.

Nunc quási ducentis Phílippis emi fílium,

Quos dáre promissi míliti : quos nó n dabo 920

Temere étiam prius quam fílium conuénero.

Numquam édepol quicquam témere credam Chrú-
salo.

Verúm lubet etiam mi hás pellegere dénuo :

Aequómst tabellis cónsignatis crédere.

A C T V S V.

C H R V S A L V S.

Atridae duo fratres cluent fecisse facinus maximum, 925
 Quom Priami patriam Pergamum diuina moenitum manu
 Armis equis exercitu atque eximiis bellatoribus
 [Et] mille numero nauium decumo anno post subegerunt.
 Non peius termentó ruit, praeut ego erum expugnabo
 meum

Sine classe sineque exercitu et tanto numero militum. 930
 Cepi, expugnaui amanti erili filio aurum ab suo patre:
 Nunc huc prius quam senex uenit, lubet lamentari, dum
 exeat.

O Troia, o patria, o Pergamum: o Priame, periisti senex,
 Qui misere male mulcábere quadrigentis Philippis aureis.

Nam ego has tabellas opsignatas, consignatas quas fero,
 Non sunt tabellae, set equos quem misere Achiui ligneum. 936

Epiust Pistoclérus: ab eo haec sumpta. Mnesilochus
 Sinost

Relictus. ellum: non in busto Achilli, set in lecto ad-
 cubat:

Bacchidem habet secum, ille olim [ut] habuit ignem qu
 signum daret:

Nunc ipsum exurit. ego sum Vlixes, quous consilio haec
 gerunt. 940

Tum quae híc sunt scriptae líterae, hoc ínsunt in equo
mílites

Armátí atque animatí probe. íta rés successit mi úsque
adhuc.

Atque híc equos non in árcem, uerum in árcam faciet
ínpetum.

Exitium excidium exlécebra fiet híc equos hodie auró
senis.

Nostró seni huic stolido, òi profecto nómen facio ego
Ílio. 945

Milés Menelaust, égo Agamemno: idém [sum] Vlixes
Lártius:

Mnesílochust Alexandér, qui erit exítio rei patriaé suae:
Is Hélenam abduxit, quóia caussa núnc facio opsidium
Ílio.

Nam illi ítidem Vlixem audíui, ut ego sum, fuisse et au-
dacem ét malum

Doli égo deprausus sum: ille mendicans paéne inuen-
tus íteriit, 950

Dum exquaérit ibi facta Íliorum. adsímiliter mi hodie
óptigit:

Vinctús [fui], set dolís me exemi: item ille se seruauit
dolís.

Ílio tria fuisse audiui fáta, quae illi fũere exitio:

Sígnum ex arce sí perisset: álterum autemst Tróili
mors:

Tértium, quom pórtae Phrugiae límen superum scín-
deretur. 955

Pária item tria èis tribus sunt fáta nostro huic Ílio.
Nam dúdum primo ut díxeram nostró seni mendácium
Et de hóspite et de auro ét de lembo, ibi sígnum ex arce
iam ápstuli.

Iam dúo restabant fáta tunc , nec mágis id ceperam óppi-
dum.

Post úbi tabellas ád senem tetuli, íbi [ego] occidi Tróílum.
Quom cénsuit Mnesílochum cum uxore ésse dudum
mílitis, 961

Ibi uíx me exolui: atque íd periclum adsímulo , Vlixem
ut praédicant

Ab Hélena cognitum ésse proditum Hécubae. set ut
olim ille se

Blandítiis [ab illa] exémit et persuássit se ut amíttetet,
Item égo dolis me illo éxtuli e períclo et decepí senem.
Post cúm magnifico mílite, urbis uérbis qui inermús
capit, 966

Conflíxi atque hominem réppuli. dein púgnam conseruí
seni:

Eum ego ádeo uno mendácio deuíci, uno ictu extémpulo
Cepi [áb eo] spolia. is núnc ducentos númmos Philippos
míliti

Quos dáre se promissít dabit. * * * * * 970

Nunc álteris etiám ducentis ússus est, capto Ílio

Qui díspensentur, út sit mulsum quí triumphent mílites.
Set Príamus hic multo ílli praestat: nón quinquagintá
modo,

Quadrigéntos filiós habet atque ómnis lectos síne probro:
Eos égo hodie omnis cóntruncabo dũobus solis íctibus.

Nunc Príamo nostro síst quis emptor, cómptionalém
senem 976

Vendam égo, uenalem quem hábeo , extemplo ubi óppi-
dum expugnáuero.

Set Príamum astantem eccum ánte portam uídeo. adibo
atque ádloquar.

NICOBVLVS. CHRVSALVS.

NI. Quóianam uox própe me sonat? CH. O Nícobule.

NI. Quid fit? [CH. Euge.]

NI. Quid? quod te missi écquid egisti? CH. [Hém,] ro-
gas? congrédere. NI. Gradior.

CH. Óptumus sum orátor: hominem ad lácrumas coegi
cástigando 981

Máleque dictis, quae quidem quiui cónninisci. NI. Quid
ait? CH. Verbum

Núllum fecit: lácrumans tacitus aúscultabat quae égo
loquebar:

Tácitus conscripsit tabellas: ópsignatas has dedit mi:

Tíbi me iussit dáre. set metuo né idem cantent quód
priores. 985

Nósce signum: estne éius? NI. Noui: lúbet pel-
legere has. CH. Péllege.

Nunc súperum limen scínditur, nunc [própe] adest
exitium Ílio.

Turbát equos lepide lígneus. NI. Chrusále, ades dum
ego has péllego.

CH. Quid me tibi adesse ópus est [quaeso]? NI. Vt
scias quae scrípta sint hic. 989

CH. Níl moror neque scíre uolo [ego]. NI. Támen ades.

CH. Quid ópus est? NI. Taceas.

CH. Nólo, inquam. NI. At uolo, inquam. CH. Quid opust?

NI. Át enim quod te iúbeo facias.

CH. Ádéro: iustumst túus tibi seruos tuo árbitratu sér-
uiat. NI. [Vah,]

Cérae hau parsit néque stilo: set quídquid est, pellégere
certumst.

Hóc age nunc iam. CH. Vbi lubet recitá sis: tibi dico
aúrium operam.

NI. Eúge literás minutas. CH. Quí quidem uideát parum
[oculis]: 995

Vérum qui satis uideat, grandes sátis sunt. NI. Animum
aduórtito igitur.

‘Patér, ducentos Philíppos quaeso Chrúsalo

Da, sí esse saluom uís me aut uitalém tibi.’

CH. Malúm quidem hercle mágnum: tibi dicó. NI.
Quid est?

CH. Non prius salutem scrípsit? NI. Nusquam
séntio. 1000

CH. Inde á principio iam ínpudens epístulast.

Non dábis, si sapiés: uérum si das máxume,

Ne ille álium gerulum quaérat, si sapiét, sibi:

Nam ego nón laturus súm, si iubeas máxume.

Sat síc suspectus súm, quom careo nóxia. 1005

NI. Auscúta porro, dúm hoc quod scriptumst pél-
lego.

‘Pudét prodire mé ad te in conspectúm, pater:

Tantúm flagitium té scire audiui meum,

Quod cúm peregrini cúbui uxore militis.’

Pol haú derides: nám ducentis aúreis 1010

Philippís redemi uítam ex flagitió tuam.

CH. Nihil ést illorum, quín ego illi díxerim.

NI. ‘Stulté fecisse fáteor: set quaesó, pater,

Ne me, ín stultitia sí deliqui, déseras.

Ego ánimo cupido atque óculis indomitís fui: 1015

Persuássumst facere quõius me nunc factí pudet.’

Prius cáuisse ergo quám pudere aequóm fuit.

CH. Eadem ístae uerba dúdum dixi illi ómnia.

NI. ‘Quaeso út sat habeas íd, pater, quod Chrúsalus

Med óbiurgauit plúrumis uerbís malis 1020

Et mé meliorem fécit praeceptís suis,

Vt té ei habere grátiam aequom sít bonam.'

CH. Estne ístuc ístic scríptum? NI. En specta,
túm scies.

CH. Vt quí deliquit súpplex est ultro ómnibus.

NI. 'Nunc sí me fas est [órare etiam] aps té, pater,
Da míhi ducentos núnmos Philippos, te ópsecro.'

CH. Ne unúm quidem hercle, sí sapis. NI. Sine
péllegam: 1027

'Ego iús iurandum uérbis conceptís dedi,

Datúrum id me hodie múlieri ante uesperum

Prius quam á me abiret. núnc, pater, ne péierem

Cura átque abduce me hínc ab hac quantúm potis,

Quam própter tantum dámni feci et flágiti. 1032

Caue tibi ducenti núnmi diuidiaé fuant :

Sescénta tanta réddam si uiuó tibi.

Vale átque haec cura.' quíd nunc censes, Chrú-
sale? 1035

CH. Nil égo tibi hodie cónsili quicquám dabo

Neque ego haút conmittam ut, síquid peccatúm
siet,

Fecísse dicas dé mea senténtia.

Verum, út ego opinor, égo si in istoc sím loco,

Dem pótius aurum quám illum conrumpí sinam. 1040

Duae cónditiones súnť: utram accipiás uide :

Vel ut aúrum perdas uél ut amator péieret.

Ego néque te iubeo néque uoto neque suádeo

NI. Miserét me illius. CH. Túus est: non mirum
facís.

Si plús perdundum sít, perisse sátius est 1045

Quam illút flagitium uólgo dispaléscere.

NI. Ne ille édepól Ephesi múlto mauellém foret,
Dum sáluos esset, quám reuenissét domum.
Quin égo istic quod perdúndumst properem pér-
dere?

Binós ducentos Philíppos iam intus écferam: 1050

Et míliti quos dúdum promissí miser

Et ístos. mane istic: iam éxéo ad te, Chrúsale.

CH. Fit uásta Troia, scíndunt proceres Pérga-
mum.

Sciui égo iam dudum fóre me exitium Pérgamo.

Edepól qui me esse dícat cruciatú malo 1055

Dignúm, ne cum illo pígnus haut aussím dare:

Tantás turbellas fácio. set crepuít foris:

Ecfértur praeda ex Tróia. taceam núnc iam.

NI. Cape hóc tibi aurum, Chrúsale: i, fer filio.

Ego ád forum autem hinc íbo, absoluam mílitem.

CH. Non équidem accipiam: pròin tu quaeras qui
ferat. 1061

Nolo égo mi credi. NI. Cápe uero: odiosé facis.

CH. Non équidem capiam. NI. At quaéso. CH. Dico
ut rés se habet.

NI. Moráre. CH. Nolo, inquam, aúrum concredí
mihi.

Vel da áliquem qui me séruet. NI. Odiosé fa-
cis. 1065

CH. Cedo, sí necessest. NI. Cúra hoc. iam ego
huc reuénero.

CH. Curátumst esse té senem misérrumum.

Hoc ést incepta ecfícere pulcre: uél mihi

Vt óuans praeda onústus incedam éuenit.

Salúte nostra atque úrbe capta pér dolum

Exércitum integrum ómnem redducó domum.

Set, spéctatores, ués nunc ne mirémini
Quod nón triumpho: pér uol gat um st, níl moror.
Verúm tamen accipiéntur mulso mílites.
Nunc hánc praedam omnem iám ad quaestorem dé-
feram.

1075

A C T V S VI.

P H I L O X E N V S.

Quam mágis in pectore mēo foueo, quas méus filius tur-
bás turbet,

Quam sé ad uitam et quos ád mores praecípitem insci-
tus capéssat:

Magis cúraest magisque adfórmido, ne is péreat neu
conrúmpatur.

Scio: fúi ego illa aetate ét feci illa omnia, set more
modésto.

Duxi hábui scortum pótaui edí donauí: at enim íd raro.
Neque plácitant mores quíbus uideo gnatís uolgo esse
paréntis. 1081

Ego dáre ludum gnato ínstítui, animo ópsequium ut
sumére possit:

Aequom ésse puto: set nímis nolo desídiae. nunc
Mnesílochum

Quod mándaui uisso écquid eum [mi] ad frúgem opera
sua cónpulerit: 1082

Sicút eum, si conuénit, scio fecísse: eo ingenío gnátust.

N I C O B U L V S. P H I L O X E N V S.

¶ Quiquómque [ubi] ubique sunt, quí fuerunt quique
futuri sunt pósthac

Stultí stolídi fatuí fungi bardí blenni buccónes,

Solús ego omnis longe ántideo stultítia et moribus ín-
doctis.

Perii: pudet: hocine me aétatis ludós bis factum esse
índigne? 1090

Quam mágis id reputo, tám magis uror, quaé meus filius
túrbaui.

Perdítus sum atque etiam erádicatus sum: ómnibus ex-
emplís crucior.

Omnía me mala conséctantur, omnibus exitiis ínterii.

Chrusálus me hodie delácerauit, Chrusálus me miserum
spóliauit:

Is mé scelus auro usque áttendit dolis dóctis indoctum út
lubítumst. 1095

Ita míles memorat méretricem esse eam quám ille uxo-
rem esse áiebat:

Omníaque ut quicque actúmst memorauit: ěam sibi hunc
annum cónductam:

Relicúom id auri factúm quod ego ei stultíssimus homo
promísissem.

Hoc hoc ést quo [pectus] péracescit, hoc est démun
quod percrúciór:

[Me hoc aetatis ludificari: immo edepol sic ludos fac-
tum] 1100

Canó capite atque albá barba miserúm me auro esse
emúñctum.

Perii, hóc seruom meum nóñ nauci facere ésse aussum.
atque ego, si álibi

Plus pérdiderim, minus aégre habeam minusque íd
mihi damno dúcam.

PH. Certo híc prope me mihi néscio quis loquí uís-
sust. set quem uídeo?

Hic quidemst pater Mnesilochi. NI. Eúge, socium
aerúmnæ et mei mali uídeo. 1105

Philoxéne, salue. PH. Et tu, unde ágis? NI. Vnde
homo miser átque infortunátus.

PH. At pól ego ibi sum, esse ubi míserum hominem
decet átque infortunátum.

NI. Igitúr pari fortuna, aétate ut sumus, útimur. PH.
Sic est. sét tu,

Quíd tibist? NI. Pól mihi [aegrést] idem quód tibi.

PH. Númquidnam ad filium haec aégritudo áttinet?

NI. Ád modum. PH. Idém mihi mórbus in péc-
torest. 1111

NI. Át mihi Chrúsalus óptumus homó [meum]

Péridit fílium, me átque rem omném meam.

PH. Quíd tibi ex filio nam, ópsecro, aegrést? NI.
Scies:

Périit is cúm tuo: aequé ámbo amicás habent. 1115

PH. Quí scis? NI. Vidi. PH. Heí mihi [mísero]:
dispérii.

NI. Quíd dubitamus púltare atque huc éuocare ambós
foras?

PH. Haú moror. NI. Heus BÁCchis, iube sis áctutum
aperirí foris,

Nísi mauoltis fõris et postis cónminui secúribus.

BACCHIDES (BACCHIS. SOROR). NICOBVLVS.

PHILOXENVVS.

BA. Quis sónitu ac tumúltu tantó nominát me atque púl-
tat hasce aédis? 1120

NI. Ego átque hic. BA. Quid hóc est negóti nam, amábo?
quis ovis huc adégit?

NI. Ouís nos uocánt pessumáé. SO. Pastor hárum
Dormít, quom eunt síc a pecú palítánte.

BA. At haú pol nitént: sordidae ámbae uidéntur.

SO. Attónsae quidem ámbae usque súnť. PH. Vť
uidéntur 1125

Derídere nós. NI. Sine suo úsque arbitrátu.

BA. Rerín ter tu in áño has [ouís] tonsitári?

SO. Pol hódie altera [haéc] iam bis détonsa cértost.

BA. Vetulaé sunt minae ámbae. SO. At bonás
fuisse crédo.

BA. Vidén limulís, opsecro, út contuéntur? 1130

SO. Ecástor sine ómni arbitrór malitia ésse.

PH. Merito hóc nobis fít, qui quidem húc uene-
rímus.

BA. Cogántur quidem íntro. SO. Hausció quid eo
opús sit:

Quae nec lacté nec lanam habént: sic sine ástent.

Exóluere, quánti fuére: omnis frúctus 1135

Iam illis decidít: non uidés ut palántes

[Solae libere]

Grasséntur? quin aétate crédo esse mútas:

Ne bálant quidém, quom a pecú cetero ápsunt: stultae
ác malae uidéntur.

BA. Reuórtamur íntro, sorór. NI. Ilico ámbae manéte:
hae uolúnt uos. 1140

SO. Pródigium hoc quidémst: humana nós uoce ap-
pellánt oues.

PH. Haéc oues uobís malam rem mágnam quam de-
hibént dabunt.

BA. Síquam dehibes, té condono: tíbi habe, numquam
aps té petam.

Sét quid est quaprópter nobis uós malum minitámini?

PH. Quia nostros agnós conchlussos ístic esse aiúnt
duos. 1145

NI. Ét praeter eos ágnos meus est ístic clam mordáx
canes:

Quí nisi nobis próducuntur iam átque emittuntúr
foras,

Árietes trucés nos erimus: iám in uos incursábinus.

BA. Soror, ést quod te uolo sécreto. SO. Eho, amábo.

NI. Quo illaec ábeunt?

BA. Senem illúm tibi dedo ultériorem, lepide út leni-
tum réddas: 1150

Ego ad hunc [nunc] iratum ádgrediar, [si] hos póssumus
intro inlicere huc.

SO. Meum pénsum ego lepide adcúrado, quamquámst
mortem amplexári.

BA. Facito út facias. SO. Taceás. tu tuum facito: égo
quod dixi [ecfíciam].

NI. Quid illaec illic in cónsilio duae sécreto consúltant?

PH. Quid aís tu, homo? NI. Quid mé [nunc] uis? PH.
Pudet dícere me tibi quíddam. 1155

NI. Quid est quód pudeat? PH. Set amíco homini tibi
quód uolo credere cértumst:

Nihili sum. NI. Istuc iam prídem scio: set quí nihili sis
mémora.

PH. Tactús sum uehementér uisco: cor [pól mihi] sti-
mulo fóditur.

NI. Pol tibi multo aequius ést [nequam stimulári] coxen-
dicem.

Set quíd istuc est? etsi égo iam ipsus quid sít prope
scire putó me: 1160

Verum aúdire etiam ex té studeo. PH. Viden hánc?

NI. Video PH. Hau malast múlíer.

NI. Pol uéro ista mala et tú nihili. PH. Quid multa? ego amo. NI. An amas? PH. *Ναὶ γάρ.*

NI. Tune, homo putide, amator istac fieri aetate audes? PH. Quí non?

NI. Quia flagitiumst. PH. Quid opúst uerbis? meo filio non sum irátus

Neque té tuost aequom esse iratum: si amánt, sapienter faciunt. 1165

BA. * * * sequere hác. NI. Eunt eccas tándem

Probripéllecebrae et persuástrices. quid núnc? iam redditis nóbis

Filios et seruom? an ego éxperior tecúm uim maiorem? PH. Ábin hinc?

Non hómo tu quidem es, qui istóc pacto tam lépidam inlepidé appélles.

BA. Senex óptume, quantumst ín terra, sine [me] hóc exorare áps te, 1170

Vt istúc delictum désistas tanto ópere ire oppugnátum.

NI. Ni abeás, quamquam tu bélla's, malum tibi mágnum dabo iam. BA. Pátiar:

Non métuo nequid míhi doleat quod férias. NI. V. blandíloquast.

Hei míhi, metuo. BA. Hic magistránquillust: * * *

I hac mécum intro: atque ibi síquid uis filium concastigáto. 1175

NI. Abin á me, scelus? BA. Sine, méa pietas, te exórem. NI. Exores tú me?

SO. Ego quídem ab hoc certe exórabo. PH. Immo ego te óro ut me intro abdúcas.

SO. Lepidúm te. PH. At scin quo pácto me ad te intro abducas? SO. Mecum út sis.

PH. Omnia quae cupio conmemoras. SO. * * * *

NI. Vidi ego nequam homines, uerum te neminem deteriore. PH. Ita sum. 1180

BA. I hac mecum intro, ubi tibi sit lepide uictibus uino atque unguentis.

NI. Satis, satis iam uostris conuiui: nil paenitet ut sim acceptus:

Quadrigentis Philippis filius me et Chrusalus circumduxerunt,

Quem quidem ego ut non [hodie] excruciem, alterum tantum auri non meream.

BA. Quid tandem, si dimidium auri redditur? isne hac mecum intro 1185

Atque [induces animum haec] ut eis delicta ignoscas?

PH. Faciet.

NI. Minumé, nolo: nil moro: sine sic. malo illos ulcisci ambo.

PH. Etiam tu homo nihil, quod di dant boni caue culpa amissis.

Dimidium auri datur: accipias potesque et scortum adcumbas.

NI. Egone ubi filius corrumpatur meus, ibi potem?

PH. Potandumst. 1190

NI. Egon quom haec cum illo adcubet inspectem? BA.

Immo equidem pol tecum adcumbam.

NI. Caput prurit: perii. uix negito. PH. Non tibi in mentemst, [te] amabo,

Si dum uiuas tibi bene facias, pol id quidem esse hau perlonginquom,

Neque si hoc hodie amissis, id post mortem euenturum esse umquam?

NI. Quid agó? PH. Quid agas rogitás etiam? NI. Lubet
ét metuo. BA. Quid métais?

NI. Ne obnóxius filio sim ét seruo. BA. Mel méum,
amabo, istaec fiunt. 1196

Tuust: únde illum sumére censes, nisi quód tute illi
déderis?

Hanc uéniam illis sine te éxorem. NI. Vt terebrát: satin
offirmátum

Quod míhi erat, [nunc] id me éxorat? BA. Te amábo et
te amplexábor.

NI. Tua sum ópera et propter te ínprobior. BA. Ne tís
quam mea mauéllem. 1200

NI. Age iam, útut est, etsist dédecori, patiár: facere in-
ducam ánimum.

BA. Satin égo istuc habeo offírmatum * * * * ?

NI. Quod díxi semel, hau mútabo. BA. It díes: ite intro
adcúbitum:

Filii uos expectánt intus. NI. Quam quidem áctutum
emoriámur?

BA. Vespér hic est: ite, sequímini. PH. Ducite nós
quo lubet addíctos. 1205

BA. Lepide ípsi hi sunt captí, suis qui filiis fecere in-
sídias.

C A T E R V A.

Hí senes nisi fúissent nihili iam índé ab adulescéntia,
Nón hodie hoc tantúm flagitium fácerent canis cápítibus:
Néque adeo haec facerémus, ni antehac uídissemus fieri,
Út aput lenonés riuales filiis fierént patres. 1210
Spéctatores, uós ualere uólumus: clare adplaúdite.

METRA IUVIS FABVLAE HAEC SVNT

- V. 1 trochaicus octonarius
- 2 creticus tetrameter acatalectus
 - 4 creticus dimeter acatalectus cum tripodia trochaica catalectica
 - 5 ad 18 iambici senarii
 - 19 trochaicus septenarius
 - 20 bacchiacus tetrameter catalecticus
 - 21 ad 26 bacchiaci tetrametri acatalecti
 - 27 et 28 cretici tetrametri acatalecti
 - 29 ad 108 trochaici septenarii
 - 109 ad 367 iambici senarii
 - 368 ad 499 trochaici septenarii
 - 500 ad 525 iambici senarii
 - 526 ad 572 trochaici septenarii
 - 573 ad 611 iambici senarii
 - 612 ad 615 trochaici octonarii
 - 616 creticus tetrameter acatalectus
 - 617 ad 619 bacchiaci tetrametri acatalecti
 - 620 duae tripodiae trochaicae catalecticae
 - 621 creticus dimeter acatalectus cum tripodia trochaica catalectica
 - 622 ad 624 cretici tetrametri acatalecti
 - 625 bacchiacus tetrameter acatalectus
 - 626 ad 628 trochaici octonarii
 - 629 ad 639 trochaici septenarii
 - 640 ad 642 trochaici octonarii
 - 643 et 645 binae tripodiae trochaicae catalecticae
 - 644 creticus tetrameter acatalectus
 - 646 iambicus dimeter acatalectus
 - 647 ad 649 cretici tetrametri acatalecti
 - 650 creticus dimeter acatalectus cum tripodia trochaica catalectica
 - 651 ad 654 cretici tetrametri acatalecti
 - 655 iambicus dimeter acatalectus
 - 656 et 657 trochaici dimetri catalectici
 - 658 creticus tetrameter acatalectus

V. 659 trochaica tripodia catalectica

- 660 et 661 bacchiaci dimetri catalectici
- 662 bacchiacus tetrameter acatalectus
- 663 ad 667 cretici dimetri acatalecti cum tripodiis trochaicis catalecticis
- 668 ad 760 trochaici septenarii
- 761 ad 924 iambici senarii
- 925 ad 952 iambici octonarii
- 953 ad 955 trochaici octonarii
- 956 trochaicus septenarius
- 957 ad 978 iambici octonarii
- 979 ad 985 trochaici octonarii
- 986 trochaicus septenarius
- 987 et 988 iambici octonarii
- 989 ad 996 trochaici octonarii
- 997 ad 1075 iambici senarii
- 1076 ad 1086 anapaestici octonarii et septenarii alternantes
- 1087 et 1088 anapaestici septenarii
- 1089 ad 1098 anapaestici octonarii
- 1099 ad 1108 anapaestici septenarii
- 1109 ad 1115 cretici tetrametri acatalecti
- 1116 creticus tetrameter catalecticus
- 1117 ad 1119 trochaici septenarii
- 1120 et 1121 bacchiaci hexametri acatalecti
- 1122 ad 1138 bacchiaci tetrametri acatalecti
- 1139 et 1140 bacchiaci hexametri acatalecti
- 1141 ad 1148 trochaici septenarii
- 1149 ad 1206 anapaestici septenarii
- 1207 ad 1211 trochaici septenarii.

T. MACCI PLAVTI

C V R C V L I O.

ARGVMENTVM.

Curcúlio missu Phaédromi it [in] Cáriam,
 Vt pétat argentum. ínibi eludit ánulo
 Riuálem, scribit átque opsignat líteras.
 Cognóscit signum Lýco, ubi uidit, mílitis:
 Vt amícam mittat, prétium lenoní dedit.
 Lycónem miles ác lenonem in iús rapit.
 Ipsús sororem quám peribat répperit,
 Orátu quoius Phaédromo nuptúm locat.

6

P E R S O N A E.

PALINVRVS SERVVS
 PHAEDROMVS ADVLESCENS
 LEAENA ANVS
 PLANESIVM VIRGO
 CAPPADOX LENO
 COQVVS
 CVRCVLIO PARASITVS
 LVCO TARPESSITA
 CHORAGVS
 THERAPONTIGONVS MILES
 CANTOR.

ACTVS I.

PALINVRVS. PHAEDROMVS. (PVER.)

PA. Quo téd hoc noctis dícam proficiscí foras
Cum istóc ornatu cúmque hac pompa, Phaédrome?

PH. Quo Vénus Cupidoque ínperat suadétque Amor:
Si média nox est síuest prima uéspera,
Si státus condictus cum hóste intercedít dies, 5
Tamen ést eundum quo ínperant ingrátis.

PA. At tándem tandem . . PH. Tándem es odio
sús mihi.

PA. Istúc quidem nec béllumst nec memorábile:
Tuté tibi puer es: laútus luces céreum.

PH. Egone ápicularum cóngestum opera nón feram,
Ex dúlci oriundum, mélculo dulcí meo? 11

PA. Nam quó te dicam ego íre? PH. Si tu mé roges,
Dicam út scias. PA. Si rógitem, quid respónd eas?

PH. Hoc Aésculapi fánumst. PA. Plus iam annó
scio.

PH. Huic próximum illut óstiumst oculíssumum. 15
Salué: ualuistine úsque, oculissumum óstium?

PA. Caruítne febris te herí uel nudiustértius,
Et herí cenauístine? PH. Deridésne me?

PA. Quid tú ergo, insane, rógitas ualeatne óstium?

PH. Bellíssumum hercle uídi et taciturníssumum:

Numquam úllum uerbum múttit: quom aperitúr,
tacet, 21

Quomque illa noctu clanculum ad me exit, tacet.

PA. Numquid tu quod te aut genere indignum sit
tuo

Facis aut inceptas facinus facere, Phaédrome?

Num tú pudicae quoípiam insidiás locas 25

Aut quám pudicam opórtet esse? PH. Némini,

Nec me ille sierit Iúppiter. PA. Ego itém uolo:

Ita tñm conferto amáre semper, sí sapis,

Ne id quód ames, populus sí sciat, tibi sit probro.

Sempér curato né sis intestábilis. 30

PH. Quid istúc est uerbi? PA. Caúte ut incedás
uia:

Quod amás amato téstibus praeséntibus.

PH. Quin léno hic habitat. PA. Nemo hinc prohibet
néc uotat

Quin quód palamst uenále, si argentúmst, emas.

Nemo íre quemquam púplica prohibét uia, 35

Dum né per fundum saéptum faciat sémitam:

Dum téd apstineas núpta uidua uírgine

Iuuentúte et pueris líberis, ama quód lubet.

PH. Lenónis haec sunt aédes. PA. Male istis éuenat.

PH. Qui? PA. Quía scelestam séruitutem sér-
uiunt. 40

PH. Oblóquere. PA. Fiat máxume. PH. Etiam
[tú] taces?

PA. Nempe óbloqui me iússeras. PH. At nunc uoto.

[Set] íta ut occepi dícere, eist ancíllula . .

PA. Nempe huíc lenoni qui híc habet? PH. Recté
tenes. 44

PA. Minus fórmidabo ne éxcidat. PH. Odiósus es.

Eam uólt meretricem fácere: [at] ea me déperit:

Ego aútem cum illa fácere nolo mútuom.

PA. Quid itá? PH. Quia proprium fácio: amo paritér semul.

PA. Malus clándestinus ést amor, damnúmst merum.

PH. Est hércle ita ut tu dícis. PA. Iamne éa fért iugum? 50

PH. Tam a mé pudicast quási soror mea sít, nisi Sist aúsculando quípiam inpudíciór.

PA. Sempér, tu scito, flámma fumo próxumast: Fumó comburi níl potest, flammá potest.

E núce nuculeum qui ésse uolt, frangít nucem: 55 Qui uólt cubare, pándit saltum sáuiis.

PH. At illást pudica néque dum cubitat cúm uiris.

PA. Credám, pudor si quoíquam lenoní siet.

PH. Immo út illam censes? út quaeque illi occasiost

Subrúpere se ad me: ubi sáuium oppegít, fugit. 60

Id eó fit, hic quia léno aegrotus incubat

In Aésculapi fáno: is me excruciát. PA. Quid est?

PH. Aliás me poscit pró illa trigintá minas,

Aliás talentum mágnum: neque quicquám queo

Aequí bonique ab eo ínpetrare. PA. Iniúriu's, 65

Qui quód lenoni núllist id ab eó petas.

PH. Nunc hínc parasitum in Cáriam missí meum

Petítum argentum a mēo sodali mútuom:

Quod sí non adfert, quó me uortam néscio.

PA. Si dēos salutas, déxtrouorsum cénseo: 70

Nunc ára Veneris haéc est ante horúnc foris.

PH. Me inférre Veneri uóui iam ientáculum.

PA. Quid? án te pones Véneri iam ientáculo?

PH. Me té atque hosce omnis. PA. Túm tu Venerem uómere uis.

PH. Cedo, púere, sinum. PA. Quid facturú's?

PH. Iám scies. 75

Anus híc solet cubitáre custos iánitrix:

Nomén Leaenaest: múltibiba atque mérobibast.

PA. Quasi tú lagaenam dícas, ubi uinúm solet
Chium ésse. PH. Quid opust uérbis? uinosíssumast:

Eaque éxtemplo ubi uino hásce conspersí foris, 80

De odóre adesse mé scit, aperit flico.

PA. Eine híc cum uino sínus fertur? PH. Nísi
neuis.

PA. Nolo hércle: nam isti hunc quí fert adflictúm
uelim:

Ego nóbis ferri cénsui. PH. Quin tú taces?

Siquíd super illi fúerit, id nobís sat est. 85

PA. Quisnam ístic fluuiast, quém non recipiát
mare?

PH. Sequere hác, Palinure, mé ad foris: fi mi óp-
sequens.

PA. Ita fáciam. PH. Agite bíbite, festiuáé fores,
Potáte, fite míhi uolentes própítiae.

PA. Voltísne oliuas aút pulmentum aut cápparim?

PH. Exúscitate uóstram huc custodém mihi. 91

PA. Profúndis uinum: quae te res agitánt? PH.
Sine.

Viden? áperiuntur aédes festiuíssumae:

Num múttit cardo? est lépidus. PA. Quin das sá-
uium? 94

PH. Tace: óccultemus lúmen et uocém. PA. Licet.

LEAENA. PALINVRVS. PHAEDROMVS.

LE. Flos uéteris uini náribus meis obiéctust: eius amor
cúpidam

Me prólicit huc per ténebras: ubi ubist, própe mest:
euax, hábeo.

Salue, ánome mi, lepos Líberi: ut uéteris [ego] sum
cúpida.

Nam ómnium unguéntum odos praé tuo naúteast:

Tú mihi stácte, tu cínnamum, tú rosa, 100

Tú crocinum et cásia's, tu bdéllium.

Nam ubi tú profussus és, ibi ego me péruelim sepúltam.

PA. Sitit haéc anus: quantillúm sitit? PH. Modi-
cást, capit quadrántal.

PA. Pol ut praédicas, uindémia haec huic ánuí non
satis sólist.

LE. Sét quom adhuc náso, odos, ópsecutú's meo,

Dá uicissím meo gútturi gáudium. 106

Níl ago técum: ubist ípsus? ipsum éxpeto

Tángere, inuérgeré in mé liquorés tuos,

Síne, ductím. set hac ábiit, hac pérsequar.

PA. Canem ésse hanc quidem magis pár fuit: sagáx
nasum habet. LE. Amábo,

Quóia uox sonát procul? 111

PH. Cénseo hanc áppellandam ánum [esse]:
adibó. redi,

Réspice ad mé, Leaena. LE. Ínperatór quis est?

PH. Vínipollens, lépidus Liber,

Tibí qui screánti siccae semisómnae 115

Adfért potiónem et sitím [tuam] sedátum it.

LE. Quám longe a me abest? PH. Lúmen
hoc uide.

LE. Grándiorém gradum ergó face ad me, óp-
secro.

PH. Sálue. LE. Egon sálua sim, quaé siti sícea sum?

PH. At iám bibes. LE. Diú fit. PH. En tibi [hóc],
anus lepida. LE. Sálue, 120
Oculíssume homo. PA. Age ecfunde hóc cito in bá-
rathrum: prolue própere

Cloácam. PH. Tace: nolo huíc male dicí. PA. Fa-
ciam igitur pótius.

LE. Venús, de paulo paúlulum hoc dabó tibi hau lu-
bénter:

Nam tibi propitiantés amantes uinum dant potántes

Omnés: mihi hau saepe éuenunt talés hereditátes. 125

PA. Hóc [sis] uide ut auáriter merum ín se inpura
ingúrgitat

Faúcibus plenís. LE. Hahahe. PA. Quid ést?
ecquid lubét? LE. Lubet.

PA. Míhi quoque etiam stímulo fodere té lubet.

PH. Nolí, tace.

PA. Táceo [ego]: ecce autém bibit arcus: hércle
credo, hodié pluet.

PH. Péríi hercle: huíc quid prímum dicam néscio.

PA. Hem, istuc quód mihi dixti. 130

PH. Quid id est? PA. Periisse út te dicas. PH. Mále
di tibi faxínt. PA. Dice isti.

PH. Iámne ego huíc dicó? PA. Quid dices? PH. Mé
perisse. PA. Age díce. PH. Anus audi.

Hóc uolo scíre te: pérditus súm miser.

LE. Át pol ego oppidó seruata.

Sét quid est quód lubet pérditum dícere 135

Té esse? PH. Quia [ego] id quód amo careo.

LE. Phaédrome mi, ne plóra amabo:

Tú me ne sitiám curato : ego tibi iam quod amas húc ad-
ducam.

PH. Né ego , si fidém [tu] mecum séruas , aureá pro
statua

Víneam tibi státuam , quae sit gútturi tuó monimentum.
Pálinure , in terrá qui me erit aéque fortunátus , illa 141
Sí ad me bitet ? PA. Édepol qui amat , sí eget , misera
aerúmna adficitur.

PH. Nón ita res est : nám confido párasitum hodie [huc]
áduenturum

Cúm argento ad me. PA. Mágnum inceptas , sí illut ex-
pectás quod nusquamst.

PH. Quíd si adeam ad foris átque occentem ? PA. Sí
lubet , neque uotó neque iubeo ,
Quándo ego te uideo ínmutatis móribus esse , ere , átque
ingenio. 146

PH. Péssuli , heus péssuli , uós salutó lubens ,
Vós amo , uós uolo , uós peto atque ópsecro ,
Gérite amantí mihi mórem amoeníssumi :
Fíte caussá mea lúdii bárbari , 150
Sússulite , ópsecro , et míttite istánc foras ,
Quaé mihi mísero amanti éxibit ságuinem .
Hóc uide ut dórmunt péssuli péssumi
Néc mea grátia cónmouent se ócius .

Perspício nihili mēam uos facere grátiam . st , táce tace .

PA. Táceo hercle equidem . PH. Séntio 156
Sonitúm : tandem edepol míhi morigeri péssuli [illi]
fiunt .

LEAENA. PLANESIUM. PALINVRVS.
PHAEDROMVS.

LE. Plácide egredere et sónitum prohibe fórium et cre-
pitum cárdinum,

Né quod hic agimus érus percipiat fieri, mea Planésium.
Máne, suffundam aquolám. PA. Viden ut anus trémula
medicinám facit? 160

Ėapse merum condídicit bibere: fóribus dat aquam quám
bibant.

PL. Vbi tu's, qui me cónuadatu's Véneriis uadimóniis?
Sisto ego tibi me et míhi contra itidem [tú te] ut sistas
suádeo.

PH. Ádsum: nam si apsim háut recussem quín mihi male
sit, mél meum.

PL. Ánime mi, [me] prócul amantem abésse haut con-
sentáneumst. 165

PH. Pálinure, Palinúre. PA. Eloquere, quíd est quod
Palinurúm uocas?

PH. Ést lepida. PA. Nimis lépida. PH. Sum deus. PA.
Ímmo homo hau magní preti.

PH. Quíd uidisti aut quíd uidebis mágis dis aequiperá-
bile?

PH. Mále uales, ere, quód mihi aegrest. PH. Mále mi
morigerú's: tace.

PA. Ípsus se excruciát qui homo quod amat uidet nec
potitur dúm licet. 170

PH. Récte obiurgat: sáne haut quicquamst mágis quod
cupiam iám diu.

PL. Téne me, amplectere érgo. PH. Hoc etiamst quam
ób rem cupiam uiuere:

Quia te prohibet érus, clam potior. PL. Próhibet? nec
prohibére quit

Néc prohibebit, n'si mors meum animum áps te abalie-
náuerit. 174

PH. Sibi sua habeant régna reges, sibi diuitias díuites,
Sibi [illi] honores, sibi uirtutis, sibi pugnas, sibi proélia:
Dúm mi apstineant ínuidere, sibi quisque habeant quód
suumst.

PA. Ěnimuero nequeó durare quín ego erum accussém
meum:

Nám bonumst pausillum amare sáne, insane nón bo-
numst:

Vérum totum insánum amare hoc ést quod meus erús
facit. 180

Quíd tu? Venerin péruiigare té uouisti, Phaédrome?
Nám hoc quidem edepol haú multo post luce lucebít.

PH. Tace.

PA. Quíd, taceam? quín tu is dormitum? PH. Dórmio:
ne occlámites.

PA. Tú quidem uigilas. PH. Át meo more dórmio: hic
somniaúst mihi. 184

PA. Heús tu, mulier: mále mereri de ínmerenti inscítiaſt.

PL. Írascare, sí te edentem hic á cibo abigat. PA. Ílicet:

Páriter hos períre amando uídeo: uterque insániunt.

Víden ut misere móliuntur? néqueunt conplectí satis.

Étiam dispertímini? PL. Nullist hómini perpetuóm
bonum:

Iam huíc uoluptati hóc adiunctumst ódium. PA. Quid
ais, própudium? 190

Túne etiam cum nóctuinis óculis odium mé uocas,

Ébriolae persólla, nugae? PH. Tún meam Venerem uí-
tuperas?

Quód quidem mihi pollúctus uirgis séruos sermoném
serat?

Át ne tu hercle cúm cruciatu mágno dixisti íd tuo.

Hém tibi male díctis pro istis, díctis moderari út queas.

PA. Tùam fidem, Venus nóctuiigila. PH. Pérġin etiam,
uérbero? 196

PL. Nóli amabo uérberare lápidem, ne perdás manum.

PA. Flágitium probrúmque magnum, Phaédrome, exper-
géfacis:

Béne monstrantem púgnis caedis, hánc amas, nugás
meras.

Hócine fieri ut ínmodestis te híc modereris móribus? 200

PH. Aúro contra cédo modestum amátorem: a me au-
rum áccipe.

PA. Cédo mihi contra aúrichalco, quóí ego sano sér-
uiam.

PL. Béne uale, ocule mí: nam sonitum et crépitum clau-
strorum aúdio:

Aédituom fanum áperirè [arbitrá. set] quaeso ad hunc
modum

Ínter nos amóre utemur sémper subreptício? 205

PH. Mínime: nam parasítum missi núdiusquartus Cá-
riam

Pétere argentum: is hódie hic aderit. PL. Nínium con-
sultás diu.

PH. Íta me Venus amét, ut ego te hoc tríduom numquám
sinam

Ín domo esse istác, quin ego te líberalem líberem.

PL. Fácito ut meminerís: tene etiam prús quam hinc
abeo sáuium. 210

PH. Sí quidem mi hercle régnum detur, númquam id
potius pérsequar.

Quándo ego te uidébo? PL. Hem, istoc uérbo uindictám
para:

Sí amas, eme: ne rógites. facito ut prétio peruincás
tuo.

Béne uale. PH. Iamne égo relinquer? púlcre, Palinure,
óccidi.

PA. Égo quidem, qui et uápulando et sómno pereoo.

PH. Séquere me. 215

A C T V S II.

CAPPADOX. PALINURVS.

CA. Migráre certumst nunc iam ex fanó foras,
 Quando Aésculapi ita sentio senténtiam,
 Vt quí me nihili fáciat nec saluóm uelit.
 Valétudo decréscit, adcrescít labor.

Nam iám quasi sona líene cinctus ámbulo: 220

Geminós in uentre habére uideor fílios.

Nil métuo nisi ne médius disrumpár miser.

PA. Si récte facias, Phaédrome, auscultés mihi
 Atque ístam exturbes éx animo aegritúdinem.

Paués parasitus quía non rediit Cária: 225

Adférre argentum crédo: nam si nón ferat,

Torménto non retinéri potuit férreo,

Quin réciperet se huc éssum ad praesepém suam.

CA. Quis hic ést qui loquitur? PA. Quóiam uocem
 ego áudio?

CA. Estne híc Palinurus Phaédromi? PA. Quis
 hic ést homo 230

Cum cónlatiuo uéntre atque oculis hérbeis?

De fóрма noui: dé colore nón queo

Nouísse: iamiam nóui: lenost Cáppadox.

Congrédiar. CA. Salue, Pálinure. PA. O scelerúm
 caput,

Saluétó: quid agis? CA. Víuo. PA. Nempe ut
 dígnus es? 235

Set quid tibist? CA. Lien énecat, renés dolent,
Pulmónes distrahúntur, cruciatúr iecur,
Radíces cordis péreunt, hiraе omnés dolent.

PA. Tum te ígitur morbus ágitat hepatiárius.

CA. Lién dierectust. PA. Ámbula: id lieni óp-
tumumst. 240

CA. Facilést miserum inridére. PA. Quin tu ali-
quót dies

Perdúra, dum intestína exputescúnt tibi
Nunc dúm salsura sát bonast. si id féceris,
Veníre poteris íntestinis uílius.

CA. Aufér quaeso ista atque hóc responde quód
rogo: 245

Potin cóniecturam fácere, si narrém tibi

Hac nócte quod ego sómniaui dórmiens?

PA. Vah, sólus hic homost quí sciat diuínitus:

Quin cóniectores á me consiliúm petunt:

Quod eís respondi, ea ómnes stant senténtia. 250

COQVOS. PALINVRVS. CAPPADOX.

CO. Palinúre, quid stas? quín depromuntúr mihi
Quae opus súnť, parasito ut sít paratum prándium,
Quom uéniat. PA. Mane sis, dum huíc conicio
sómnum.

CO. Tute ípse siquid sómniasti ad mé refers.

PA. Fateór. CO. Abi, deprome. PA. Áge tu in-
terea huíc sómnum 255

Narrá: meliorem quam égo sum supponó tibi:

Nam quód scio omne ex hóc scio. CA. Operam ut
dét. PA. Dabit.

CA. Facit híc quod pauci, ut sít magistro [suo]
ópsequens.

Da mi ígitur operam. CO. Tam étsi non nouí, dabo.

CA. Hac nócte in somnis uíssus sum tuéríer 260

Prócúl sedere lónge a me Aesculápium:

Neque eum ád me adire néque me magni péndere

Vissúmst. CO. Item alios dēos facturos scílicet:

Sane illi inter se cóngruont concórditer.

Nihil ést mirandum, mélius si nil sít tibi. 265

Namque incubare sátius te fuerát Ioui,

Auxílium tibi qui in iúre iurandó tulit.

CA. Si quidem incubare quí periurarínt uelint,

Locus nón praehiberi pótis est in Capitólio.

CO. Hoc ánimum aduerte: pácem ab Aesculápio

Petás, ne fors tibi éuenat magnúm malum, 271

Quod ín quiete tibi portentumst. CA. Béne facis:

Ibo átque orabo. CO. Quae res male uortát tibi.

.

* * * * *

* * * * *

* * * * *

A C T V S III.

* * * * *

PALINVRVS. PHAEDROMVS.

PA. Pro di inmortales, quém conspicio? quí illic
est?

Estne híc parasitus, míssus quist in Cáriam? 275

Heus [éxi,] Phaedrome. éxi, exi, exi inquam ócius.

PH. Qui istíc clamorem tóllis? PA. Parasitúm
tuum

Videó currentem, ellum úsque platea in última.

Hinc aúscultemus quíd agat. PH. Sane cénseo.

CVRCVLIO. PHAEDROMVS. PALINVRVS.

CV. Dáte uiam mihi, nóti ignoti, dúm ego hic officiúm
meum 280

Fáció: fugite omnés, abite et dé uia secédite,
Néquem in cursu cápite aut cubito aut pectore offen-
dam aút genu.

Íta nunc subito própere et celere obiéctumst mihi ne-
gótium.

Nec quisquam sit tám opulentus, quí mi opsistat in uia,
Néc strategus néc turannus quisquam neque agoráno-
mus 285

Néc demarchus néc comarchus néc cum tanta glória,
Quín cadat, quin cápite sistat in uia de sémita.
Túm isti Graeci pálliati cápite operto qui ámbulant,
Qui incedunt suffárcinati cúm libris, cum spórtulis,
Cónstant, conserúnt sermones ínter sese drápetae: 290
Ópstant opsistúnt occedunt cúm suis sentétiis:
Quós semper uideás lubentis ésse in thermipólio:
Vbi quid subrupuére, operto cápitulo calidúm bibunt,
Tristes atque ebríoli apscedunt: ěos ego si [hic] offén-
dero,

Éx uno quoque ěorum excutiam crépitum polen
tárium. 295

Túm isti qui ludúnt datatim sérui scurrarum in uia,
Ét dadores ét factores ómnis subdam súb solum.
Pröinde se domí contineant, uítent infortúnio.

PH. Récte hic monstrat, se íperare póscit: nam ita
nunc mós uiget,

Íta nunc seruitiúmst: profecto módus haberi nón
potest. 300

CV. Écquis est qui míhi conmonstret Phaédromum
geniúm meum?

Íta res subitast: céleriter mihi hómine conuentóst
opus.

PA. Té ille quaerit. PH. Quíd si adeamus? heús
Curculio, té uolo.

CV. Quís uocat? quis nóminat me? PH. Quí te con-
uentúm cupit.

CV. Haú [me] magis cupís, quam te ego cúpio. PH.
O mea opportunitàs, 305

Cúrculio exoptáte, salue. CV. Sálua. PH. Saluom
gaúdeo

Te áduenire: cédo tuam mi dexteram. ubi sunt spés
meae?

Eloquere opsecro hércle. CV. Eloquere, te ópsecro
[hercle], ubi súnt meae?

PH. Quíd tibist? CV. Tenebrae óboriuntur, génua
inedia súccidunt.

PH. Lássitudine hércle credo. CV. Rétime, retine
me, ópsecro. 310

PH. Víde ut expalluít: datin isti séllam ubi adsidát
cito

Ét aqualem cum aquá? properatin ócius? CV. Animó
malest.

PH. Vín aquam? CV. Si frústulentast, da ópsecro
hercle, opsórbeam.

PH. Vaé capiti tuo. CV. Ópsecro hercle fácite uen-
tum ut gaúdeam.

PH. Máxume. CV. Quid fácitis quaeso? PA. Vén-
tum. CV. Nolo equidém mihi

Fíeri uentulúm. PH. Quid igitur? CV. Ésse, ut uen-
tum gaúdeam. 316

PH. Iúppiter te díque perdant. CV. Périi: prospí-
ció parum,

Ós amarumst, déntes † plenos, líppiunt faucés fame:
Íta cibi uociúitate uénio lassís láctibus.

PH. Iám edes aliquid. CV. Nólo hercle aliquid, cér-
tum quam aliquid máuolo. 320

PH. Ímmo si sciás reliquiae quae sint. CV. Scire
nímis lubet

Vbi sient: nam illís conuentis sáne opus est meis dén-
tibus.

PH. Pérnám suis abdómen sumen glándium. CV. Ain
tu ómnia haec?

Ín carnarió fortasse dícis? PH. Immo in lánclibus:
Quaé tibi sunt paráta, postquam scímus uenturúm.

CV. Vide 325

Né me ludas. PH. Íta me amabit quám ego amo, ut ego
hau móntior.

Sét quod te missí nihilo sum cértior. CV. Nihil áttuli.

PH. Pérdidisti me. CV. Ínuenire póssum, si mi
operám dabis.

Póstquam tuo iussú profectus súm, perueni in Cáriam.
Vídeo tuum sodálem, argenti rógo uti faciat cópíam.

Scíres uelle grátíam tuam: nóluit frustrárier, 331

Út decet uelle hómínem amicum amíco atque opítu-
lárier:

Réspóndit mihi paúcis uerbis átque adeo fidéliter,
Quód tibist itém sibi esse, máxumam argenti ínopíam.

PH. Pérdis me tuis díctis. CV. Immo séruo et ser-
uatúm uolo. 335

Póstquam mihi respónsumst, abeo ab íllo maestus ád
forum,

Mé illo frustra déuenisse. fórté aspicio mílitem:

Ádgredior homínem, saluto aduéníens: ‘salue’ inquit
mihi,

Praéndit dexterám, seducit, rógat quid ueniam Cá-
riam:

Díco me illo uénisse animi caússa. ibi me intér-
rogat, 340

Écquem in Epidauró Luconem tárpressitam nóuerim.

Díco me nouísse. ‘quid? lenónem Cappadocem?’ ádnuo

Víssitasse. “sét quid eum uis?” ‘quía de eo emi uír-
ginem

Tríginta minís, uestem, aurum : et pro hís decem accedúnt minae.'

"Dèdistin tu argentum?" inquam. 'immo' [inquit]
'ăput tarpessitám situmst 345

Íllum quem dixí Luconem, atque èi mandauí, qui ánulo
Měo tabellas ópsignatas áttulisset, út daret

Óperam ut mulierem á lenone cum aúro et ueste ab-
dúceret.'

Póstquam hoc mihi narráuit, abeo ab illo. reuocat me
ílico,

Vócat ad cenam: réligio fuit, dénégare nólui. 350

'Quíd si abeamus, decumbamus?' inquit. consiliúm
placet.

Néque diem decét remorari néque nocti nocéríer.

Ómnis res parátast et nos quíbus paratumist ádsumus.

Póstquam cenati átque adpoti, tálos poscit síbi in ma-
num,

Próuocat me in áleam, ut ego lúdam. pono pállium:

Ílle suum anulum ópposiuit, ínuocat Planésium. 356

PH. Měosne amores? CV. Táce parumper. iácit uol-
turos quáttuor.

Tálos arripio, ínuoco alnam měam [mihi] nutricem
Hérculem,

Iácto basilicúm, propino mágnum poclum: ille éx-
bibit,

Cáput deponit, cóndormiscit. égo ei subduco ánulum,

Déduco pedés de lecto clám, ne miles séntiat. 361

Rógitant serui quó eam: dico me íre quo saturí so-
lent.

Óstium ubi conspéxi, exinde me ílico protinám dedi.

PH. Laúdo. CV. Laudató, quando illut quód cupis
ecféceo.

Ėamus nunc intro, út tabellas cónsignemus. PH. Núm
mòror? 365

CV. Átque aliquid prius ópstrudamus, pérnam sumen
glándium:

Haéc sunt uentris stábilimenta: páne et assa búbula,
Póclum grande [et] aúla magna, ut sátis consilia súp-
petant.

Túte tabulas cónsignato: híc ministrabit, [dúm] ego
edam.

Dícam quem ad modúm conscribas. séquere me hac
intró. PH. Sequor. 370

A C T V S III.

LVCO. CVRCVLIO (CVM PVERO). CAPPADOX.

LV. Beátus uideor: súbduxi ratiúnculam,
 Quantum aéris mihi sit quántumque aliení siet.
 Diués sum, si non réddo eis quibus déhibeo.
 [Si reddo illis quibus debeo, plus alieni est.]
 Verum hércle uero bélle quom recógito, 375
 Si mágis me instabunt, ád praetorem súfferam.
 Habént hunc morem plérique argentárii,
 Vt álius alium póscant, reddant némini,
 Pugnís rem soluant, síquis poscat clárius.
 Qui homó mature quaésiuit pecúniam, 380
 Nisi eám mature pársit, mature éssurit
 Cupio áliquem [mi] emere púerum, qui ussurárius
 Nunc míhi quaeratur: ússus est pecúnia.
 CV. Nil tú me saturum mónueris: memini ét scio.
 Ego hóc efectum lépide tibi tradám: tace. 385
 Edepól ne ego hic med íutus expleuí probe
 Et quídem reliqui in uéntre cellae uní locum,
 Vbi réliquiarum réliquias recónderem.
 Quis hic ést operto cápite qui Aesculápium
 Salútat? attat, quém quaerebam. séquere me. 390
 Simulábo quasi non nóuerim. heus tu, té uolo.
 LV. Vnócule, salue. CV. Quaésó deridésne me?
 LV. De Cóclitum prosápia te esse árbitor:
 Nam i súnt unoculi. CV. Cátapulta hocictúmst mihi

Apút Sicuonem. LV. Nám quid id refért mea, 395
An aúla quassa cúm cinere ecfossús siet?

CV. Supérstitiosus híc quidemst: uera praédicat:
Namque íllae catapultae ád me crebro cónneant.

Aduléscens, ob rem púplicam hoc intús mihi
Quod ínsigne habeo, quaéso ne me incómities. 400

LV. Licetne ínforare, si íncomitiare haú licet?

CV. Non ínforabis mé quidem, nec míhi placet
Tuúm profecto néc forum nec cómitium.

Set hunc quem quaero cónmonstrare sí potes,
Iníbis a me sólídám et grandem grátiam. 405

Lucónem quaero tárpressitam. LV. Díc mihi,
Quid eúm nunc quaeris? aút quoiati's? CV. Élo-
quar:

Ab Thérapontigono Plátagidoro mílite.

LV. Noui édepol nomen: nám mihi istoc nómine,
Dum scríbo, expleui tótas ceras quáttuor. 410

Set quíd Luconem quaéris? CV. Mandatúmst mihi
Vt hás tabellas ád eum ferrem. LV. Quís tu homo's?

CV. Libértusillius, quem ómnes Summanúm uocant.

LV. Summáne, salue. qui Summanu's? fác sciam.

CV. Quia uéstimenta [méa], ubi obdormiui ébrius,
Summáno: ob eam rem me ómnes Summanúm uo-
cant. 416

LV. Alibí te meliust quaérere hospitium tibi:

Aput mé profecto níhil est Summanó loci.

Set istúm quem quaeris égo sum. CV. Quaeso, túne
is es,

Lucó tarpessita? LV. Égo sum. CV. Multam mé
tibi 420

Salútem iussit Thérapontigonus dícere

Et hás tabellas dáre me iussit. LV. Míhine? CV. Ita.

Cape, sígnum nosce. nóstin? LV. Quid ni nóuerim?
Clupeátus elephantum úbi machaera díssicit.

CV. Quod ístic scriptum esset, íd te orare iússerat
Profécto ut faceres, sũam si uelles grátiam. 426

LV. Concéde: inspiciam quíd sit scriptum. CV.

Máxume

Tuo árbitratu, dum aúferam aps te id quód peto.

LV. ‘Milés Luconi in Épidauro [hospes] hóspiti
Suo ‘Thérapontigonus Plátagidorus plúrumam 430
Salútem dicit.’ CV. Méus hic est, hamúm uorat.

LV. ‘Tecum óro et quaeso, qui hás tabellas ádferet
‘Tibi, út ei detur quám ístic emi uírginem,
Quod té praesente ísti égi teque intérprete,
Et aúrum et uestem. íám scis ut conuénerit. 435

Argentum des lenóni [et] huic des uírginem.’

Vbi ípsust? quor non uénit? CV. Ego dicám tibi:

In Cáriam quíá núdiusquartus uénimus

Ex Índia: ibi nunc státuam uolt dare aúream

Solidám faciundam ex aúro Philippo, quae siet 440

Septémpedalis, fáctis monimentúm suis.

LV. Quam ob rem ístuc? CV. Dicam: quíá enim

Persas Páphlagonas

Sinópas Arabes Cáras Cretanós Suros

Rhodium átque Luciam, Pérediam et Bibésiam,

Centaúromachiam et Clássiam Vnomámmiam 445

Libuámque totam [et] ómnem Conterebrómiám,

Dimidiam partem nátionum usque ómnium

Subégit solus íntra uigintí dies.

LV. Vah. CV. Quíd mirare? LV. Quíá enim in ca-

uea sí forent

Conclússi [illi] itidem ut púlli gallinácei, 450

Ita nóñ potuere uno áнно circumírier.

Credo hércle te esse ab illo: nam ita nugás blatis.

CV. Immo étiam porro, sí uis, dicam. LV. Níl moror.

Sequere hác: te apsoluam, qua áduenisti grátia.

Atque éccum uideo * * * * * 455

* * * * * léno, salue. CA. Dí te ament.

LV. Quid hóc quod ad te uénio? CA. Dicas quíd uelis.

LV. Argéntum accipias, cúm illo mittas uírginem.

CA. Quid quód iuratus súm? LV. Quid id refért tua,

Dum argéntum accipias? CA. Quí monet quasi

ádiuuat. 460

Sequímini. CV. Leno, cáue [ne] in te sit móra mihi.

C H O R A G V S.

Édepol nugatórem lepidum lépide hunc nanctust
Phaédromus.

Hálophantamne an súcophantam hunc mágis dicam
esse néscio.

Órnamenta quaé locaui métuo ut possim récipere.

Quámquam cum istoc míhi negoti níhil est (ipsi Phaé-
dromo 465

Crédidi), tamen ádseruabo. sét dum hic egreditúr
foras,

Cónmonstrabo quó in quemque hominem fácale in-
ueniatís loco,

Né nimio opere súmer operam, síquis conuentúm uelit

Vél uitiosum uél sine uitio uél probum uel inprobum.

Quí periurum cónuenire uólt hominem, ito in có-
mitium: 470

Quí mendacem et glóriosum, apút Cloacinaé sacrum.
Dítis damnosós maritos súb basilica quaérito.

Íbidem erunt scorta éxoleta quíque stipularí solent:

Súmbolarum cónlatores áput forum piscárium.

Ín foro infumó boni homines átque dites ámbu-
lant: 475

Ín medio proptér canalem ibi óstentatorés meri.

Cónfidentes gárrulique et máleuoli suprá lacum,

Qui áleri de níhilo audacter dícunt contuméliam

Ét qui ipsi sat habént quod in se póssit uere dícier.

Súb ueteribus ibi sunt qui dant quíque accipiunt
faénore. 480

Póne aedem Castóris ibi sunt súbito quibus credás
male.

Ín Tusco uico ibi sunt homines quí ipsi sese uén-
ditant.

Ín Velabro uél pistorem uél lanium uel harúspicem

Vél qui ipsi uortánt uel qui aliis út uorsentur praé-
hibeant.

[Dites damnosos maritos apud Leucadiam Oppiam.] 485

Sét interim forés crepuere: línguae moderandúmst
mihi.

CVRCVLIO. CAPPADOX. LVCO. (PLANESIVM.)

CV. I tú prae, uirgo: nón queo quod póne mest
seruáre.

Et aúrum et uestem omném suam esse aiébat quam
haec habéret.

CA. Nemo ít infitias. CV. Át tamen meliúsculumst
monére.

LV. Meménto promissísse te , si quísqúam hanc li-
beráli 490

Caussá manu adsererét , mihi omne argéntum red-
ditum íri,

Minás triginta. CA. Méminero : de istóc quietus
ésto :

Et núnc idem dicó. CV. Set haec conméminisse ego
uolám te.

CA. Memini ét mancupio tíbi dabo. CV. Egone
áb lenone quícquam

Mancúpio accipiam , quíbus sui nihil ést nisi una
língua, 495

Qui abiúrant siquid créditumst ? aliénos mancupátis,
Manu álienos emíttitis aliénisque inperátis :

Nec uóbis auctor úllus est nec uósmet estis úlli.

Ítém genus est lenónium inter hómines meo quidem
ánimo

Vt múscae culices címicés pedésque pulicésque : 500

Odio ét malo et moléstiae : bono ússui estis núlli :

Nec uóbiscum quisquam ín foro frugí consistere
aúdet :

Qui cónstitit , culpánt eum , conspúitur , uituperátur ,
Eum rém fidemque pérdere , tam etsí nil fecit ,
áiunt.

LV. Edepól lenones méo animo nouísti , lusce ,
lépide. 505

CV. Eodem hércle uos pono ét paro : paríssumi estis
híbus.

His sáltem in occultís locis prostánt , uos in foro
ípso :

Vos faénore , hisce mále suadendo et lústris lacerant
hómines.

Rogitationes plúrumas proptér uos populus sciuit,
 Quas uós rogatas rúmpitis: aliquám reperitis rí-
 mam: 10

Quasi aquám feruentem frígidam esse ita uós puta-
 tis léges.

LV. Tacuísse mauellem. CA. Haú male meditáte
 male dicáx es.

CV. Indígnis si male dícitur, male díctum id esse
 dúco:

Verúm si dignis dícitur, bene díctumst meo quidem
 ánimo.

Ego máncipem te níl moror nec lénonem alium
 quémquam. 515

Lucó, numquid uís? LV. Béne uale. CV. Vale.
 CA. Heús tu, tibi ego díco.

CV. Elóquere, quid uis? CA. Quaéso ut hanc cu-
 rés [ut] bene sit ísti:

Bene ego ístam eduxi mēae domi et pudíce. CV. Si
 huius míseret,

Ecquíd das qui bene sít? CA. Malum. CV. Tibi
 opúst qui te procúres.

CA. Quid, stúlta, ploras? né time: bene ego hércle
 uendidí te. 520

Face sís bonae frugí sies: sequere ístum bella bélle.

LV. Summáne, numquid núnc iam me uís? CV. Vale
 atque sálue.

Nam et óperam [tu] et pecúniam benígne praehi-
 buísti.

LV. Salútem multam dícito patróno. CV. Nun-
 tiábo.

LV. Numquíd uis, leno? CA. Istás minas decém,
 qui me procúrem, 525

Dum mélius sit mihi, dés. LV. Dabuntur: crás
peti iubéto.

CA. Quandó bene gessi rém, uolo hic in fáno sup-
plicáre.

Nam illám minis olím decem puéllam paruolam émi,
Set eúm qui mihi illam uéndidit numquám postilla
uídi:

Perísse credo: quíd id mea refért? ego argentum
hábeo. 530

Quoi dí sunt homini própítii, lucrum èi profecto
obíciunt.

Nunc rèi diuinae operám dabo: certúmst me bene
curáre.

A C T V S V.

THERAPONTIGONVS. LVCO.

TH. Nón ego nunc mediócri incedo irátus iracúndia,
 Sét capse illa qua éxcidionem fácere condidici óppidis.
 Nunc nisi tu mihi própere properas dáre iam trigintá
 minas, 535

Quás ego aput te déposiui, uítam propera pónere.

LV. Nón edepol ego nunc mediócri mácto te infor-
 túnio,

Sét eopse illo quó mactare sóleo quoi nil déhibeo.

TH. Né mihi te faciás ferocem aut súpplícare cénseas.

LV. Né tu me quidem úmquam subiges rédditum ut
 reddám tibi, 540

Néc daturus súm. TH. Idem ego istuc quóm credebam
 crédidi,

Té nihil esse rédditurum. LV. Quór nunc a me igitúr
 petis?

TH. Scíre uolo quoi réddidisti. LV. Lúscó libértó tuo:

Ís Summanum sé uocari díxit: ei réddidi, 544

Qui hás tabellas ópsignatas áttulit. TH. Quas tú mihi

Tábulas, quos luscós libértos, quós Summanos sómnias?

Néc mihi quidem libértus ullus ést. LV. Facis sa-
 piéntius

Quám latronum párs libértos quí habent et eos dése-
 runt.

TH. Quíd fecisti? LV. Quód mandasti, féci honoris
 grátia:

Tuum qui signum ad me attulisset nuntium ne spernerem. 550

TH. Stultior stulto fuisti, qui his tabellis crederes.

LV. Quis res publica et priuata geritur, non is crederem?

Ego abeo: tibi res solutast recte. bellator, uale.

TH. Quid, ualeam? LV. At tu aegrota, si lubet, per me aetatem quidem.

TH. Quid ego nunc faciam? quid refert me fecisse regibus 555

Ut mi oboedirant, si hic me hodie umbraticus deriserit?

CAPPADOX. THERAPONTIGONVS.

CA. Quoi homini di sunt propitii, ei non esse iratos puto.

Postquam rem diuinam feci, [post] mihi in mentem uenit,

Nè tarpessita exulatum abierit, argentum ut petam,

Ut ego potius comedim quam ille. TH. Iusseram saluere te. 560

CA. Therapontigone Platagidore, salue: saluos quom aduenis

In Epidaurum, hic hodie aput me — numquam delingés salem.

TH. Bene uocas: uerum locata res est ut male sit tibi.

Sed quid agit meum mercimonium aput te? CA. Nil aput me quidem.

Nè facias testis: neque equidem dehibeo quicquam.

TH. Quid est? 565

CA. Quód fui iurátus, feci. TH. Réddin an non uírginem

Príus quam te huic meae machaerae óbicio, mastígia?

CA. Vápulare ego té uehementer iúbeo: ne me térrites.

Ílla abductast: tu aúferere hinc á me si pergés mihi

Mále loqui profécto, quoi ego nísi malum nil déhibeo.

TH. Míhin malum minitáre? CA. Atque edepol nón minitabor, sét dabo, 571

Míhi si perges ésse molestus. TH. Léno minitátur mihi

Měaeque pugnae proéliares plúrumae optritaé iacent?

Át ita me machaéra et clupeus * * * * 574

Béne iuuent pugnántem in acie: nísi mi uirgo rédditur,

Iam égo te faciam ut híc formicae frústillatim differant.

CA. Át ita meae uolséllae pecten spéculum calami-strúm meum

Béne me amassint méaque axicia línteumque extérsui,

Út ego tua magnífica uerba néque istas tuas magnás minas

Nón pluris faciό quam ancillam měam quae latrinám lauat. 580

Égo illam reddidi [ěi] qui argentum a te áttulit. TH.

Quis is ést homo?

CA. Tűum libertum sése aiebat ésse Summanúm.

TH. Meum?

Áttat, Curculio hércle uerba míhi dedit, quom cógito:

Ís mihi anulúm subrupuit. CA. Pérdidistin tu anulum?

Míles pulcre cénturiatus ést expuncto in mánipulo. 585

TH. Úbi nunc Curculiónem inueniam? CA. In trítico facíllume

Vél quingentos cúrculiones pro úno faxo réperies.

Égo abeo: uale átque salue. TH. Mále uale, male sit tibi.

Quíd ego faciam? máneam an abeam? sícin mihi
esse os óblitum?

Cúpio dare mercédem, qui illunc úbi sit conmonstrét
mihi. 590

CYRCVLIO. (THERAPONTIGONVS.)

CV. Ántiquom poétam audiui scrípsisse in tragoédia,
Múlieres duás peiores ésse quam unam: rés itast.

Vérum mulierém peiorem, quam haéc amicast Phaé-
dromi,

Nón uidi [aut] audiui neque pol díci nec fingí potest:

Quae [éxtemplo] ubi međ hunc habere cóspicatast
ánulum, 595

Rógat unde habeam. ‘quíd id tu quaeris?’ ‘quía mi
quaesitóst opus.’

Négo me dicere. út cum eriperet, mǎnum [meam] arri-
puit mórdicus.

Vix foras me abrípui atque eefugi. ápage istanc caní-
culam.

PLANESIVM. PHAEDROMVS. CYRCVLIO.

THERAPONTIGONVS.

PL. Phaédrome [mi], properá. PH. Quid properem?

PL. Párasitum ne amíssestis:

Mágna res est. PH. Núllast mihi: nam quam hábui
apsumpsi céleriter. 600

Téncó: quid negótist? PL. Rogita unde ístunc habeat
ánulum:

Páter istum meus géstitauit. CV. Át [pol] mea ma-
tértera.

PL. Máter illi utúndum dederat. CV. Túus pater
russúm mihi.

PL. Núgas garris. CV. Sóleo: nam proptér eas uiuo
fácilius.

Quíd nunc? PL. Opsecró parentis né meos mihi pró-
hibeas. 605

CV. Quíd ego? sub gemmáne apstrussos hábeo tuam
matrem ét patrem?

PL. Líbera ego sum náta. CV. Et alii múlti, qui nunc
séruunt.

PL. Ěnimuero irascór. CV. Dixi equidem tibi, unde
ad me hic peruénerit:

Quótiens dicundúmst? elussi mílitem, inquam, in álea.

TH. Sáluos sum: eccum quém quaerebam. quíd agis,
bone uir? CV. Aúdio: 610

Sí uis tribus bolís uel in chlamudem. TH. Quín tu is
in malám crucem

Cúm bolis, cum búlbis? etiam rédde argentum aut
uírginem.

CV. Quód argentum, quas tú mihi tricas nárras? quam
tu uírginem

Mé reposcis? TH. Quám ab lenone abdúxti[tu] hodie,
scélus uiri.

CV. Núllam abduxi. TH. Cérte eccistam uídeo. PH.
Virgo haec líberast. 615

TH. Méane ancilla líbera ut sit, quam égo numquam
emissí manu?

PH. Quís tibi hanc dedít mancupio aut únde emisti?
fác sciam.

TH. Égo quidem pro istác rem solui áb tarpessitá meo,

Quam égo pecuniám quadruplicem aps té et [ab] lenone
aúferam.

PH. Quí scis mercarí furtiuas átque ingenuas uírgines,
Ámbula in ius. TH. Nón eo. PH. Licet ántestari?

TH. Nón licet. 621

PH. [Át] te Iuppitér male perdat: íntestatus uíuito.

CV. Át ego quem licét. PH. Tu accede huc. TH.
Séruom antestari? uide.

CV. Hem,

Út scias me líberum esse. TH. Ergo ámbula in ius.
hém tibi. 625

CV. Ó ciues, ciués. TH. Quid clamas? PH. Quid
tibi istum táctiost?

TH. Quía mi lubitumst. PH. Áccede huc tu: ego
illum tibi dedám: tace.

CV. Phaédrome, opsecró, serua me. PH. Támquam
me et geniúm meum.

Míles, quaeso tú mihi dicas, únde illum habeas ánulum,
Quém parasitus híc te elussit. PL. Pér tua genua te
ópsecro, 630

Út nos facias cértiores. TH. Quid istuc ad uos áttinet?
Quaératis chlamudem ét machaeram hanc, únde ad me
peruénerit.

CV. Út fastidit glóriosus. TH. Mítte istum: ego
dicam ómnia.

CV. Níhil est quod ille dícit. PH. Face me cértio-
rem, [te] ópsecro.

TH. Ego dícam: surge. hanc rem ágite atque ani-
mum aduórtite. 635

Patér meus habuit Périphanes. PL. [Hem, Péri-
phanes?]

TH. Is priús quam moritur míhi dedit tamquám suo,

Vt aequom fuerat, filio . . PL. Pro Iuppiter.

TH. Et istí me heredem fecit. PL. [O] pietás mea,
Seruá me, quando ego té seruauí sédulo. 640

Fratér mi, salue. TH. Quí ego istuc credám? cedo,
Si uéra memoras, quae fuit matér tua?

PL. Cleobúla. TH. Nutrix quae fuit? PL. Arché-
strata.

Ea mé spectatum túlerat per Dionúsia

* * * * * 645

Postquam illo uentumst, iám ut me conlocáuérat,

Exóritur uentus túrbo: spectacula íbi ruont:

Ego pértimesco: tum íbi nescio quis me árripit

Timidam átque pauidam, néc uiuam nec mórtuam:

Nec quó me pacto apstúlerit possum dícere. 650

TH. Memini ístanc turbam fíeri: set tu díe mihi,

Vbi is ést homo, qui té subrupuit? PL. Nécio:

Verum húnec seruauí sémper mecum una ánulum,

Cum hoc ólim perii. TH. Cédo ut inspiciam. CV.

Sánane es,

Quae istí conmittas? PL. Síne modo. TH. Pro

Iuppiter: 655

Hic ést quem tibi ego míssi natalí die:

Tam fácele noui quám me. salue, méa soror.

PL. Fratér mi, salue. PH. Dēos uolo bene uórtere

Istám rem uobis. CV. Ét ego nobis ómnibus:

Tu ut hódie adueniens cénam des soróriam: 660

Hic náptialem crás dabit: promíttimus.

PH. Tace tú. CV. Non taceo, quándo res uortít
bene.

Tu istanc desponde huic, míles: ego dotém dabo.

TH. Quid dótis? CV. Egone? ut sémper dum ui-
uát me alat.

TH. Verum hércle dicit: mé lubente féceris. 665

Set léno hic dehibet nóbis trigintá minas.

PH. Quam ob rem ístuc? TH. Quia illic íta repro-
missít mihi,

Si quísquam hanc liberáli adseruissét manu,

Sine cóntrouorsia ómne argentum réddere.

CV. Nunc ěamus ad lenónem. TH. Laudo. PH.

Hoc prius uolo: 670

Meam rem ágere. TH. Quid id est? PH. Vt mihi
hanc despóndeas.

CV. Quid céssas, miles, hánc huic uxorém dare?

TH. Si haec uólt. PL. Mi frater, cúpio. TH. Fiat.

CV. Béne facis.

PH. Spondésne, miles, míhi hanc uxorem? TH.
Spóndeó.

PH. Et ego [á me] huic uictum spóndeó. CV. Le-
pidé facis. 675

[Set] * * * * *

TH. * * * * *

Set eccúm lenonem, incédit, thensaurúm meum.

CAPPADOX. THERAPONTIGONVS.

PHAEDROMVS. PLANESIVM.

CA. Árgentariís male credi qui áiunt, nugas praédicant:
Néc bene nec male crédi dico: id ádeo ego hodie
expértus sum. 680

Nón male creditúr qui numquam réddunt, set pros-
súm perit.

Vélut decem minás dum [hic] soluit, ómnis mensas
tránsiit:

Póstquam nil fit, clámore hominem póscó: ille in ius
mé uocat.

Péssume metuí ne mi hodie apút praetorem sólueret:
Vérum amici cónpulerunt: réddít argentúm domo. 685
Núnc domum properáre certumst. 'TH. Heús tu, leno:
té uolo.

PH. Ét ego te uolo. CA. Át ego uos nolo ámbos. 'TH.
Sta sis ilico.

PH. Átque argentum própere propera uómere. CA.
Quid tecúmst mihi?

Aút tecum? 'TH. Quia fáciám ex te hodie pílum cata-
pultárium

Átque ita te neruó torquebo, ítidem ut catapultaé so-
lent. 690

PH. Délicatum te hódie faciam, cúm catello ut ádcubes,
Férreum ego dico. CA. Át ego nos ambo ín robusto
cárcere

Vt pereatis. 'TH. Cóllum opstringe, abdúce istum in
malám crucem.

PH. Quíddid est, ipse íbit potius. CA. Pró deum
atque hominúm fidem:

Hócin pacto [hinc] indemnatum atque íntestatum me
ábripi? 695

Ópsecro, Planésium, et te, Phaédrome, auxilium út
feras.

PL. Fráter, opsecró te, noli hunc indemnatum pér-
dere:

Béne et pudice mé domi habuit. 'TH. Haú uoluntate
íd sua:

Aésculapio huíc habeto, quóm pudica's, grátiam:

Nám si is ualuissét, iam pridem quóquo posset mít-
teret. 700

PH. Ánimum aduortite, [égo] si possum hoc ínter uos
conpónere.

Mitte istunc. accéde huc, leno. dícam meam sentén-
tiam,

Sí quidem uoltis quód decrero fácere. TH. Tibi per-
míttimus.

CA. Dúm quidem hercle ita iúdíces, ne quíquam a
me argentum aúferat. 704

TH. Quódne promistí? CA. Promissi? quí? TH.
Lingua. CA. Eadem núnc nego:

Dícundi, non rém perdundi grátia haec natást mihi.

TH. Níhil agit, collum ópstringe homini. CA. Iámiam
faciam ut iússeris.

TH. Quándo uir bonú's, responde [hoc] quód rogo.
CA. Roga quód lubet.

TH. Prómistin, si líberali quíquam hanc adsererét
manu,

Té omne argentum rédditurum? CA. Nón conmemini
dicere. 710

TH. Quíd, negas? CA. Nego hércle uero: quó prae-
sente? quo ín loco?

TH. Mé ipso praesente ét Lucone tárpressita. CA.
Nón taces?

TH. Nón tacco. CA. Non égo te flocci fácio: ne me
térrites.

TH. Mé ipso praesente ét Lucone fáctumst. PH. Satis
credó tibi.

Núnc adeo, ut tu scíre possis, léno, meam senténtiam,
Líbera haec est, híc huius frater, haéc autem illiúst
soror: 716

Haéc mihi nubet, tu huíc argentum rédde: hoc iudi-
ciúm meumst.

CA. Hércle istam rem iúdicasti pérfidiose, Phaédrome.

Ét tibi oberit ét te, miles, dí deaeque pérduint.

TH. Tu aútem in neruo iám iacebis, nísi mi argentum rédditur. 720

CA. Túm me sequere. TH. Quó sequar te? CA. Ád tarpessitám meum,

Ád praetorem: nám inde rem soluo ómnibus quibus déhibeo.

TH. Égo te in neruom, haut ád praetorem hinc rápiam, ni argentúm refers.

CA. Égo te uehementér perire cúpio, ne me néscias.

TH. Ítane uero? CA. Ita hércle uero. TH. Nóui ego hos pugnós meos. 725

CA. Quíd tum? TH. Quid tum, rógitas? hisce ego, sí tu me inritáueris,

Plácidum te hodie réddam. CA. Age ergo récipe [hoc] actutúm. TH. Licet.

PH. Tú, miles, aput mé cenabis: hódie fient núptiae.

TH. Quae res bene uortát mi et uobis. CANTOR. Spéctatores, plaúdite.

METRA HVIVS FABVLAE HAEC SVNT

- V. 1 ad 95 iambici senarii
- 96 et 97 anapaestici septenarii
 - 98 iambicus septenarius
 - 99 et 100 cretici tetrametri acatalecti
 - 101 creticus trimeter acatalectus
 - 102 ad 104 iambici septenarii
 - 105 ad 109 cretici tetrametri acatalecti
 - 110 iambicus septenarius
 - 111 trochaicus dimeter catalecticus
 - 112 et 113 cretici tetrametri acatalecti
 - 114 trochaicus dimeter acatalectus
 - 115 et 116 bacchiaci tetrametri acatalecti
 - 117 compositus ex duabus trochaicis tripodiis catalecticis
 - 118 et 119 cretici tetrametri acatalecti
 - 120 ad 125 iambici septenarii
 - 126 ad 129 trochaici septenarii
 - 130 ad 132 trochaici octonarii
 - 133 et 135 cretici tetrametri acatalecti
 - 134 136 137 trochaici dimetri acatalecti
 - 138 ad 146 trochaici octonarii
 - 147 ad 154 cretici tetrametri acatalecti
 - 155 iambicus octonarius
 - 156 trochaicus dimeter catalecticus
 - 157 iambicus septenarius
 - 158 ad 215 trochaici septenarii
 - 216 ad 279 iambici senarii
 - 280 ad 370 trochaici septenarii
 - 371 ad 461 iambici senarii
 - 462 ad 486 trochaici septenarii
 - 487 ad 532 iambici septenarii
 - 533 ad 634 trochaici septenarii
 - 635 ad 678 iambici senarii
 - 679 ad 729 trochaici septenarii.

T. MACCI PLAVTI

P S E V D V L V S.

M . IVNIO . M . FIL . PR . VRB .

ACTA . MEGALESIIS

ARGUMENTVM I.

Praeséntis numerat quíndecim milés minas:
 Simúl consignat sýmbolum, ut Phoenícium
 Eí det leno qui èum cum relicuo ádferat.
 Veniéntem caculam ínteruortit sýmbolo
 Dicéns Syrum se Bállionis Pseúdulus
 Opémque [suo] erili íta tulit: nam Símmiae
 Lenó mulierem, quém is supposuit, trádedit.
 Venit Hárpax uerus: rés palam cognóscitur
 Senéxque argentum quód erat pactus réddidit.

ARGUMENTVM II.

Caludórus [meretricem ádulescens Phoenícium]
 Efflíctim deperíbat, nummorum índigus.
 Eándem miles, quí uiginti múlierem
 Minís mercatus ábiit, soluit quíndecim,
 Scortúm reliquit ád lenonem ac sýmbolum,
 Vt, qui áttulisset sígnum simile cétero
 Cum prétió, secum auéheret emptam múlierem.
 Mox míssus ad praendéndum scortum a mílite
 Venít calator mílitaris. ěum [dolis]
 Adgréditur adulescéntis seruos Pseúdulus
 Tamquám lenonis átriensis, sýmbolum
 Aufért minasque quínque acceptas mútuas
 Dat súbditiuo cáculae cum sýmbolo.
 Lenónem fallit sýcophanta cácula:
 Scortó Caludorus pótitur saluo Pseúdulo.

P E R S O N A E.

PSEVDVLVS SERVOS
CALVDORVS ADVLESCENS
BALLIO LENO
LORARIUS
SIMO SENEX
CALLIPHO SENEX
HARPAX CACVLA
CHARINVS ADVLESCENS
PVER
COQVOS
SIMMIA SVCOPHANTA
PHOENICIVM MVLIER

P R O L O G V S .

* * * * *

* * * * *

* * * * *

* * * * *

Expórgi meliust lúmbos atque exúrgere:
Plautína longa fábula in scaenám uenit. —

A C T V S I.

P S E V D V L V S . C A L V D O R V S .

PS. Si ex té tacente fieri possem cértior,
Ere, quae miseriae té tam misere mácerent,
Duorúm labori ego hóminum parsissém lubens: 5
Mei té rogandi et tís respondendí mihi.
Nunc quóniam id fieri nón potest, necéssitas
Me súbigit ut te rógitem. respondé mihi:
Quid ést quod tu exanimátus iam hos multós dies
Gestás tabellas técum, eas lacrumís lauis 10
Neque tui participem cónsili quemquám facis?
Elóquere, ut quod ego néscio tecúm sciam.
CA. Miseré miser sum, Pseudule. PS. Id te Iúp-
piter
Prohibéssit. CA. Nihil hoc Ióuis ad iudicium átti-
net:
Sub Véneris regno uápulo, non súb Iouis. 15
PS. Licétne id scire quíd sit? nam tu me ántidhac
Suprémum habuisti cómitem consiliís tuis.

CA. Idem ánimus nunc est. PS. Fáce me certum
quíd tibist:

Iauábo aut re [te] aut ópera aut consilió bono.

CA. Cape háš tabellas: túte hinc narrató tibi, 20
Quae mé miseria et cúra contabéfacit.

PS. Mos tíbi geretur. sét quid hoc, quaesó? CA.
Quid est?

PS. Vt opínor, quaerunt líterae hae sibi líberos:
Aliam ália scandit. CA. Lúdin me ludó tuo?

PS. Has quídem pol credo, nísi Sibulla légerit, 25
Intérpretari pótis esse alium néminem.

CA. Quor inclementer dícis lepidis líteris,
Lepidís tabellis, lépida conscriptís manu?

PS. An ópsecro hercle habént quas gallinaé manus?
Nam has quídem gallina scrípsit. CA. Odiosús
mihí's: 30

Lege uél tabellas rédde. PS. Immo enim péllegam:
Aduórtito animum. CA. Nón adest. PS. At tú
cita.

CA. Immo égo tacebo: tú istinc ex cerá cita:
Nam istíc meus animus núnc est, non in péctore.

PS. Tuam amícam uideo, Cáludore. CA. Vbi east,
ópsecro? 35

PS. Eccam ín tabellis pórrectam: in cerá cubat.

CA. At té di deaeque, quántumst. . PS. Seruas-
sint quidem.

CA. Quasi sólstitialis hérba paulispér fui:
Repénte exortus súm, repentino óccidi.

PS. Tace, dúm tabellas péllego. CA. Ergo quín
legis? 40

PS. 'Phoenícium Caludóro amatorí suo
Per céram et linum líterasque intérpretes

Salútem mittit ét salutem aps te éxpetit
Lacrumáns titubantique ánimo corde et péctore.'

CA. Períí: salutem núsquam inuenio, Pseúdule, 45

Quam illí remittam. PS. Quám salutem? CA. Ar-
génteam.

PS. Pro lígnean salúte uis argénteam

Remittere illi? uíde sis quam tu rém geras.

CA. Recitá modo: ex tabéllis iam faxó scies,

Quam súbito argento mi ússus inuentó siet. 50

PS. 'Lenó me peregre míliti Macédonio

Minís uiginti, méa uoluptas, uéndidit.

Ei prius quam hinc abiit quíndecim milés minas

Dederát: nunc unæ quínque remorantúr minae.

Ea caússa miles híc reliquit súmbulum, 55

Expréssam in cera ex ánulo suam imáginem,

Vt qui húc adferret éius similem súmbulum

Cum eo sēm̄ul me [leno] mitteret: ei rēi dies

Haec praéstítutast próxuma [ad] Dionúsia.'

CA. Cras éa quidem sunt: própe adest exitiúm mihi,

Nisi quíd mi in ted est aúxili. PS. Sine péllegam. 61

CA. Sino: nám mihi uideor cúm ea fabulárier.

Lege: dúlce amarumque úna nunc miscés mihi.

PS. 'Nunc nóstri amores móres consuetúdines

locus lúdis sermo suáuís sauíátio, 65

Conpréssiones ártae amantum cómparum,

Tenerís labellis mólles morsiúnculae,

Papíllarum horridulárum oppressiúnculae:

Harúm mihi uoluptatum ómnium atque itidém tibi

Distráctio discídium uastitiés uenit, 70

Nisi quae mi in ted est aút tibist in mé salus.

Haec quae égo scio tu ut scíres curauí ómnia:

Nunc égo te experiar quíd ames, quíd simulés. uale.'

CA. Est misere scriptum, Pseúdule. PS. O misérume.

CA. Quin flés? PS. Pumiceos óculos habeo: nón queo 75

Lacrumam éxorare ut éxpuant unám modo.

CA. Quid itá? PS. Genus nostrum sémper sicculúm fuit.

CA. Nilne ádiuuare me aúdes? PS. Quid faciám tibi?

CA. Eheú. PS. Eheu? id quidem hércle ne parsis: dabo.

CA. Misér sum: argentum núsquam inuenio mútuom . . 80

PS. Eheú. CA. Neque intus númmus ullus ést. PS. Eheu.

CA. Ille ábducturus múliorem cras ést. PS. Eheu.

CA. Istócine pacto me ádiuuas? PS. Do id quód mihist:

Nam is míhi thensaurus iúgis in nostrást domo.

CA. Actum hódie de mest. sét potes nunc mútuam Drachumám mihi unam dáre, quam cras reddám tibi? 86

PS. Vix hércle opino, etsí me opponam pínori.

Set quíd ea drachuma fácere uis? CA. Restím uolo

Mihi émeré. PS. Quam ob rem? CA. Quí me faciam pénsilem:

Certúmst mihi ante ténebras tenebras pérsequi. 90

PS. Quis mi ígitur drachumam réddet, * * * ?

An tu éa te caussa uís sciens suspéndere,

Vt mé defraudes dráchuma, si dederím tibi?

CA. Profécto nullo pácto possum uíuere,

Si illa á me abalienátur atque abdúcitur. 95

PS. Quid flés, cucule? uíues. CA. Quid ego ní fleam,
 Quoi néc paratus númmus argentí siet
 Neque libellai spés sit usquam géntium?

PS. Vt líterarum ego hárum sermonem aúdio,
 Nisi tu illi lacrumis fléueris argénteis, 100
 Quod tu ístis lacrumis té probare póstulas,
 Non plúris refert quám si imbrem in cribrum ín-
 geras.

Verum égo te amantem, né paue, non déseram.
 Spero álicunde hodie mēa bona opera hercle aút
 mala

Tibi [me] ínuenturum esse aúxilium argentárium.
 Atqui íd futurum unde, únde dicam néscio, 106
 Nisi quía futurumst: íta superciliúm salit.

CA. Vtinám quae dicis díctis facta súppetant.

PS. Scis tú quidem hercle, méa si con mouí sacra,
 Quo pácto et quantas sóleam turbellás dare. 110

CA. In té nunc omnes spés sunt aetati meae.

PS. Satin ést si hanc hodie múlierem ecfició tibi
 Tua út sit aut si tibi do uigintí minas?

CA. Satis, sí futurumst. PS. Róga me uigintí minas,
 Vt me éfecturum tibi quod promissí scias. 115

Roga, ópsecro hercle: géstio promíttere.

CA. Dabísne argenti mi hódie uigintí minas?

PS. Dabó: molestus núnc iam ne sís mihi.

Atque hóc, ne dictum tibi neges, dicó prius:
 Si néminem alium pótero, tuum tangám patrem.

CA. Pietátis caussa uél etiam matrém quoque. 121
 Di té mihi [semper] séruent. uerum sí [haú] potes?

PS. De istác re in oculum utrúmuís conquiéscito.

CA. [In] óculumne an in aurem? PS. Át hoc per-
 uolgatúmst nimis.

Nunc néquis dictum síbi neget, dico ómnibus, 125

Pubé praesenti in cóntione, omní poplo,

Omníbus amicis nótiſque edicó meis,

In hunc diem a me ut cáueant, ne credánt mihi.

CA. St,

'Tace, ópsecro hercle. PS. Quid negotist? CA.

Óstium 130

Lenónis crepuit. PS. Crúra mauellém modo.

CA. Atque ípse egreditur íntus, periurí caput.

BALLIO. LORARII. (SERVAE.) CALVDORVS.

PSEVDVLVS.

BA. Éxite, agite exíte, ignaui, mále habiti et male cón-
ciliati,

Quórum numquam quícquam quoiquam uénit in mentem
ut récte faciant,

Quíbus, nisi ad hoc exémplum experior, nón potest ussura
ússurpari. 135

Néque homines magis ásinos umquam uídi: ita plagis
cóstae callent:

Quós quom ferias, tíbi plus noceas. éo enim ingenio hi
súnt flagritribae,

Qui haéc habent consília: ubi data occássioſt, rape
clépe tene,

Hárpaga bibe és fuge.

Hóc eorum opust, ut máuelis lupós aput ouis línquere

Quam hós domi custódes. 141

Át faciem quom aspícias eorum, hau mǎli uidentur:
ópera fallunt.

Núnc adeo hanc edíctionem níſi animum aduortétis omnes,

Nísi somnum socórdiamque ex pectore oculisque ámo-
uetis,

Íta ego uostra látera loris fáciam ualide uária uti sint,
Vt ne peristromáta quidem aeque pícta sint Cam-
pánica 146

Neque Aléxandrina béluata cónculiata tapétia.
Atque héri iam edixeram ómnibus dederámque suas
prouíncias:

Verum íta uos estis néglegentes pérditi ingenio ín-
probo,

Offícium uostrum ut uós malo cupiátis conmoné-
rier: 150

Nempe ita ánimati estis, uíncerè durítia tergi hoc át-
que mè.

Numquam édepol uostrum dúrius tergum érit quam
terginum hóc meumst.

Hoc uíde sis: alias rés agunt. hoc ágite, hoc animum
aduórtite.

Qui núnc? doletne? hem síc datur, siquís erum
seruos spérnit.

Adsístite omnes cóntra me et quae lóquor aduortite
ánimum. 155

[Huc ádhibete auris quae égo loquar, plagígerula
genera hóminum.]

Tu qui úrnam habes, aquam íngere: face plénum ahe-
num sít cito.

Te cúm securi caúdicali praéficio prouínciae.

LO. At haéc retunsast. BA. Síne siet. itidém uos
quoque estis plágis:

Numquí minus ea grátia tamen ómnium utor ópera?

Tíbi hoc praecipio ut níteant aedes: hábes quod facias:
própera, abi intro. 161

Tú esto lectistérniator. tú argentum eluito, ítidem extruito.

Haéc, quom ego a foró reuortar, fácite ut offendám parata,
Vórsa sparsa térsa strata laúta structaque ómnia ut sint.
Nám mi hodiést natális dies: eum decet omnis uos cón-
celebrare. 165

Pérnam callum glándium sumen fáce in aqua iaceánt.
satin audis?

Mágnifice uolo mé uiros summos áccipere, ut rem mi
éssc reantur.

Íntro abite atque haéc celerate, né mora quae sit, cóquos
quom ueniat.

Ego eo ín macellum, ut píscium quidquíd ibist pretio
praéstinem.

I, púere, prae: crumínam ne quisquám pertundat cá-
uitiost. 170

Vel ópperire: est quód domi fui paéne oblitus dícere.

Audítin? uobis, múlieres, hanc hábeo edictiónem.

Vós quae in munditiís mollitiis délicíis que aetátulam agitis
Viris cum summis, ínclutae amicae: núnc ego scibo at-
que hódie experiar,

Quaé capiti, quae uéntri operam det, quaé suae rei, quae
sómno studeat: 175

Quám libertam fóre mi credam et quám uenalem * * * *

Fácite mi hodie ut múnera multa huc áb amatoribús con-
ueniant:

Nám nisi mi annuos cóngeretur pénus, cras populo pró-
stituam uos.

Nátalem mi esse húnc diem scitis: úbi isti sunt quibus
uós oculi estis,

Quíbus uitae estis, quíbus deliciae, sáuia, mammillaé
mellitae? 180

Mánipulatim múnigeruli míhi iam ante aedis fácite hic
adsint.

Quór ego uestem aurum átque ea quibus est uóbis
ussus praéhibeo?

Quíd mihi nisi malúm uostra operast, ínprobae, uini
modo cupidae?

Èo uos uostrósque ádeo panticés maderfacitis, quom égo
sim hic siccus.

Nunc ádeo hoc factust óptimum, ut suo quémque ap-
pellem nómine, 185

Ne díctum esse actutúm sibi quisquám uostrarum míhi
neget.

Aduórtite animum cúntae.

Princípio, Hedulium, técum ago, quae amíca's frumen-
táriis,

Quibus cúntis montes máxumi fruménti sunt [structi]
domi:

Face sí sit delatum húc mihi fruméntum, hunc annum
quód satis 190

Mihi ét familiae omní meae sit, ádeo ut frumento ad-
fluam,

Vt ciuitas nomén mihi conmútet meque ut praédicet
Lenóne ex Ballióne regem Iásionem. CA. Audin,
fúrcifer

Quaé loquitur? * * sátin magníficus tíbi uidetur?

PS. Pól iste, atque etiam málificus: set táce [nunc]
atque hanc rém gere. 195

BA. Aéschrodora, tú quae amicos tíbi habes leno-
num aémulos

Lánios, qui item ut nós iurando iúre male rem quaérunt,
audi:

Nísi carnariá tria grauida tégoribus onere úberi hodie

Mihi erunt, cras te, quási Dircam olim ut mémorant
duo gnatí Iouis

Déuinxere ad taúrum, item hodie cónstringam ad
carnárium: 200

Íd tibi profecto taúrus fiet. CA. Nímis sermone huius
íra incendor.

Híncine hic hominém pati [nos] cólere iuuentutem
Átticam?

Vbi sunt, ubi latént quíbus aetas íntegrast, qui amant á
lenone?

Quín conueniunt? quín una omnes péste hac popu-
lum líberant?

Sét [ego] nimis sum stúltus, nimium indóctus:
[nempe] illi aúdeant 205

[Ís] id facere, quíbus ut [miseri] séruiant suús amor cogit?
[Simul prohibeat faciant aduersum eos quod malint.]

PS. Vah, táce. CA. Quid est? PS. Male míhi mori-
geru's, quóm sermoni huius ópsonas.

CA. Táceo. PS. At taceas málo multo quám tacere dí-
cas. BA. 'Tu autem,

Xústulis, face ut ánimu aduortas, quõius amatorés oliui
Dúnamin domi habent máxumam: 211

Sí mihi non iam huc cúlleis

Óleum deportátum erit,

'Té ipsam culleo égo cras faciam ut déportere in
pérgulam.

Íbi tibi adeo léctus dabitur, úbi tu hau somnum cápias,
set ubi 215

Vsque ad languorém —: tenes

Quóssum haec tendant quae loquor.

Áin tu excetra, quae tibi amicos tót habes tam probe
óleo onustos?

Númqui quoipiámst tuorum túa opera hodie cónservorum
Nítidiusculúm caput? aut num ipse égo pulmento
utór magis 220

Vñctiusculó? set scio, tu óleum hau magni péndis: uino
[Tú] te deungis. sine modo:

Égo quidem repéndam haec hercle cúncta una opera, tú
nisi hodie

Fácis efecta quae loquor.

Tu aútem, quae pro cápite argentum míhi iam tam [diu]
sémper numeras, 225

Quae pacisci módo scis, set quod pácta's non scis
sóluere,

Phoenícium, tibi ego haec loquor, delíciae summatúm
uirum:

Nísi hodie mi ex fúndis tuorum amícorum omne hue
pénus adfertur,

Crás, Phoeniciúm, poenicio cório inuisses pér-
gulam.

CA. Pseudúle, non audis quae híc loquitur? PS. Audío,
ere, atque animum aduórto.

CA. Quid míhi's auctor huic út mittam, ne amícam hic
meam prostituat? 231

PS. Nil cúrassis: liquidó's animo: ego pro mé et pro te
curábo.

Iam díu ego huic et mi hic béne uolumus et amícitiast
antíqua:

Mittam hódie huic suo die náiali malam rém magnam et
matíram.

CA. Quid opíst? PS. Potin aliam rem út cures? CA. At..

PS. Bát. CA. Crucior. PS. Cor dúra.

CA. Non póssum. PS. Face possís. CA. Quonam pacto
ánimum uincere póssim? 236

PS. In rém quod sit praeuórtaris quam re áduorsa animo
auscúltes.

CA. Nugae ístaec sunt: non iúcundumst, nisi amáns
facit stulte. PS. Pérgin?

CA. O Pseúdule mi, sine sím nihili: sine sís. PS. [Sino:]
sine modo ego ábeam. 239

CA. Mane, máne: iam ut [tu] med ésse uoles ita eró.
PS. Nunc tu sapis [démum].

BA. It díes: ego mihi cesso. í prae, puere. CA. Heus
[tú, ille] abit: quin réuocas?

PS. Quid próperas? placide. CA. At prius quam abeat.
BA. Quid, mǎlum, tam placide is, púere?

PS. Hódie nate, heus, hódie nate: tíbi ego dico: heus,
hódie nate,

Redi ét respice ád nos. tam etsí's qccupátus,
Morámur. mane: ést conloquí qui uolúnt te. 245

BA. Quid hóc est? quis ést qui morám mi oc-
cupáto

Moléstam optulít? PS. Qui tibi sospitális

Fuít. BA. Mortuóst qui fuít: qui est [is] uíuost.

PS. Nímis superbe. BA. Nímis molestu's. CA. Réprae-
hende hominem: adséquere. BA. I, puere.

PS. Occédamus hác ob uiám. BA. Iuppitér te 250
Perdát, quisquis és. PS. Te uolo. BA. Át uos

ego ámbos.

Vorte hác te, puér. PS. Non licét conloquí te?

BA. At míhi non lubét. PS. Sin tuám quípiam
ín remst?

BA. Licétne, opsecró, bitere án non licét? PS.
Vah, 254

Mánta. BA. Omitte. CA. Bállio, audi. BA. Súrdu-
sum. CA. Profécto [saeuo's].

BA. Inánilocus és tu.

CA. Dedi, dum fuit. BA. Non petó quod dedísti.

CA. Dabó, quando erít. BA. Ducitó, quando habébis.

CA. Heú heu, quam ego malis pérddi modis
Quód tibi détuli et quód dedi. BA. Mórtua 260
Vérba re núnc facis: stúltus es, rem áctam agis.

PS. Nósce saltem hunc quis est.

BA. Iam dĩn scio qui fuit: núnc qui is est ipsús sciat
ambulá tu.

PS. Potin út semel modo, Bállio, huc cúm lucro re-
spícias?

BA. Réspiciam istoc prétio: nam si sácrificem summó
Ioui 265

Átque in manibus éxta teneam ut póriciam, intereá loci
Sí lucri quid détur, potius rém diuinam déseram.

Nón potis [est] pietáti opsisti huic, útuti res sunt céterae.

CA. Dēos quidem, quos máxume aequomst métuere, eos
minumí facit. 269

BA. Cónpellabo. sálue multum, sérue Athenis péssume.

PS. Dí te deaeque amént uel huius árbitratu uél meo:

Vél, si dignu's álio pacto, néque ament nec faciánt bene.

BA. Quíd agitur, Caludóre? CA. Amatur átque egetur
áriter.

BA. Mísereat, si fámiliam alere póssim misericórdia.

PS. Héia, scimus nós quidem te quális sis: ne praé-
dices. 275

Sét scin quid nos uólumus? BA. Pol ego própe modum:
ut male sít mihi.

PS. Ét id et hoc quod té reuocamus quaéso animum ad-
uorte. BA. Aúdio:

Átque in pauca, ut óccupatus núnc sum, confer quíd uelis.

PS. Hunc pudet, quod tibi promissit quaque id promissit die,

Quia minas uiginti tibi pro amica non etiam dedit. 280

BA. Nimmio id quod pudet facilius fertur quam illud quod piget.

Non dedisse istunc pudet: me quia non accepi piget.

PS. At dabit, parabit: aliquot hos dies mantá modo.

Nam id hic metuit ne illam uendas ob similitatem suam.

BA. Fuit occasio, si uellet, iam pridem argentum ut daret. 285

CA. Quid si non habui? BA. Si amabas, inuenires mutuum.

Ad danistam deuenires, adderes faenúsculum:

Subruperes patri. PS. Subruperet hic patri, audacissime?

Non periculumst nequid recte monstres. BA. Non lenoniumst.

CA. Egon patri subrúpere possim quicquam, tam cautó seni? 290

Atque adeo, si facere possim, pietas prohibet. BA. Audio:

Pietatem ergo istam amplexator noctu pro Phoenicio.

Sed quoniam pietatem amori uideo tuo praeuórtre:

Omnes [homines] tibi patres sunt? nullus est tibi quem roges

Mutuum argentum? CA. Quin nomen quoque iam interiiit mutuum. 295

PS. Heus tu, postquam hercle isti a mensa surgunt [saturata cute],

Qui suum [quom] repetunt, alienum reddunt nato nemini,

Postilla omnes cautiores sunt ne credant alteri.

CA. Nímis miser sum: númmum nusquam réperire argentí queo:

Íta miser et amóre pereó et ínopia argentária. 300

BA. Émito die caeca hércle oliuom, id uéndito oculatá die:

Iam hércle uel ducéntae possunt fieri praesentés minae.

CA. Périi: annorum léx me perdit quínuicenária:

Métuont credere ómnes. BA. Eademst míhi lex: metuo crédere.

PS. Crédere autem? eho, an paénitet te, quáto hic fuerit ússui? 305

BA. Nón est ussu quísqum amator nísi qui perpetuát data:

Aút det usque [aut] quádo nil sit sémul amare désinat.

CA. Nílne te miserét? BA. Inanis cédis: dicta nón sonant.

Átque ego te uiuóm saluomque uéllem. PS. Eho, an iam mórtuost? 310

BA. Vtut est, mihi quidém profecto cúm istis dictis mórtuost. 310

Ílico uixít amator, úbi lenoni súpplicat.

Sémper tu ad me cum árgentata accédito querimónia:

Nám istuc quod nunc lámentare, nón esse argentúm tibi,

Āput nouercam quérere. PS. Eho, an tu umquam húius nupsistí patri?

BA. Dí meliora fáxint. PS. Face hoc quod té rogamus, Bállio, 315

Mèa fide, si istí formidas crédere. ego in hoc tríduo

Aút terra aut mari álicunde [aliqua] euóluam id argentám tibi.

BA. Tíbi ego credam? PS. Quór non? BA. Quia pol quá opera credám tibi

Ūna opera adligém canem fugitiuam agnitis láctibus.

CA. Síc in mi aps te béne merenti mále refertur grátia?

BA. Quid nunc uis? CA. Vt ópperiare hos séx dies
festós modo, 321

Né illam uendas neú me perdas hóminem amantem. BA.
Animó bono's:

Vél sex mensis ópperibor. CA. Eúge, homo lepidíssume.

BA. Ímmo uin etiám te faciam ex laéto laetantém magis?

CA. Quid iam? BA. Quia enim nón uenalem iám habeo
Phoenícium. 325

CA. Nón habes? BA. Non hércle uero. CA. Pseúdule,
arcesse hóstias

Víctumas laniós, huic ut ego sácrificem summó Ioui:

Nam híc mihi nunc est múlto potior Iúppiter quam Iúp-
piter.

BA. Nólo uictumás: mininis me éxtis placarí uolo.

CA. Própera: quid stas? árcesse agnos: aúdin quid ait
Iúppiter? 330

PS. Iám hic ero: uerum éxtra portam mi étiam currun-
dúmst prius.

CA. Quid eo? PS. Lanios índé arcessam dúo cum tin-
tinnábulis:

Ēadem duo gregés uirgarum inde úlmearum adégero,

Ūt hodie ad litátionem huic súppetat satiás Ioui.

BA. Í in malam crucem. PS. Ístuc ibit Iúppiter lenónius.

BA. Éx tua re nón est ut ego emóriar. PS. Qui dum?
BA. Síc: quia, 336

Sí ego emortuós sim, Athenis té sit nemo néquior.

Éx tua rest út ego emoriar. CA. Quí dum? BA. Ego
dicám tibi:

Quía edepol, dum ego uíuos uiuam, núnquam eris frugí
bonae.

CA. Díc mihi, opsecro hércle, uerum sério, hoc quod té
rogò: 340

Nón habes uenálem amicam tú meam Phoenícium?

BA. Nón edepol habeó profecto: nám iam pridem uéndidi.

CA. Quó modo? BA. Sine órnamētis, cum íntestinis
óm̄nibus.

CA. Měam tu amicam uéndidisti? BA. Válide: uigintí
minis.

CA. Víginti minís? BA. Vtrum uis, uél quater quínis
minis: 345

Militi Macédonio. et iam quíndecim habeo [dõmi] minas.

CA. Quid ego ex te audió? BA. Tuam esse amícam fac-
tam argéteam.

JA. Quór id aussu's fácere? BA. Lubuit: méa fuit.

CA. Eho, Pseúdule,

Í, gladium adfer. PS. Quid opust gladio? CA. Qui hunc
occidam [una] átque me.

PS. Quín tu ted occídis potius? nam hunc fames iam
occíderit. 350

CA. Quid ais, quantum [in] térra degit hóm̄inum periurís-
sume?

Iúraustin té illam nulli uénditurum nísi mihi?

BA. Fáteor. CA. Nempe concéptis uerbis? BA. Étiam
consultís quoque.

CA. Périurauistí, sceleste. BA. At árgentum intro cón-
didi.

Égo scelestus núnc árgentum próm̄ere [mihi] possum
domo: 355

Tú qui pius es, ístoc genere gnátus, nummum nón habes.

CA. Pseúdule, adsiste áltrim secus atque ónera hunc
male dictís. PS. Licet:

Númquam ad praetorem aéque cursim cúrram, ut emit-
tár manu.

CA. Íngere [huic] mala múlta. PS. Iam ego te dífferam
dictís meis.

Ínpudice. BA. Itást. PS. Sceleste. BA. Dícis uera.
PS. Vérbero. 360

BA. Quíppini? PS. Bustírape. BA. Certo. PS. Fúr-
cifer. BA. Factum óptume.

PS. Sóciofraude. BA. Súlt mea istaec. PS. Párricida.
BA. Pérge tu.

CA. Sácrilege. BA. Fateór. CA. Periure. BA. Vétera
uaticinámini.

CA. Légirupa. BA. Validé. PS. Pernicies ádulescen-
tum. BA. Acérrume.

CA. Fúr. BA. Babae. PS. Fugitíue. BA. Bombax.
CA. Fraús popli. BA. Planíssume.

PS. Fraúdulente. CA. Inpúre leno. PS. Caénium. BA.
Canторés probos. 366

CA. Vérberauistí patrem atque mátrem. BA. Atque
occidí quoque

Pótius quam cibúm praehiberem: núm peccaui quípiam?
PS. Ín pertussum ingyrimus dicta dólíum: operam lú-
dimus.

BA. Númquid alíum [me] étiam uoltis dícere? CA. Ecquid
té pudet? 370

BA. Téne amatorem ésse inuentum inánem quasi cassám
nucem?

Vérum quamquam múlta malaque dícta dixistís mihi,
Nísi mihi [hodie] attúlerit miles quínque quas dehibét
minas,

Síc ut haec est praéstítuta súmma ei argentó dies: 374
Sí id non adfert, pósse opinor fácere me officiúm meum.

CA. Quid id est? BA. Si tu argentum attuleris, cum illo
perdidero fidem:

Hoc officium meumst. magis operae si sit, plus tecum
loquar.

Sit sine argento frustra's qui me tui misereri postulas.

Haec meast sententia, ut tu hinc porro quid agas con-
sulas.

CA. Iamne abis? BA. Negoti nunc sum plenus. PS.
Paulo post magis. 380

Illic homo meus est, nisi omnes di me atque homines de-
serunt.

Exossabo ego illum simulter itidem ut muraenam co-
quos.

Nunc, Caludore, te mihi operam dare uolo. CA. Ecquid
inperas?

PS. Hoc ego oppidum admoenire ut hodie capiatum uolo
Ad eam rem ussus homine astuto docto scito et callido,
Qui inperata effecta reddat, non qui uigilans dormiat.

CA. Cedo mihi, quid es factururus? PS. Temperari ego
faxo scies. 387

Nolo bis iterari: sat sic longae fiunt fabulae.

CA. Optimum atque aequissimum oras. PS. Propera,
adduce hominem [huc] cito.

CA. Pauci ex multis sunt amici, homini certi qui sient.

PS. Ego scio istuc: ergo utrumque tibi nunc dilectum
para 391

Atque exquaere ex illis multis unum qui certus siet.

CA. Iam hic faxo aderit. PS. Potin ut abeas? tibi mo-
ram dictis creas.

Postquam ille hinc abiit, tu astas solus, Pseudule.

Quid nunc acturus, postquam erili filio 395

Largitu's dictis dapilis lubentias?

Quoi néque paratast gútta certi cónsili
 Neque ádeo argenti * * * *
 Neque éxordiri primum unde occupiás habes
 Neque ad détexundam télam certos términos. 400
 Set quási poeta, tábulas quom cepít sibi,
 Quaerít quod nusquamst géntium, reperít tamen:
 Facit illut ueri símile quod mendáciumst:
 Nunc égo poeta fíam: uigintí minas,
 Quae núsquam nunc sunt géntium, inueniám tamen.
 Atque égo me iam pridem huíc daturum díxeram 406
 Ac uólui inicere trágulam in nostrúm senem:
 Verum is nescio quo pácto praesensít prius.
 Set cónprimunda uóx mihi atque orátio:st
 Erum éccum uideo huc [mèum] Simonem uná semul
 Cum sũo uicino Cálliphone incédere. 411
 Ex hóc sepulcro uétere uigintí minas.
 Ecfódiam ego hodie, quás dem erili fílio.
 Nunc húc concedam, ut hórur sermoném legam.

SIMO. CALLIPHO. PSEVDVLVS.

SI. Si dé damnosis aút si de amatóribus 415
 Dictátor fiat núnc Athenis Átticis,
 Nemo ánteueniat fílio credó meo.
 Ita núnc per urbem sólum sermoni ómnibust,
 Eum uélle amicam liberare et quaérere
 Argéntum ad eam rem: hoc álii mihi renúntiant 420
 Atque íd iam pridem sénsi et subolebát mihi,
 Set díssimulabam. PS. Iám illi [subolet] fílius:
 Occíssast haec res, haéret hoc negótium.
 Qua in cónmeatum uólueram argentárium

Proficisci, ibi nunc oppido opsaeptást uia. 425

Praesénsit: nihil est praédae praedatóribus.

CA. Hominés qui gestant quíque auscultant crimína,
Si meo árbitratu líceat, omnes péndeant,
Gestóres linguis, aúditores aúribus.

Nam istaéc quae tibi renúntiantur, fílium 430

Te uéllé amantem argénto circumdúcere,
Fors fúat an istaec dícta sint mendácia.

Set sí sint ea uera, út nunc mos est, máxume,
Quid mírum fecit? quíd nouom, adulescéns homo
Si amát, si amicam liberat? PS. Lepidúm senem.

SI. Vetus nólo faciat. CA. Át enim nequiquám
neuis: 436

Vel tú ne faceres tále in adulescéntia.

Probúm patrem esse opórtet, qui gnatúm suum
Essé probiorem quam ípsus fuerit póstulet.

Nam tú quod damni et quód fecisti flágiti 440

Populó uiritim pótuít dispertírier.

Tene íd mirari, sí patrissat fílius?

PS. Ω Ζεῦ, [Ζεῦ,] quam pauci éstis homines cóm-
modi:

En, illuc est patrem ésse ut aequomst fílio.

SI. Quis hic lóquitur? meus est híc quidem seruos

Pseúdulus. 445

Hic míhi conrumpit fílium, scelerúm caput:

Hic dúx, hic illist paédagogus: húnec ego

Cupio éxcruciari. CA. Iám istaec insipiéntiast,

[Sic] íram in promptu gérere: quanto sátius est

Adíre blandis uérbis atque exquaérere, 450

Sintne ílla necne sint quae tibi renúntiant.

SI. Tibi aúscultabo. PS. Ítur ad te, Pseúdule:

Orátionem tibi para aduorsúm senem.

Bonus ánimus in malá re dimidiúmst mali.

Erúm saluto primum, ut aequomst: póstea 455

Siquíd superfit [íd] uicino inpértio.

SI. Salué. quid agitur? PS. Státur hic ad hunc modum.

SI. Statúm uide hominis, Cállipho, quam básilicum.

CA. Bene cónfidenterque ástitisse intélligo.

PS. Decet innocentem, quí sit, atque innóxium 460
Seruóm superbum esse áput erum potíssimum.

CA. Sunt quae te uolumus pércontari, quae quasi
Per nébulam nosmet scimus atque audíuimus.

SI. Conficiet iam te hic uérbis, ut tu cénseas
Non Pseúdulum, set Sócratem tecúm loqui. 465

PS. Itást: iam pridem tú me spernis, séntio.

[Paruam esse apud te mihi fidem ipse intellego.]

Cupis mé esse nequam: támen ero frugí bonae.

SI. Face síis uociuas, Pseúdule, aedis aúrium,
Mea út migrare dícta possint quó uolo. 470

PS. Age lóquere quiduis, tam étsi tibi suscénseo.

SI. Mihin dómino seruos tú suscenses? PS. Núm tibi
Mirum íd uidetur? SI. Hércle qui, ut tu praédicas,
Cauéndumst mi aps te iráto, atque haut alió modo
Me uérberare atque égo te soleo cógitas. 475

Quid cénses? CA. Edepol mérito esse iratum ár-
bitror,

Quom aput té tam paruast òi fides. SI. Iam síc sino
Irátus sit: ego néquid noceat cáuero.

Set quíd ais? quid hoc quod té rogo? PS. Quid-
uís roga:

Quod scíbo Delphis tibi responsum dúcito. 480

SI. Aduórte ergo animum et fáce síis promissí me-
mor.

Quid ais? ecquam scis filium tibicinam

Meum amare? PS. *Ναὶ γάρ.* SI. Liberare quam uelit?

PS. *Καὶ τοῦτο ναὶ γάρ.* SI. Écquas uigintí minas
[Per sucphantiam atque per doctos dolos] 485

Paritás ut auferás a me? PS. Aps te ego aúferam?

SI. Ita: quás meo gnato dés, qui amicam liberet?

Fatére? dic. PS. *Καὶ τοῦτο ναί, καὶ τοῦτο ναί.*

SI. Fatétur. dixin, Cállipho, dudúm tibi?

CA. Meminí. SI. Quor haec, tu úbi rescuisti
ílico, 490

Celáta me sunt? quór non rescui? PS. Éloquar:

Quia nólebam ex me mórem progigni malum,

Erum út [suum] seruos críminaret áput erum.

SI. Iubéren [tu] hunc praecípitem in pristrinúm
trahi? 494

CA. Numquíd, Simo, peccátumst? SI. Immo máxume.

PS. Desíste: recte ego mēam rem sapio, Cállipho.

Peccátane ea sunt? ánimum aduorte nũc iam,

Quaprópter gnati amóre te expertem hábuerim:

Quia míhi sciebam pristrinum in mundó fore.

SI. Non á me scibas pristrinum in mundó fore, 500

Quom ea mússitabas? PS. Scíbam. SI. [Quin]
dictúmst mihi?

PS. Quia illút malum aderat, [istuc aberat longius:
Illut erat praesens,] huíc erant diéculae.

SI. Quid núnc agetis? nam hinc quidem a me nón
potest

Argéntum auferri, quí praesertim sénserim. 505

Ne quísquam credat númmum, iam edicam ómnibus.

PS. Numquam édepol quoiquam súpplicabo, dúm
quidem

Tu [uíuos] uiues: tú mi hercle argentúm dabis:
 Aps te équidem sumam. SI. Tú a me sumes?
 PS. Strénue.

SI. Exlídito mi hercle óculum, si dederó. PS. Da-
 bis. 510

Iam díco ut a me cáueas. SI. Certe edepól scio:
 Si apstúleris, mirum et mágnus facinus féceris.
 PS. Faciam. SI. [Át] si non apstúleris? PS. Vir-
 gis caédito.

Set quíd si apstulero? SI. Dó Iouem testém tibi,
 Te aetátem inpune habitúrum. PS. Facito ut mé-
 mineris. 515

SI. Egone út cauere néqueam, quói praedícitur?
 PS. Praedíco, ut caueas: díco, inquam, ut caueás:
 caue:

Hem, istís mihi tu hodie mánibus argentúm dabis.
 SI. Edepól mortalem gráphicum, si seruát fidem.
 PS. Seruítum tibi me abdúcito, ni féceró. 520
 SI. Bene áttque amice dícis: nam nunc nón meu's.
 PS. Vin étiam dicam quód uos magis mirémini?
 SI. Age dúm: studeo hercle audíre: te auscultó
 lubens.

PS. Prius quam ístam pugnam púgnabo, ego etiám
 prius

Dabo áliam pugnam cláram et conmemorábilem. 525
 SI. Quam púgnam? PS. Hem, ab hoc lenóne ui-
 cinó tuo

Per súcophantiam áttque per doctós dolos
 Tibícinam illam túus quam gnatus déperit,
 Ea círcumducam lépide lenonem: ét quidem
 Ecféctum hoc hodie réddam utrumque ad uéspe-
 rum. 530

SI. Si quídem istaec opera, ut praédicas, perféceris,
Virtúte [tu] regi Ágathocli antecésseris.

Set sí [id] non faxis, núnquid caussaest ílico

Quin té in pristrinum cóndam? PS. Non unum [ín]
diem,

Verum hércle in omnis, quántumst. set si ecfécero,
Dabín mi argentum, quód dem lenoni, ílico 536

Tuá uoluntate? CA. Iús bonum orat Pseúdulus:

‘Dabo’ ínque. SI. At ènim scin quíd mihi in men-
tém uenit?

Quid si hísce inter se cónsenserunt, Cállipho,
Aut dé conpecto faciunt consutís dolis, 540

Qui me árgento interuórtant? PS. Quis me au-
dácior

Sit, si ístuc facinus aúdeam? immo síc, Simo,
Si súmus conpecti seú consilium umquam íniiimus, 543
[De ístac re aut si de ea re umquam inter nos con-
uenimus]

Quasi quom ín libro scribúntur calamo líterae, 544
Stilís me totum usque úlmeis conscríbito.

SI. Índíce ludos núnc ïam, quandó lubet.

PS. Da in húncc diem operam, Cállipho, quaesó
mihi,

Nequó te ad aliut óccupes negótium.

CA. Quin rús ut irem iám heri constitúeram.

PS. At núnc disturba quás statuisti máchinas. 550

CA. Nunc nón abire cértumst istac grátia:

Lubídost ludos tũos spectare, Pseúdule:

Et si húncc uidebo nón dare argentúm tibi

Quod dixit, potius quám id non fiat égo dabo.

SI. Non démutabo. PS. Nánque edepol, si nón
dabis, 555

Clamóre magno et múlto flagitábere.

Agite ámolimini hínc uos intro núnc ïam

Ac mēis uicissim dáte locum falláciis.

SI. Fiát. CA. Geratur mós tibi. PS. Set té uolo

Domi úsque adesse. CA. Quín tibi hanc operám
dico. 560

SI. At ego ád forum ibo: iam ádero hic. PS. Actu-
túm redi.

Suspítiosst mihi núnc uos suspicárier,

Me idcírco haec tanta fácinora [his] promíttere,

Quo uós oblectem, hanc fábulam dum tránsigam,

Neque sím facturús quód facturum díxeram. 565

Non démutabo, ut quód [ego pro] certó sciam:

Quo id sím facturús pácto, nil etiám scio,

Nisi quía futurumst: nám qui in scaenam próuenit

Nouo módo, nouom aliquid ínuentum adferre ád-
deceat:

Si id fácere nequeat, déet locum illi quí queat. 570

Concédere aliquantísper hinc mi intró lubet,

Dum cóncenturio in córde sucophántias.

Tibícen uos intérea hic delectáuerit.

A C T V S II.

P S E V D V L V S.

Pro Iúppiter, ut mihi quídquid ago lepide ómnia pro-
spereque éueniunt:

Neque quód dubitem neque quód timeam meo in pectore
conditum cónsiliumst. 575

Nam éa stultitiast, fácinus magnum tímido cordi cré-
dere:

Nam ómnes res perinde sunt,
Út agas, eas ut mágni facias. iám ego in pectore mēo
prius

Íta paraui cópias
Duplicis triplicis dolos pérfidias, ut cum hóstibus ubi
[ubi] cóngrediar — 580

Maiórum meúm fretus uirtute dícam

Meaque industria ét malitiá fraudulénta —

Facile út uincam, facile út spoliem meos pérduellis meis
pérfidiis.

Núnc inimicum ego hunc comunem méum atque uo-
strorum ómnium

Bállionem exbállistabo lepide: date operám modo.

Ád hoc ego oppidúm uetus continuo legionés meas 586
Protínus adducam: hoc si expugno, facilem hanc rem
ciuibus mēis faciam:

Inde me ét semul participés omnis meos praéda onerabo
atque ópplebo.

Métum et fugam perdūellibus meis [íniciam], med út
sciant

Quó sim genere gnátus. magna ecfícere facinora ád-
decet, 590

Quaé post diu mihi clára clueant.

Set hic quém uideo? quis hic ést qui oculis meis ób uiam
ignobilis óbicitur?

Lubét scire hic quíd uenerít cum machaéra:

[Pol] huíc quam rem agát hinc dabó [nunc] in-
sídias.

HARPAX. PSEVDVLVS.

IIA. Hi lóci sunt atque hae régiones quae mi áb ero sunt
demonstratae, 595

Vt ego óculis rationém capio: nam mi íta dixit erus
méus miles,

Septumás esse aedis á porta, ubi ille hábitet leno quoi
iussit

Me súmbulum ferre et hoc árgentum. nimis [quám] ue-
lim certum qui íd faciat

Mihi Bállio leno ubi hic hábitat.

PS. St, táce tace: meus hic ést homo, ni omnes dé-
serunt di [me] atque hómínes.

Nouo cónsilio nunc mi ópus est: noua res súbito mi
haec obiéctast. 601

Hoc praéuortar: illa ómnia missa habeó quae ante
agere occépi.

Iam pól ego aduenientem hunc stratioticum nún-
tium probe percútiam.

HA. Óstium pultábo atque intus éuocabo aliquém foras.

PS. Quísquis es, compéndium ego te fácere pultandí
uolo: 605

Nam égo precató et patronus fóribus processí foras.

HA. Túne es Ballio? PS. Ímmo uero ego éius sum Šub-
bállio.

HA. Quíd istuc uerbist? PS. Cónsus promus súm, pro-
curatór peni.

HA. Quási te dicas átriensem. PS. Immo átriensi ego
ínpero.

HA. Quíd tu, seruosne és an liber? PS. Nunc quidem
etiam séruio. 610

HA. Íta uidere: et nón uidere dignus qui libér sies.

PS. Nón soles respícere te, quom dícis iniuste álteri?

HA. Hunc hominem malum ésse oportet. PS. Dí me
seruant átque amant:

Nam haéc mihi incus ést: procudam ego hinc hodie mul-
tós dolos.

HA. Quíd illic secum sólus loquitur? PS. Quíd ais tu,
adulescéns? HA. Quid est?

PS. Ésne tu an non és ab illo mílite [e] Macédonia? 616

Séruos eius quí hinc a nobis ést mercatus múlIERem,

Quí argenti meo eró lenoni quíndecim dederát minas,

Quínque dehibet? HA. Súm. set ubi tu mé nouisti gén-
tium

Aút uidisti aut cónlocutu's? nam équidem Athenas án-
tidhac 620

Númquam adueni néque te uidi ante hunc diem umquam
oculís meis.

* * * * *

PS. Quía uidere inde ésse: nam olim quom ábiit, ar-
gento haéc dies

Praëstitutast, quòad referret nóbis, neque dum réttulit.

HA. Ímmo adest. PS. Tune áttulisti? HA. Égomet.

PS. Quid dubitás dare? 625

HA. Tíbi ego dem? PS. Mihi hércle uero, quí res rationésque eri

Bállionis cúro, argentum accépto et quoi dehibét dato.

HA. Sí quidem hercle etiám supremi prómptes thensaurós Iouis,

Tíbi libellam argénti numquam crédam. PS. Dum te strénuas,

Rés erit solúta. HA. Vincitám pótius sic seruáuero. 630

PS. Vaé tibi: tu inuéntu's uero mēam qui furcillés fidem?

Quási non mihi sescénta tanta sóli soleant crédier.

HA. Pótest ut alii ita árbitentur ét ego ut ne credám tibi.

PS. Quási tu dicas mé te uelle argénto circumdúcere.

HA. Ímmo uero quási tu id dicas quásique ego autem súspicer. 635

Sét quid est tibi nómen? PS. Seruos ést huic lenoní Surus:

Éum esse me dicám. Surus sum. HA. Súrus? PS. Id est nomén mihi.

HA. Vérba multa fácimus. erus si tíus domist, quin prouocas,

Vt id agam quod míssus huc sum, quídquid est nomén tibi?

PS. Sí intus esset, éuocarem: uérum si dare uís mihi,

Mágis solutum erít quam si ipsi déderis. HA. At enim scín quid est? 641

Réddere hoc, non pérdere, erus me míssit. nam certó scio

Núnc febrim tibi ésse, quia non lícet huc inicere úngulas.

Égo nisi ipsi Bállioni argéntum credam némini.

PS. Át illic nunc negótiosust: rés agitur aput iúdicem.

HA. Dí bene uortant. át ego, quando eum ésse censebó

domi,

646

Rédiero. tu epístulam hanc a me áccipe atque illí dato:

Nám istic sumbulúst inter erum méum et tuum de mû-

liere.

PS. Scío equidem: qui argéntum adferret átque expres-

sam imáginem

Húc suam ad nos, cúm eo aiebat uéllé mitti mûlierem:

Nám hic quoque exemplúm reliquit éius. HA. Omnem

rém tenes.

651

PS. Quíd ego ní teneám? HA. Dato istunc súmbulum

ergo illí. PS. Licet.

Sét quid est tibi nómen? HA. Harpax. PS. Ápage te,

Harpax: haú places.

Húc quidem hercle haut íbis intro, néquid harpax féceris.

HA. Hóstis uiuos rápere soleo ex ácie: ex hoc nomén

mihist.

655

PS. Pól te multo mágis opinor uása ahena ex aédibus.

HA. Nón itast. set scín quid te oro, Súre? PS. Sciam,

si díxeris.

HA. Égo deuortar éxtra portam hinc ín tabernam tér-

tiam

Áput anum illam dóliarem clúdam crassam Chrúsidem:

PS. Quíd nunc uis? HA. Inde út me arcessas, érus tuus

ubi uénerit.

660

PS. Tuo árbitratu máxume. HA. Nam ut lássus ueni dé

uia,

Mé uolo curáre. PS. Sane sápis et consiliúm placet.

Sét uide sis ne in quaéstione sís quando arcessám mihi.

HA. Quín ubi pranderó, dabo operam sómno. PS. Sane
cénseo.

HA. Númquid uis? PS. Dormítum ut abeas. HA. Ábeo.
PS. Atque audin, Hárpáge? 665

Íube sis te operirí: beatus éris, si consudáueris.

Dí ínmortales, cónservauit mé ille homo aduentú suo:

Sũo uiaticó redduxit me úsque ex errore ín uiam.

Námque ipsa Opportúnitas non pótuit mi opportúnus
Áduenire, quam haéc adlatast mi ópportune epístula. 670

Nam haéc adlata córnu copiaést, ubi inest quidquíd uolo:

Híc doli, hic falláciae omnes, híc sunt sucophántiae,

Híc argentumst, híc amanti amíca erili filio.

Átque ego nunc me ut glóriosum fáciam: copi péctore,
Quó modo quicque agerem, út lenoni súbruperem muliér-
culam, 675

Iam ínituta, ornáta cuncta mi órdine, animo ut uólu-
eram,

Cérta, deformáta habebam. sét profecto hoc síc erit:

Céntum doctum hominúm consilia sóla haec deuincít
dea,

Fórtuna. atque hoc uérumst: proinde ut quisque for-
tuna útitur,

Íta praecellet átque exinde sápere eum omnes dícimur.

Béne ubi discimús consilium quói cecidisse, hominém
catum 681

Éum esse declarámus, stultum autem íllum, quói uortít
male.

Stúlti hauscimus frústra ut simus, quóm quid cupientér
dari

Pétimus nobis: quási quid in rem sít possimus nóscere.

Cérta amittimús, dum incerta pétimus. atque hoc éuenit

Ín labore atque ín dolore, ut mórs obrepát ínterim. 686

Sét iam satis est philosophatum: nímis diu et longúm
loquor.

Di ínmortales, aúrichalco cóntra non carúm fuit
Měum mendaciúm, modo hic quod súbito conmentús fui,
Quí a lenone mé esse dixi. núnc ego hac epístula 690
Trís deludam, erum ét lenonem et qui hánc dedit mi
epístulam.

Eúgepae: porro áliut autem quód cupiebam cóntigit:
Vénit eccum Caludórus: ducit néscio quem secúm semul.

CALVDORVS. CHARINVS. PSEVDVLVS.

CA. Dúlcia atque amára aput te sum élocutus ómnia:
Scís amorem, scís laborem, scís egestatém meam. 695

CH. Cónmemini omnia: íd tu modo me quíd uis facere
fác sciam.

CA. Pseúdulus mi ita ínperauit, áliquem ut hominem
strénuom,

Béneuolentem addúcerem ad se. CH. Séruas ínperiúm
probe:

Nám et amicum et béneuolentem dúcis. set istic Pseú-
dulus

Nóuos mihist. CA. Nimiúmst mortalis gráphicus: heu-
retés mihist: 700

Ís mihi haec sese écfecturum díxit quae díxí tibi.

PS. Mágifice hominem cónpellabo. CA. Quóia [hic]
uox sonát? PS. Io,

Té, io te, turánne, te uocó qui ínperitas Pseúdulo.

Quaéro quoi ter trínas triplicis tríbus demeritas ártibus
Dém laetítias, dé tribus partas pér malítiam et pér do-
lum, 705

In libello hoc ósignato [quás] tuli pausíllulo.

CA. Íllic homost: ut páratragoedat cárnufex. PS. Con-
fér gradum

Cóntra pariter: póрге audacter ád salutem brácchium.

CA. Díce utrum Spemne án Salutem té salutem, Pseú-
dúle.

PS. Ímmo utrumque. CA. Vtrúmque, salue: sét quid
actumst? quíd taces? 710

Áttuli hunc. PS. Quid, áttulisti? CA. 'Addúxi' uolui
dicere.

PS. Quís istic est? CA. Charínus. PS. Euge, iám
χάριν τούτῳ ποιῶ.

CH. Quín tu quod opus ést mi audacter íperas? PS.
Tam grátiaſt.

Béne sit tibi, Charíne: nolo tíbi molestos ésse nos.

CH. Vós molestos míhi? molestumst [íd] quidem. PS.
Tum igitúr mane. 715

CA. Quíd istuc est? PS. Epístulam hanc modo ínter-
cepi et súmbulum.

CA. Súmbulum? quem súmbulum? PS. Qui a mílite
adlatúst modo.

Éius seruo qui hunc ferebat cúm quinque argentí mi-
nis,

Túam qui amicam hinc árcessebat, éi [ego] os subleuí
modo.

CA. Quó modo? PS. Horum caússa haec agitur spéctato-
rum fábula: 720

Hí sciunt qui hic ádfuerunt: uóbis post narráuero.

CA. Quíd nunc agimus? PS. Líberam hodie túam ami-
cam amplexábere.

CA. Égone? PS. Tu ne. CA. Ego? PS. Ípsus, ínquam,
sí quidem hoc uiuét caput.

Sí modo hominem mi ínuenietis própere. CH. Qua facié?

PS. Malum

Cállidum doctúm, qui quando princípium praehénderit,

Pórro sua uirtúte teneat quíd se facere opórteat: 726

Átque qui hic non uíssitatus saépe sit. CH. Si sér-

uos est,

Númquid refert? PS. Ímmo multo máuolo quam líbe-

rum.

CH. Pósse opinor mé dare hominem tíbi malum et doc-

túm, modo

Quí ad patrem aduenít Carusto néc dum exit ex aédibus

Quóquam neque Athenás aduenit úmquam ante hester-

núm diem. 731

PS. Béne iuuas: set quínque inuentis ópus est argentí

minis

Mútuís, quas hódie reddam: nam hùius pater dehibét

mihi.

CH. Égo dabo: ne quaére aliunde. PS. O hóminem

opportunúm mihi.

Étiam chlamude opúst, machaera et pétaso. CH. Possum

a mé dare. 735

PS. Di ímortales, nón Charinus mi híc quidemst, set

Cópia.

Sét iste seruos éx Carusto qui húc aduenit quíd sapit?

CH. Hírcum ab alis. PS. Mánuleatam túnica[m] habere

hominem áddcet.

Écquid [autem] homo hábet aceti in péctore? CH. At-

que acidissumi.

PS. Quíd, si opus sit dúlce ut promat índidem, ecquid

habét? CH. Rogas? 740

Múrrinam passúm defrutum mélinam mel quoiquói-

modi:

Quín in corde instrúere quondam coépit thermipólium.
 PS. Eúgepae: lepidé, Charine, mēo me ludo lámberas.
 Sét quid nomen ésse dicam ego ísti seruo? CH. Símmiae.

PS. Scítne in re aduorsá uorsari? CH. Túrbo non
 acqué citust. 745

PS. Écquid argutúst? CH. Malorum fácinorum saepíssume.

PS. Quid quom manifestó tenetur? CH. Ánguillast:
 elábitur.

PS. Écquid is homo scítust? CH. Plebi scítum non est
 scítius.

PS. Próbus homost, ut praédicare te aúdio. CH. Immo
 síc scias:

Ýbi te aspexerít, narrabit últro quid sesé uelis. 750

Sét quid eo factúru's? PS. Dicam: úbi hominem exor-
 náuero,

Súbditiuom fieri ego illum mílitis seruóm uolo:

Súmbulum hunc ferát lenoni cúm quinque argentí minis,
 Múlierem ab lenóne abducatur: én tibi omnem fábulam.

Céterum quo quícque pacto fáciat, ipsi díxero. 755

CA. Quid nunc igitur stámus? PS. Hominem cum ór-
 namentis ómnibus

Éxornatum addúcite ad me iam ád tarpessitam Aéschi-
 num:

Sét properate. CH. Prius illi erimus quám tu. PS. Abite
 ergo ócius.

Quíddid incertí mi in animo prius aut ambiguóm fuit,
 Nunc liquet, nunc défaecatunst: cór [meum] mihi nunc
 péruiunst. 760

Ómnis ordine [égo] sub signis dúcam legionés meas
 Áue sinistra, auspício liquido atque éx [mea] senténtia.

Cónfidentiást inimicos mēos me posse pérdere.

Núnc ibo ad forum átque ònerabo mēis praeceptis Sím-
miam,

Quíd agat: nequid tíubet, docte ut hánc serat fallá-
ciam. 765

Iam égo hoc ipsum oppidum éxpugnatum fáxo erit lenó-
nium.

A C T V S III.

P V E R.

Quoi séruitutem dí danunt lenóniam
Pueró, [simitu quom] áddunt turpitúdinem,
Ne illí, quantum ego nunc córde conspició meo,
Malám rem magnam múltasque aerumnás danunt.
Velut haéc mi euenit séruitus, ubi ego ómnibus 771
Paruís magnisque mínsteriis praefúlciór:
Neque égo amatorem mi ínuenire ullúm queo,
Qui amét me, ut curer tándem nitidiúscule.
Nunc huíc lenonist hódie natalís dies: 775
Intérminatus ést a minumo ad máximum,
Siquís non hodie múnus mississét sibi,
Eum crás cruciatu máxumo perbítere.
Nunc néscio hercle rébus quid faciám meis:
Nam nísi lenoni múnus hodie míssero, 780
Cras míhi potandus frúctus est fullónius.
Neque égo illut possum quód illi qui possúnt solent.
Eheú, quam illi rei ego étiam nunc sum páruolus.
Atque édepol ut nunc mále malum metuó miser,
Si quíspiam det quí manus grauiór siet, 785
Quamquam íllut aiunt mágno gemitu fieri,
Conprimere dentis uídeor posse aliquó modo.
Set cónprimundast uóx mihi atque orátio:
Erus éccum recipit sé domum et ducít coquom.

B A L L I O. C O Q V O S. P V E R.

BA. Forúm coquinum qui uocant, stulté uocant:
 Nam nón coquinum, uérum furinúmst forum. 791
 Nam ego sí iuratus [péssumum] hominem quaérerem,
 Peiórem [hau] potui quam hunc quem duco dúcere,
 Multilocum gloriósum insulsum inútilem.
 Quin ób eam rem Orcus récipere ad se hunc nóluit,
 Vt ésset hic qui mórtuis cenám coquat: 796
 Nam hic sólus illis cóquere quod placeát potest.
 CO. Si me árbitrabare ístoc pacto ut praédicas,
 Quor cónducebas? BA. Ínopia: alius nón erat.
 Set quór sedebas ín foro, si erás coquos, 800
 Tu sólus praeter álios? CO. Ego dicám tibi:
 Hominum égo auaritia fáctus sum inprobiór coquos,
 Non meöpte ingenio. BA. Quá istuc ratione? CO.
 Éloquar.
 Quia ením, quom extemplo uéniunt conductúm co-
 quom,
 Nemo illum quaerit qui óptumus, caríssumust:
 Illúm conducunt pótius qui uilíssumust. 806
 Hoc égo fui hodie sólus opsessór fori.
 Illí sunt drachumis míseri: me nemó potest
 Minóris quisquam númmo ut surgam súbigere.
 Non égo item cenam cóndio ut alií coqui, 810
 Qui míhi condita práta in patinis próferunt,
 Boues qui conuiuas fácient, herbasque óggerunt,
 Eas hérbas herbis áliis porro cóndiunt:
 Indúnt coriandrum féniculum alium átrum holus,
 Adpónunt rumicem brássicam betám blitum, 815
 Eo lásarpici líbram pondo díluont:
 Teritúr sinapis scélera, quae illis qui terunt

Prius quám triuerunt óculi ut extillént facit.

Ei hómines cenas úbi cocunt, quom cóndiunt,

Non cóndimentis cóndiunt, set strígibus, 820

Viuís conuiuis íntestina quae éxedint.

Hoc híc quidem homines tám breuem uitám colunt,

Quom hasce hérbas huius modi ín suum aluom cón-
gerunt

Formídulosas díctu, non essú modo.

Quas hérbas pecudes nón edunt, hominés edunt. 825

BA. Quid tú? diuinis cóndimentis útere,

Qui prórogare uítam possis hóminibus,

Qui ea cúlpes condiménta? CO. Audacter dícito:

Nam uél ducenos ánnos poterunt uiúere

Meas qui éssitabunt éscas quas condíuero. 830

Nam ego cícilendrum quándo in patinas índidi

Aut cépolindrum aut máccidem aut saucáptidem,

Ipsae se patinae féruefaciunt ílico.

Haec ad Neptuni pécudes condiménta sunt:

Terréstris pecudes cícimandro cóndio, 835

Hapalópside aut cataráctria. BA. At te Iúppiter

Dique ómnes perdant cúm condimentís tuis

Cumqué tuis istis ómnibus mendáciis.

CO. Sine síis loqui me. BA. Lóquere atque [i] in
malám crucem.

CO. Vbi ómnes patinae féruont, omnis áperio: 840

Is odós dimissis mánibus in caelúm uolat.

BA. Odós dimissis mánibus? CO. Peccaui ínsciens.

BA. Qui dúm? CO. 'Dimissis pédibus' uolui dícere:

Eum odórem cenat Iúppiter cotidie. 844

BA. Si núsquam coctum is, quídnam cenat Iúppiter?

CO. It íncenatus cúbitum. BA. I in malám crucem.

Istácine caussa tíbi hodie nummúm dabo?

CO. Fateór equidem esse mé coquom caríssimum:
Verúm pro pretio fácio ut opera adpáreat 849

Mea quó conductus uénio. BA. Ad furandúm quidem.

CO. An tu ínuenire póstulas quemquám coquom
Nisi míluinis aút aquilinis úngulis?

BA. An tú coquitatum te íre quoquam póstulas,
Quin íbi constrictis úngulis cenám coquas?

Nunc ádeo tu, qui méus es, iam edicó tibi, 855

Vt nóstra properes ámoliri [hinc] ómnia:

Tum ut húius oculos ín oculis habeás tuis.

Quoquo híc spectabit, òo tu spectató semul.

Siquo híc gradietur, páriter [tu] progrédimino.

Manum sí protollet, páriter profertó manum. 860

Suum síquid sumet, íd tu sinito súmer:

Si nóstrum sumet, tú teneto altrínsecus.

Si iste íbit, ito: stábit, astató semul.

Si cónquiniscet, ístic conquiníscito.

Item hís discipulis príuos custodés dabo. 865

CO. Habe módo bonum animum. BA. Quaéso qui
possúm doce

Bonum ánimum habere, quí te ad me adducám do-
mum?

CO. Quia sórbitione fáciam ego hodie té mea

Item út Medea Péliam concoxít senem,

Quem medicamento et sũis uenenis dícitur 870

Fecísse russus éx sene adulescéntulum:

Item égo te faciam. BA. Eho, án etiam uenéficu's?

CO. Immo édepol uero [sum] hóminum seruatór
magis.

BA. Ehem,

Quanti ístuc unum mé coquitare pérdoces? 875

CO. Quid? BA. Vt te seruem, néquid subrupiás mihi.

CO. Si crédis, nummo: sí non, ne miná quidem.

Set utrúm tu amicis hódie an inimicís tuis

Datúru's cenam? BA. Pól ego amicis scílicet.

CO. Quin tú inimicos pótius quam amicós uocas?

Nam ego íta conuiuis cénam conditám dabo 881

Hodie átque ita suaui suáuitate cóndiam:

Vt quisque quicque cónditum gustáuerit,

Ipsús sibi faciam ut dígitos praerodát suos.

BA. Quaeso hércle, prius quam quícquam conuiuís
dabis, 885

Gustáto tute prius et discipulís dato,

Vt praérodatis uóstras furtificás manus.

CO. Fortásse haec tu nunc míhi non credas quacé
loquor.

BA. Moléstus ne sis: nímium tinnis: nón places.

En, illic habito ego: íntro abi et cenám coque 890

Properé. CO. Quin tu is adcúbitum? i, conuiuás cedo:

Conrúmpitur iam céna. BA. En, subolem sís uide:

Nam hic quóque scelestus ést coqui sublíngio.

Profécto quid nunc primum caueam néscio:

Ita in aédibus sunt fúres, praedo in próxumost. 895

Nam hic méus uicinus àput forum pauló prius

Patér Caludori [a me] ópere petiit máxumo,

Vt míhi cauerem a Pseúdulo seruó suo,

Ne fidem ei haberem: nam ěum circum ire in hunc
diem,

Vt mé, si posset, múliere interuórteret. 900

Eum prómississe fírmiter dixít sibi,

Sese ábducturum a mé dolis Phoenícium.

Nunc íbo intro atque edícam familiáribus,

Prófecto nequis quícquam credat Pseúdulo.

A C T V S III.

PSEVDVLVS. SIMMIA.

PS. Si úmquam quemquam di ínmortales uóluere esse
auxílio adiutum, 905

Iám mihi Caludorúm uolunt seruátum esse et lenónem
extinctum,

Quóm te adiutorém genuerunt míhi tam doctum homi-
nem átque astutum.

Sét uñi illest? sumne égo homo insipiens, qui haéc lo-
quar mecum égomet solus?

Dèdit mihi uerba hercle, út [ego] opinor: cúm malo ma-
lus stúlte caui.

Túm pol ego interii, hómo si ille abiit: néque opus quod
uolui hódie ecfciam. 910

Sét ecillum uideó uerbeream státuam: ut magnifice
ínfert sese.

Hém, te hercle ego circúmspectabam: nímis metuebam
mále ne abisses.

SI. Fùit meum officium ut fácerem, fateor. PS. Vbi
restiteras? SI. Vbi mi lubitumst.

PS. Ístuc ego satís scio. SI. Quid érgo quod scis mé
rogas?

PS. At hóc uolo, monére te. SI. Monéndus ne me
móneas. 915

PS. Nimis tándem aps te contémnor.

SI. Quippe égo te ni contémnam,
Stratióticus homo qui clúear?

PS. iam hoc uólo quod occeptúmst agi. SI. Numquíd
agere aliut mé uides?

PS. Ámbula ergó cito. SI. Immo ótiosé uolo. 920

PS. Haéc est occássio: dum ille dormít, uolo

Tú prior óccupes.

SI. Quid próperas? placide: né time. ita ille faxit Iúp-
piter,

Vt ille palam ibidem ádsiet, quisquís illest quist a mílite.

Núnquam edepol erit ille potior quám ego. habe ani-
múm bonum: 925

Púlcre ego hanc éxplicatám tibi rém dabo.

Síc ego illúm dolis átque mendáciis

Ín timorém dabo militarem áduenam,

Ípsus sese út neget ésse eum quí siet

Méque ut esse aútumet qui ípsus est. PS. Quí
potest? 930

SI. Occídis me, quom ístuc rogás. PS. Ho-
minem lépidum.

SI. Té quoque etiám, dolis átque mendáciis

Quí malis pár mihi's, * * * *

PS. Iúppiter té mihi séruet. SI. Immó mihi.

Sét uide, ornátus hic sátine me cóndecet? 935

PS. Óptume. SI. Esto. PS. Tántum tibi boní di
inmortalés duint,

Quántum tu tibi óptes: nam si exóptem quantum díg-
nus es,

Mínus sit nihilo: néque ego hoc homine quémquam
uidi mágis malum.

SI. Tune íd mihi? PS. Probus hic ést homo. SI. Neque
hic est néque ego. PS. At uide ne títubes.

SI. Potin út taceas? memorem ínmemorem facit quí mo-
net quod memor méminít. 940

Teneo ómnia: in pectore cóndita sunt: meditáti sunt
doli dócte.

PS. Taceó. set quid tibi béne faciam, si hanc sóbrie rem
adcurássis?

Ita mé di ament . . SI. Ita nón facient: mera iám men-
dacia fúndes.

PS. Vt ego ób tuam, Simmia, pérfidiam te amo ét metuo
et magnífico.

SI. Ego istúc aliis dare cóndidici: mi optrúdere non
potes pálpum. 945

PS. Vt ego hódie te accipiám lepide, ubi tu ecféceris
hoc opus. SI. Háhãnz.

PS. Lepidó uictu uino únguentis inter pócula pulpa-
méntis.

Lepida íbidem una aderit múlter tibi super sáuia sauia
quaé det.

SI. Lepide áccipis me. PS. Immo si écfexis, tum fáxo
magis [id] dícas.

SI. Ni ecfécero, [pol] cárnufex cruciábiliter me
accípito. 950

Set própera mihi monstráre ubi sit ós lenonis aé-
dium.

PS. Tértium hoc est. SI. St', tace: aedes híscunt.

PS. Credo animó malest

Aédibus. SI. Quid iám? PS. Quia edepol ípsum
lenonem éuomunt.

SI. Íllicinest? PS. Illic [ípsus] est. SI. Mala mérx
est. PS. Illuc sis uide:

Nón prorsus, uerúm transuorsus cédit, quasi cancér
solet. 955

B A L L I O. P S E V D V L V S. S I M M I A.

BA. Mínus malum hunc hominem ésse opinor quám
esse censebám coquam:

Nám nihil etiam dum hárpagauit praéter cuathum et
cántharum.

PS. Heús tu, nunc occássio et témpus. SI. Tecum
séntio.

PS. Íngredere in uiám dolo: egomet híc in insidiís
ero.

SI. Hábui numerum sédulo: hoc est séxtum a porta
próximum 960

Ángiportum: in id ángiportum mé deuorti iússerat.

Quótumas aedis díxerit, id ego ád modum incertó
scio.

BA. Quís hic homo chlamudátus est? aut úndest?
aut quem quaéritat?

Pégrina faciés uidetur hóminis atque ignóbilis.

SI. Sét eccum qui ex incérto faciet míhi quod quaero
cértius. 965

BA. Ád me adit recta. únde ego hominem hunc ésse
dicam géntium?

SI. Heús tu qui cum hircuína barba astás, responde
[hoc] quód rogo.

BA. Eho,

Án non prius salútas? SI. Nullast míhi salus da-
tária.

BA. Nám pol hinc tantúndem accipies. PS. Iám
inde a principiό probe. 970

SI. Écquem in angipórto hoc hominem tú nouisti,
té rogo.

BA. Egomet me. SI. Pauci istuc faciunt homines
quod tu praedicas:

Nam in foro uix decumus quisquest, qui ipse sese
nouerit.

PS. Saluos sum: iam philosophatur. SI. Hominem
ego hic quaero malum

Légitur in impiis peritum atque improbum. BA.
Me quaerit: 975

Nam illa [mea] sunt cognomina: nomen si memorét
modo.

Quid est ei homini nomen? SI. Leno Ballio. BA.
Sciune ego?

Ipse ego is sum, adulescens, quem tu quaeris. SI.
Tune's Ballio?

BA. Ego enim uero is sum. SI. Ut uestitus, per-
forator parietum

* * * * * 980

BA. Crédo, in tenebris conspicatus si sis me, apsti-
neas manum.

SI. Erus meus tibi me salutem multam uoluit dicere.
Hanc epistulam accipe a me: hanc me tibi iussit
dare.

BA. Quis is homost qui iussit? PS. Perii, nunc ho-
mo in medio lutost.

Nomen nescit: haeret haec res. BA. Quem hanc
mississe ad me autumas? 985

SI. Nosce imaginem: tute eius nomen memorato
mihi,

Ut sciam te Ballionem esse ipsum. BA. Cedo mi
epistulam.

SI. Accipe et cognosce signum. BA. Eho, Polu-
machacroplagides

Púrus putus est ípsus: noui. heus, Pólumachaero-
plágides

Nómen est. SI. Scio iám tibi me récte dēdisse
epístulam, 990

Póstquam Polumachaéroplagidem élocutus nómen
es.

BA. Quid is agit? SI. Quod homo édepol fortis
átque bellatór probus.

Sét propera hanc pellégere quaeso epístulam: ita
negótiumst:

Átque accipere argéntum actutum múlieremque
emittere.

Nam hódie Sicuoní necessest mé esse aut cras mor-
tem éxequi: 995

Íta erus meus est íperiosus. BA. Nóui: notis
praédicas.

SI. Própera pellegere érgo epistulam. BA. Íd ago,
si taceás modo.

‘Milés lenoni Bállioni epístulam

Conscriptam mittit Pólumachaeroplágides,

ImáGINE OPSIGNÁTAM quae inter nós duo 1000

Conuénit olim.’ SI. Súmbulust in epístula.

BA. Video ét cognosco sígnum. set in epístula
Nullám salutem mittere ascriptám solet?

SI. Ita militaris dísciplinast, Bállio:

Manú salutem mitterunt bene uoléntibus, 1005

‘Eadém malam rem mitterunt male uoléntibus.

Set ut ócepesti, pérge opera experírier,

Quid epístula ista nárret. BA. Auscultá modo.

‘Harpáx calator méus est ad te quí uenit . .’

Tunc és is Harpax? SI. Égo sum: atque ipse
Harpáx quidem. 1010

BA. 'Qui epístulam istam fért: ab eo argentum
accipi

Et cum eo simitu múlierem mittí uolo.

Salútem scriptam dígnumst dígnis mittere:

Te si árbitrarem dígnum, mississém tibi.'

SI. Quid núnc? BA. Argentum dés, abducas
múlierem. 1015

SI. Vtér remoratur? BA. Quín sequere ergo in-
tró. SI. Sequor.

PS. Peiórem ego hominem mágisque uorsuté
malum

Numquam édepol quemquam uídi, quam hic est
Símnia:

Nimisq̃ue égo illunc hominem métuo et formidó
male,

Ne málus item erga mé sit, ut erga illúm fuit: 1020

Ne in rē secunda núnc mi obuortat córnuā,

Si occássionem cápsit. quoi, [si] sít malus,

* * * * *

Atqui édepol equidem nolo: nam illi béne
uolo.

Nunc in metu sum máxumo triplicí modo. 1025

Primum ómnium iam hunc cónparem metuó meum

Ne désérat me atque [hínc] ad hostis tránseat.

[Tum] métuo ne erus rédeat etiam dum á foro:

Ne cápta praeda cápti praedonés fuant. 1029

[Iuxtá cum his] métuo né ille huc Harpax áduenat

Prius quam hínc hic Harpax ábierit cum mú-
liere.

Perii hércele: nimium tárde egrediuntúr foras.

Cor cónligatis uásis expectát meum,

Si nón educat múlierem secúm semul,

Vt éxulatum ex péctore aufugiát meo. 1035

* * * * *

Victór sum: uici caútos custodés meos.

SIMMIÀ. PSEVDVLVS. (PHOENICIVM.)

SI. Ne plóra: nescis út sit res, Phoenícium,
Verum haú multo post fáxo scibis ádcubans.
Non égo te ad illum dúco dentatúm uirum 1040

Macédoniensem, quí te nunc flentém facit:
Quoiam ésse te uis máxume, ad eum dúxero:
Caludórum hau multo póst faxo amplexábere.

PS. Quid tú intus quaeso désedisti tám diu?
Mihi cór retunsumst óppugnando péctore. 1045

SI. Occássionem répperisti, uérbero,
Vbi pérconteris mé * * * * *
* * * * * ínsidiis hostílibus.

Quin [hínc cito imus] grádibus militáribus?

PS. Atque édepol quamquam néquam homo's,
recté mones. 1050

Ite hác, triumphé, ad cántharum rectá uia.

A C T V S V.

B A L L I O. S I M O.

BA. Hahaé, nunc demum mi ánimus in tutó locost,
 Postquam ille hinc abiit átque abduxit múlIERem.
 Lubét nunc ueniat Pseúdulus, scelerúm caput,
 Abdúcere a me múlIERem falláciis. 1055

Concéptis hercle uérbis satis certó scio
 Ego périurare mé mauellem míliens
 Quam míhi illum uerba pér deridiculúm dare.
 Nunc dérیدهbo hercle hóminem, si conuénero.
 Verum ín pristrino crédo, ut conuenít, fore. 1060
 Nunc égo Simonem mi ób uiam ueniát uelim,
 Vt mēa laetitía laétus promiscám siet.

SI. Vissó quid rerum méus Vlixes égerit,
 Iamne hábeat signum ex árce Balliónia.

BA. O fórtunate, cédo fortunatám manum. 1065

SI. Quid ést? BA. Iam.. SI. Quid iam? BA. Níhil
 est quod metuás. SI. Quid est?
 Venítne homo ad te? BA. Nón. SI. Quid est igi-
 túr boni?

BA. Minaé uiginti sánae et saluae súnt tibi,
 Hodié quas aps ted ést stipulatus Pseúdulus.

SI. Velím quidem hercle. BA. Róga me uiginti
 minas, 1070

Ille hódie si illa sít potitus múlIERe
 Siue ěam tuo hodie gnáto, ut promissít, dabit.

Roga ópsecro hercle: géstio promittere.

Atque étiam habeto múlíerem donó tibi:

Omníbus modis tibi ésse rem ut saluám scias. 1075

SI. Nullúm periculumst, quód sciam, stipulárier,

Vt cóncepisti uérba. uigintí minas

Dabín? BA. Dabuntur. SI. Hóc quidem actumst
háú male.

Set cónuenistine hóminem? BA. Immo ambós
semul. 1079

SI. Quid aít? quid narrat? quaéso quid dixít tibi?

BA. Nugás theatri: uérba quae in comoédiis

Solént lenoni díci, quae puerí sciunt:

Malum ét scelestum et périurum aibat ésse me.

SI. Pol háú mentitust. BA. Érgo haut iratús fui.

Nam quánti refert ěi nec recte dícere, 1085

Qui níhili faciat quíque infitias nón eat?

SI. Quid est quód non metuas áb eo? id audire
éxpeto.

BA. Quia núnquam abducet múlíerem iam néc
potest.

[SI. Qui dúm? BA.] Meministin tíbi me dudum
dícere

Eam uéníuisse míliti Macédonio? 1090

SI. Memini. BA. Hem, íllius seruos húc ad me
argentum áttulit

Et [epístulam eius] ópsignatam, súmbulum

Qui intérr me et illum conuénerat. SI. Quid
póstea? 1093

BA. Is sécum abduxit múlíerem hau multó prius.

SI. Bonán fide istuc dícis? BA. Vnde ea sít míhi?

SI. Vide módo ne illic sit cóntechnatus quípiam.

BA. Epístula atque imágo me certúm facit:

Qui illám quidem iam in Sícuonem abduxít modo.
 SI. Bene hércle factum. quíd ego cesso Pseúdu-
 lum

Facere út det nomen ád molas colóniam? 1100

Set quís hic homost chlamudátus? BA. Non
 edepól scio :

Nisi ópseruemus quó eat aut quam rém gerat.

HARPAX. BALLIO. SIMO.

HA. Málus et nequamst quí homo nihili erí sui seruos
 fácit inperium :

Níhilist autem sũum qui officium fácerest inmemor nísi
 si admonitust.

Nam quí liberós se ilico ésse arbitrántur, 1105

Ex cónspectu erí si suí se abdidérunt,

Luxántur lustrántur comedúnt quod habent,
 [quód non:]

I nómen diũ seruitútis ferúnt.

Néc boni ingeni quícquam in is inest,

Nísi uti se inprobís sustineant ártibus: cum his néc
 locus 1110

Míhi nec sermo cónuenit neque úmquam eis nobilís fui.

Étsi abest, híc adesse ěrum [meum] arbitrør:

Núnc ego illum metuó quom híc non adést, ne me-
 tuam quom ádsiet.

Ego út mi inperátumst, ei rei óperam dabó.

Nam in taberna úsque adhuc síuerat [mé] Surus,

Quoí dedi súmbulum. mánsi uti iússerat: 1116

Léno ubi essét domi, me áibat arcéssere.

Vérum ubi is nó n uenit néc [manentém] uocat,

Vénio huc ultro ut sciam quid rei sit, né illic homo me
lúdicetur:

Néc quicquamst [mi] mélius quam ut hoc púltem atque
aliquem huc éuocem intus.

Léno argentum hóc uolo 1121

Á me accipiat átque amittat múlierem mecúm semul.

BA. Heús tu. SI. Quid uis? BA. Híc homo meus est.

SI. Quí dum? BA. Quia praeda haéc meast:
Scórtum quaerit, hábet argentum: iam ádmordere
hunc míhi lubet.

SI. Iamne illum coméssurus és? BA. Dum recéns
est, 1125

Dúm datat, dúm calet, déuorari decet.

Bõni uiri paúperant me, ínprobi [me] alunt.
Popló strenuí, mihi damnósi ussuí sunt.

SI. Malúm quod tibi di dabúnt: sic sceléstu's..

BA. Vénus mihi haec bona dát, quom [ea] homines
húc [ad me] adigit lúcrifugas.
Dámni cupidos, quí se suamque aetátem bene curánt,
edunt 1131

[Pótitant] scortántur. alio súnť illi ingenio átque tu,
Quí nec tibi bene ésse patere et illis quibus est ínuides.

HA. Me núnc conmorór, has forís quom non
fério,

Vť sciam sítne [nunc] Bállio domi. 1135

Heús, ubi estis uos?

Heús, ubi estis? BA. Ilíc quídem ad me récta hábet
rectám uiam.

Béne ego ab hoc praedátus ibo: nóui, bona scaeuást
mihi.

HA. Écquis hoc aperit? BA. Heús, chlamudate, quíd
istic dehibetúr tibi?

HA. Aédium dominúm lenonem Bállionem quaérito.

BA. Quísquis es, aduléscens, operam fáce compendi
quaérere. 1141

HA. Quid iam? BA. Quia ted ípsus coram praésens
praesentém uidet.

HA. Túne is es? SI. Chlamudáte, caue sis tibi a curuo
infortúnio

Átque in hunc inténde digitum: hic lénost. BA. At
hic est uir probus.

Sét tu, bone uir, flágitare saépe clamore ín foro, 1145
Quóm libella núsquamst, nisi quid léno hic subuenít
tibi.

HA. Quín tu mecum fábulare? BA. Fábulor. quid
uís tibi?

HA. Árgentum accipiás. BA. Iam dudum, sí des, por
rexí manum.

HA. Áccipe: hic sunt quínque argenti léctae nume-
rataé minae: 1149

Hóc tibi erus me iússit ferre Pólumachaeroplágides,
Quód dehiberet, átque ut mecum mitteres Phoenícium.

BA. Érus tuus? HA. Ita díco. BA. Miles? HA. Íta
loquor. BA. Macédonius?

HA. Ád modum, inquam. BA. Té ad me missit Pólu-
machaeroplágides?

HA. Véra memoras. BA. Hóc argentum ut míhi da-
res? HA. Si tú quidem es

Léno Ballio. BA. Átque ut a me múlierem tu abdú-
ceres? 1155

HA. Íta. BA. Phoenícium [éam] esse dixit? HA. Récte
meministí. BA. Mane:

Iám redeo ad te. HA. At máture própera: nam pro-
peró: uides

Iám die multum ésse? BA. Video: hunc áduocare
etiám uolo.

Máne modo istic: iám reuortar ád te. quid nunc fít,
Simo?

Quíd agimus? manufésto hunc hominem téneo, qui
argentum áttulit. 1160

SI. Quíd iam? BA. An nescis quae sit haec res?
SI. Iúxta cum ignaríssumis.

BA. Pseídulus tuus ádlegauit hunc, quasi [si] a Macé-
donio

Mílite esset. SI. Háben argentum ab hómine? BA.
Rogitas quód uides?

SI. Heús, memento ergó dimidium míhi istinc de
praedá dare:

Cónmune istuc ésse oportet. BA. Quín malum, id
totúm tuum. 1165

HA. Quám mox mi operam dás? BA. Tibi do equidem.
quíd nunc mihi's auctór, Simo?

SI. Éploratorem hunc faciamus lúdos suppositícium,
Ádeo donicum ípsus sese lúdos fieri sénserit.

BA. Séquere. quid ais? némpe tu illius séruos es?
HA. Planíssume.

BA. Quánti te emit? HA. Sũarum in pugna uírium
uictória: 1170

Nám ego eram domi ínperator súmmus in patriá mea.

BA. Án etiam ille umquam éxpugnauit cárcerem pa-
triám tuam?

HA. Cóntumeliám si dicis, aúdiēs. BA. Quotumó die
Éx Sicuone huc péruenisti? HA. Áltero ad merí-
diem.

SI. [Eúge,] strénué mehercle isti. quámuis pernix híc
homost. 1175

BA. Vbi suram aspiciás, scias posse eum gérere cras-
sas cónpedis.

Quíd ais? tune etiám cubitare sólitu's in cunís puer?

SI. Scílicet. BA. Etiámne facere sólitus es, scin quíd
loquar?

SI. Scílicet solitum ésse. HA. Sanine éstis? BA.
Quid hoc quod té rogo?

Nóctu in uigiliám quando ibat míles, quom tu ibás se-
mul, 1180

Cónueniebatne in uaginam túam machaera mílitis?

HA. Í in malam crucém. BA. Licebit tíbi [quidem]
hodie témperi.

HA. Quín tu emittis míhi mulierem aut réddis argen-
túm? BA. Mane.

HA. Quíd maneam? BA. Chlamudem hánc conmemo-
res quánti conductást. HA. Quid est?

SI. Quíd meret machaéra? HA. Elleborum hisce hó-
minibus opus ést. BA. Eho.

HA. Mítte. BA. Quid mercédis petasus hódie domino
démeret? 1186

HA. Quói domino? SI. Quid sócci * * * * *
* * * * ? HA. Quid sómniatis? méa quidem
haec habeo ómnia,

Měo peculio émpta. BA. Nempe quod fémina summa
sústinent?

HA. Vñcti hi sunt senés: fricari sése ex antiquó uo-
lunt. 1190

BA. Résponde opsecro hércle hoc uero sério quod té
rogo:

Quíd meres? quantíllo argenti té conduxit Pseudulus?

HA. Quí istic Pseudulúst? BA. Praeceptor túus, qui
hanc [sucophántiam]

Dócuit te, ut falláciis hinc múlierem a me abdú-
ceres.

HA. Quém tu Pseudulúm, quas tu mi praédicas fallá-
cias? 1195

Quem égo hominem nullí coloris nóui. BA. Non tu
istínc abis?

Níhil est hodie hic súcophantis quaéstus. proin tu
Pseúdulo

Núnties abdúxisse alium praédam, qui occurrit prior
Hárpax. HA. Is quidem édepol Harpax égo sum. BA.
Immo edepol ésse uis.

Púrus putus hic súcophantast. HA. Égo tibi argen-
túm dedi 1200

Ét dudum adueniéns extemplo súmbulum seruó tuo,
[Méi] eri imagine ópsignatam epístulam, hic ante
óstium.

BA. Mèò tu epistulám dedisti séruo? quoi seruó?
HA. Suro.

BA. [Sátin] confidit néquam? nugas ést meditatus
[haú] male.

Édepol hominem uérberonem Pseúdulum, ut docté
dolum 1205

Cónmentust: tantúndem argenti, quántum miles dé-
hibuit,

Dédit huic atque hominem éxornauit, múlierem qui
abdúceret.

* * * * *

Nám illam epistulam ípsus uerus Hárpax huc ad me
áttulit.

HA. Hárpax ego uocór: ego seruos súm Macedonis
mílitis. 1210

Égo nec sucophántiose quícquam ago nec málefice

Néque istum Pseudulúm mortalis quí sit noui néque scio.

SI. Tú, nisi mirumst, léno, plane pérdidisti múlierem.

BA. Édepol ne istuc mágis magisque métuo, quom uerba aúdio.

Míhi quoque edepol iám dudum ille Súrus cor perfrigéfacit, 1215

Súmbulum qui [ab] hóc accepit. SI. Míra sunt [ni] Pseúdulust.

Ého tu, qua facié fuit dudum quóí dedisti súmbulum?

HA. Rúfus quidam, uéntriosus, crássis suris, súbniger, Máгно capite, acútis oculis, óre rubicundo, ád modum

Mágnis pedibus. BA. Pérdidisti, póstquam dixisti pedes. 1220

Pseúdulus fuit ípsus. actumst dé me. iam moriór, Simo.

HA. Hércle hau te sinám moriri, nísi mi argentum rédditur,

Víginti minae. SI. Átque etiam mihi áliae uigintí minae.

BA. Aúferetur quód promissi pér iocum a me praémium?

SI. De ínprobis uirís auferri praémium et praedám decet. 1225

BA. Sáltem Pseudulúm mihi dedas. SI. Pseúdulum ego dedám tibi?

Quíd deliquit? díxine ab eo tíbi ut caueres céntiens?

BA. Pérdidit me. SI. At mé uiginti módicis multauít minis.

BA. Quíd nunc faciam? HA. Sí mi argentum déderis, te suspéndito.

BA. Dí te perdant. séquere ergo hac sis me ád forum
ut soluám. HA. Sequor. 1230

SI. Quíd ego? BA. Peregrinós apsoluam: crás agam
cum cíuibus.

Pseúdulus mihi cénturiata cápitis habuit cómitia,
Hódie qui illum ad me ádlegauit, múlierem qui ab-
dúceret.

Séquere tu. nunc ne éxpectetis, dum hác domum re-
deám uia:

Íta res gestast: ángiporta haec cértumst consectárier.

HA. Sí graderere tántum [quantum] lóquere, iam esses
ád forum. 1236

BA. Cértumst mi hunc emórtualem fácere ex natalí
die.

SI. Béne ego illum tetigí, bene autem séruos inimi-
cúm suum.

Núnc mihi certumst álio pacto Pseúdulo insidiás dare,
Quam ín aliis comoédiis fit, úbi cum stimulis aút
flagris 1240

Ínsidiantur. égo iam inultus prómam uigintí minas
Quás promissi, si écfecisset: ób uiam ei ultro déferam.
Nímis illic mortális doctust, nímis uorsutus, nímis
malus.

Súperauit dolúm Troianum átque Vlixem Pseúdulus.
Núnc ibo intro, argéntum promam, Pseúdulo insidiás
dabo. 1245

P S E V D V L V S.

Quid hóc? sicine hóc fit? pedés, statin án non?
An íd uoltis út me hinc iacéntem aliquis tóllat?

Nam hércle si cécidero, flágitium uóstrum erit.

Pérgitin pérgere? ah, séruiundúm mihist.

Magnum hóc uitium uínost: 1250

Pedés captat primum, luctátor dolósust.

Profécto edepol égo nunc probe ábeo madúlſa:

Ita uíctu excuráto, ita múnđitiis dínis

Itaque ín loco festíuo sumus féstiue accépti

Quid opúst me multás agere ambáges? 1255

Hoc ést homini quam ób rem amet uítam:

Hic ómnes uoluptátes, omnés uenústatés sunt.

Deís proxumam éſſe arbitrór [ſuauitátem]:

Úbi amans complexúst amantem, úbi labra ad labélla ad-
iungit,

Álter ubi alterúm bilingui mánuſto inter sé praehen-
dunt, 1260

Úbi mamma mammícula opprimitur aút ſi lubet corpóra
conduplicant,

Manú candidá cantharúm [tum] dulcíferum

Propínare amícissumám [tibi tuam] amícam,

Neque ibi álium alii éſſe ódio nec sérmonibús mo-
rologís utiér:

Vnguénta atque odóres, lemníſcos, coróllas 1265

Darí dapsilís: neque etiám parce prómi uictúm ce-
terúm.

[Nunc] néquis rogét me:

Hoc égo modo atque erús minor hunc díem prothume
súmpsímus.

Postquam ópus meum ut uolúi fugatis pérpetraui omne
hóstibus,

Illós adcubántis potántis amántis cum scórtis relíqui

Et mèum scortum ibidém cordi atque ánimo opse-
quéntis. 1271

Set póstquam exurréxi, med órant ut sáltem.

Ad hunc me modum illi intulí satis facéte :

Enim éx discipliná, quippe ego qui Iónica probe per-
dídici.

Sic pálliolatim amíctus hac incéssi ludibúndus. 1275

Plaudúnt partim: [illi] ínclamitánt me ut re-
uórtar.

Occépi hoc modó denuó uolui : amícae dabám me,
ut me amáret:

Circumuortór, cado : nénia ludo íd fuit.

Ítaque dum enitór, prox, iam paene ínquinaui pállium
Nímiae tum uoluptáti edepol fui. dátur ob cassum
cántharus. 1280

Conmúto ilicó pallium, illut posíui:

Inde húc exií, crapulám dum amouérem.

Núnc ad erum meúm maiorem uénio foedus cónmemo-
ratum.

Áperite, aperite. heús, Simoni adésse me quis núntiate.

SIMO. PSEVDVLVS.

SI. Vóx uiri péssumi me éxciet foras. 1285

Sét quid hoc? quó modo? quíd ita uideo ego?

PS. Cúm corona ébrium Pseúdulum tuum.

SI. Líbere hercle hóc quidem. sét uide statum:

Núm mea grátia pértimescít mágis?

Cógito saéciter blánditerne ádloquar. 1290

Sét illi me hoc uím uotat fácere nunc [iam]

Quód fero: síqua in hoc spés sitast mihi.

PS. Vír malus uiro óptumo ob uiam it.

SI. Dí te ament, Pseúdule. fú, malam i in crucem.

PS. Quor égo nam afflicter? SI. Quid, malum, tu in
ós mi inructas ébrius? 1295

PS. Molliter sústine mé: caue né cadam.

Nón uides méd uti mádide madeám?

SI. Quaé istaec audáciast, té sic intérdius 1298

Cúm corolla ébrium incédere? PS. Ita lubet.

SI. Quid, lubet? périgin ructáre in os mihi?

PS. Suáuis ructús mihist: síc sine: i modo.

SI. Crédo equidem potis ésse te, scelus,
Mássici móntis ubérrumos quáttuor

Frúctus exbíbere in una hóra. PS. 'Hiberna' ád-
dito.

SI. Hau mále mones. set díc tamen, 1305

Vnde onustám celocem ágere te praédicem?

PS. Cúm tuo filio pérpotauí modo.

Múlier hoc facit: túo cum filio

Líbera adcubat. SI. Péssumu's homo.

PS. Sét, Simo, ut probe táctus Balljost: 1310

Quaé tibi díxi ut ecfécta reddidi?

SI. Ómnia ut quícque egisti órđine [ego] scio.

PS. Quid érgo dubitas dáre mi argentum? SI. Iús petis,
fateór: tene.

PS. Át negabás daturum ésse te mihi:

Tamén das? SI. Derídes? quid? hóc, Pseudule,
aúfersne 1315

Aps túo ero? PS. Lubéntissumó corde atque ánimo.

SI. Non. aúdes quaeso aliquám partem mihi grátiam fa-
cere huius árgenti?

PS. Non. mé dices auidum ésse hominem: nam hinc
númquam eris nummo díuitior.

SI. Hem, [hércle] hoc ego numquám ratus sum fore míhi,
tibi uti fierém supplex. 1319

PS. Onera hóc humerum atque me cónsequere hac. SI.

Egone ísto me onerem? PS. Scio, ónerabis.

SI. Quid ego huíc hominí faciám? satin ultro argéntum
aufert et me ínridet?

PS. Vae uíctis: uorte ergó tergum.

SI. Heu heú, [iam] desine: dóleo. PS. Ni doléres
tu, ego dolérem:

Neque té mei tergi mísereret, si hoc nón hodie ecfe-
císsem.

SI. Erit úbi te ulciscar, sí uiuo. PS. Quid mínitare?
habeo [dõmi] tergum. 1325

SI. Age sáne. PS. Igitur redi. SI. Quíd redeam?
PS. Redi módo: non eris decéptus.

SI. Redeó. PS. Mecum i potátum. SI. Egone eam?
PS. Face quód iubeo: si is, dímidium

Aut plús etiam faxó feres hinc. SI. Eo: dúc me
quo uis. PS. Quíd nunc?

Númquid irátus es aút mihi aut filio

Própter has rés, Simo? SI. Níl profecto. PS.
Í [modo] hac. 1330

SI. Té sequor. quín uocas spéctatorés semul?

PS. Hércle me isti haú solent: néque ego ergo
istós uoco.

Vérum si uóltis adplaúdere atque ádprobare

Húnc gregem et fábulam, in crástinum uós uoco.

METRA HVIVS FABVLAE HAEC SVNT

- V. 1 ad 132 iambici senarii
- 133 ad 137 trochaici octonarii
 - 138 et 140 trochaici septenarii
 - 139 trochaicus dimeter catalecticus
 - 141 trochaica tripodia acatalecta
 - 142 ad 145 trochaici octonarii
 - 146 trochaicus septenarius
 - 147 ad 153 iambici octonarii
 - 154 ad 156 iambici septenarii
 - 157 et 158 iambici octonarii
 - 159 et 160 iambici septenarii
 - 161 ad 168 trochaici octonarii
 - 169 ad 171 iambici octonarii
 - 172 iambicus septenarius
 - 173 ad 181 trochaici octonarii
 - 182 trochaicus septenarius
 - 183 et 184 trochaici octonarii
 - 185 et 186 iambici octonarii
 - 187 iambicus dimeter catalecticus
 - 188 ad 193 iambici octonarii
 - 194 trochaicus octonarius
 - 195 et 196 trochaici septenarii
 - 197 et 198 trochaici octonarii
 - 199 et 200 trochaici septenarii
 - 201 203 206 trochaici octonarii
 - 202 204 205 trochaici septenarii
 - 208 iambicus octonarius
 - 209 et 210 trochaici octonarii
 - 211 ad 213 trochaici dimetri catalectici
 - 214 trochaicus septenarius
 - 215 trochaicus octonarius
 - 216 et 217 trochaici dimetri catalectici
 - 218 219 221 trochaici octonarii
 - 220 trochaicus septenarius
 - 222 et 224 trochaici dimetri catalectici
 - 223 et 225 trochaici octonarii

- V. 226 trochaicus septenarius
- 227 iambicus octonarius
 - 228 trochaicus octonarius
 - 229 trochaicus septenarius
 - 230 ad 242 anapaestici septenarii
 - 243 trochaicus octonarius
 - 244 ad 248 bacchiaci tetrametri acatalecti
 - 249 trochaicus octonarius
 - 250 ad 254 bacchiaci tetrametri acatalecti
 - 255 trochaicus octonarius
 - 256 bacchiacus dimeter acatalectus
 - 257 et 258 bacchiaci tetrametri acatalecti
 - 259 compositus ex duabus trochaicis tripodiis catalecticis
 - 260 et 261 cretici tetrametri acatalecti
 - 262 creticus dimeter acatalectus
 - 263 et 264 iambici septenarii
 - 265 ad 393 trochaici septenarii
 - 394 ad 573 iambici senarii
 - 574 et 575 anapaestici octonarii
 - 576 et 578 trochaici septenarii
 - 577 et 579 trochaici dimetri catalectici
 - 580 et 583 anapaestici octonarii
 - 581 et 582 bacchiaci tetrametri acatalecti
 - 584 ad 586 trochaici septenarii
 - 587 et 588 anapaestici octonarii
 - 589 et 590 trochaici septenarii
 - 591 trochaicus dimeter acatalectus
 - 592 anapaesticus octonarius
 - 593 et 594 bacchiaci tetrametri acatalecti
 - 595 ad 598 anapaestici octonarii
 - 599 anapaesticus dimeter catalecticis
 - 600 ad 603 anapaestici septenarii
 - 604 ad 766 trochaici septenarii
 - 767 ad 904 iambici senarii
 - 905 ad 913 trochaici octonarii
 - 914 trochaicus septenarius
 - 915 iambicus septenarius

- V. 916 ad 918 iambici dimetri catalectici
- 919 iambicus octonarius
 - 920 et 921 cretici tetrametri acatalecti
 - 922 creticus dimeter acatalectus
 - 923 et 924 iambici octonarii
 - 925 trochaicus septenarius
 - 926 ad 930 cretici tetrametri acatalecti
 - 931 bacchiacus tetrameter acatalectus
 - 932 ad 935 cretici tetrametri acatalecti
 - 936 ad 938 trochaici septenarii
 - 939 ad 949 anapaestici septenarii
 - 950 iambicus septenarius
 - 951 iambicus octonarius
 - 952 ad 997 trochaici septenarii
 - 998 ad 1102 iambici senarii
 - 1103 et 1104 trochaici octonarii
 - 1105 ad 1107 bacchiaci tetrametri acatalecti
 - 1108 bacchiacus tetrameter catalecticus
 - 1109 compositus ex duabus trochaicis tripodiis catalecticis
 - 1110 et 1111 trochaici septenarii
 - 1112 compositus ex cretico dimetro acatalecto et trochaica
tripodia catalectica
 - 1113 trochaicus septenarius
 - 1114 bacchiacus tetrameter catalecticus
 - 1115 ad 1118 cretici tetrametri acatalecti
 - 1119 et 1120 trochaici octonarii
 - 1121 creticus dimeter acatalectus
 - 1122 ad 1124 trochaici septenarii
 - 1125 bacchiacus tetrameter acatalectus
 - 1126 creticus tetrameter acatalectus
 - 1127 ut v. 1112
 - 1128 et 1129 bacchiaci tetrametri acatalecti
 - 1130 ad 1133 trochaici septenarii
 - 1134 bacchiacus tetrameter acatalectus
 - 1135 ut v. 1112
 - 1136 trochaica tripodia catalectica
 - 1137 ad 1245 trochaici septenarii

- V. 1246 et 1247 bacchiaci tetrametri acatalecti
- 1248 et 1249 cretici tetrametri acatalecti
 - 1250 bacchiacus dimeter acatalectus
 - 1251 ad 1254 bacchiaci tetrametri acatalecti
 - 1255 et 1256 bacchiaci trimetri acatalecti
 - 1257 et 1258 bacchiaci tetrametri acatalecti
 - 1259 ad 1261 trochaici octonarii
 - 1262 et 1263 bacchiaci tetrametri acatalecti
 - 1264 et 1266 bacchiaci hexametri catalectici
 - 1265 bacchiacus tetrameter acatalectus
 - 1267 bacchiacus dimeter acatalectus
 - 1268 et 1269 iambici octonarii
 - 1270 bacchiacus hexameter acatalectus
 - 1271 ad 1273 bacchiaci tetrametri acatalecti
 - 1274 et 1275 iambici septenarii
 - 1276 bacchiacus tetrameter acatalectus
 - 1277 bacchiacus hexameter acatalectus
 - 1278 creticus tetrameter acatalectus
 - 1279 et 1280 trochaici septenarii
 - 1281 et 1282 bacchiaci tetrametri acatalecti
 - 1283 et 1284 trochaici octonarii
 - 1285 ad 1288 ut v. 1112
 - 1289 et 1290 cretici tetrametri acatalecti
 - 1291 et 1292 ut v. 1112
 - 1293 compositus ex duabus trochaicis tripodiis catalecticis
(cum hiatu in diaeresi)
 - 1294 ut v. 1112
 - 1295 iambicus octonarius
 - 1296 et 1298 cretici tetrametri acatalecti
 - 1297 creticus tetrameter catalecticus in syllabam
 - 1299 ad 1301 ut v. 1112
 - 1302 compositus ex duabus trochaicis tripodiis catalecticis
 - 1303 et 1304 cretici tetrametri acatalecti
 - 1305 iambicus dimeter acatalectus
 - 1306 et 1307 cretici tetrametri acatalecti
 - 1308 ad 1310 compositi ex binis trochaicis tripodiis catalecticis

- V. 1311 et 1312 ut v. 1112
- 1313 iambicus octonarius
 - 1314 ut v. 1112
 - 1315 et 1316 bacchiaci tetrametri acatalecti
 - 1317 ad 1321 anapaestici octonarii
 - 1322 anapaesticus quaternarius
 - 1323 iambicus septenarius
 - 1324 1326 1328 anapaestici septenarii
 - 1325 et 1327 anapaestici octonarii
 - 1329 ad 1334 cretici tetrametri acatalecti.

T. MACCI PLAVTI

S T I C H V S.

GRAECA · [PHIL]ADELPHOE · MENANDRV · ACTA
LVDIS · PLEBEIS · CN · BAEBIO · L · TERENTIO · AED · PL ·
[EGIT] · C · PVBLILIVS · POLLIO · [MODVLATVS · EST]
MARCIPOR · OPPII · TIBIIS · SARRANIS · TOTAM
P · SVLPICIO · C · AVRELIO · COS · .

ARGVMENTVM.

Senéx castigat fílias, quod eaé uiros
Tam péseuerent péregrinantis paúperes
Ita sústinere frátres neque relínquere ·
Contráque uerbis délenitur cómmodis,
Habére ut sineret quós semel nactaé forent. 5
Virí reueniunt ópibus aucti tráns mare:
Suam quísque retinet, ác Sticho ludús datur.

P E R S O N A E.

PHILVMENA [PANEGYRIS]	}	SORORES
PAMPHILA [PINACIVM]		
ANTIPHO SENEX		
GELASIMVS PARASITVS		
CROCOTIVM ANCILLA		
PINACIVM PVER		
* * * [EPIGNOMVS]	}	FRATRES
PAMPHILVS [PAMPHILIPPVS]		
STICHVS	}	SERVI
SAGARINVS		
STEPHANIVM ANCILLA		
TIBICEN.		

* * * Huius personae nomen EPIGNOMVM verum non fuisse, sed ex altera demum recensione huius fabulae post Plautinam aetatem facta sicut PANEGYRIN PINACIVM PAMPHILIPPVM nomina profectum esse evincunt numeri eorum in quibus legitur versuum tantum non omnium, qui nomen requirunt a vocali incipiens et mensuram paeonis secundi exaequans, velut *Epistrophus Abronichus Aristratus Onesimus* et quae sunt eius generis similia.

A C T V S I.

PHILUMENA. PAMPHILA.

PH. Crédo ego miserám fuisse Pénélopam, sorór, suo
ex animo,

Quaé tam diu uiró suo uidua cáruit: nam nos éius ani-
mum

De nóstris factis nóscimus, quarum hinc uiri apsun-
t, Quorúm quidem nos negótiis apséntum, ita ut aequomst,
Sollicitae noctis ét dies, sorór, sumus semper. 5

PA. Nostrum ófficium aequomst fácere nos: neque id
magis facimus

Quam nós monet pietás. PH. Set hic, sorór, adside:
Volo técum loqui de ré uiri. PA. Saluaéne amabo?

PH. Speró quidem et uoló. set hoc,
Sorór, crucior patrém tuum 10

Meumque ádeo, qui unus únice

Ciuíbus ex omnibús probus

Perhibétur, eum nunc ínprobi

Viri ófficio uti: quí uiris

Tantás apsentibús facit 15

Nostrís inmerito iniúrias

Nosque áb eis uolt abdúcere.

Haec rés uitae me, sòror, saturant,

Haec míhi diuidiae et sénio sunt.

PA. Ne lácruma, soror, neu túo id animo 20

Face quód tibi pater faceré minatur.

Spes ést eum melius fácturum.

Noui égo illum: ioculo istaéc dicit:

Neque ille [haú] sibi mereat Pérsarum.

Montís qui esse aurei pérhibentur, 25

Vt istúc faciat quod tú metuis.

Tam sí faciat, minume írasci

Decet: néque id inmerito euéniet.

Nam uĩri nostri domo ut ábierunt,

Hic tértiust annus. PH. Ita út memoras: 30

Quom ipsi ínterea uiuánt, ualeant,

Vbi sint, quid agant, ecqui índigeant,

Neque párticipant nos néque redeunt.

PA. An íd doles, sorór, quia

Illí suum officium nón colunt, 35

Quom tú tuum facis? PH. Íta pol.

PA. Tace sís: caue sís audíam ego istuc

Posthác ex te. PH. Nam quíd iam?

PA. Quia pól meo animo omnis sápiéntis

Suum offícium aequomst colere ét facere. 40

Quam ob rem égo te hoc, soror, tam etsí's maior,

Moneo út tuum memineris óffícium:

Et si illi inprobí sint atque áliter nos fácient

Quam aequóm sit, tam pól [noxiaé] nequid mágis sit,

Omníbus obnixe opibús nostrum 45

[Nos] óffícium meminísse decet.

PH. Placet: táceo. PA. At memineris fácito.

[PH. Nolo égo, soror, me crédi esse inmemorém uiri:

Neque ille éos honores míhi quos habuit pérdidit.

Nam míhi pol grata accéptaque huiust benígnitas. 50

Et mé quidem haec condítio nunc non paénitet

Nequést quor studeam has núptias mutáriér.

Verúm postremo in pátris potestatést situm:

Faciúndumst nobis quód parentes íperant.

PA. Scio átque in cogitádo maerore aúgeor: 55

Nam própe modum iam osténdit suam senténtiam.

PH. Igitúr quaeramus nóbis quid facto ússus sit.]

ANTIPHO. PHILVMENA. PAMPHILA.
(CROCOTIVM.)

AN. Quí manet ut moneátur semper séruos homo offi-
ciúm suum

Néc uoluntate id fácere meminit, séruos is habitu haú
probost.

Vós meministis quótkalendis pétere demensúm cibum:
Quí minus meminístis quod opust fácto facere in aédi-
bus? 61

Iám quidem in suo quicqué loco nisi erit míhi situm su-
pelléctilis,

Quom égo reuortar, uós monimentis cónmonefaciam bú-
bulis.

Nón homines habitáre mecum míhi uidentur, sét sues.

Fácite sultis nítidae ut aedes mēae sint, quom redeám
domum. 65

Iam égo domi adero: ad mēam maiorem fíliam inuissó
domum.

Síquis quaeret me, índe uocatote áliqui: aut iam egomet
híc ero.

PH. Quíd agimus, soror, si óffirmabit páter aduorsum
nós? PA. Pati

Nós oportet quód ille faciat, quõius potestas plús potest.
Éxorando, haut áduorsando súmundam operam cénseo.

Grátiam si [páce] petimus, spéro ab eo inpetrássere. 71

Áduorsari síne dedecore et scélere summo hau póssu-
mus:

Néque ego id sum factúra neque tu ut fácias consiliúm
dabo,

Vérum ut exorémus. noui ego nóstros: exorábilist.

AN. Príncipium ego quo pácto cum illis óccupiam, id
ratiócinor: 75

Étrum ego perplexím laccessam orátione ad hunc modum,
Quási numquam quicquam ádeo adsimulem, an quási
quid indaudíuerim

Éas in se meruísse culpam: pótius temptem léniter

Án minacítér. scio litis fóre: ego meas noui óptume.

Sí manere hic sése malint pótius quam alio núbere, 80

Fáciant: quid mihi ópust decurso actátis spatio cúm
meis

Gérere bellum, quóm nil quam ob rem id fáciam me-
ruísse árbitror?

Mínime: nolo túrbas. set hoc mihi óptimum factu ár-
bitror:

[Sic faciam: adsimulabo quasi quam culpam in sese ad-
miserint.]

Pérplexabilitér earum hodie pérpauefaciam péctora: 85

Póst id igitur dèinde ut animus méus est, id faciám palam.

Múlta scio faciúnda uerba: ibo íntro. set apertást foris.

PH. Cérto enim mihi patérnae uocis sónitus auris ác-
cidit.

PA. Ís est ecastor: férre aduorsum homini óccupemus
aúsculum.

PH. Sálue, mi pater. AN. Ét uos ambae. flico agite
apscédite. 90

PH. Aúsculum. AN. Sat est aúsculi mi uóstri. PH.
Qui, amabó, pater?

AN. Quia ita meae animae salsura euénit. PA. Adside
híc, pater.

AN. Nón sedeo istic: uós sedete: ego sédero in sup-
séllo.

PA. Máne puluinum. AN. Béne procuras míhi: sat sic
fultúmst mihi.

PA. Síne, pater. AN. Quid opúst? PA. Opust. AN. Mo-
rem tíbi geram. atque hoc ést satis.

PA. Númquam enim nimis curáre possunt sũm paren-
tem fíliae. 96

Quem aequiust potiorem habere quám te? postideá,
pater,

Vĩros nostros, quibus tú nos uoluisti ésse matres fámili-
as?

AN. Bõnas ut aequomst fácere facitis, quóm tamen ap-
sentís uiros

Pròinde habetis quási praesentes sint. PA. Pudicitíast,
pater, 100

Éos nos magnificáre qui nos sócias sumpserúnt sibi.

AN. Númquis hic est aliénus nostris díctis auceps aú-
ribus?

PH. Núllust praeter nósque teque. AN. Vóstrum ani-
mum adhiberí uolo.

Nám ego ad uos nunc ínperitus rerum et morum múlic-
rum

Díscipulus uenio ad magistras: quíbus matronas móri-
bus 105

Quae óptumae sunt ésse oportet, id utraque ut dicát mihi.

PA. Quid istuc est quod huc éxquaesitum múlierum mo-
rés uenis?

AN. Pól ego uxorem quaéro, postquam uóstra mater
mórtuast.

PA. Fácile inuenies ét peiorem et péius moratám, pater,
Quám illa fuit: meliorem neque tu réperies neque sól
uidet. 110

AN. Át ego ex te exquaero áttque ex istac túa sorore.

PA. Edepól, pater,
Scío ut oportet ésse: si sint íta ut ego aequom cénseo.

AN. Vólo scire ergo ut aéquom censes. PA. Vt, per
urbem quom ámbulent,

Ómnibus os optúrent, nequis mérito male dicát sibi.

AN. Díc uicissim núnc iam tu. PH. Quid uis tibi dicám,
pater? 115

AN. Vbi facillumé spectatur múlier quae ingenióst bono?

PH. Quoi male faciundíst potestas, quóm ne id faciat
témperat.

AN. Haú male istuc. áge tu [dice]: utrást conditio pén-
sior,

Vírginemne an uíduam habere? PA. Quánta meast sa-
piéntia,

Éx malis multís malum quod mínimumst, id minumést
malum. 120

Quí pote mulierés uitare, is uítet: ut cotídie

Prídie caueát ne faciat quód pigeat postrídie.

AN. Quae tibi muliér uidetur múlto sapientíssuma?

PH. Quae tamen, quom rés secundae súnť, se poterit
nóscere:

Éť illa quae aequo animó patietur síbi esse peius quám
fuit. 125

AN. Édepol uos lepidé temptaui uóstrumque ingenium
íngeni.

Sét hoc est quod ad uos uénio quodque esse ámbas con-
uentás uolo:

Íta mi auctores súnť amici, ut uós hinc abducám domum.

PA. Át enim nos quarúm res agitur áliter auctorés
sumus.

Nam aút olim, nisi tíbi placebant, nón datas opórtuit 130
Aút nunc non aequómst abduci, páter, illis apséntibus.

AN. Vósne ego patiar cúm mendicis núptas me uiuó
uiris?

PA. Plácet ille meus míhi mendicus: súus rex reginaé
placet.

Ídem animust in paúpertate qui ólim in diuitiís fuit.

AN. Vós latrones ét mendicos hómines magni pén-
ditis? 135

PH. Nón tu me argentó dedisti opínor nuptum, sét uiro.

AN. Quid illos expectátis qui abhinc iam ábierunt trién-
nium?

Quín uos capitis cónditionem ex péssuma primáriam?

PA. Stúltitiast, patér, uenatum dúcere inuitás canes.

Hóstis est uxór inuita quae ad uirum nuptúm datur. 140

AN. Cértumnest neutráu uostrarum pérsequi inperiúm
patris?

PH. Pérsequimur: nam quó dedisti núptum abire nó-
lumus.

AN. Béne ualete: ibo átque amicis uóstra consilia élo-
quar.

PA. Próbiores, credo, árbitrabunt, sí probis narráueris.

AN. Cúrate igitur fábiliarem rém ut potestis óptume.

PH. Núnc places quom récte monstras: núnc tibi auscul-
tábimus. 146

Núnc, soror, abeámus intro. PA. Ímmo interuissám
domum.

Sí ab uiro tibi fórte ueniet núntius, facito út sciam.

PH. Néque ego te celábo neque tu mé celassis quód
scias.

Ého Crocotium, í, parasitum Gélasimum huc arcéssito :
'Técum adduce. nám illum ecastor mittere ad portúm
uolo, 151

Siquae forte ex Ásia nauis héri eo aut hodie uénerit.

Nám dies totós aput portum séruos unus ádsidet:

Sét tamen uolo ínteruissi. própera atque actutúm redi.

A C T V S II.

GELASIMVS. CROCOTIVM.

GE. Famem égo fuisse súspicor matrém mihi: 155
 Nam póstquam natus súm, satur numquám fui.
 Neque quísqum melius réferet matri grátiam,
 Quam ego mátri refero mēae Fami inuitíssumus.
 Nam mé illa in aluo ménsis gestauít decem:
 At égo illam in aluo gésto plus annós decem. 160
 Atque illa puerum mé gestauit páruolum,
 Quo mínus laboris cépisse illam exístumo:
 Ego nón pausillulam ín utero gestó famem,
 Verum hércle multo máxumam et grauíssumam.
 Vterí dolores mi óriuntur cotidie: 165
 Set mátrém parere néqueo nec quid agám scio.
 [Ita] aúditauí saépe hoc uolgo dícier,
 Solére elephantum gráuidam perpetuós decem
 Esse ánnos: eius ex sémine haec certóst fames.
 [Nam iam complures annos utero haeret meo.] 170
 Nunc sí ridiculum hóminem quaerat quíspíam,
 Venális ego sum cūm órnaméntis ómnibus:
 Inániméntis éxplementum quaérito.
 Gelásimo nomen mi índidit paruó pater,
 Quia iam á pausillo púero ridiculús fui. 175
 Proptér pauperiem hoc ádeo nomen répperi,
 Eo quía paupertas fécit ridiculús forem:
 Nam illa ártis omnis pérdocet, ubi quem áttigit.

Per cáram annonam díxit me natúm pater:
 Proptérea, credo, núnc adessurio ácrius. 180
 Set géneri nostro haec rédditast benígnitas:
 Nullí negare sóleo, siqui essúm uocat.
 Orátio una intériit hominum péssume,
 Atque óptuma hercle méo animo et scitíssuma,
 Qua ante útebantur: ‘uéni illo ad cenam: sic face:
 Promítte uero: né grauare: est cómodum? 186
 Volo ínquam fieri: nón amittam quín eas.’
 Nunc réppererunt iam èi uerbo uicárium,
 Nihilí quidem hercle uérbum id ac uilíssimum:
 ‘Vocém te ad cenam, nísi egomet ceném foris.’ 190
 Ei hércle uerbo lúmbos defractós uelim,
 † Ni uére perierít, si cenassít domi.
 Haec uérba subigunt mé uti mores bárbaros
 Discam átque ut faciam praéconis conpéndium
 Itaque aúctionem praédicem, ipse ut uénditem. 195
 CR. Hic illést parasitus quem árcessitum míssa
 sum:

Quae lóquitur auscultábo prius quam cónloquor.
 GE. Set cúriosi súnť hic conplurés mali,
 Aliénas qui res cúrant studio máxumo,
 Quibus ípsis nullast rés quam procurént sua. 200
 Ei quándo quem auctiónem facturúm sciunt,
 Adeúnt, perquirunt quíd siet caussae ílico:
 Vxórin sit reddúnda dos diuórtio:
 Aliénum aes cogat án pararit praédium.
 Eos ómnis tam etsi hercle haút indignos iúdico 205
 Qui múltum miseri sát laborent, níl moror.
 Dicam aúctionis caússam, ut damno gaúdeant:
 Nam cúriosus némost quín sit máleuolus.
 Damna éuenerunt máxuma, [heu,] miseró mihí:

Ita mé mancupia míserum adfecerúnt male: 210

Potátiones plúrumae demórtuae:

Quot ádeo cenae quás defleui mórtuae,

Quot pótiones múlси, quot item prándia,

Quae intéр continuom pérddidi triénnum.

Prae maérоре adeo míser atque aegritúdine 215

Consénui: paene súm fame demórtuos.

CR. Ridículus aequé núllust [quam hic] quando
éssurit.

GE. Nunc aúctionem fácere decretúmst mihi:

Forás necessumst quídquid habeo uéndere.

Adéste sultis: praéda erit praeséntium. 220

Logós ridiculos uéndo. age licémini.

Quis céna poscit? écqui poscit prándio?

Hercúleo stabunt prándio, cená tibi.

Ehem, ádnuistin? némo meliorés dabit

[Nulli meliores esse parasito sinam] 225

Cauillátiones, ádsentatiúnculas

Ac périuratiúnculas parasíticas.

Robíginosam strígilem, ampullam rúbidam

[Ad] úñctiones Graécas sudatórias

Vendó: † uelalias málacas crapulárias: 230

Parasítum inanem quó recondas réliquias.

Haec uéniuisse iám opus est quantúm potest:

Vt, décumam partem [si] Hérculi pollúceam,

Eo máior * * * * *

CR. Ecástor auctiónem [non] magní preti. 235

Adhaésit homini ad ínfumum uentrém fames.

Adíbo ad hominem. GE. Quís haec est quae ad-
uorsúm uenit?

† Epígnomi ancilla haéc quidemst, Crocótium.

CR. Gelásime, salue. GE. Nón id est nomén mihi.

CR. Certó mecastor íd fuit nomén tibi. 240

GE. Fuit disertim, uérum id ussu pérdidi:

Nunc Míccotrogus nómine e ueró uocor.

CR. Au, ríssi te hodie múltum. GE. Quando aut
quo ín loco?

CR. Hic, quom aúctionem praédicabas péssumam.

GE. Eho, 245

An aúdiuisti? CR. Té quidem digníssumam.

GE. Quo núnc is? CR. Ad te. GE. Quid uenis?

CR. Philúmena

Rogáre iussit témet opere máxumo,

Mecúm simitu ut íres ad sesé domum.

GE. Ego illuc mehercle uéro eo quantúm potis. 250

Iamne éxta cocta súnť? quot agnis fécerat?

CR. Illá quidem nullum sácrificauit. GE. Quó
modo?

Quid ígitur me uolt? CR. Trítici modiós decem

Rogáre opinor. GE. Méne, ut ab sesé petam?

CR. Immó [tu] ut aps te mútuom nobís dūis. 255

GE. Negáto mihi esse néc quod dem [isti] mú-
tuom

Neque áliut quicquam nísi hoc quod habeo pállium.

Lingúam quoque etiam uéndidi datárium.

CR. Au,

Nullán tibi linguast? GE. Quac quidem dicát ‘dabo’

Veterém reliqui: eccíllam quae dicát ‘cedo’, 261

CR. Malúm di tibi dent * * * *

GE. Malúm quidem si uis, haéc eadem dabít tibi.

CR. Quid núnc? ituru’s án non? GE. Abi sané
domum:

Iam illó uenturum dícito. propera átque abi. 265

Demíror quid illaec mé ad se arcessi iússerit,

Quae núnquam iussit mé ad se arcessi ante hún-
diem,

Postquám uir abiit éius. miror quíd siet:

Nisi út periculum fíat, uissam quíd uelit.

Set éccum Pinacium éius puerum. hoc [sís] uide:

Satin út facete [aeque] átque ex pictura ástitit? 271

Ne iste édepol uinum póculo pausíllulo

Saepe éxanclauit súbmerum scitíssume.

PINACIVM. GELASIMVS.

PI. Mercúrius, Iouis qui núnlius perhibétur, numquam
aequé patri

Suo núnlium lepidum áttulit, quam ego núnc meae nun-
tiábo erae. 275

Ítaque onustum péctus porto laétitia lubéntiaque:

Néque lubet nisi glóriose quícquam proloquí pro
fecto.

Amoénitatis ómnium uenerum ét uenustatum ádfero,

Ripísque superat mi átque abundat péctus laetitiá meum.

Nunc tíbi potestas ádipiscundist glóriam laudém decus:

Própera, Pinaciúm, pedes hortáre, honesta dícta
factis, 281

Eraéque egenti súbueni * * * *

Quae mísera in expectátione † Epígnomi aduentús uirist:

Proinde út decet uirum amát suum [et] cupide éxpetit.

nunc, Pínacium,

Age út placet, curre út lubet: caue quémquam flocci

féceris: 285

Cubitís depulsa dé uia, tranquíllam concinná uiam.

Si réx opstabit ób uiam, regem ípsum prius peruórtito.

GE. Quídam dicam Pínacium tam líxabundum cúr-
rere?

Harúndinem fert spórtulamque et hámulum piscárium.

PI. Set tándem opino aequómst eram mihi ésse sup-
plicem átque [eam] 290

Óratores mittere ad me dónaque ex auro ét quadrigas,
Quí uehar: nam pédibus ire nón queo. ergo iám re-
uortar:

Ád me adiri et súpplícarí mi égomet aequom cénseo.
An uéro nugas cénseas nihílué esse ego quod núnc scio?
Tantum á portu adportó boni, tam gaúdium grande ád-
fero: 295

Vix ípsa domina hoc, sí sciat, exóptare ab dis aúdeat.
Nunc últro hoc deportem? haú placet neque íd uiri of-
ficium árbitror.

Sic hóc uidetur míhi magis meo cónuenire huic núntio:
Aduórsum ueniat, ópsecret se ut núntio hoc inpértiam.
Secúndas fortunás decent [fastídia et] supérbiae. 300
Set tándem quom recógito, qui pótis est scire haec scíre
me?

Nón enim possum quín reuortar, quín loquar, quín
édissertem

Erámque ex maerore éxíam, bene fácta maiorúm
meum

Exaúgeam atque illam aúgeam insperáto opportunó
bono.

Contúndam facta Tálthubi contémnamque omnis nún-
tios: 305

Sěmulque cursurám meditabor ád ludos Olúmpios.
Set spátium hoc oppidó breuist currículo: quam me
paénitet.

Quid hóc? occlussam iánuam uideo: íbo et pultabó foris.

Aperite atque adproperáte, fores facite út pateant: remouéte moram.

Nimis haéc res sine curá geritur: uide quám dudum hic
asto ét pulto. 310

Somnóne operam datis? éxperiar fores án cubiti ac pedes plús ualeant.

Nimis uéllem hae fores erum fúgissent, ea caússa ut haberent mǎlum magnum.

Deféssus sum pultádo.

Hoc póstremum esto uóbis.

GE. Ibo átque hunc conpellábo. 315

Saluós sis. PI. Et tu sálue.

GE. Iam tú piscator fáctu's?

PI. Quam prídem non edísti?

GE. Vnde ís? quid fers? quid féstinas?

PI. Tua quód nil refert, né cures. 320

GE. Quid istíc inest? PI. Quas tu edés colubras.

GE. Quid tam íracundu's? PI. Si ín te

Pudor ádsit, non me appélles.

GE. Possúm scire ex te uérum?

PI. Potis: hódie non cenábis. 325

PHILVMENA. GELASIMVS. PINACIVM.

PH. Quisnam ópsecro has frangít foris? tune haéc facis? tun mi hostís uenis?

GE. Sálue: tuo arcessítu huc uenio. PH. Ean grátia forís ecfringis?

GE. Tũos inclama, tũi delinquent: égo quid me uellés uissebam.

Nám me quidem miserébat harum. PI. Érgo auxilium própere latumst.

PH. Quisnam loquitur híc tam prope nos? GE. Pínacium. PH. Vbi is est? PI. Réspice

Ád med et relínque egentem párasitum, Philúmena. 331

PH. Pínacium. PI. Istuc índiderunt nómen maiorés míhi.

PH. Quid agis? PI. Quid agam rógitas? PH. Quid ní rógitem? PI. Quid mecúmst tibi?

PH. Mín fastidis, própudiose? elóquere propere, Pínacium.

PI. Iúbe me omittere ígitur hos qui rétinent. PH. Qui retinént? PI. Rogas? 335

Ómnia membra lássitudo míhi tenet. PH. Linguám quidem

Sát scio tibi nón tenere. PI. Ita céleri curriculó fui Própere a portu honóris caussa tui. PH. Écquid adportás boni?

PI. Nímio adportó múlto tanto plús quam speras. PH. Sálua sum.

PI. Át ego perii, quói medullam lássitudo pérbibit. 340

GE. Quid ego, quói miseró medullam uéntris percepít fames?

PH. Écquem conuenísti? PI. Multos. PH. Át uirum ecquem? PI. Plúrumos:

Vérum ex multis néquiores nállum quam híc est. PH. Quó modo?

GE. Iám dudum ego istunc [aégre] patior dícere iniusté míhi.

Praéterhac si me ínritassis. . PI. Édepol essuriés male. 345

GE. Ánimum inducam ut [né] istuc uerum te élocutum esse árbitrer.

PI. Múnditias uolo fieri: ecferte huc scópas semulque harúndinem,

Út operam omnem aráneorū pérdam et texturam
inprobam

Děiciamque eorum ómnis telas. GE. Míseri algebunt
póstea.

PI. Quid? illos itidemne ésse censes quási te cum ueste
única? 350

Cápe illas scopas. GE. Cápiam. PI. Hoc egomet, tú
hoc conuorre. GE. Ecfécero.

PI. Écquis huc ecfert nássiternam cúm aqua? GE.
Sine suffrágio

Pópuli tamen aedilitatem hic quídem gerit. PI. Age
tu écius

Térge humum, conspérge ante aedis. GE. Fáciam.
PI. Factum opórtuit.

Égo hinc araneás de foribus děiciam et de páriete. 355

GE. Édepol rem negótiosam. PH. Quid sit nil etiám
scio:

Nísi forte hospités uenturi súnť. PI. [Vos] lectos
stérnite.

GE. Príncipium placét de lectis. PI. Álii ligna caé-
dite:

Álii piscis dépurgate, quós piscator áttulit:

Pérnam et glandium [álii] deícite. GE. Hércle homo
hic nimiúm sapit. 360

PH. Nón ecastor, út ego opinor, sátis erae morém
geris.

PI. Ímmo res omnis relictas hábeo prae quod tú uelis.

PH. Túm tu igitur, qua caússa missus és ad pórtum,
id éxpedi.

PI. Dícam. postquam mé missisti ad pórtum cum lucí
semul,

Cómodum radiósus sese sól superabat éx mari. 365

Dúm percontor pórtitores, écquae nauis uénerit
Éx Asia, [ac] negánt uenisse, cónspicatus sum ínterim
Cércurum, quo ego mé maiorem nóñ uidisse cénseo.

Ín portum uentó secundo, uélo passo péruenit.

Álius alium pércontamur: ‘quóíast nauis? quíd ue-
hit?’ 370

Ínterim + Epignomúm conspicio tŭum uirum et ser-
uóm Stichum.

PH. Hém, quid? + Epignomum élocutu’s? GE. Tŭum
uirum et uitám meam.

PI. Vénit, inquam. PH. Túne eum [ipsus] ípsum ui-
distí? PI. Lubens.

GE. Hércle uero cápíam scopas átque hoc conuorrám
lubens.

PI. Árgentique auríque aduexit nímium. GE. Nimis
factúm bene. 375

PI. Lánam purpurámque multam. GE. Hém, qui
uentrem uéstiam.

PI. Léctos eburatós, auratos. GE. Ádcubabo régie.

PI. Tím Babulonica péristromata, conchúliata tapétia
Áduexit. GE. Nimiúm bonae rei: hércle rem gestám
bene.

PI. Póste, ut occepí narrare, fídicinas tibícinas 380
Sámbricas aduéxit secum fórma eximia. GE. Eúgepae.
Quándo adbibero, adlúdiabo: tím sum ridiculíssu-
mus.

PI. Póste unguenta múltigenerum múlta. GE. Non
uendó logos:

lám [ego] non facio aúctionem: mi óptigit heréditas.

Máleuoli perquísitores aúctionum périerint. 385

Hércules, decumam ésse adauctam tíbi quam uoui grá-
tutor.

[Spés] est tandem aliquándō inportunam éxigere ex
[uteró famem].

PI. Póste autem aduexít parasitos sécum . . GE. Hei,
perií miser.

PI. Rídiculissumós. GE. Reuorram hercle hóc quod
conuorrí modo.

Vénales logí sunt illi quós negabam uéndere. 390

Ílicet: iam mēo malost quod máleuolentes gaúdeant.

Hércules, qui déus sis, sane díscessisti nón bene.

PH. Vídistin uirúm sororis Pámphilum? PI. Non.

PH. Nón adest?

PI. Ímmo uenisse ěum simitu aiébant illi: ego húc
citus

Praécucurri, ut núntiarem núntium exoptábilem. 395

PH. Í intro, Pinaciúm, iube famulos rém diuinam mi
ádparent.

Béne uale. GE. Vin áministrem? PH. Sát seruo-
rum habeó domi.

GE. Ěnimuero, Gelásime, opinor próuenisti fúttile,
Sí neque ille adést neque hic qui uénit quicquam súb-
uenit.

Íbo intro ad librós et discam dé díctis melióribus: 400

Nám ni illos hominés expello, ego óccidi planíssume.

A C T V S III.

† EPIGNOMVS. STICHVS.

EP. Quom béne re gesta sáluos conuortór domum,
 Neptúno gratis hábeo et tempestátibus:
 Semúl Mercurio, quí me in mercimóniis
 Iuuit lucrisque quádruplicauit rém meam. 405
 Olím quos abiens ádfeci aegrimónia,
 Eos núnc laetantis áduentu faciám meo.
 Nam iam Ántiphonem cónueni adfiném meum
 Cumque èo reueni ex ínimitia in grátiam.
 Vidéte quaeso quíd potest pecúnia. 410
 Quoniám redisse béne re gesta mé uidet
 Magnásque adportauísse diuitiás domum,
 Sine áduocatis íbidem in cercuro, in stega,
 In amícitiam atque in grátiam conuórtimus.
 Et is hódie aput me cénat et fratér meus. 415
 Nam heri ámbo in uno pórtu fuimus: sét mea
 Hodié solutast náuis aliquantó prius.
 Age abdúce hasce intro quas mecum adduxí, Stiche.
 ST. Ere, sí ego taceam seú loquar, sciò scíre te
 Quam múltras tecum míserias † mulcáuerim: 420
 Nunc húnc diem unum ex illis multis míseriis
 Volo mé eleuthéria iam ágere aduenientém domum.
 EP. Et iús et aequom póstulas: sumás, Stiche,
 Tibi húnc diem: te níl moror. abi quó lubet.
 Cadúm tibi ueteris uíní propinó. ST. Papae, 425

Ducam hódie amicam. EP. Vél decem, dum dé tuo.

ST. Quod hoc . . . ? EP. Quid . . . ?

ST. Ad cenam ibo

Sic hoc placet

EP. Vbi cénas hodie? ST. Síc hanc rationem ínstiti:

Amícam ego habeo Stéphanium hinc ex próxumo, 431

Tui frátris ancillam: ěo condicam: súbulam

Ad cénam ad eius conséruiom Sagarinúm feram.

Eadémst amica ambóbus: riualés sumus.

EP. Age abdúce has [nunc iam] íntro. hunc tibi
dedó diem. 435

ST. Me in cúlpa habeto, nísi probe excrucíauero.

Iam hercle égo per hortum ad amícam transibó
meam,

Mi hanc óccupatum nóctem: eadem súbulam

Dabo ét iubebo ad Ságarinum cenám coqui.

Aut égomet ibo atque ópsonabo opsónium. 440

Sagarinu

Seru nam meae

Aduors cum uerberibus . . .

Dar . ut . . . m uerberabundum adducam domum

Paráta hic faciam ut sint. [set] egomet mé moror.

Atque íd ne uos mirémini, homines séruolos 446

Potáre amare atque ád cenam condícere:

Licet hóc Athenis nóbis. set quom cógito,

Potiús quam inueniam inuídiam, est etiam hic óstium

Aliút posticum nóstrarum harunce aédium: 450

[Posticam partem magis utuntur aedium.]

Ea ibo ópsonatum atque ěadem referam opsónium:

Per hórtum utroque cónmeatus cóntinet. 452

Ite hác secundum uós. ne ego hunc laceró diem.

GELASIMVS. † EPIGNOMVS.

GE. Librós inspexi: tám confido quám potis
 Me meum óptenturum régem ridiculís logis. 455
 Nunc ínteruisso iámne a portu aduénerit,
 Vt eum áduenientem mēis dictis deléniam.

EP. Hic quídem Gelasimus ést parasitus quí uenit.

GE. Auspício [hercle] hodie [ego] óptumo exiui
 foras.

Quom stréna [mi] opscaeúauit, spectatum hóc mihist,
 Mustélla murem [ut] ápstulit praetér pedes. 461
 Nam ut ílla uitam répperit hodié sibi,
 Ítém me spero fácturum, augurium ác facit.

† Epígnomus hic quídemst qui ástat: ibo atque ád-
 loquar.

[O] † Epígnome, ut ego núnc te conspició lubens:
 Vt praé laetitia lácrumae prosuliúnt mihi. 466
 Valuístine usque? EP. Sústentatumst sédulo.

GE. Propíno tibi salútem plenís faúcibus.

EP. Bene átque amice dícis. di dent quaé uelis.

GE. * * * * * 470

EP. Cenem ílli apút te? GE. Quóniam saluos ád-
 uenis.

EP. Locátast opera núnc quídem: tam grátíast.

GE. Promítte. EP. Certumst. GE. Síc face, inquam.
 EP. Est cértá res.

GE. Lubénte me hercle fácies. EP. Idem ego istúe
 scio:

Quando ússus ueniet, fíet. GE. Nunc ergo ússus
 est. 475

EP. Non édepol possum. GE. Quíd grauare? cén-
 seas:

Nescio quid + uero habeo in mundo. EP. Í modo:
Alium conuiuam quaérito tibi in hunc diem.

GE. Quin tú promittis? EP. Nón grauer, si pós-
siem.

GE. Vnum quidem hercle certe promittó tibi: 480
Lubéns accipiam certo, si promísseris.

EP. Valeás. GE. Certumnest? EP. Cértum: ce-
nabó domi.

GE. Sic quóniam nil procéssit, [igitur] ádiero
Apértiore mágis uia ac plané loquar.

Quandó quidem tute ad mé non uis promíttere, 485
Vin ád te ad cenam uéniam? EP. Si possít, uelim:
Verum híc aput me cénant aliení nouem.

GE. Hau póstulo equidem in lécto med adcúmbere:
Scis tú med esse [unum] ími supsellí uirum.

EP. At ei óratores pópuli sunt, summí uiri: 490
Ambrácia ueniunt húc legati púplice.

GE. Ergo óratores pópuli summatés uiri
Summi ádcubent, ego ínfumatis ínfumus.

EP. Haut aéquomst te inter óratores áccipi.

GE. Equidem hércle orator súm, set procedít pa-
rum. 495

EP. Cras dé reliquiis nós uolo. multúm uale.

GE. Perii hércle uero pláne, nihil obnóxie.

Vnó Gelasimo mínus est quam dudúm fuit.

Certúmst mustellae pósthac numquam crédere:

Nam incértiorem núllam noui béstiam. 500

Quaene ěapse deciens ín die mutát locum,
Eam aúspicaui ego ín re capitalí mea?

Certúmst amicos cónuocare, ut cónsulam

Qua lége nunc med éssurire opórteat.

A C T V S III.

ANTIPHO. PAMPHILVS. † EPIGNOMVS.

AN. Íta me di bene amént measque míhi seruassint fílias,
 Vt mihi uolup est quía uos uideo, Pámphile, in patriám
 domum 506

Béne re gesta rédiisse ambos, témet et fratrém tuum.

PA. Sátis aps te accipiám, nisi uideam míhi te amicum
 esse, Ántipho:

Núnc, quia te mihi amicum experior ésse, credetúr tibi.

AN. Vócem ego te ad me ad cénam, frater túus ni dixis-
 sét mihi 510

Te āput se cenatúrum esse hodie, quóm me ad se ad ce-
 nám uocat.

Ét magis par fuerát me uobis dáre cenam adueniéntibus,
 Quám ad illum promítterem, nisi nóllem ei aduorsárier.

Núnc me gratiam áps te inire uérbis nil desídero:

Crás aput me eritis ét tu et ille cúm uostris uxóribus. 515

PA. Át aput me peréndie: nam ille héri me iam uocá-
 uerat

Ín hunc diem. set sátine tecum páacificatus sum, Ántipho?

AN. Quándo ita rem gessístis, ut uos uélle amicosque
 áddecet,

Páx comerciúmquest uobis mécum. hoc facito ut có-
 gites:

Vt quoique homini rés paratast, périnde amicis útitur:

[Sí res firmast, ítidem] firmi amíci sunt: si rés labat, 521

Ítidem amici cónlabascunt. rés amicos ínuenit.

EP. Iám redeo. nimiást uoluptas, sí diu afuerís domo,
Dómum ubi redierís, si tibi nulla aégritudo animo ób
uiamst. 524

Nam íta me apsente fámiliarem rem úxor curauít meam:
Omnium me exilem átque inanem fécit aégritúdinum.

Sét eccum fratrem Pámphilum [meum]: incédit cum so-
ceró suo.

PA. Quid agitur, [mi] + Epígnome? EP. Quid tu? quám
dudum in portúm uenis?

PA. Haú longissumé. EP. Postilla iám istest tranquil-
lús tibi?

AN. Mágis quam mare quo ambo éstis uecti. EP. Fácis
ut alias rés soles. 530

Hódiene exonerámus nauem, fráter? PA. Clementér uolo:
Nós potius onerémus nosmet uícissatim uoluptátibus.

Quám mox coctast céna? inpransus égo sum. EP. Abi
intro ad me ét laua.

PA. Dëos salutatum átque uxorem módo intro deuortór
domum.

[Haéc si ita ut uoló confexo, cótinuo ad te tránseo.] 535

EP. Āput nos eccillám festinat cúm sorore uxór tua.

PA. Óptumest: iam istúc morai mínus erit. EP. Iam
ego āput te ero.

AN. Prius quam abis, praesénte ted huic ápologum agere
unúm uolo.

EP. Máxume. AN. Fuit ólim, quasi [nunc] égo sum,
senex. ei filíac

Dúae erant, quasi nunc mēae sunt. eae erant dùobus
nuptae frátribus, 540

Quási nunc meae sunt uóbis. PA. Miror quo éuassurust
ápologus.

AN. Érat minori illi ádulescenti [quási nunc tibi] tibícina:
Péregre aduexerát, quasi nunc tu. sét ille erat caeléps
senex,

Quási ego nunc sum. PA. Pérge porro: praésens hic
quidemst ápologus.

AN. Dèinde senex ille illi dixit, quòius erat tibícina, 545
Quási ego nunc tibi díco . . PA. Ausculto atque ánimum
aduorto sédulo.

AN. ‘Égo tibi meam fíliam bene quícum cubitarés dedi:
Núnc mihi reddi ego aéquom esse aps te quícum cubitem
cénseo.’

PA. Quís istuc dicit? án ille quasi tu? AN. Quási ego
nunc dicó tibi.

“Ímmo duas dabo” inquit ille aduléscens “una sí pa-
rumst: 550

Ét si duarum paénitebit” inquit “addentúr duae.”

PA. Quís istuc, quaeso? an ille quasi ego? AN. Is ípse
quasi tu. [túm] senex

Ílle quasi ego ‘sí uis’ inquit ‘quáttuor sané dato,
Dúm quidem hercle quód edint addas, mèum ne contrun-
cént cibum.’

PA. Vídelicet parcúm fuisse illúm senem, qui [id] díxerit,
Quóm ille illi qui póllicetur ěum cibum popóscerit. 556

AN. Vídelicet nequám fuisse illum ádulescentem, qui
ílico,

Ýbi ille poscit, dénegarit dáre se granum trítici.

Hércle qui aequom póstulabat sènex, quando quidem
fíliae

[Quám] ille dederat dótem accípere [eum uóluit] pro
tibícina. 560

PA. Hércle ille quidem cértó adulescens dócte uorsutús
fuit,

Quí seni illi cóncubinam dáre dotatam nóluit.

AN. Sēnex quidem uoluít, si posset, índipisci dé cibo :

Quía nequit, qua lége licuit uélle dixit fieri.

“Fíat” ille inquít adulescens. ‘fácis benigne’ inquít
senex. 565

‘Hábeon rem pactam?’ inquít. “faciam ita” inquít “ut
fierí uoles.”

Sét ego ibo intro et grátulabor uóstrum aduentum fíliis.
Póste ibo lautum ín puelum : ibi fouébo senectutém
meam :

Póste ubi lauero, ótiosus uós opperiar ádcubans.

PA. Gráphicum mortalem Ántiphonem : ut ápologum
fecít fabre. 570

Étiam nunc sceléstus sese dúcit pro adulescéntulo.

Dábitur homini amíca, noctu quae in lecto occentét se-
nem :

Námque edepol aliút quidem illi quíd amica opus sit
nécscio.

Sét quid agit parasítus noster Gélasimus? etiám ualet?

EP. Vídi edepol hominem haú perdudum. PA. Quíd
agit? EP. Quod famélicus.

PA. Quín uocasti hominem [ád te] ad cenam? EP. Né-
quid adueniens pérderem. 576

Átque eccum tibi lúpum in sermone : praésens essuriéns
adest.

PA. Lúdificemur hóminem. EP. Capti cónsili memo-
rém mones.

GELASIMVS. PAMPHILVS. †EPIGNOMVS.

GE. * * * * * * *
 * * * * * * *
 * * * * * * *

Sét ita ut occepí narrare uóbis: quom hic non ádfui,
 Cúm amicis delíberaui iám et cum cognatís meis. 580
 Íta mi auctores fũere, ut egomet me hódie iugularém
 fame.

Sét uideone ego Pámphilum cum frátre †Epignomo?
 átque is est.

Ádgrediar hominem. [ó] sperate Pámphile, o [salús] mea,
 Ó mea uita, o méa uoluptas, sálue. saluom gaúdeo
 Péregre te in patriám redisse. sálue. PA. Salue, Gé-
 lasime. 585

GE. Válustin bene? PA. Sústentaui sédulo. GE. Ede-
 pol gaúdeo.

Édepol ne ego núnc mihi modium mílle esse argentí
 uelim.

EP. Quíd eo tibi opust? GE. Húnc hercle ad cenam út
 uocem, te nón uocem.

EP. Áduorsum te fábulare. GE. Illút quidem ‘ambos
 út uocem’

. . equidem s ic ne uostrae uitassem
 dom. 590

N . me s ns a . nihil est atque hoc
 scit . u .

EP. Édepol te uocém lubenter, sí superfiát locus.

GE. Quín tum stans opstrússero aliquid strénue. EP.
 Immo unum hóc potest . .

GE. Quíd? EP. Vbi conuiuiae ábierint, tum ut uénias.
 GE. Euax, áttatae.

EP. Vása lautum, nón ad cenam díco. GE. Di te pér-
duint. 595

Quíd ais, Pamphile? PA. Ád cenam [hodie] hercle álio
promissí foras.

GE. Quíd, foras? PA. Foras hercle uero. GE. Quí
malum tibi lassó lubet

Fõris cenare? PA. Vtrúm tu censes? GE. Iúbe domi
cenám coqui

Átque ad illum renúntiari. PA. Sólus cenabó domi?

GE. Nón enim solus: mé uocato. PA. At ille ne sus-
cénseat, 600

Měa qui caussa sump̃tum fecit. GE. Fácile excussarí
potest.

Mihi modo auscultá: domi cenam iúbe coqui. EP. Non
mé quidem

Fáciet auctore, hódie ut illum décipiat. GE. Non tu
hínc abis?

Nísi me non perspícere censes quíd agas. caue sis tú
tibi:

Nam illic homo tuam hereditatem ínhiat, essuriéns lu-
pust. 605

Nón tu scis quamde ádflictentur hómines noctu hic ín
uia?

PA. Tánto pluris quí defendant íre aduorsum iússero.

EP. Nón it, quia tanto ópere suades né [ad me] bitat.
GE. Iúbe domi

Mihi tibiue túaeque uxori céleriter cenám coqui.

Si hercle faxis, nón opinor díces deceptúm fore. 610

PA. Pér hanc tibi cenam incenato, Gélasime, esse hodié
licet.

GE. Íbisne ad cenám foras? PA. Aput frátrem ceno in
próxumo.

GE. Cértumnest? PA. Certum. GE. Édepol te hodie
lápide percussúm uelim.

PA. Nón metuo: per hórtum traibo, nón prodibo in
púplicum.

EP. Quid ais, Gelasime? GE. Óratores tu áccipis: ha-
beás tibi. 615

EP. Tũa pol refert. GE. Ěnimuero si mĕa refert, opera
útere:

Pósce. EP. Edepol tibi opínor etiam uní locum [esse]
cónspicor,

Ųbi adcubes. PA. Sané faciundum cénseo. GE. O lux
óppidi.

EP. Si árte poteris ádcubare. GE. Vél inter cuneos
férreos:

Tántillum loci úbi catellus cúbet, id satis erít mihi. 620

EP. Éxorabo aliquó modo: ueni. GE. Húcine? EP.
Immo in cárcerem.

Nám hic quidem geniúm meliorem túum non facies. ěa-
mus, tu.

PA. Dĕos salutabó modo: poste ad té continuo tránseo.

GE. Quid igitur? EP. Dixi équidem in carcerem íres.
GE. Quin si iússeris,

Ěo quoque ibo. EP. Di inmortales, híc quidem pol sum-
mam ín crucem 625

Céna aut prandió perduci pótis. GE. Ita ingeniúm
meumst:

Quícumuis depúgno multo fácilius quam cúm fame.

EP. Nóui ego: aput me sátis spectatast mihi iam tua ista
fácilitas

* * * * *

Dúm parasitus młhi atque fratri fűisti, rem confrégi-
mus. 630

Núnc ego nolo mi éx Gelasimo fieri te Catagélasimum.

GE. lámne abis tu? [abít profecto.] núnc consilio sáno
opust.

[Ámbo abierunt:] uíde, Gelasime, quíd capturu's cónsili.

* * * * *

Égone? tu ne. míhine? tibi ne. uíden ut annonást gra-
uis? 635

Víden benignitátes hominum ut périere et prothúmiae?

Víden ridiculos níhili fieri atque ípsos parasitárier?

Númquam edepol me uíuom quisquam in díem prospiciet
crástinum:

Nám mihi iam intus pótione iúncea onerabó gulam

Néque ego hoc committam út me esse homines mórtuom
dicánt fame. 640

A C T V S V.

S T I C H V S.

More hóc fit atque stúlte mea senténtia,
 Si quem hómínem expectant ěum solent prouíssere:
 Illá qui caussa hercle ócius nihiló uenit.
 Idem égo nunc facio, quí prouisso Ságarinum:
 Qui níhilo citius uéniet tamen hác grátia. 645
 Iam hercle égo decumbam sólus, si ille huc nón
 uenit.

Cadúm modo hinc a me húc cum uino tránsferam:
 Postídea adcumbam. quási nix tabescít dies.

SAGARINVS. STICHVS.

SA. Saluète Athenae, quae nutrices Graéciae:
 Erílis patria, [sálue: ut] te uideó lubens. 650
 Set amíca mea et consérua quíd agat Stéphanium,
 Curást ut uideam. nám Sticho mandáueram
 Salútem [ei] ut nuntiáret atque ei díceret
 Me hodié uenturum, ut cénam coqueret témpéri.
 Set Stíchus est hic quidem. ST. Fécisti, ere, fa-
 cétias, 655
 Quom hoc dónauisti dóno tuum seruóm Stichum.
 Pro di ínmortales, quót ego uoluptatís fero,
 Quot ríssiones, quót iocos, quot sáuia
 Saltátiones blánditias prothúmias.

SA. Stiche, quid fit? ST. Euge, Ságarine, lepidíssime: 660

Feró conuiuam Díonusum mihique ét tibi.

Namque édepol cena cóctast: locus libér datust

Mihique ét tibi aput uos. nam āput nos est conuuium:

Ibi uóster cenat cum úxore adeo et Ántipho:

Ibidem érus est noster. hóc mihi donó datumst. 665

SA. Quid? sómniastin? ST. Vérum [hercle ego dicó tibi.

SA. Quis ígitur hoc donáuit?] ST. Quid id ad te áttinet?

Volo éluamus hódie peregrina ómnia.

[Relinque: Athenas nunc colamus: sequere me.]

Proin tú lauare própéra. SA. Lautus sum. ST.

Óptume: 670

Sequere érgo hac me intro, [Ságarine.] SA. Ego ueró sequor.

[Pol mi hóc] domum redeúnti principiúm placet:

Bona scaéua strenaque ób uiam occessít mihi.

S T E P H A N I V M.

Mirúm uideri némini uostrúm uolo, spectatóres,

Quid ego hínc quae illi habito [huc] éxeam: faciám uos certióres. 675

Domo dúdum huc arcessíta sum. [nam] quóniam nuntiátumst

Istárum uenturós uiros, ibi féstinamus ómnes:

Lectís sternundis stúduimus mundítiisque adparándis.

Intér illut tam negótium meis curauí amícis

Sticho ét conseruo Ságarino meo céna cocta ut ésset.

Stichus ópsonatust: céterum id curádo [alium] ad-
legáui. 681

Nunc íbo hinc et amicós meos curábo hic adueniéntis.

SAGARINVS. STICHVS. (TIBICEN.)

SA. Ágite ite foras: férte pompam. Stíche, te praefició
cado.

Ómnimodis temptáre certumst nóstrum hodie conuíuium.
Íta me di ament, lépide accipimur, quom hóc recipimur
ín loco. 685

Quí praetereat, cómissatum uólo uocari. ST. Cónuenit,
Dúm quidem hercle cúm suo quisque uéniat uino: nam
hínc quidem

Hódie polluctúra praeter nós iam dabitur némini.

Nósmet inter nós minstremus mónotropi. SA. Hoc con-
uíuium

Pro ópibus nostris sátis commodulumst núcibus fabulis
ficulis 690

Óleae trublió lupillo cónminuto crústulo.

ST. Sátyust seruo hominí modeste fácere sumptum quam
ámpliter.

Sũum quemque decet: quíbus diuitiae dõmi sunt, sca-
phiis cántharis

Bátiacis bibúnt: nos nostro Sámiolo potério

[Sí nunc] bibimus, támen ecficimus pro ópibus nostra
moénia. 695

SA. Sét amica mea et túa dum comit dúmque se exornat,
nós uolo

Lúdere inter nós. strategum té facio huic conuíuió.

ST. Nímium lepide in méntem uenit. SA. Pótiusne in
supséllio

Cúnice accipimur quámde in lectis? ST. Híc enim magis est dúlcus.

SA. Vter amicam utrubi ádcumbamus? ST. Ábi tu sane súperior. 700

Átque adeo ut tu scíre possis, pácto ego tecum hoc díuido:

Víde, utram tibi lubét etiam nunc cápere, cape prouínciam.

SA. Quid istuc est prouínciae [autem]? ST. Vtrúm fontine an Líbero

Ínperium te inhibére mauis? SA. Nímio liquido Líbero. Sét interim, stratége noster, quór hic cessat cántharus? Víde quot cuathos bíbimus. ST. Tot quot dígití tibi sunt ín manu. 706

Cántio Graecást: ἡ πέντ' ἡ τρία πῖν' ἡ μὴ τέτραρα.

SA. Tíbi propino. decumum a fonte tibi tute inde, sí sapis.

Béne uos: bene nos: béne te: bene me: béne nostram etiam Stéphanium.

ST. Lépide hoc actumst. tibi propino cántharum. SA. Vinúm tu habes: 710

Nímis uellem aliquid púlpamenti. ST. Si hórum quae adsunt paénitet,

Níhil est. tene aquam. SA. Mélius dicis: níl moror cuppédia.

Bíbe, tibicen: [bíbe si bibis.] bibúndum hercle hoc est: né nega.

Quíd hic fastidis quód faciundum uídes esse tibi? quín bibis?

Áge siquid agis. áccipe inquam: nám hoc inpendit púplicum. 715

Haú tuum istuc ést uereri te. éripe ex ore tíbías.

ST. Vbi illic biberit, uel seruato meum modum uel [égo] dabo.

Nolo ego nos [hoc] prossum exhibere: nulli rei erimus postea.

Namque edepol quam uis desubito uel cadus uorti potest.

SA. Quid igitur? quamquam grauatus fuisti, non nocuit tamen. 720

Áge tibicen, quando bibisti, refer ad labeas tibias:

Súffla celeritér tibi buccas quási proserpens béstia.

Áge dum, Stiche: uter démutassit, póculo multábitur.

ST. Bõnum ius dicis: ínpetrare opórtet qui aequom póstulat.

SA. Áge ergo opserua: sí peccassis, múltam hic retinebo ilico. 725

ST. Óptimum atque aequíssimum oras. SA. Én tibi hoc primum ómnium.

ST. Haéc facetiást, amare intér se riualís duos,

Vno cantharó potare [et] únun scortum dúcere.

Hóc memorabilést: ego tu sum, tú es ego: unanimi sumus.

Vnam amicam amámus ambo: mécum ubist, tecúmst tamen: 730

Técum ubi autemst, mécum [ea] itidemst: neútri neuter ínuidet.

SA. Ohe,

Iám satis est: nolo óptaedescat: álium ludum núnc uolo.

ST. Bíbe si bibis. SA. Non móra erit aput me. édepol conuiuí sat est:

Módo nostra huc amíca accedat: [si] íd adest, aliut níl abest. 735

ST. Vín amicam huc éuocemus? éa saltabit. SA. Cénseo.

ST. Méa suavis amabilis amoena Stéphanium, ad amorés
tuos

Fòras egredere: sát mihi pulcra's. SA. Át enim [mihi]
pulcérroma.

ST. Fáce nos hilares hílariores ópera atque aduentú tuo.

SA. Péregre aduenientés te expetimus, Stéphaniscidium,
mél meum, 740

Sí amabilitas tíbi placet nostra, ámbo si acceptí sumus.

STÉPHANIVM. STICHVS. SAGARINVS. (TIBICEN.)

STE. Mórigerabor, mēae deliciae: nam ita me Venus
amoéna amet,

Vt ego huc iam dudúm simitu exíssem uobiscúm foras,
Nísi me uobis éxornarem. nam ítast ingenium múliebre:
Béne quom lauta térsa ornata fíctast, infectást tamen: 745
Nímioque sibi múlier meretrix répperit odium ócius
Sua ímunditia, quám in perpetuom ut pláceat munditiá
sua.

STI. Nímium lepide fábulatast. SA. Véneris merast
orátio.

STI. Ságarine. SA. Quid est? STI. Tótus doleo.
SA. Tótus? tanto míserior.

STE. Vtrubi adcumbo? SA. Vtrúbi tu uis? STE. Cum
ambóbus uolo: nam ambós amo.

STI. Vápulat pecúlium: actumst: fúgit hoc libertás caput.

STE. Dáte mi locum ubi adcúmbam, amabo, sí quidem
placeo: nám mihi 752

[Núnc] cum utroque béne esse cupio. STI. Díspero.
quid aís? SA. Quid est?

STI. Íta me di ament, núnquam enim fiet hódie haec
quin saltét tamen.

Áge, mulsa mea suáuitudo, sálta: saltabo égo semul. 755
 SA. Núnquam edepol med ístoc uinces, quín ego ibidem
 prúriam.

STE. Sí quidem mihi saltándumst, iam uos dáte bibat
 tibícini.

STI. Ét quidem nobis. SA. Téne, tibicen, prímum:
 postideá loci,

Sí hoc eduxerís, proinde ut consuétu's antehac, céleriter
 Lépidam et suauem cántionem aliquam óccupito cinaédi-
 cam, 760

Vbi perpruriscámus usque ex únguiculis. inde húc
 aquam.

Tene tu hóc: educe. dúdum hau placuit pótio:

Nunc mínus grauate iam áccipit. tene tu. ínterim,
 Meus óculus, da mihi sáuium, dum illíc bibit.

STE. Prostíbulist autem stántem stanti sáuium 765

Dare amícam amico. STI. Euge, eúge: sic furí datur.

SA. Age, iam ínfla buccas: núnc iam aliquid suáuitér.

Cedo cántionem uéterí pro uinó nouam.

Qui Iónicus aut cinaédicust, qui hoc tále facere póssit?

STI. Si istóc me uorsu uíceris, alió me prouocáto. 770

SA. Face tu hóc modo. STI. Attute hóc modo. SA. Babaé.

STI. Tatae. SA. Papaé. STI. Pax.

SA. Nunc páriter ambo. omnis uoco cinaédos, contra
 [ut sáltent].

Satis ésse nobis nón magis [hoc] pótis est quam fungo
 ímber.

STI. Intro hínc abeamus núnc iam: saltátum satis pro
 uínost. 774

Vos, spéctatores, plaúдите atque íte ád uos comissátum.

METRA HVIVS FABVLAE HAEC SVNT

- V. 1 et 2 trochaici octonarii
- 3 ad 8 compositi ex iambicis dimetris acatalectis et tripodiis
iambicis catalecticis
- 9 ad 17 iambici dimetri acatalecti
- 18 ad 28 systema anapaesticum
- 29 ad 33 anapaestici dimetri acatalecti
- 34 ad 36 systema iambicum
- 37 et 38 systema anapaesticum
- 39 ad 42 anapaestici dimetri acatalecti
- 43 et 44 bacchiaci tetrametri acatalecti
- 45 ad 47 systema anapaesticum
- 48 ad 57 iambici senarii
- 58 ad 154 trochaici septenarii
- 155 ad 273 iambici senarii
- 274 et 275 iambici octonarii
- 276 et 277 trochaici octonarii
- 278 ad 280 iambici octonarii
- 281 trochaicus octonarius
- 282 ad 287 iambici octonarii
- 288 trochaicus septenarius
- 289 et 290 iambici octonarii
- 291 et 292 trochaici octonarii
- 293 trochaicus septenarius
- 294 ad 301 iambici octonarii
- 302 trochaicus octonarius
- 303 ad 305 iambici octonarii
- 306 trochaicus septenarius
- 307 et 308 iambici octonarii
- 309 ad 312 anapaestici octonarii
- 313 ad 318 anapaestici dimetri catalectici
- 319 ad 321 anapaestici dimetri acatalecti
- 322 ad 325 anapaestici dimetri catalectici
- 326 iambicus octonarius
- 327 ad 329 trochaici octonarii
- 330 ad 401 trochaici septenarii
- 402 ad 504 iambici senarii
- 505 ad 640 trochaici septenarii
- 641 ad 673 iambici senarii
- 674 ad 682 iambici septenarii
- 683 ad 761 trochaici septenarii
- 762 ad 768 iambici senarii
- 769 ad 775 iambici septenarii.

Date Due

[illegible]



3 9031 01141675 7

171026

PA6104
P5

171026

Plautus.

Author

Comoediae; ex recogn. Al-

Title

fredi Fleckeiseni: tomus I.

PA6104.

P5

Plautus

BOSTON COLLEGE LIBRARY
UNIVERSITY HEIGHTS
CHESTNUT HILL, MASS.

Books may be kept for two weeks and may be renewed for the same period, unless reserved.

Two cents a day is charged for each book kept overtime.

If you cannot find what you want, ask the Librarian who will be glad to help you.

The borrower is responsible for books drawn on his card and for all fines accruing on the same.

